



সপ্তদশ বর্ষ ।

ময়মনসিংহ, বৈশাখ, ১৩৩৬ ।

তৃতীয় সংখ্যা ।

রামায়ণী যুগের ভাষা

(স্বর্গীয় কেদারনাথ মজুমদার ।)

রামায়ণী যুগের পূর্বে আর্য সমাজে দেবভাষা ও মনুষ্য-ভাষা প্রচলিত ছিল। বেদগুলি হ্রুহ দেবভাষায় রচিত ছিল। এই দেবভাষাও চারি শ্রেণীতে বিভক্ত ছিল। বেদের টীকাকার সায়নাচার্য্য দীর্ঘতম ঋষির মন্ত্র * উক্ত করিয়া দেখাইয়াছেন যে, তৎকালে চারি প্রকারের ভাষা ব্যবহৃত হইত। ইহার তিন প্রকার ভাষা সাধারণের অবোধ্য দেব-ভাষা এবং চতুর্থ প্রচলিত মানুষ-ভাষা। সায়নের এই মন্তব্যের উপর নির্ভর করিয়া যাজ্ঞিকেরা বলেন যে, ত্রিবিধ হ্রুহ ভাষায় বেদ রচিত হইয়াছিল, তাহার প্রথম মন্ত্রের ভাষা, দ্বিতীয় কল্পের ভাষা ও তৃতীয় ব্রাহ্মণের ভাষা। চতুর্থ ভাষা প্রচলিত লৌকিক ভাষা। নৈরুক্তেরা বলেন ঋক্ যজু ও সামের ভাষা পৃথক পৃথক তিন প্রকার, চতুর্থ ভাষা লৌকিক ভাষা। নৈরুক্তেরা যাজ্ঞিক-প্রদর্শিত কল্প ও ব্রাহ্মণকে বেদের অন্তর্ভুক্ত করিয়া বিচার করিয়াছেন।

নিরুক্ত পরিশিষ্ট-ভাষ্যে লিখিত হইয়াছে :—

ব্রাহ্মণা উভয়ীঃ বদন্তী যাচ দেবানাং যাচ মনুষ্যানাং । ১।২
অর্থাৎ ব্রাহ্মণেরা দেবভাষা ও মনুষ্যভাষা উভয় ভাষাতেই
কথোপকথন করিতেন।

এই উক্তি বেদের ব্রাহ্মণভাগ রচিত হইবার সময়ে
প্রযোজ্য। ব্রাহ্মণ রামায়ণের পূর্বে রচিত হইয়াছিল।
কেন না রামায়ণে ব্রাহ্মণের উল্লেখ দৃষ্ট হয়। †

* চারি বাক্ পরিমিতা পদানি তানি বিহু ব্রাহ্মণা যে মনীষিণঃ ।

‡ হাতীণি মেহিতা মেং পরন্তি তুরিয়ং বাচঃ মনুষ্যা বদন্তি । ১।১৩৪। ৪৫

† ত্র্যহোহবমেধ সখ্যাতঃ কল্পত্রেণ ব্রাহ্মণৈঃ ।

চতুস্তোন ম মহত্তম প্রথমং পরিকল্পিতম্ । আদি। ১৪।৪০

রামায়ণের সময় হ্রুহ দেবভাষার প্রচলন উঠিয়া গিয়া
রামায়ণী বিভক্ত ও সহজ সংস্কৃতের প্রচলন হয় এবং এই
বিভক্ত সরল ভাষায় রামায়ণের শ্লোকরচনা হয়। এই সময়
ব্রাহ্মণ ও উচ্চ শ্রেণীর সম্ভ্রান্ত ব্যক্তির বিত্তক সংস্কৃত ও
নাগরিক এবং স্ত্রীলোকেরা মিশ্রভাষায় কথোপকথন করিতেন
আমরা রামায়ণের আলোচনার দ্বারা এই বাক্যের সত্যতা
সপ্রমাণ করিতে চেষ্টা করিব।

আর্য্যাকাণ্ডের ১১শ সর্গে ইন্দ্র-বাতাপি উপাখ্যানে
লিখিত হইয়াছে :—

ধারয়ন্ ব্রাহ্মণং রূপমিষলং সংস্কৃতং বদন্ ।

আমন্ত্রয়তি বিপ্রান্ স শ্রাক্ষুদ্ভিশ্চ নিঘূর্ণঃ ॥

ইন্দ্র ব্রাহ্মণরূপ ধারণপূর্বক সংস্কৃতে কথা বলিয়া
শ্রাক্ষের ছলনা করিয়া ব্রাহ্মণগণকে নিমন্ত্রিত করিত।

তখন অনার্য্যদিগের মধ্যে পৈশাচী ভাষা ব্যবহৃত
হইত। এই পৈশাচী ভাষা অনার্য্যভাষা নামে অভি-
হিত হইত।* এই পৈশাচী বা অনার্য্যভাষার লক্ষণ

*ডাক্তার হুইর তাঁহার Original Sanskrit Texts &c- নামক
গ্রন্থে যে শ্লোক উক্ত করিয়াছেন তাহাতে কোন্ কোন্ স্থান পিশাচ দেশ
অন্তর্গত ছিল তাহা অবগত হওয়া যায়। শ্লোকটি এইরূপ:—

পাণ্ড-কেকয়-বাহ্লীক-সহ-নেপাল-কওলা ।

হৃদেণ ভোটি-গাক্ষার-হৈব-কনোজনা তথা ॥

এতে পিশাচ দেশাঃ হৃদদেশে শুদ্বণ্ডণো ভবেৎ । Vol. 11.

P. 48

Dr. W. W. Hunter বলেন "Paishachi loosely applied to
out-lying Non-Aryan dialects from Nepal to Cape
Comorin—(Indian Empire, P. 337)

যে সকল স্থানে অনার্য্যবসতি ছিল এই উভয় উক্তি সাধারণতঃ
সকল স্থানকে লক্ষ্য করিতেছে।

কি রামায়ণে তাহার আভাস পাওয়া যায় না। সে বাহাই হউক, অনার্যগণের এই পৈশাচী ভাষার ব্যবহার করিলে ইহল অনার্য্য প্রতিপন্ন হইবে এবং অনার্য্য ভাষানিষ্ঠ ব্রাহ্মণেরা তাহার কথার মর্ম্ম বুঝিতে পারিবে না, ইহা চিন্তা করিয়াই সে ব্রাহ্মণ সাজিয়া সংস্কৃত কথা বলিয়া ব্রাহ্মণদিগকে মোহিত ও স্বকাৰ্য্য সাধিত করিত।

অন্ততঃ হনুমান্ অশোকবনে সীতাকে দর্শন করিয়া মনে মনে চিন্তা করিতেছেন “এখন কি ভাষার সীতার সহিত আলাপ করিতে হইবে।” তাঁহার চিন্তা হইল :—

যদি বাচং বদিষ্যামি দ্বিজাতিরিব সংস্কৃতাম্ ।

রাবণং মন্তমানা মাং সীতা ভীতা ভবিষ্যতি ॥ সূন্দরা

৩০।১৮

যদি ব্রাহ্মণের স্থায় সংস্কৃতে কথা বলি, তবে আমাকে নিশ্চয় মারারূপী রাবণ বলিয়া সীতা ভীতা হইবেন। সুতরাং অনেক চিন্তার পর হনুমান্ স্থির করিলেন :—

বাচকোদাহরিষ্যামি মাহুযীমিহ সংস্কৃতাং ॥ সূন্দরা । ৩০।১৭

মাহুযী সংস্কৃতে সীতার সহিত কথোপকথন করিতে হইবে।

উপরি উদ্ধৃত অংশ হইতে পূর্কৌউদ্ধৃত নিরুক্ত-পরিশিষ্ট ভাষ্যের সমর্থন দ্বারা যে আমরা দেবভাষা ও মনুষ্য ভাষার উল্লেখ করিয়া আসিয়াছি, তাহার অস্তিত্ব সুস্পষ্ট সপ্রমাণ হইতেছে। নিরুক্ত-পরিশিষ্ট ভাষ্যে যাহাকে দেবভাষা বলা হইয়াছে রামায়ণে তাহাকেই ব্রাহ্মণকথিত সংস্কৃত ভাষা বলা হইয়াছে। নিরুক্তের মাহুযভাষা রামায়ণেও মাহুযভাষা নামেই পরিচিত রহিয়াছে দেখা যাইতেছে।

এখন এই মাহুয ভাষা কি এবং তাহার প্রকৃতি কিরূপ ছিল, তাহার সম্বন্ধে একটু আলোচনা করা যাউক।

তাঁহার হনুমানকে লাহুলধারী মর্কট বলিয়া কল্পনা করেন তাঁহার। বলিবেন, সীতা বানরের কথা বুঝিতে পারিবেন না বলিয়া হনুমান্ মাহুযের ভাষার কথা বলিতে সংকল্প করিয়াছিল। এইরূপ কল্পনা তাঁহাদের পক্ষে অভ্যস্ত স্বাভাবিক বলিয়া আমরা প্রথমেই নিরুক্ত পরিশিষ্ট ভাষ্যের মত উদ্ধৃত করিয়া দেবভাষার ও মনুষ্যভাষার প্রচলন দেখাইয়া আসিয়াছি।

সাধারণের কথিত ভাষাই মাহুযভাষা। এই মাহুযভাষা ও প্রাকৃত ভাষা এক। অনেক প্রাকৃত ভাষাকে বৌদ্ধ পালি ভাষার সহিত অভিন্ন মনে করেন। কেহ বা মহা-

রাষ্ট্রী শুরসেনী প্রভৃতি ভাষাকে প্রাকৃত বলেন। রামায়ণে মিশ্র ভাষার উল্লেখ আছে। রামায়ণের টীকাকার রামানুজ সংস্কৃত ও প্রাকৃত মিশ্রিত ভাষাকেই সেই মিশ্রভাষা বলিয়া ব্যাখ্যা করিয়াছেন। জর্জন পণ্ডিত বেবার প্রাকৃত ভাষাকে বৈদিক ভাষার সমসাময়িক বলিয়া সিদ্ধান্ত করিয়াছেন।*

মহারাষ্ট্রী ও পালী প্রভৃতি ভাষা যে প্রাকৃত ভাষারই রূপান্তর তাহা বলাই বাহুল্য।

রামের বিস্তারিত সম্বন্ধে অযোধ্যাকাণ্ডের প্রথম সর্গে লিখিত হইয়াছে :—

“শ্রেষ্ঠং শাস্ত্রসমূহেবু প্রাপ্তো ব্যামিশ্রকেষু চ ।” ২৭

অর্থাৎ মিশ্রভাষায় রচিত শ্রেষ্ঠ শাস্ত্রসমূহে তিনি পারদর্শী ছিলেন।

মিশ্র-ভাষায় নাটক বাতীত অত্র কোন শাস্ত্র রচিত হইতে পারে না। কেননা, নাটকে যে প্রকৃতির লোক যে ভাষায় বাক্যালাপ করিয়া থাকে তাহাকে সেই ভাষাতেই কথা বলাইতে হইবে—“রাম প্রাকৃতাদি ভাষা সমন্বিত নাটু শাস্ত্রাদিতে পারদর্শিত্ব লাভ করিয়াছিলেন † আমাদের বিশ্বাস এই মিশ্র ভাষাই আৰ্য্য ভারতে সাধারণ কথিত ভাষা বলিয়া পরিচিত ছিল এবং এই কথিত ভাষাকেই হনুমান্ মাহুয বলিয়া নির্দেশ করিয়াছেন। আৰ্য্যভাষা সম্বন্ধে রামায়ণে অত্র কোনও উল্লেখ দেখা যায় না।

বানর, নাগ, পক্ষী, রাক্ষস প্রভৃতি অনার্য্যজাতি পৈশাচীভাষা ব্যবহার করিত। রাম এই পৈশাচীভাষাও যে শিখা করিয়াছিলেন তাহাও উপযুক্ত শ্লোক হইতে অনুমান করা যাইতে পারে। নতুবা রামের পক্ষে বিরোধ ও শূর্ণনথার সহিত কথোপকথন সম্ভবপর হইত না।

রাবণ উত্তম সংস্কৃত ভাষায় বাক্যালাপ করিতেন। সীতাহরণের পূর্বভাগে তিনি বেদমন্ত্র উচ্চারণ করিয়া সীতার সহিত বাক্যালাপে প্রবৃত্ত হইয়াছিলেন। ‡

লঙ্কায় আৰ্য্য ভারতের মাহুযী ভাষা অপ্রচলিত ছিল, তাই হনুমান্ সীতার সহিত মাহুযী ভাষায় বাক্যালাপ করাই নিরাপদ বলিয়া মনে করিয়াছিলেন।

* “উপাসক সন্দেহ”, দ্বিতীয় ভাগ পরিশিষ্ট।

† ব্যামিশ্রকেষু—প্রাকৃতাদি ভাষা মিশ্রিত নাটকাদীষু। রামানুজ।
ব্যামিশ্রকেষু—অর্থে প্রাকৃতের সহিত ভারতবর্ষের সকল ভাষাই গণনা করা যাইতে পারে।

‡ আরণ্য কাণ্ড ১৩ সর্গ ১৪ শ্লোক।

অভিশপ্ত

চতুর্দশ পরিচ্ছেদ।

(শ্রীসুরেন্দ্রলাল সেন, বিদ্যাবিনোদ, সাহিত্যরত্ন ।)

বাদলার দিন,—অবিশ্রান্ত বর্ষণের পর, আকাশে,—
মেঘের ফাঁকে,—সূর্য্যদেব আশ্রয়প্রকাশ করিয়াছিল। কাল
মেঘের পার্শ্বে, সাদা মেঘগুলি ভাসিয়া ভাসিয়া,—নীল
আকাশের স্নান-বিষয়-ছবিখানিকে যেন অনেকটা উজ্জলতর
করিয়া ফুটাইয়া তুলিয়াছিল। এমনি সময়ে, একটি সুসজ্জিত
ছোট কামরার একপার্শ্বে, জানালার-সম্মুখে, দৌলতয়েছা
একাকী উপবেশন করিয়াছিল। জানালার উপর পাতলা
সবুজ রঙের একখানা পর্দা ঝুলিতেছিল, পর্দার একপার্শ্বে,
মুখ বাহির করিয়া, দৌলতয়েছা আকাশের দিকে দৃষ্টি নিবদ্ধ
করিয়া চাহিয়াছিল।

আকাশ যদিও, প্রতিদিনের মত, তেমনি নীল, বিপুল,
দেখাইতেছিল, কিন্তু সেই দৃশ্য, তাহার মনকে, পূর্ব্বের স্মরণ
স্বপ্ন করিতে পারিতেছিল না। সমস্ত আকাশ যেন, সাহা-
জাদার অন্তরের মতই, ভাবান্তরের কুরতায়, লীন হইয়া
গিয়াছিল। ইদানীং তাহার মনে হইতেছিল,—বিশাল
সুনীল আকাশার্কে যেন, ভাঙ্গা দালানের ছাদের মতই,
তাহার মস্তক পতিত হইয়াছে,—যাহার রুদ্ধ চাপে সে যেন
দলিত ও আহত হইয়া, আড়ষ্ট অভিভূতবৎ জড়ত্ব প্রাপ্ত
হইয়াছে! তাহার বাহিরটা যদিও রুদ্ধ-স্রোত-নদী-বক্ষের
মতই স্থির দেখাইতেছিল, কিন্তু বুকের ভিতর একটা প্রবল
হাহাকার, হৃদ-যন্ত্রের পতন উত্থানের সহিত, অরুণ্ড
যন্ত্রণার তালে বাজিতেছিল।

দৌলতয়েছা বিধির বয়স পঞ্চদশের অধিক না হইলেও,
সে যে বয়সের অনুপাতে, অনেকটা অধিক অভিজ্ঞতা সঞ্চয়
করিয়াছিল,—তাহার গাভীর্যপূর্ণ মুখমণ্ডলেই প্রতীত হইতে-
ছিল। তাহার স্নিগ্ধ-গোলাপী-রঙের-দেহে, একটা মনোরম
মাধুর্য্যের প্রলেপ মাখান ছিল। সে তাহার স্মৃতা-ক্ষীণ-দেহ
বল্লরী লইয়া যেখানেই উপস্থিত হইত, সেখানেই কেমন
এক শান্ত সৌন্দর্য্যের সৃষ্টি করিয়া, সকলেরই চিত্তাকর্ষণ
করিতে সক্ষম হইত! তাহার বেশভূষায় ইদানীং কোনই
পারিপাঠ্য ছিল না,—মুখের চির উজ্জল হাসিটুকু যেন স্নান

হইয়া গিয়াছিল! চোখের কোণে, অশ্রু-বিন্দু ও অভিমানের
একটা অসীম ধন্দ, সর্ব্বদাই, আশ্রয়প্রার্থী লাভ করিতে
প্রয়াস পাইতেছিল! যিনি তাহাকে এই অশান্তিময় জীবন
সমস্তার মাঝখানে আনিয়া ফেলিয়াছিল, তাঁহার প্রতি একটা
হৃর্জয় অভিমানের উৎস আশ্রয়প্রসারণ করিয়া, নয়নের তপ্ত
অশ্রুধারাকে, রুদ্ধ করিয়া রাখিয়াছিল!

দৌলতয়েছা বিবি—নবাব সাহেবের দূর সম্পর্কিত
ব্রাতৃপুত্রী। অতি শৈশবেই পিতৃমাতৃহীন হইয়াছিল। ব্রাতা,
ভগ্নী, আশ্রয় বসিতে সংসারে তাহার কেহই ছিল না।
এই নিঃসহায় বালিকা, বাদসার সংসারে অধিষ্ঠিত হইয়া,
খোদ বেগম সাহেবের মাতৃ স্নেহ-ধারায়, স্বীয় চিত্তকে
অভিসিদ্ধিত করিয়া লইয়াছিল! বেগম লুৎফয়েছা, প্রথম
দর্শনেই, স্বর্গের কুসুম সদৃশ, সাদা হস্ত বিকশিতা নয়নান-
বর্ধক অনাথা শিশুটিকে ভালবাসিয়াছিল! তাঁহার ব্যবহারে
মনে হইত, তিনি যেন, খোদার আদেশে, অজ্ঞাত কোন
স্বপ্নরাজ্য হইতে অবতীর্ণা হইয়া, অমৃতের উৎস লইয়াই,
বালিকার অনাদৃত ও ষাতপ্রতিঘাত পূর্ণ, প্রচ্ছন্ন উষ্মগভরা
অস্তরে, অসীম পুলক-স্পন্দন প্রবাহিত করাইয়া দিয়াছিলেন!

শৈশবকাল হইতেই দৌলতয়েছা সাহাজাদার সহিত
একত্র খেলাধুলা করিয়া কাটাইয়াছিল! ক্রমে যৌবনে
পদার্পণ করিবার সঙ্গে সঙ্গেই, এক অজ্ঞাত ভাব প্রবণতার
ফলে, উভয়েই উভয়ের প্রতি, চুম্বকের স্মরণ আকৃষ্ট হইল!
দৌলতয়েছার অবাধ-স্বচ্ছন্দভাব, আন্তরিকতাময় আচরণ,
কুষ্ঠাসূত্র—নির্ম্মল প্রীতিপূর্ণ সহৃদয়তা, সাহাজাদার অস্তরকে
অভিভূত করিয়া ফেলিয়াছিল! ক্রমে তাহাদের অস্তরের
ভিতরকার উত্তাল শোণিত স্রোত, এতই উচ্চম ভাবে নৃত্য
করিতে লাগিল যে, তাহারি গতিবেগে, তাহাদের অস্তরের
সমস্ত সঙ্কোচের বাঁধ ছিন্ন হইয়া গেল। সাহাজাদা, দৌলত-
য়েছাকে জীবন সঙ্গিনী করিয়া লইবার সংকল্প, নিতান্ত সহজ-
ভাবে ব্যক্ত করিতে কুষ্ঠাবোধ করিল না! যাহাকে জীবনের
অরুণ প্রভাত হইতে আরম্ভ করিয়া, যৌবন পথে টানিয়া
লইয়াছিল, তাহাকে জীবনের সাম্রাজ্য পর্য্যন্ত স্নেহ ভালবাসার
প্রচুরতায় অভিষিক্ত করিতে সাহাজাদা ব্যস্ত হইয়া পড়িল।
দৌলতয়েছা শান্ত, সংযত, সর্ব্বসহা ধরিজীর মত ধৈর্য্যতার
সহিত অটল মূর্ত্তিতে চলিতে চেষ্টা করিলেও, সাহাজাদার

জানিয়ে ছিলেন, মতিয়াকে আমি গ্রহণ কতে চাইলে,— তোমাকে তিনি সৎপাত্রে অর্পণ করে, তোমাকে সুখী কতে চেষ্টা করবেন। পাত্র তিনি নাকি এক রকম ঠিকই করে রেখেছেন।”


দৌলতয়েছা উত্তেজিত কণ্ঠে বলিল “তুমি কি মত প্রকাশ করেছ—আমাকে জানাবে কি? আমার নিকট কিছুই গোপন করো না এই আমার অনুরোধ।”

সাহাজাদা বিনম্র কণ্ঠে বলিল “কোন কিছুই গোপন করবনা তোমার নিকট, আমি মতিয়াকে গ্রহণ করার সপক্ষে মত দিয়েছি! মতিয়া যদি স্বইচ্ছায় বিবাহে মত দেয় তবে আমার মনে হয় হোসেন আলীর সঙ্গেই তোমার বিয়ে হবে। হোসেনআলী যেমন সুশ্রী, তেমনি সুপণ্ডিত, এমন ভাল ছেলে আমাদের এ অঞ্চলে আর নেই বলেই হয়। দৌলত! অতীতের সব ভুলে যাও। নূতন ভাবে, আবার জীবন পত্তন করে, সুখী হও, এই আমার একান্ত অনুরোধ। বাবা ভয়ানক জিদ্দী লোক, এ বিষয়ে তিনি অনেকটা অগ্রসর হয়েছেন, তাঁর সংকল্প কার্যে পরিণত করাবেনই, কোন কিছুতেই কিছু আটকাতে পারবেনা। তুমি আনাকে ভুলে—”

কথায় বাধা দিয়া দৌলতয়েছা দৃঢ় স্বরে বলিল “তোমাকে ভুলে অপরকে আপন করে নিতে উপদেশ দিচ্ছ? তুমি পুরুষ, এ কথা তোমাদেরই মাজে, তুমি যদি আমার অন্তরের তিতরটার মাজা নিতে পারতে, কত বড় আশ্চর্য বুলে জালিয়ে পুড়ে মরছি, তা যদি অনুভব কতে চাইতে, তবে এমনিভাবে আমাকে পারে ঠেলে দিতে চাইতে না। তোমার অন্তর যে এত কঠিন, তা’ত এখন ও ধারণা কতে পাচ্ছি না, তবে মনে রেখো, তুমি মত দিলেই যে আমার সে ভাবে চলতে হবে, এমন কোন নিয়ম নেই। তুমি মতিয়াকে গ্রহণ কর, তুমি মতিয়ার হও, কোন বাধা দিবনা, বাধা দিবার শক্তিও আমার নেই। তবে আমি তোমা ছাড়া আর কারোই হতে পারি না, বা হবনা, এটা তুমি বেশ জেনে রেখো। তুমি আমার ছিলে,—এখনও আছ,—যতদিন বেচে থাকব, ততদিন তুমি আমারই থাকবে। তুমি আপনাকে ইচ্ছামত বিলিয়ে দিতে পার,—কিন্তু প্রকৃত স্ত্রী, কোন দিনই,—এমনি করে ভালবাসাকে বাচাই কতে পারে না। আমার জীবনের যা কামা, যা প্রিয়,—সকলই তোমার চরণে অর্পণ করেছি,

ফিরিয়ে নেবার অধিকার ত আমার নেই! যদি এ বিষয়ে কেহ বল প্রয়োগ কতে চায়,—আমাকে অপরের হস্তে জোর করে বিলিয়ে দিতে চায়,—তবে মনে রেখো, দৌলত! সেদিন পৃথিবী ছেড়ে যেতে বিলুমাত্র কুণ্ডা বোধ করবনা! সংসারের লীলা সাজ করে,—পরলোক বলে যদি কিছু থাকে,—সেখানে গিয়েও তোমার ধ্যান করবু,—উদ্গ্রীব আগ্রহে তোমার অপেক্ষা করব,—এতে বাধা দিবার ত কেউ থাকবে না! প্রিয়তম! তুমি মনে রেখো,—খোদা বলে যদি কেউ থাকেন,—তবে এই মাতৃ পিতৃহীন অনাথার আকুল-আহ্বান একদিন তিনি শুনবেনই—। তিনি তাঁর নিরপেক্ষ বিচার আসনে বসে, দেখিয়ে দিবেন, তুমি আমারি জীবন দেবতা তুমি আমারি সর্বস্ব—।” দৌলতয়েছার আর বাক্যফুরণ হইল না,—কণ্ঠ যেন রোধ হইয়া আসিল। সে বস্ত্রাঞ্চলে নয়ন যুগল আবৃত করিয়া অনেকক্ষণ ধরিয়া ফোঁফাইয়া ফোঁফাইয়া কাঁদিল। শেষে উন্মত্তের স্থায়—খলিত চরণে স্বীয় শয়ন কক্ষের শয্যায় আশ্রয় লইয়া, রুদ্ধ অশ্রু-প্রবাহ মুক্ত করিয়া দিল। তাহার সেই ক্রন্দন উচ্ছ্বাস, কতটুকুন মর্ম্মস্পর্শী ও অসহনীয়,—সাহাজাদা তাহার কোন হিসাব করিতে সমর্থ হইয়াছিল কিনা,—কে বলিতে পারে?

(ক্রমশঃ)



কাশীরাম দাস ও এইরূপই বলিয়াছেন—

“শ্রুতমাত্র কহি আমি রচিয়া পয়ার ।”

ত্রিলোচন চক্রবর্তী ও বলিয়াছেন—

সেই কথা কহি আমি পয়ারের ছলে

মোর নিবেদন শুন পণ্ডিত সকলে ॥

ভাষা ছন্দে কহি নাহি সমস্কার জানে ।

শুদ্ধাশুদ্ধ থাকে যদি করিবা শোধনে ॥”

সকলেরই একই কথা । কেহই সংস্কৃতজ্ঞতার দাবী করেন নাই । সকলেই লোক মুখে শুনিয়া “পয়ার” “পাঁচালী” বা “ভাষা-ছন্দে” রচনা করিয়াছেন । এই “লোক মুখে শুনিয়া” বা “শ্রুতমাত্র” বলিতে কথক ঠাকুরের বক্তৃতাও হইতে পারে, অন্তর্কৃত পাঁচালী শ্রবণও হইতে পারে, অন্তর্কৃত পাঁচালী শ্রবণই অধিকতর সঙ্গত বলিয়া বোধ হয় । কেননা, যেসকল ভনিতা আমরা ত্রিলোচন ও কাশীদাসে পাইয়াছি, ঠিক সেইরূপ ভনিতাই সঞ্জয়েও আছে ।

সঞ্জয় লিখিয়াছেন—

১ । মহাভারতের কথা অমৃত সমান ।

সঞ্জয় কহিল তাহা শুনে পুণ্যবান্ । বনপর্ক

২ । মহাভারতের কথা অমৃত সমান !

সঞ্জয় পয়ার কহে শুনে পুণ্যবান্ ॥ ঐ

৩ । মহাভারতের কথা অমৃত লহরী ।

সঞ্জয় কহিল তাহা ভব ভয় তরি ।

৪ । মহাভারতের কথা পীষুষের ধার ।

বিরাট পর্কেতে কহে সঞ্জয় পয়ার ॥

বিরাট পর্ক

৫ । গোবিন্দ চরণে মন, সঞ্জয়ের বিরচণ,

বন পর্কে ব্যাসের কাহিনী ॥

এই সকল ভনিতার সঙ্গে ত্রিলোচনের—

(১) দ্বিজ ত্রিলোচন কহে বলিয়া শ্রীহরি ।

শ্রবণে ভারত কথা হোল ভবতরি ॥

(২) মহাভারতের কথা অমৃত সমান ।

কাশীরাম দাস কহে শুনে পুণ্যবান্ ।

প্রভৃতি পাঠ করিলে, ইহা স্পষ্ট বুঝা যায়,—এ তিনজনই একটি ভাণ্ডার হইতে এই ভনিতাগুলি আত্মসাৎ করিয়া

লইয়াছেন । সে ভাণ্ডার যে, কোন পুরাতন পাঁচালী, তাহাতে সন্দেহ নাই । সঞ্জয়, ত্রিলোচন, বা কাশীদাস, কেহই “সংস্কৃতানভিজ্ঞের অনধিগম্য মহাভারতরূপ মহা-ভাণ্ডার” লোকের নিকট উন্মুক্ত করেন নাই । তাহারা সকলেই এক পুরাতন ভাণ্ডারের দরজা খোলা পাইয়া আপন ইচ্ছা ও রুচিমত শগিরত্ব কোচড়ে পুরিয়াছেন ।

কাশীরাম দাস,— বর্ধমান জেলার । ত্রিলোচন চক্রবর্তী টাঙ্গাইল মহুয়ার । সঞ্জয়ের নিবাস কোথায় ছিল, এখনও নিঃসংশয়ে নির্ণীত হয় নাই । বিরাট পর্কের সমাপ্তি স্থলে সঞ্জয় লিখিয়াছেন—

“দ্বিজকুলে উপজিল পূর্বদেশে জাত ।

ভারত পাঞ্চালী কহিল লোকের সাক্ষাত ॥”

ইহা হইতে জানা যাইতেছে, সঞ্জয় ব্রাহ্মণ ছিলেন এবং তাঁহার নিবাস “পূর্বদেশে” ছিল । রাঢ়ের লোকে, পয়ার পূর্ব সমস্ত স্থানকেই পূর্বদেশ বলে । এ পূর্বদেশ, পদ্মা হইতে আরম্ভ করিয়া শ্রীহট্ট পর্য্যন্ত । কাজেই সঞ্জয়ের নিবাস কোন্ গ্রামে বা কোন্ পরগণায় ছিল, নিঃসংশয়ে বলিতে পারা যাইতেছে না । তবে এই পর্য্যন্ত বলা যাইতে পারে, পদ্মা হইতে পূর্বদিকে শ্রীহট্ট পর্য্যন্ত স্থানের মধ্যে কোন গ্রামে তাঁহার নিবাস ছিল ।

কামাখ্যার কোমার্য

(শ্রীসুধাংশুভূষণ রায়)

ধরণীর বুকে সে ছিল এক জ্যোৎস্না প্লাবিত রাত্রি ।
পাশাপাশি ছইখানা আরাম কেদারায় হেলান দিয়া স্বপ্নাহতের
মত বসিয়াছিলাম কামাখ্যা আর আমি । অদূরেই একটা
ঘাসবনের উপর চন্দ্রকিরণের ঢেউ বহিয়া যাইতেছিল ।
অপরের দৃষ্টিটা সেইদিকে আবদ্ধ করিবার চেষ্টা করিয়া
বলিলাম দেখ অজয়, জ্যোৎস্নাধারার সমুজ্জল হয়ে এক
একটা শিশির কনিকা কিরকম সোণালী হয়ে উঠেছে ।
হায় ! কোন কল্পলোকের রূপপরিদের মিলন অশ্রু এরা
কে জানে !”

কি একটা মুগ্ধ আবেশে কামাখ্যা তখন একেবারে
তন্দ্রামগ্ন হইয়া পড়িয়াছিল ; কথাটার জবাব স্বরূপ সে
সোজা হইয়া উঠিয়া বসিল । নিজ দ্বিগু দৃষ্টি সেই শিশির-
স্নাত ঘাসবনটার উপর প্রসারিত করিয়া দিয়া সে সংক্ষেপে

কামাখ্যার মতো তুমি আশ্চর্য হবে এমনি একটা স্কুল
কোমারী মিত্রের স্মৃতি চিরদিনের জন্মগোঁথে আছে
আমার স্মরণে—আর তাই হয়েছে আমার কুমার জীবনের
স্বপ্ন শিকড়।”

কথা শুনিয়া গা আমার পুলক বিনয়ে বোম্বাঙ্কিত
হইয়া উঠিল। এমনি একটা জ্যোৎস্না বিধৌত রাত্রির
স্মৃতি চিরদিনের জন্মগোঁথে আছে অজন্মের জন্মে,—আর
তাঁই হইয়াছে তার কুমার জীবনের মূল শিকড়! ব্যাপারটা
আমাকে কম বিস্মিত করিয়া দেব নাই। এতদিনের
প্রচণ্ড প্রসংগে কামাখ্যার জীবনে যে কুমারত্বের
কেশম তেজু খুঁজিয়া বাহির করিতে পারি নাই, তবে কি
এ তাঁই! মিনতিমাখা দৃষ্টিটা তাহার দিকে মেলিয়া দিয়া
বলিলাম “এমনি একটা রজনীট যদি তোমার কুমার
জীবনের মন্ত্র নির্দেশ করে থাকে, আজকে এই শুভ
মহোৎসবে বলবে সেটা আমার কাছে?—তুমিত আন সে
কতদূর উপভোগ্য হবে!

জীবনময় মন্ত্র।

মিনিট দুই তিন কামাখ্যার দিক হঠতে কোন
উত্তর পাওয়া গেল না। অশান্ত বিহ্বল চোখটটা সেই
বাসনটার দিকে নিবদ্ধ রাখিয়া নিজের সাথে সে কি
বোঝাপড়া করিতেছিল কে জানে! তারপর কতকটা
আনমনেই যেন বলিলাম উঠিল “আমার কুমারত্বের
ইতিহাস শুধুকার জন্ম তোমার মত কৌতূহলের কোন মূল্য
আমি এতদিন দিইনি, কিন্তু আজ আর চূপ করে এড়িয়ে
বাবার ক্ষমতা আমার নেই। এতদিন যে সত্য কাহিনীকে
আমার শুই অস্তঃকৃত্যে সুনিবিড় করে শুয়ে রেখেছিলুম
আজ তা প্রকাশ পাবার পুলকে আপনি বের হয়ে আসছে।

কতক্ষণের জন্ম কারও মুখে কথা ফুটিল না। চরিত
কামাখ্যার দিক হঠতে এমনি একটা ক্ষুদ্র নীরবতার ধূবই
প্রয়োগন ছিল। কি একটা গুপ্তিত বেদনার তার
মুখ কপে:কর জন্ম ক্যাকাসে হইয়া গিয়াছিল, তারপর
কতকটা মুহু হইয়াই সে তার কুমারত্বের ইতিহাস
বলিতে আরম্ভ করিল।—আর চোখে মুখে একটা অনিবার্য
কৌতূহলের ভাব মিয়া আমি তাহাই শুনিতে লাগিলাম।—

তার নাম ছিল মাধুলী; আর সে ছিল ঠিক মাধুলী
প্রতিবৃষ্টি। কল্লোলকের লম্বল লাবণ্য ফুটে উঠেছিল তার
ভিতর। স্পষ্ট কথাই ফুল রাণীর কথা জানে সবাই কি
কেউ তাকে চোখে দেখতে পারনি—এ যেন ছিল ঠিক তাই।
অজ্ঞতার ঘরে প্রদীপের আলোর মত করে পড়ত তার রূপ,
দর্শকের স্তম্ভ আপ্ত করে করে যেত জ্যোৎস্না ধারার মত
তার দীপ্ত মধুর হাসি।

পাশের বাড়ী। সেও আসত, আমিও যেতুম।—
ছোটবেলা পেকে এমনি তার। আমার সাথে বসে না
পড়লে তার পড়া শিখা হতোনা; তার মৃতন বইয়ে বড়
বড় অক্ষরে নামটা লিখে দেবার অধিকার ছিল শুধু আমারই
একচেঁটা।—যেলা মেলাটা ছিল এমনি মধুর এমনি কীংক।

তোমবেলা টেঁ ফুল তোলবার জন্ম সে আমাকে ডেকে
নিরে যেত—ঘোষের সেট বাগান বাড়ীর দিকে। এক
ভাতে ফুল গাছের শাখাটা আমি হুইয়ে ধবতুম, আর সে
সাবি ভরে ফুল তুলত। নীতের দিনের কুর কুর নাভাসে
তোমবেলা যখন গা কাটা দিয়া উঠত, তখনও আমাদের
এ ফুল কুড়ানোর বাতায় কোন দিন ঘটেনি—কাজটা
ছিল এমনি সাধের, এমনি মধুর।

এসব হল ছোটবেলার কথা। তারপর কোনদিন
কৈশোরের কবল মুক্ত হয়ে যৌবনে পদার্পণ করেছিলুম তা
টেরও পাইনি।

রিপণ কলেজে বি. এ পড়ছিলাম, আর মাধু তার
পিতার অভিপ্রায় মত কলেজের উচ্চশিক্ষার অগ্রসর না হয়ে
বাড়ীতে বখাস্তব পড়াশুনা চালাচ্ছিল। আধুনিক শিক্ষা
সবকে তার বাবা উমাচরণ বাবুর সংস্কার এই ছিল যে
মেরেরা ফুল কলেজের তথা কথিত উচ্চ শিক্ষার অগ্রসর
হলে উচ্ছ্বল হয়ে যায়। অভিজ্ঞাবকের পক্ষে তখন আর
তাহাদিগকে নিজ মনোনীত মঙ্গলকর পথে চালানো সম্ভবপর
হইয়া উঠে না, বিবাহ প্রকৃতি ব্যাপারেও তাহার। দেশের
চিরন্তন সমাজ ধর্ম মেনে চলতে চায় না, ইত্যাদি, ইত্যাদি।

উমানাথ বাবু ছিলেন গোঁড়া হিন্দু। তার উপর তার
বৃদ্ধা মাতাঠাকুরাণী বর্তমান ছিলেন। কাজেই মাধুর সবকে
এমনি একটা ব্যবস্থা যে হবে আমরা জানতুম। মাধুর

স্বরেই বললুম “তুমি বোধ হয় জান না মাধু, তোমার সাথে আলাপ আলোচনা করবার আর কোন সুযোগ যাবার আগে আমার ঘটে উঠবে না। কাজেই বলছি আমার কাছে ব্যক্ত করবার যদি তোমার কিছু থেকে থাকে তবে সেটা এখনই বলতে হবে। এইবার মাধুরী আর চুপ করে থাকতে পারলেন না। ব্যথিত স্বরে ভাঙ্গা ভাঙ্গা কথায় বলল “তোমার কাছে বলবার আমার সত্যি কিছু নাই, মন যে আমার কি চায়, আর কাকে আশ্রয় করে তার বিকাশ পেতে চায় তা তুমি বেশ ভাল করেই জান। আমার ভয় হচ্ছে তুমি চলে গেলে চারিদিকের প্রতিকূল আবহাওয়ার ভিতর কি টিকে থাকতে পারব!” মাধুরী অভিভাবকেরা কিছুদিন থেকে তার বিবাহের বন্দোবস্ত করতে লেগে গিয়েছিল, শুনেছিলুম কোন এক কুলীন বর দেখে বিবাহ কাজটা সম্পন্ন হবে। সেই সত্যি অভিপ্রায়টা লক্ষ্য করেই মাধুরী কথা কয়টা বলল।

মিনিট পাঁচ কারও মুখ দিয়ে কথা ফুটল না। মাধুরী জানমনে ওই জানালার দিকে চেয়ে থেকে কি ভাবছিল সেই জানে। তবে আমার মন এই চিন্তার রেশটাই আপনার ভাল বলে যাচ্ছিল যে সমাজের বুকে আজও আমরা কুসংস্কারের হাতেরই ক্রীড়া পুতুল। মেয়ে শিক্ষিতা হয়েছে, রূপ লাভ্য তার যোগাটা আর নেই কোথায়, তাকে তার নিজ মনোনীত বরে বিয়ে দিয়ে তার নারীত্বের বিকাশের সুযোগ ঘটবে দিবে, তা না, কোথায় শিক্ষিত অশিক্ষিত, বৃদ্ধ প্রৌঢ়, গণ্ডমূৰ্খ কুলীন সম্ভান রয়েছে তার চাতে মেয়ে সমর্পণ করে পরকালের জন্ত পুণ্য সঞ্চয় করতে হবে। শুনেছিলুম তার দিদিমার ইচ্ছাই ছিল পদম কামনা। আর তার বাপ,—তারও ইচ্ছাটা এমনি বটে। বেশ বুঝছিলুম আমার বিত্তার জোর তাদের সে কামনার দিকটা পূরণ করে উঠতে পারবে না। তারপর আমার স্নেহদেশে যাওয়ার সঙ্কল্পটাও নাকি তাদের রোষদৃষ্টির কারণ হয়েছিল। মনের আশ্রয় চাপতে গিয়ে আপনি বের হয়ে এল একটা দীর্ঘ নিঃশ্বাস।

এতক্ষণে মাধুরী যাবার জন্ত উঠ পড়েছিল। আমার দিকে পাছ ফিরে দাঁড়িয়ে সংক্ষেপে বলল “আমি তাহলে

যাই।” আঁচল দিয়ে চোখ মুছে ছুটে চলছিল সে। বিধা সঙ্কোচের বাধ অনেকটা কেঁটে নিয়ে তুমি বসলুম যাবার আগে একথাই বলে যাব মাধু, তোমার স্বপ্নের উপর নির্ভর করেই আমি আজ যাচ্ছি। আশা আছে বছর দুই পরে ফিরে এসে তোমার আমি যা করে হোক আমার করে নিব।”

মাধুরী চলে গেল। চুপ করে বসে থেকে কেবলই ভাবতে লাগলুম এই যে একটা হৃৎসহ ভার মাধুর উপর দিয়ে গেলুম তাকি ও সমস্ত প্রতিকূল অবস্থার সাথে যুদ্ধ করে রক্ষা করতে পারবে? অভিভাবকেরা কুলীন বর দেখে মাধুর বিয়ে ঠিক করে বসবে, সেখানে কি ওর নিজের অভিক্রটি ও পামথেরালীর কোন মূল্য থাকবে!—

* * * * *

পরের কথা। সাগর পারের বিলেত রাজ্যটার বছর দুই বাস্তবায় করে, বারিষ্টারী খেতাব বহন করে যখন এই কামাখ্যা চৌধুরী বাড়ীর ধন বাড়ীতে ফিরে এল, তখন ওদিকে যা হবার তা হয়ে গেছে। সংকীর্ণ খবর যা পাওয়া গেল তা এই—আমি যাবার বছর খানেক পরে একজন ৫০ বৎসরের দ্বিতীয় বর কুলীনের সাথে মাধুরীর বিয়ে হয়ে গেছে। ব্যাপারটা এমনি পুরাণো হয়ে পড়েছিল যে সে সংক্ষেপে জানানোর মত এতটুকু আগ্রহ কারও ছিল না।

মাধুরীর দিকে আমার অসুরাগের কথাটা ভাবতে আর ইচ্ছা হচ্ছিল না। বেশ বুঝে নিলুম শেষ পর্যন্ত আমার দিকে মাধুরীর আকর্ষণ টেকসই হয় নি, বিয়ে হবার মধ্যে তার ইচ্ছাটাই হল বড় কারণ। একজন শিক্ষিতা, বুঝাশুনা মেয়ে সে, বাপমার দিকে বতটুকু গোড়ামীই থাক না কেন তার সন্ততির আশ্রয় না পেয়ে কি আর কিছু হতে পারে?—তবে বরের বরস আশিকাটা আমার কাছে সমস্তাই রয়ে গেল।—বাড়ীতে আমার বিয়ের পাত্রী দেখার কিসব কল কোলাহল চলছিল। মনে মনে আরাম নিঃশ্বাস ভাগ করে বললুম ভালই হল যে মাধুরীর কার্যের প্রতিশোধ নেবার মত একটা সুযোগ ঘটে যাবার উপক্রম হয়েছে।

পাঠকগণের কবির রচিত কাব্য পাঠের কোতুলক চরিতার্থের অন্ত নল বাসনা হইতে কিয়দংশ উদ্ধৃত করিলাম তাহা পাঠেই কবির প্রতিভার পরিচয় পাইবেন গ্রাহ্য প্রায়ক্কে লিখিরাছেন :—

হংসের প্রতি।

“কি করিলে, হংসরাজ, নরেন্দ্র কাহিনী !
বসিলে কি সুখা-ধারা শ্রবণ বিবরে !
উচাটন মনঃ প্রাণ, অবশ এদেহ
শ্রেমরসে ; কাঁপিতেছে হৃদয় হৃদয় করি ।
আঁকিলে হৃদয়-পটে, চিরকাল তরে
সে মধুর শাস্ত মূর্তি ; কেমনে ভুলিব
সে রূপ মাধুরী ! যাচা রাঝিছে হৃদয়ে,
বিতরিবে অমুপম উজল কিরণ,—
শারদ কৌমুদী যথা সরসী-উরসে ।
চির চিন্তা, চির ধাম, হইল আমার
সে চাক মোহন রূপ ! ইষ্ট মন্থ সম
অপিব সে মধু মাথা—সুকোমল নাম ।
হৃদয় কানন মাঝে, ধীরে ধীরে বহি
শ্রেমানিল, অলঙ্কিতে ফুটাইল আজি
মানস কুমুদরাশি ; কে পারিবে বল
রাখিতে নিষ্কণ্টে ইহা ; হংস কুলপতি !
ভানু-প্রেমে ভানুপ্রিয়া নলিনী সুন্দরী
যে বিমল-সুখ (আহা) লভয়ে মনেতে
পারে কি গোপনে তাহা রাখিতে কখন !
অমনি সে খুলি দেয় হৃদয়ের দার ।
বাহিরের চাক দৃশ্যে, বন্ধু জনে মম
নেত্র আর নাহি চায় ; বাঞ্ছিত কেবল
হোরিতে সেচাক রূপ অকিঞ্চ হৃদয়ে ।
লজ্জাধীন কুলবালা, পারিব কেমনে
প্রকাশিতে মুক্তভাবে, হৃদয়ের ভাব ?
জানিবা কি পাপে হার ! পৃথিবী ভিতরে
লুপ্তিলেন বিশ্বপতি কাহিনীর কুল ;
কাহিনীর বহুসম কাহিনী হৃদয়,

সহসা অলিত হর, পর জন আশে—
পরের লাগিয়ে মরে, পরাধীন প্রাণ,
চিরদিন ; মনঃ কথা পারেনা কহিতে
পরজনে মরে যদি লজ্জার কারণ
শতাধিক হেন লাভে ; প্রেমের অধিক
কিবা আছে প্রিয়তম এতব মণ্ডলে ?
প্রাণ দ্বিগে রাখি যারে ; লোকলজ্জা ছার
তার তরে আচ্ছাদিব সেদ্বিবা আলোক ?
কে পারিবে হেন কাষ ? কে পারে ঢাকিতে
বসনে অনলরাশি, পোড়াইতে দেহ ?”

এই কাব্যে ৭টি অধ্যায় আছে নিম্নে তাহা উদ্ধৃত করিলাম। প্রত্যেক অধ্যায়ের কবিতাই অতি মধুর তাব সম্পন্ন, এবং ললিত পদাবলীতে পরিপূর্ণ।

প্রথম অধ্যায় “হংসের প্রতি।” দ্বিতীয় অধ্যায় “নিজাভয়ের পর।” তৃতীয় অধ্যায় “মননের প্রতি।” চতুর্থ অধ্যায় “শ্রে মন্দর্শনে সচকিতে।” পঞ্চম অধ্যায় “কোকিলের ধ্বনি শ্রবণে।” ষষ্ঠ অধ্যায় “পিজ্বরহু শারিকার প্রতি।” সপ্তম বা শেষ অধ্যায় “বিলাস বনে কোকনিতম্বিনীর প্রতি।”

নিজাভয়ের পর অধ্যায়ের প্রথমে লিখিরাছেন :—

হায় সখি ! কি দেখিছু নিশার স্বপনে,
ওনিদ্রে ছিলাম যাহা হংসরাজ মুখে—
কেমনে বলিব হায়—কুলবালা আমি
লজ্জাবতী ; কিন্তু সখি পারিনা রহিতে
ইচ্ছায় কে করে বল প্রলাপ বিকারে ?
সে চাক-প্রশান্ত-কান্তি ভারিবে হৃদয়ে ;
শ্রান্তিহরা নিজা-কোলে ছিলাম মগনা ;
সখিরে—এ পোড়া প্রাণ সুধার গর্ভে
ভাষিল ; কে যেন আনি খইল হৃদয়ে
নিষ্ক চন্দ্রকান্ত রূপে সে নব পুরুষে ।
সহসা মেণ্ডিয়ে আখি ; আহা মরি মরি !
দেখিছু সে চাক মূর্তি, যথা চকোরিণী
সতৃষ্ণ নরনে হেরে, সুখা নিধিচ্ছবি ।

প্রত্যেক অধ্যায়েই কবি একরূপ সুন্দর তাব কবিতার

আলাপ। এই সব বিভিন্ন মত থাকিতেও আমরা হয়ত এই বলিতে পারি, সাহিত্য হইবে মানবের চরিত্রের একটা দর্পণ। কাল ও দেশ, সমাজ ইত্যাদি তাহার পরিবেষ্টনী। আগেই আমরা দেখিয়াছি, মানব চরিত্র অপরিবর্তনীয়। অতএব অল্প কোন কিছু একযুগের বা একদেশের সাহিত্য সারা পৃথিবী জুড়িয়া স্মরণাতীত কাল বাঁচিয়া থাকিতে পারে না। তবে কি করিয়া সুদূর অতীতের সাহিত্য অল্প আমাদের নিকট প্রিয়? তার কারণ একটা ছোট উদাহরণেই বুঝা যাইবে। সবাই দর্পণে আপন আপন মুখ দেখিতে ভালবাসে—সে মুখ গৌর হউক বা কাল হউক। শ্রেষ্ঠ প্রাচীন সাহিত্য এই অল্প আমাদের প্রিয়, যেহেতু তাহাতে দেখিতে পাই আমাদেরই অতি পুরাতন মুখের একটু হাসির রেখা, হৃৎকের অশ্রুর একটা অক্ষয় দাগ, প্রেমের গাঢ় রক্তিমরাগ, স্মৃতিতে পাই সেখানে বিরহদগ্ধ হৃদয়ের বুকভরা দীর্ঘশ্বাস। ডারুইনের বিবর্তনবাদ যদি সত্য হয়, তবুও ভয় নাই। আমরা সুদূর ভবিষ্যতে যদি অতিমানব লাভ করি, তবে আমাদের এযুগের প্রকৃত সাহিত্য তার মূল্য হারাইবেনা। তখন হয়ত ইহা আমাদের নিকট মনে হইবে শিশুকালের অর্থহীন হাসির মতই। হয়ত তখন বয়োবৃদ্ধ অতি মানবের মনে শৈশবের স্মৃতি মনে পড়িবে, হয়ত অজ্ঞাতসারেই তাহার হৃদয়দেশ হইতে একটা দীর্ঘশ্বাস উঠিবে।

এখন দেখা যাউক জীবনের সাপে সাহিত্যের কতটুকু মিল থাকিবে। মহাযুদ্ধের পর সাহিত্যজগতে এক অভিনব চিন্তার হাওয়া বহিতে শুরু করিয়াছে, সেই হাওয়া অনেকের মতে নূতন জীবনের দূত, আবার অনেকের মতে বর্তমান সমাজ ও ধর্মের মূর্ত্যুই সূচনা। আধুনিক সাহিত্য রবীন্দ্রনাথের মতে লক্ষ্যভ্রষ্ট এবং প্রকৃত সাহিত্যের বিকৃতি—যেমন পবিত্র বসন্তোৎসবের বিকৃতি চিৎপুর রোডের হোলির মাংলাসি। আধুনিক সাহিত্য পাঠ করিয়া এই ভাবটী হয়ত অনেকেরই মনে আপনি উঠিতে পারে। অনেকে আবার বলিতে পারেন রবীন্দ্রনাথ এ যুগের, তাঁহার মন প্রাচীন সংস্কারের হাত এড়াইতে

পারে নাই। পূর্বোক্ত মত সত্য হইতে পারে। কিন্তু আধুনিক সাহিত্য সম্বন্ধে মনে যে ভয় হয় তাহা কি একেবারে ভিত্তিহীন? সাহিত্যের উদ্দেশ্য অনাবিল সৌন্দর্য্যসৃষ্টি—একথা সকলেই স্বীকার করিবেন। আধুনিক সাহিত্যের সারবত্তা আলোচনা করিলে অতি সহজেই একটা বৈশিষ্ট্য চোখে পড়ে। বৈশিষ্ট্যটি এই—যাহা কিছু নীচ সমাজে বা রাষ্ট্রে, তাহারই জীবনের অগীত-পূর্ব-গীতি আধুনিক সাহিত্যে স্মৃতিতে পাই। দরিদ্রের ভাঙ্গা ঘরের জীবনের করুণ ইতিহাস, পতিতের জীবনের আলোক এবং আঁধার আধুনিক সাহিত্যের উপর অপূর্ব বৈচিত্র্যের সৃষ্টি করে। কিন্তু আধুনিক সাহিত্যিকদের কেহ এই সাহিত্যে পতিভোক্তারকে একটু অল্পভাবে গ্রহণ করিয়াছেন। তাঁহারা মানুষের স্বাভাবিক স্নীলতা যে বৃত্তিটিকে চাপিয়া রাখিতে চায়, সাহিত্যে সেই বৃত্তিটিকেই ফুটাইয়া তুলিয়াছেন। তাঁহাদের নজীর এই যে আমরা যাহাকে পার্শ্ববিকৃতি বলি তাহা মানুষের পক্ষে যাহা আমরা স্মৃতি বলি তাহার চেয়ে কোন ক্রমেই কম সত্য নহে। অতএব চরিত্র বিকাশের মধ্যে উত্তরেরই স্থান হইতে পারে। এট আদর্শ নিরা এমন অনেক সাহিত্যের সৃষ্টি হইয়াছে যাহাতে সাহিত্য লক্ষ্যের কমলবনে ভ্রমর গুল্লণের পরিবর্তে কন্দমছড়'ছড়ি ও বিকট চীৎকারই খুব বেশী। এই মতবাদী সাহিত্যিকরা ছাইগাদা হইতে রক্ত খুঁজিতে যাইয়া, উদ্দেশ্য তুলিয়া যান, কাঁদা ঘাঁটাই সার হরণ। আধুনিক সাহিত্যের একটা বিশেষ লক্ষণ একটা বিরূপ অতৃপ্তি, অসন্তোষ এবং দারুণ হাহাকার। এই pessimistic ভাব পূর্বোক্ত ভাবটির সহিত মিলিয়া এক অপূর্ণ সাহিত্যের সৃষ্টি করিতেছে। এই ধরণের সাহিত্যের মধ্যে যাহা আমাদের বেশী পীড়া দেয়, তাহা এই যে উহার প্রতি কথার মানুষের পরাজয়ের কথাই মনে পড়ে। মানুষের গৌরব কি পরাজয়ে না জরে? সাংসারিক এবং মানসিক সংগ্রামে মানুষ কি নিরতই পরাজিত হইতেছে? কখনই নহে। মানুষ কখনই এত অসহায় নহে। আধুনিক সাহিত্যের লক্ষিত, অপমানিত, অসহায় মরনারী

আসিয়াছেন। সম্প্রতি পাশ্চাত্য সাহিত্যিকের নূতন আদর্শ আমদানি হওয়ার এদেশে একটা নূতন দলের উৎপত্তি হইয়াছে। ইহারা কলা সৌন্দর্য্য সৃষ্টি করাই সাহিত্যিকের একমাত্র উদ্দেশ্য এই মত প্রচার করিতেছেন। নরনারীর যৌন সম্বন্ধে বিশ্লেষণ করিয়াই তাহারা কলার বিকাশ দেখাইতে চেষ্টা করিতেছেন। ইব্‌সেন ও বার্গাডশর বঙ্গীয় শিষ্যগণ অল্প সময়ের মধ্যেই আমাদের সাহিত্যের আবহাওয়া কলুষিত ও পুতিগন্ধময় করিয়া তুলিয়াছেন। গুরু মন্ত্র উপলব্ধির অভাবে ও শক্তিহীনতার দোষে শিষ্যগণ এদেশে অগ্রিম হইয়া উঠিয়াছেন। এই গ্রন্থে লেখক অতিশয় দক্ষতার সহিত পাশ্চাত্য সাহিত্যের আদর্শের দোষগুণ বিচার করিয়াছেন। লেখক পাশ্চাত্য সাহিত্য বিশেষভাবে অধ্যয়ন করিয়া মতামত প্রকাশ করিয়াছেন। ইব্‌সেনের অনেক শিষ্যই গুরুর কোন পুস্তক পাঠ করেন নাই। তাঁহার নাম শুনিয়াই তাহার মন্ত্র গ্রহণ করিয়াছেন। আমরা এই প্রবন্ধগুলি পড়িয়া আনন্দ লাভ করিয়াছি এবং তরুণ সাহিত্যিকদিগকে এই পুস্তক-খানি পাঠ করিতে অমুরোধ করিতেছি, পড়িলে উপকৃত হইবার আশা আছে। লেখকের ভাষা প্রাঞ্জল, ভাব প্রকাশ করিবার নৈপুণ্য ও বেশ আছে।

শোক সংবাদ ।

আমরা গভীর শোক সম্বন্ধে জানাইতেছি যে এ জেলার গৌরব নবাব নবাবমালি চৌধুরী সি, আই, ই, আর ইহ অগতে নাই। গত ৩রা বৈশাখ রাত্রি ৯ ঘটিকার সময় দার্জিলিং তিনি পরলোক গমন করিয়াছেন। নবাব সাহেব বঙ্গবাসীর একজন সাধক ছিলেন। তিনি "সৌরভের" একজন পৃষ্ঠপোষক ছিলেন। কিছুদিন হয় তিনি লিখিয়াছিলেন "আমি রাতনৈতিক কার্যে লিপ্ত হওয়ার পর হইতে সাহিত্য সেবা ছুটিয়া গিয়াছে এবং

আমার সময়ও নাই। বাহা হউক অবসর মত ভবিষ্যতে মাতৃভূমির গৌরব এবং আমার একান্ত আদরের "সৌরভে" প্রকাশার্থ প্রবন্ধ লিখিয়া পাঠাইব।" হারুসে সাধু-আর পূর্ণ হইল না। আমরা তাঁহার শোক সম্বন্ধে পরিবারের সহিত সমবেদনা জ্ঞাপন করিতেছি।

সাহিত্য সংবাদ ।

২০শে বৈশাখ সন্ধ্যা ৬।০ ঘটিকার সময় স্থানীয় দুর্গা বাড়ীতে মঙ্গলসিংহ সাহিত্য সভার প্রথম অধিবেশন হইয়া গিয়াছে। ঢাকা বিশ্ববিদ্যালয়ের অধ্যাপক সাহিত্যিক শ্রীযুক্ত উমেশচন্দ্র ভট্টাচার্য্য এম, এ, বি, এল, মহাশয় সভাপতির আসন গ্রহণ করেন। আগামী সংখ্যায় তাঁহার অভিভাষণ "সৌরভে" প্রকাশিত হইবে।

বৈশাখ হইতে "আলিয়া" নামে একখানা মাসিক পত্র এই নগর হইতে বাহির হইতেছে। আমরা এই নবীন সহযোগীর দীর্ঘ জীবন কামনা করি।

সৌরভের লেখক পণ্ডিত শুরেন্দ্রমোহন কাব্যার্থ মহাশয় "দক্ষিণা" নামক ছেলেনদের অল্প তিন অঙ্ক একখানা নাটক প্রকাশ করিয়াছেন।



সৌন্দর্য -



স্বর্গীয় রায় কালীপ্রসন্ন ঘোষ বিজ্ঞানসাগর
বাহাদুর সি, আই, ই ।

ঘন ঘন সংসদ বসিত । সমাজের হিতচিকীর্ষু মহাপুরুষেরা যেখানে সমবেত হইয়া সমাজ রক্ষার উপায় চিন্তা করিতেন—সমাজ হইতে পাপ ও অধর্ম দূর করিতে চেষ্টা করিতেন এবং মানুষকে সৎপথে চালিত করিতে প্রয়াস পাইতেন । মনে হয়, আজ আমাদের সাহিত্যের নৈমিষারণা সৃষ্টি করিবার সময় আসিয়াছে ; অথবা লুপ্ত ও গুপ্ত তীর্থের মত কোথাও হয় ত তাহা বর্তমান রহিয়াছে—সেটা আজ আমাদের উদ্ধার করিয়া লইতে হইবে । যে জঞ্জাল ও আবর্জনা আজ সাহিত্যকে কলুষিত করিয়া রহিয়াছে—তাহা দূর করিতে হইলে এমনি করিয়া পুত চিন্তার নৈমিষারণা সৃষ্টি করা ছাড়া আর কোন গতান্তর নাই । শিল্পীদের শিল্পের দর কষিবার জন্ত বিচারক গোষ্ঠী গঠন করিবার প্রয়োজন হইয়া পড়িয়াছে । এই যে আজ আমরা এখানে সমবেত হইয়াছি, মনে হয় এই খানেই তার একটা বড় সার্থকতা রহিয়াছে । আমাদের এই আরম্ভ শুভমণ্ডিত হউক, ইহাই আমার একমাত্র আকাঙ্ক্ষা ।

*সরস্বতী শ্রুতিমহতাঃ প্রবন্ধতাঃ । *

যৌবন প্লাবন ।

(১৫)

(অধ্যাপক—শ্রীযোগেন্দ্রনাথ গুপ্ত)

সেই যে কটক হইতে কতদিন আগে অরুন্ধতী এখানে আসিয়াছিলেন সেই আমার সঙ্গে সঙ্গেই তাহার জীবনের আনন্দ উৎস শুকাইয়া গিয়াছিল । যে অর্থ তাহাকে দেওয়া হইয়াছিল, সেই অর্থ কিছুদিন পরেই নিঃশেষ হইয়া গেল । তারপর আসিল তাহার জীবনে একটা ভীষণ সংগ্রামের দিন । শিশু কন্ডাটিকে লইয়া তাহাকে কতই না বিব্রত হইতে হইয়াছিল । দিন রাত্রি পরিশ্রম করিয়া এই ক্ষুদ্র বাড়ী খানিতে দীর্ঘদিন কাটিয়া গিয়াছে । হরিচরণ কয়েক বৎসর অরুন্ধতীর এখানেই ছিল তারপর একবার দেশে যাইবার পরে আর কিরিয়া আসে নাই । অরুন্ধতী যে তাহার রূপ ও যৌবনের অফুরন্ত আকর্ষণের মধ্যেও সমস্ত প্রলোভন ও অত্যাচারী পুরুষের হাত হইতে আপনাকে রক্ষা করিয়া আসিতে পারিয়াছিল তাহার মধ্যে ছিল তাঁহার নিজের

অসাধারণ সংযম, পুরুষের প্রতি ঘৃণা এবং একজনের প্রতি তাঁহার হৃদয়ের অকৃত্রিম ভালবাসা ।

অরুন্ধতী কলিকাতার এই জীবনটা এই বাড়ীতেই কাটাইয়া দিয়াছেন । কলিকাতা আসিবার কয়েকদিন পরে একদিন সে খবরের কাগজে দেখিতে পাইল যে বালিগঞ্জে একটা মহিলা শিক্ষামন্দির আছে, সেখানে অনাথা মেয়েদের অর্থোপার্জন করিবার যোগ্যতালাভ করিবার মত শিক্ষা দেওয়া হয় । মিস্‌জে সি মুখার্জি সেই বিন্যাসের তত্ত্বা বধায়িকা ।

অরুন্ধতী সাহসে ভর করিয়া একদিন তাঁহার সহিত দেখা করিতেই তিনি তাঁহাকে আনন্দ বৃকের ভিতর টানিয়া লইয়া বলিলেন “তুমি যে আমার সাথে দেখা করতে এসেছ, এতে আমি বড়ই সুখী হয়েছি । বল মা কি তোমার আমার করতে হবে ?” অরুন্ধতী তখন সেই স্নেহময়ী নারীর মহত্বের কাছে তার সর্বপ্রকার অন্তরের বেদনার কথা প্রকাশ করিল সে মনে একটু সঙ্কোচ করিল না । বলিতে বলিতে সে কাঁদিয়া ফেলিল তাহার কষ্ট বেদনায় রুদ্ধ হইয়া গেল । যশোদা দেবী তাহাকে সাহায্য দিয়া কক্ষক্ষেত্রে টানিয়া আনিলেন ।

মিস্‌ জে সি মুখার্জির বাবুলা নাম যশোদা সুন্দরী । খুবই বড় লোকের একমাত্র মেয়ে । ছেলে বেলা যশোদাকে তাঁহার বিশেষ যত্ন করিয়া লেখা পড়া শিখাইয়া ছিলেন, কিন্তু যশোদার মন কিছুতেই বিবাহ করিয়া সংসারের ক্ষুদ্র সীমার মধ্যে বন্ধ থাকিতে চাহিল না । ধনীর একমাত্র সুন্দরী ও শিক্ষিতা মেয়েকে বিবাহ করিবার জন্ত অনেকেই আগ্রহ প্রকাশ করিয়াছিলেন, কিন্তু যশোদা তাহার সমস্ত শক্তি নারী সমাজের কল্যাণের জন্ত নিয়োজিত করিল । পিতামাতার মৃত্যুর পর তাঁহাদের সর্বস্বৎ প্রাপ্য তুল্য বাড়ী হইল যত অনাথা সহায়হীনা বিধবা নারীর আশ্রয় ভবন । মিস্‌ মুখার্জি বিলাত ও ইউরোপ আমেরিকার প্রত্যেকটা নারী প্রতিষ্ঠান দেখিয়া শুনিয়া সেখান হইতে শিক্ষালাভ করিয়া দেশের কল্যাণ কার্যে তাহার দেহ মন প্রাণ সমর্পন করিয়াছিলেন । এখন তাহার বয়স হইয়াছে, একদল শিক্ষিতা নারীকেও তিনি এই কার্যের ভিতর টানিয়া আনিয়াছেন ।

* সাহিত্য সভায় পঠিত ।

প্রাচীন ভারতে আৰ্য্য ও অনাৰ্য্য সভ্যতার কেন্দ্রস্থল ।

(অযোধ্যা—কিষ্কিন্ধ্যা—লঙ্কা ।)

(৮কেন্দ্রনাথ মজুমদার)

রামায়ণ ভারতীয় আৰ্য্য ও অনাৰ্য্য সভ্যতার বিরাট মানদণ্ড । আৰ্য্য সভ্যতার কেন্দ্রভূমি অযোধ্যা ; অনাৰ্য্য সভ্যতার কেন্দ্রস্থল কিষ্কিন্ধ্যা ও লঙ্কা । প্রাচীন আৰ্য্য-সভ্যতার কেন্দ্রভূমি অযোধ্যা হইতে সেই সুদূর প্রাচীনতম যুগে যে জ্ঞান-গরিমা বিকীর্ণ হইয়াছিল, তাহার প্রভাবে আজও ভারতবর্ষ জগতের জ্ঞান-গুরুরূপে পূজিত হইতেছে ।

যে অযোধ্যা একদিন সভ্যতা ও জ্ঞান-গরিমার কেন্দ্রভূমি বলিয়া পরিচিত ছিল, সেই আদি-সভ্যতার লীলা-নিকতন অযোধ্যা কিরূপ সম্পদশালী ছিল, মহাকবি বাণ্যকি তাহা তাঁহার অমর তুলিকায় চিত্রিত করিয়া গিয়াছেন । আমরা নক্ষত্রগ্রে সেই চিত্র উদ্ঘাটিত করিয়া আমাদের সেই অতীত বিভব মানসনেত্রে প্রত্যক্ষ করিতে চেষ্টা করিব ।

মহাকবি বাণ্যকি অযোধ্যার যে বর্ণনা প্রদান করিয়াছেন, তাহা এইরূপ :—

কোশলো নাম মুদিতঃ স্কীতো জনপদো মহান্ ।

নিবিষ্টঃ সরযুতীরে প্রভূতধনধাণ্ডবান্ ॥ ৫

অযোধ্যা নাম নগরী তত্রানীলোকবিশ্রুতা ।

মনুনা মানবেশ্চৈব য়া পুরী নির্মিতা স্বয়ম্ ॥ ৬

আয়তা দশ চ দ্বৈচ যোজনানি মহাপুরী ।

শ্রীমতী ত্রীণি বিস্তীর্ণা সুবিতস্তমহাপথা ॥ ৭

রাজমার্গেণ মহতা সুবিতস্তেন শোভিতা ।

মুক্তপুষ্পাবকীর্ণেন জলসিক্তেননিত্যশঃ ॥ ৮

তাং তু রাজা দশরথো মহারাষ্ট্রবিবর্ধনঃ ।

পুরীমাবাসয়ামাস দিবি দেবপতির্যথা ॥ ৯

কপাটতোরণবতীং সুবিক্রান্তরাপণাম্ ।

সর্বহস্তায়ুধবতীমুষিতাং সর্বশিল্পিভিঃ ॥ ১০

সুতমাগধসম্বাধাং শ্রীমতীমাতুলপ্রভাম্ ।

উচ্চাটালধ্বজবতীং শতশ্রীশতসঙ্কল্যাম্ ॥ ১১

বধূনাটকসম্ভ্রাম্ সঙ্কল্যং সর্বতঃ পুরীম্ ।

উত্তানাম্রবনোপেতাং মহতীং শালমেখল্যাম্ ॥ ১২

হুর্গগম্ভীরপরিখাং হুর্গামতৈহুর্গাসদাম্ ।

বাজিবারণসম্পূর্ণাং গোভিক্রটৈষ্টিঃ খটৈস্তথা ॥ ১৩

সামন্তরাজসম্ভ্রাম্ বলিকর্ম্মভিরাবৃতাম্ ।

মানাদেশনিবাসৈশ্চ বণিগ ভিক্রপশোভিতাম্ ॥ ১৪

প্রাসাদৈ রত্নবিক্রটৈঃ পর্বতৈরিব শোভিতাম্ ।

কূটাগারৈশ্চ সম্পূর্ণামিন্দ্রশ্বেবামরাবতীম্ ॥ ১৫

চিত্রামষ্টাপদাকারাং বরনারীগণাবৃতাম্ ।

সর্বরত্নসমাকীর্ণাং বিমানগৃহশোভিতাম্ ॥ ১৬

গৃহগাঢ়ামবিচ্ছিন্নাং সমভ্রমো নিবোধিতাম্ ।

শালিতপ্তসম্পূর্ণামিন্দ্রকাণ্ডরসোদকাম্ ॥ ১৭

হুন্দুভীভিমৃদৈশ্চ বীণাভিঃ পণ্ডৈবস্তথা ।

নাদিতাং ভূমত্যাং পৃথিব্যাং তামনুত্তনাম্ ॥ ১৮

বিমানমিব নিহানাং তপসাধিগতং দিবি ।

সুনিবেশিতবেশ্মাস্তাং নরোত্তমসমাবৃতাম্ ॥ ১৯ *

(আদি—৫ম সর্গ ।)

* উক্ত অংশের সংক্ষিপ্ত অনুবাদ প্রদত্ত হইল—

“কোশল দেশে সরযুতীরে অযোধ্যা নগরী অবস্থিত । সেই নগরী বহু সুবিতস্ত রাজপথে সুশোভিত । রাজপথগুলি সর্বদা সলিলসিক্ত ও প্রফুল্লিত পুষ্পে বিকীর্ণ । এই সুদৃশ্য নগরী ষাটশ যোজন দীর্ঘ ও ত্রিযোজন বিস্তৃত এবং বহু তোরণ ও কপাট-সম্বিত । রাজপথগুলির উভয় পার্শ্ব পণ্য-পরিপূর্ণ আপণশ্রেণীতে পরিশোভিত । স্থানে স্থানে বহু ও অল্পসমূহ শোভিত । কোন স্থলে শিল্পিগণের বাসস্থান । উন্নত-প্রাকার-শীর্ষে ধ্বজা-বলি বায়ুবেগে উড়ান হইতেছে ; প্রাকারের উন্নত স্থানে শত শত শতাব্দী (কামান) স্থাপিত । নগরের স্থানে স্থানে উচ্চাটাল ও আত্রকানন—তাহার চতুর্দিকে সুবিস্তৃত শালবৃক্ষশ্রেণী শোভিত । স্থানে স্থানে বধুদিগের নাট্য-শালা । নগর চতুর্দিকে গভীর-জল-পরিপূর্ণ-হুর্গ-পরিখা-বেষ্টিত সুতরাং হুর্গম এবং শত্রুরক্ষিত ।

“নগরীর কোন স্থানে হস্তী, অশ্ব, উষ্ট্র, গো, গর্দভ, প্রভৃতি রক্ষিত হইয়াছে । কোন স্থানে সামন্ত রাজগণের বাসভবন । কোন স্থানে বিভিন্নদেশবাসী বণিকসম্প্রদায় বাস করিতেছেন । কোথাও রত্ন-প্রাসাদ সমূহ অত্যুচ্চ পর্বতের স্তার শোভা পাইতেছে । কোথায়ও সুত ও মাগধগণ বাস করিতেছে । কোথায় বা বিহারার্থ গুপ্তগৃহ ও সপ্ততল গৃহরাজি অবস্থিত ।

“নগরী পর্যাপ্ত পরিমাণে ধনধান্য-পরিপূর্ণিতা এবং ইন্দুরসতুল্য সুস্বাদু-পানীয়-জল-শালিনী । চতুর্দিকে হুন্দুভি, মৃদঙ্গ, বীণা ও পবণ-সমূহ ধ্বনিত হইতেছে । ইত্যাদি

এই অমরাবতীতুল্যা অযোধ্যাই প্রাচীন ভারতীয় সভ্যতার কেন্দ্রভূমি ।

মহাকবির এই বর্ণনা হইতে প্রাচীন ভারতীয় সভ্যতার স্বরূপ অনুভূত হইবে । প্রাচীন ভারতের সেই বিশাল রাজধানীর দৈর্ঘ্য ৯৬ মাইল ও প্রস্থ ২৩ মাইল ছিল ।* ইহার পরিমাণ ফল বর্তমান সময়ের একটি বৃহৎ জিলার সমান । এই রাজধানী দুর্গম দুর্গ ও জলপূর্ণ সুগভীর পরিখা-বেষ্টিত ছিল ।

অযোধ্যার কতখানি স্থান প্রাচীর ও পরিখা দ্বারা বেষ্টিত ছিল, রামায়ণের উপর্যুক্ত বর্ণনা হইতে তাহা নিশ্চিত অবগত হওয়া যায় না ।

আদিকাণ্ডের ৬ষ্ঠ সর্গের—

“সি যোজনে হে চ ভূয়ঃ সতানামা প্রকাশতে ।”

—শ্লোক হইতে দুই যোজন পরিমাণ স্থানই প্রকৃত অযোধ্যা বলিয়া পরিচিত ছিল, ইহা অবগত হওয়া যায় । এই দুই যোজন স্থানই সম্ভবতঃ দুর্গম পরিখায় ও প্রাচীরে পরিবেষ্টিত ছিল ।

এই প্রাচীর কি উপকরণে নির্মিত ছিল, রামায়ণে তাহার উল্লেখ নাই । তৎকালে প্রস্তরের ও ইষ্টকের প্রচুর ব্যবহার ছিল, তাহা উপর্যুক্ত বর্ণনা হইতেও জানা যায় ; সুতরাং ঐ দুই সামগ্রীর সমন্বয়ে বা ইহার কোন একটির দ্বারা যে এই সুদৃঢ় দুর্গপ্রাচীর নির্মিত ছিল, তাহা অনুমান করা যাইতে পারে । †

* মুসলমান ঐতিহাসিক আবুল ফজল তাঁহার সুপ্রসিদ্ধ গ্রন্থ ‘আইন-ই’ আকবরিতে অযোধ্যার প্রাচীন রাজধানী সম্বন্ধে যাহা লিখিয়াছেন, তাঁহার ইংরাজি অনুবাদ নিম্নে উদ্ধৃত হইল—

“In ancient times city is said to have measured 148 coss in length and 36 coss in breadth. Upon shifting the earth which is round this City small grains of gold are sometimes found in it. The town is esteemed one of the most sacred places in antiquity.”—H. Blockman

† ঐতিহাসিক হইলার তাঁহার History of India (Ramayana) গ্রন্থে অযোধ্যার প্রাচীন সম্বন্ধে লিখিয়াছেন—“His (Dasarath's) palace was magnificent and resplendent, but in describing the walls the Brahmanical bard has indulged in a simile which furnishes a glimpse of the reality.

এই প্রাচীরের উর্দ্ধ দেশে স্থানে স্থানে শতদ্বী অস্ত্র সমূহ (কামান) * স্থাপিত থাকিত । দুর্গরক্ষার্থ আধুনিক কালেও এইরূপ প্রণালীতে কামান রক্ষিত হইয়া থাকে ।

রাজধানী “কবাট ও তোরণবতী” ছিল । রাজধানীর কবাট বহির্দ্বার ছিল, তাহার উল্লেখ রামায়ণে নাই । গ্রন্থের

They were so tall that the birds could not fly over them and so strong that no beast could force its way through them. From this it is evident that the walls could not have been made of brick or stone ; for in that case the attempt of a beast to force his way through them would never have entered the mind of the bard. In all probability the palace was surrounded by a hedge which was sufficiently strong to keep out wild beasts or stray cattle.”—অর্থাৎ “দশরথের রাজপ্রাসাদ সমৃদ্ধিশালী ছিল, কিন্তু পুরীর প্রাচীর বর্ণনায় কবি যাহা প্রকাশ করিয়াছেন, তাহা হইতে প্রকৃত সভ্যতার আভাস প্রাপ্ত হওয়া যায় । (কবি লিখিয়াছেন) “প্রাচীরগুলি এত উচ্চ ছিল, যে পক্ষী তাহার উপর দিয়া উড়িয়া যাইতে পারিত না, এবং এত দৃঢ় ছিল যে কোন পশুই তাহার ভিতর দিয়া পথ করিয়া যাইতে পারিত না ।” কবির এই উক্তি হইতে ইহাই প্রকাশ পায় যে, অযোধ্যার এই প্রাচীর কখনই ইষ্টক কিংবা প্রস্তরের নির্মিত ছিল না । যদি তাহা হইত, তবে পশু ভাঙ্গিয়া পথ করিয়া যাইবার অলৌকিক কল্পনা কখনই কবির মনে প্রবেশ করিত না । যাহা হউক, সম্ভবতঃ অযোধ্যার রাজপ্রাসাদ বংশবৃতি বেষ্টিত ছিল—অবশ্য খুব মজবুত বেড়া ছিল—তাহা ভাঙ্গিয়া কোন প্রকারের পশুই রাজবাড়ীতে প্রবেশ করিতে পারিত না ।

হইলারের রামায়ণ-জ্ঞান ত্রাস্তিসঙ্কুল ; সুতরাং তাহার সিদ্ধান্ত নিতান্ত অপ্রকৃত । তিনি খয়ং সংস্কৃত জানিতেন না । অধিনাশচন্দ্র ঘোষ নামক জনৈক ব্যক্তির নিকট রামায়ণ ও মহাভারত অধ্যয়ন করিয়া উক্ত গ্রন্থের সম্বন্ধে আলোচনা করিয়াছেন । তিনি যে ক্রমে রামায়ণ হইতে এই সকল উদ্ভট তত্ত্ব বাহির করিয়াছেন, আমরা তাহা বুঝিতে পারিলাম না । প্রাচীর এত উচ্চ ছিল যে, পক্ষী তাহার উপর দিয়া উড়িতে পারিত না, এত দৃঢ় ছিল যে, বস্ত্র পশু ভাঙ্গিয়া পথ করিয়া যাইতে পারিত না । এই সকল উদ্ভট তত্ত্ব আমরা মহাকবির বর্ণনার দেখিতে পাইতেছি না । আখ্য রামায়ণে প্রাচীরের উল্লেখই অতি অস্পষ্টভাবে প্রদত্ত হইয়াছে ; “উচ্চাটাল-ধ্বজবতীং শতদ্বীশতসঙ্কলান্ ।” এই শ্লোক হইতে রামায়ণের টীকাকার রামানুজ প্রাকারের অস্তিত্ব অনুভব করিয়াছেন । এতদ্ব্যতীত রামায়ণের আর কোন স্থানে অযোধ্যার প্রাকারের উল্লেখ নাই । দুর্গ-পরিখার উল্লেখ লিখিত আছে “দুর্গগভীরপরিখাং দুর্গামৈভুর্নাসদাম্ ।”

* শতদ্বী—বাহাদুরা শত সংখ্যক জীব একেভাবে মিহত বা আহত হয় এইরূপ অস্ত্র । ইহা আধুনিক কামান না হইলেও কোনরূপ বৈজ্ঞানিক প্রণালী সম্বন্ধে কামান জাতীয় বুদ্ধান্ত ইহাতে সন্দেহ নাই ।

ভবিষ্যতের সমাজ

(শ্রীবীরেন্দ্রকুমার দত্ত এম্. এ. বি, এল্.)

অতি প্রাচীন কালে জগতের স্থানে স্থানে নানা সময়ে মহিমাম্বিত যে সকল জাতির অভ্যুদয় হইয়াছিল, সেই প্রবীণ মিশর, প্রাচীন বেবিলন, প্রাচীন এন্থিরিয়া বাসিন্দের বংশ-ধরগণের অস্তিত্বও এখন খুঁজিয়া পাওয়া যায় না। কোথায়ই বা গেল পরবর্তীকালে আবির্ভূত অশিক্ষিত সৌন্দর্য ও বলের উপাসক শৌর্ষাবীর্ষাশালী স্বদেশপ্রাণ প্রাচীন গ্রীক জাতি, কোথায় মহাপরাক্রমশালী রোমান জাতি, তাহাদের প্রবর্তিত সমাজ, সভ্যতা? প্রাচীন ফিনিসিয়া, কার্থেজ কোথায়? কোথায় সব? এখন সে সকল প্রত্নতত্ত্বের বিষয়ীভূত হইয়াছে।

কেবলমাত্র পূর্বকালের দুইটা জাতি এখনো যদিচ নিতান্ত দানাবস্থায় তাহাদের বহুকালের প্রথা ও জীবন-নীতি, চালচলন, সমাজ ও সভ্যতা অটুট রাখিয়া বিরাজ করিতেছে—প্রাচীন চীন ও প্রাচীন হিন্দুজাতি। চীনের কথা বলিবার দরকার নাই। শতাব্দীর পর শতাব্দী চলিয়া গেল, আফ্রিকা, ইউরোপ ও এশিয়ার নানাস্থানে কত সাম্রাজ্য ও সভ্যতা আবির্ভূত হইয়া অবশেষে আকাশে শব্দে মত বিলীন হইয়া গেল। খাইবার ও বোলান গিরিরাজের মধ্য দিয়া জল স্রোতের মত দুর্বার বেগে প্রবেশ করিয়া শক্, ও হনু, গ্রীক, পাঠান, মোগল প্রভৃতি কত সময় কত জাতি ভারতে প্রবেশ করিয়া তাহাদের বলবিক্রমে ও অস্ত্রের ঝন্ঝনানিতে তাহার শাস্তিময় বক্ষ তোলপাড় করিয়া তুলিল। মুসলমান ও হিন্দুতে ছয় শত বর্ষেরও অধিক কাল সংঘর্ষ চলিয়া ছিল; জ্ঞানানোচনা তৎপর বৃদ্ধের সঙ্গে নব বলদৃষ্ট অশিক্ষিত যুবকের সংগ্রাম—প্রথম ধাক্কা বৃদ্ধের পড়িয়া যাইয়া যুতপ্রায় অবস্থায় ধরাশায়ী হইবার উপক্রম হইয়াছিল, কিন্তু কালক্রমে দেখা গেল, বৃদ্ধ গা-ঝাড়া দিয়া উঠিয়া দাঁড়াইয়াছে, এবং যুবকই পিছাইয়া যাইতেছে, শেষে এমন অবস্থাও আসিয়া দেখা দিল যে সে বৃদ্ধেরই পদানত হইবার উপক্রম। এই সন্ধি স্থলে আর এক নূতন যুবক-জাতি আসিয়া সমরাজনে আবির্ভূত হইল; তাহা না হইলে নিঃসন্দেহে বলা যাইতে পারে ভারতবর্ষে

না! যে জিনিষ শব্দ গর্জনে আপনাকে প্রকাশ করে, তা' সুধু সকলকে সাবধান করে দেয়! সুধু মাত্র রেখা পাতে, অন্তরের শিরা উপশিরায়, সুকুমার হিল্লোলে, যা যুত্ কম্পন জাগিয়ে তোলে, সেটাই বুকে অধিক দাগ বসিয়ে যায়! প্রেম বল, ভালবাসা বল, এমন একটা কিছু আকাজকার শত-ধারায় মথিত হয়ে যখন অন্তরে জেগে উঠেছে, তখন তাকে কোম্বুত মণির নয়ন ভোলান আলোর মতই আকৃড়ে ধরে থাকবে, এ অধিকার সহজে ত ছাড়া যাবে না! ভালবাসা তুচ্ছ নহে! সেও সাধনা, অশ্রুজল সাপেক্ষ, তাতে নিষ্ঠুরতার আঘাত নেই, কিন্তু বজ্রের কাঠারতা রয়েছে! স্মৃতির অনল তুমি সামান্য বলে উড়িয়ে দিতে চাইছ? তুমি যদি আমার অন্তরের ভিতরকার সন্ধান নিতে পারতে,—তবে দেখতে, কত বড় একটা পবিত্র তন্ময়ত্বে আমার অন্তর অধিকৃত হয়ে আছে! তার নিকট সুখ ঐশ্বর্যের মোহময় প্রলোভন, কত ক্ষুদ্র, কত তুচ্ছ! অমত প্রকাশ করলে তোমার জীবন নষ্ট হবে, সেই একমাত্র আশঙ্কায় অস্থির হয়ে পড়েছি। যদি তোমাকে রক্ষা কর্তে পাত্তুম, তবে দেখিয়ে দিতুম, ভালবাসার তন্ময়ত্বের নিকট, মৃত্যুর দংশন ভীতি, কত নামানু, কত তুচ্ছ! যে দিন এ ভাবের স্মৃতি কাটার পালা শেষ হয়ে যাবে, সে দিন যেন পর পারে যাত্রার জন্ত বিন্দু দ্বিধার সঞ্চারণ না হয়, এই আশীর্বাদই তুমি—।” কথা শেষ না হইতেই মতিয়া চাহিয়া দেখিল, তাহাদের কক্ষের দ্বার উন্মোচন করিয়া স্বয়ং বাদসা দাঁড়াইয়া রহিয়াছেন। তাঁহার সক্রোধ কটাক্ষে, ক্রুটি বদ্ধ আরক্ত মুখে, একটা অগ্নিফুলিঙ্গ যেন শত তীব্র জ্যোতিতে ঠিক্রাইয়া পড়িতে ছিল! সেই দীপ্তি যেন তাহাদের উভয়কে দগ্ধ করিয়া পোড়াইবার জন্ত শিখা বিস্তার করিতেছিল!

আকস্মিক আঘাত প্রাপ্তের শ্বাস, উভয়ে চমকিয়া উঠিল। উভয়ের মুখে ভূতাহতের মত আতঙ্কের চিহ্ন সুস্পষ্ট হইয়া ফুটিয়া উঠিল। মতিয়া আলুথালু বেশে ছুটিয়া এক পার্শ্বে দাঁড়াইল। হোসেন কিংকর্তব্যবিমূঢ়ের শ্বাস, নত মস্তকে মেঝের উপর বসিয়া পড়িল। উভয়ের দেহই একটা আকস্মিক বিপদের আশঙ্কায় থর্থর্ করিয়া কাঁপিতে লাগিল। (ক্রমশঃ)

আবার হিন্দুরাজত্বে ও হিন্দু সভ্যতার অভ্যুত্থান অবশ্যস্বাভাবিক ছিল, এবং ইহাও খুব সম্ভব হয়তো ইসলাম কালে তাহাদের কলেবরভুক্ত হইয়া নিজ অস্তিত্ব লোপ করিতে বাধ্য হইত ।

(২)

১৭৫৭ খ্রীষ্টাব্দ ভারত ইতিহাসের মহাস্মরণীয় বৎসর । সেই সময় ইংরাজ ভারতবর্ষের রাজত্বের ভিত্তি স্থাপন করে এবং তাহার পর হইতে প্রায় দুই শত বৎসর কাল ভারতবাসীর ভাগ্যানিয়ন্তারূপে অবস্থান করিতেছে । বয়সে হিন্দু অপেক্ষা কত ছোট, কিন্তু তাহার বিক্রমে বুদ্ধিমত্তায় শুধু ভারতবর্ষ নয়, জগতের চতুর্থ ভাগের অপেক্ষাও অধিকাংশ স্থান তাহার গদানত । দেখিয়া মনে হয়, বর্ষাকালে পূর্ববঙ্গের খাল নদীতে সচরাচর দৃষ্ট ছোট ছোট ষ্টীম-লঞ্চের পিছনে বাঁধা মস্ত মস্ত বোঝাই করা পাটের নৌকার মত বিশালবপু ভারতবর্ষকে যেন সে হিড় হিড় করিয়া পশ্চাতে টানিয়া লইয়া চলিয়াছে ।

মুসলমান ও ইংরাজ কর্তৃক ভারত বিজয়—উভয়ের মধ্যে অগাধ পার্থক্য । মুসলমান বাহা করিয়াছিল, তাহা প্রায় একপ্রকার গায়ের জোরে—হিন্দুর মনের উপর কোনও প্রভাব বিস্তার করিতে সে পারে নাই । কালে মুসলমান পাঠান মোগল সম্রাট দেশ প্রচলিত প্রাচীন রীতিনীতি ভাষা ভাব অনেকাংশে অলঙ্কিতে গ্রহণ করিয়া ভারতবাসী হইয়া দাঁড়াইয়াছিল এবং অর্দ্ধশিক্ষিত লোকোচিত বাইরের জাঁক-জমক লইয়াই মজিয়া রহিয়াছিল । আগ্রার তাজমহল ও দিল্লীর দেওয়ানি আম, দেওয়ানি খাস, স্বর্ণের ময়ূর সিংহাসন প্রভৃতি অতুল্য অট্টালিকা ও সামগ্রীতেই সে সাম্রাজ্যের চরম পরিণতি দৃষ্ট হয় । মোগল কি পাঠান বাদশাহদের জ্ঞান চর্চার দিকে কখনও তেমন প্রবৃত্তি দেখা যায় নাই—সমস্ত দেশ তখন এক নিরবচ্ছিন্ন অজ্ঞানতার অন্ধকারে ডুবিয়া ছিল । এক সময় অবশ্য অগ্রত—ভারতে নয় মুসলমানদের মধ্যেও প্রভূত জ্ঞানের চর্চা হইয়াছিল, কিন্তু ভারতে তাহাদের পক্ষে ঐ জিনিষটা যেন এ পর্য্যন্ত তেমন ধাতে সহিয়াও সছে নাই । নালন্দা, তক্ষশীলা প্রভৃতি বিশ্ববিদ্যালয় যে জাতির জ্ঞানালোচনার প্রকৃষ্ট দৃষ্টান্ত স্বরূপ বিরাজমান থাকিয়া জগতের নানাস্থানের লোককে জ্ঞান আহরণের জন্য যুগে যুগে আকর্ষণ করিয়াছিল—মুসলমানের সংঘর্ষে আসিয়া

সে জাতির কি হৃদশাই না উপস্থিত হইয়াছিল ! প্রদীপ্ত আলোর দিকে ধাবমান মক্ষীকার ত্রায় পূর্বাঙ্গের হিন্দুর প্রাণ জ্ঞানের দিকে বদ্ধদৃষ্টি, অমৃত অভিলাষী হিন্দু আত্মা এই জ্ঞানাভূত লাভের আশায় পূর্বাঙ্গের কি তপস্বাই না করিয়াছে ! জ্ঞান ও ধর্ম্যে হিন্দুর পার্থক্য নাই,—শ্রেষ্ঠ জ্ঞানই, শ্রেষ্ঠ ধর্ম্য । এই জ্ঞানামৃত সংগ্রহের জন্য স্ত্রী পুত্র পরিত্যাগ করিয়া সে বিষয় বিরাগী সন্যাসী মাজিয়াছে—জ্ঞান যোগী বাণ্যাকি, বাস, জ্ঞানী শঙ্করাচার্য্য কোথায় তুপনা ইহাদের ? মুসলমান যুগে নানাধিক হইতে এই জ্ঞানার্জনের পথ রুদ্ধ হইয়া গেল, তাও প্রাচীন শাস্ত্র ও তলপি, তলুপা নাড়িয়া চাড়িয়া নিংড়াইয়া যে কিছু জ্ঞানরস সে পান করিতেছিল, তাহারই কলাগে পুষ্ট হইয়া হিন্দু মরিয়া ও মরিল না । জ্ঞানের সম্মুখে অজ্ঞানতা, আলোর সম্মুখে অঁধার কতদিন অজ্ঞানতা গন্ধভরে মস্তক উত্তোলন করিয়া দাঁড়াইয়া থাকিতে পারে ? জ্ঞানের অভাবেই মুসলমান হিন্দুর নিকট অবশেষে পরাস্ত হইতে বাধ্য হইয়াছিল !

(৩)

কিন্তু ইংরাজ যেমন বাইরের, তেমন জ্ঞানের বলে বলীয়ান, যেমন শক্তি ; তেমন তাহার বুদ্ধি ! জগৎজয়ী হৃদ্বর্ষ, মর্গাশিক্ষিত ইংরাজ জাতি ! প্রথম অবস্থায়, বাহির ও ভিতর, দেহ ও মন—সবদিক হইতেই সে হিন্দুকে পূর্ণরূপে পরাভূত করিবার উপক্রম করিয়া তুলিয়াছিল ! কিন্তু এক্ষণে দেখিয়া শুনিয়া মনে হইতেছে, তাহার বিশ্ববিজয়-ব্যাপারও ভারতবর্ষে চরম সীমায় উপনীত হইয়া প্রাচীন বুদ্ধের সংঘর্ষে আসিয়া শেষ দশায় উপস্থিত হইয়াছে ; ধীরে ধীরে ভারত তাহার নিজ কেন্দ্রে আসিয়া দাঁড়াইতেছে ও ইংরাজী সভ্যতা তাহার ধাক্কায় হটিয়া যাইতেছে—ভারতের সভ্যতা ইংরাজী সভ্যতাকে উদরস্থ করিয়া নিজ অঙ্গীভূত করিতেছে ও নিজ অস্তিনিহিত বেগে বিকশিত হইতেছে, ইংরাজ ভারতে ভারত কর্তৃক পাশ্চাত্য প্রভাব জয়ের সূচনা দেখা দিয়াছে । এমনও দিন গিয়াছে, যখন লর্ড মেকলের দাস্তিকতাপূর্ণ ঘৃণা তাজিল্যবাজ্যক উক্তি A shelf of good European Library is worth the whole literature of India and Arabia ইয়ুরোপের কোনও শ্রেষ্ঠ পাঠাগারের এক তাক্ বই, শুনে ভারতবর্ষ ও আরবের

সমস্ত সাহিত্যের সমকক্ষ—ভারতবাসী মহাসভ্যস্বরূপে গ্রহণ করিয়া নিজেদের নিতান্তই অপদার্থ ও হীন মনে করিয়াছে। ইংরাজের সাহিত্য, ইংরাজের শিক্ষা, আচার, রীতি-নীতির প্রশংসায় এ দেশবাসী তখন পঞ্চমুখ ছিল। দেশের কবি তখন পাশ্চাত্য সভ্যতার বাইরের তীব্র আলোকে চমক-লাগা চোখে পথ বিপথ ভুলিয়া সেক্সপিয়ারকে জগতের ও কালিদাসকে কেবলমাত্র ভারতের কবিস্বরূপে সম্বোধন করিয়া দেশবাসির নিকট স্মৃতোক বিচার বুদ্ধির জ্ঞান মহা-প্রশংসা অর্জন করিয়াছিলেন। মহাকবি কালিদাসের তুলনার সেক্সপিয়ার? কি আছে এমন সেক্সপিয়ারে, যাহা অনন্ত অভিলাষী মানবের আত্মার আকাঙ্ক্ষার খোরাক জুটাইতে পারে? কোথায় বা তুলনা মহাকবি ভবভূতির? মহাকবি বিদ্যাপতির সমকক্ষ কোথায়? কোথায় পানিণির? ষড়দর্শনের? শঙ্কুস্তলার, রামায়ণ মহাভারতের? উপনিষদ ও বুদ্ধবাণীর? জ্ঞানবৃক্ষ ভারতের তুলনার ইংল্যান্ড! স্মার উলিয়াম জোনস, ম্যাক্সমুলার, বেন্টলি, কোলব্রুক, ফারগুসন, হেভেল, স্মিথ প্রভৃতির গবেষণার, কল্যাণে চোখের ধাঁধা, মনের ধাঁধা ভারতবাসীর অনেকটা গিয়াছে। বুদ্ধিতে পারিতেছে সে একা পরিষ্কাররূপে জ্ঞানরাজ্যে জগতে তাহার দানের মূল্য কম নয়, এবং মোটের উপর ইংল্যান্ড, ফ্রান্স প্রভৃতিতে অভূতখিত নবীন জাতি সমূহ তাহার সঙ্গে তুলনার কত নীচে। কাঁধাফেত্রেও দেখা যাইতেছে, যেখানে ভারতবাসী স্মযোগ স্মবিধা পাইতেছে, সকলকে ডিঙ্গাইয়া সর্বাগ্রে সে স্থান গ্রহণ করিতেছে। এমন পতিত অবস্থাতেও যে জাতির মধ্যে রামমোহন, জগদীশচন্দ্র ও রবীন্দ্রনাথ, বঙ্কিমচন্দ্র ও মধুসূদনের মত মনীষীগণের আবির্ভাব হইতেছে কোন্ দেশের তুলনায় সে দেশ নিকৃষ্ট মনে হইবে?

(৩)

মুসলমান যেমন তাহার ইসলাম ধর্ম লইয়া হাজির হইয়াছিল, ইংরাজ ও তেমন তাহার সঙ্গে খ্রীষ্টধর্ম আনিয়াছিল। প্রথম প্রথম রাজ্যসুগৃহীত নবালোকদীপ্ত জগৎজয়ী সর্কশ্রেষ্ঠ পাশ্চাত্য জাতির গৃহীত ধর্মস্বরূপে তাহা এ দেশবাসীর দৃষ্টি বিশেষরূপে আকর্ষণ করিয়াছিল। কত লোক পিতৃ-পিতামহের ধর্ম পরিত্যাগ করিয়া খ্রীষ্টের পতাকা তলে

যাইয়া আশ্রয় গ্রহণ করিয়াছিল। কিন্তু যে শান্তি, সুখ, আনন্দের জন্ম তাহারা দৌড়াইয়া গিয়াছিল, প্রাণের যে ক্ষুধা মিটাইবার জন্ম বাইবেলের আশ্রয় গ্রহণ করিয়াছিল, বাইবেলে তাহা তাহারা পায় নাই। ফলে, তাহাদের বংশধরগণ মধ্যে কতজন আজ প্রাচীন হিন্দু ধর্মের বন্ধের মধ্যে পুনর্বার ফিরিয়া আসিবার জন্ম বাণী লইয়া উঠিয়াছে! ইহার কারণ যথেষ্ট রহিয়াছে। হিন্দু ধর্ম মূলতঃ জ্ঞানের উপর প্রতিষ্ঠিত, দর্শন ও ধর্ম হিন্দুর চক্ষে কোনও পার্থক্য নাই পক্ষান্তরে খ্রীষ্টধর্ম বা ইসলাম, যতটা না জ্ঞানের উপর প্রতিষ্ঠিত, ততটা গোড়ামির উপর। গোড়া খ্রীষ্টান ব্যতীত এই বিজ্ঞানের যুগে কে বিশ্বাস করিবে, এক ধীর পুত্র দুই হাজার বৎসর পূর্বে জেরুজেলামে ক্রশে আবদ্ধ অবস্থায় প্রাণ হারাইয়া সমস্ত মানবজাতিকে চিরকালের জন্ম ত্রাণ করিয়া গিয়াছেন? গোড়া মুসলমান ছাড়া কে বিশ্বাস করিবে গেব্রিয়াল নামক স্বর্গীয় দূতের অস্তিত্ব ও মহম্মদের সঙ্গে তাহার জন্মনা কল্পনা? গোড়ামীই এ সব কল্পনার ভিত্তি, কিন্তু তাহা তাগ করার উপায় নাই; তাহা হইলে ধর্ম যে থাকে না; নিঃ ধর্ম পরিত্যাগ করিয়া শুধু জ্ঞান-বিজ্ঞানের প্রদর্শিত পথে চলা—কয়জনের সাহস আছে তেমন? খ্রীষ্ট ধর্মের দর্শনের একবারেই স্থান নাই, ইসলামেরও তদ্রূপ। ইসলামের কিন্তু একটা বড় গুণ আছে সমদর্শিতা, ভ্রাতৃত্বের ভাব, জাতবিচার শূন্যতা। এই গুণে আকৃষ্ট হইয়াও সময় সময় মুসলমানের কাছে পরাস্ত হইয়া অনেক হিন্দু মুসলমান ধর্মগ্রহণ করিয়াছিল। ইংরাজ ভারতে প্রচারিত খ্রীষ্ট ধর্মের এ সবেরই অভাব, তাই ইহা চলিল না; দর্শনে পুষ্ট তীক্ষ্ণ-বুদ্ধি হিন্দুর চক্ষে বাইবেল বা কোরাণের কোন মূল্য নাই— দুইই ছটা নিরক্ষর লোকের মনোকল্পিত উক্তির সমষ্টি। জানাঘেবী হিন্দু তাহাদের অনুসরণ করিবে কেন?

কিন্তু ইংরেজ তাহাব জ্ঞান-ভাণ্ডারের শুধু বাইবেল গ্রন্থ লইয়াই এদেশে উপস্থিত হয় নাই। বাইরের কামান, বন্দুক অস্ত্রশস্ত্র ও বাইবেলের সহিত সে আর একটা জিনিষ সঙ্গে আনিয়াছিল—একটা মহাবিস্ফোরক-বাহার নাম পাশ্চাত্যদেশে প্রবর্তিত বিজ্ঞান। এই বিজ্ঞানের আক্রমণে প্রাচীন হিন্দু ধর্ম ও হিন্দু সমাজ বিপর্যস্ত হইয়া উঠিয়াছে, এবং তাহার অস্তিত্ব বজায় রাখা দিন দিনই কঠিন হইয়া উঠিতেছে


সে পত্রের অপেক্ষা না করিয়া আপনি কলাই তাঁহাকে আমার নাম করিয়া বহু কৃতজ্ঞতা পূর্ণ ধন্যবাদ জানাইবেন । ময়মনসিং যে আমার প্রতি এত অনুকূল ইহার মুখ্য কারণ আপনি । বাবু ব্রজনাথ বিশ্বাস আপনাদের পরিষদের সভ্য কি ? এ প্রশ্নের উদ্দেশ্য আপনাকে পরে জানাইব ।

আপনাদিগের একটি শব্দ কমিটি গঠন করা উচিত ; ঐরূপ কমিটি গঠিত হইলে আমি তাহার Corresponding member হইতে প্রস্তুত আছি । কলিকাতার মূল পরিষদ আমাকে বিশিষ্ট সভ্য নির্বাচন করিয়া বহুদিন হইতে সম্মান করিয়া আসিতেছেন । আপনারাও আমাকে বিশিষ্ট কিংবা বিশিষ্ট এইরূপ কোন একটা সভ্য করিতে পারেন ।

বাঙ্গালা ভাষার বহু প্রচলিত শব্দ অভাগ্য পূর্ববঙ্গের সৃষ্টি । ইহা আপনারা জানেন কি ? যখন Self Government প্রচলিত হয়, তখন বিদ্যাসাগর মহাশয় বলিলেন স্বতন্ত্র শাসন, বঙ্কিম বলিলেন আশ্রয়শাসন, পূর্ববঙ্গের এক বৃদ্ধ বলিল স্বায়ত্ত শাসন । বহু বাদান্ত্বাদের পর পূর্ববঙ্গের অনুকূলেই ডিক্রি হইল ; এবং গবর্ণমেন্ট স্বায়ত্ত শাসন শব্দ গ্রহণ করিলেন । সহানুভূতি, বিরাট সভা, বাত কুকুট (weather cock) প্রভৃতি বহু শব্দই পূর্ববঙ্গের । অল্প দিন হইল, এক সাহিত্যিক সাহেব এক পাণ্ডিত লইয়া ঢাকা আসিয়াছিলেন এবং “Alphabetical Chart,” “Kinder Garten” প্রভৃতি শব্দ লইয়া বিশেষ জিজ্ঞাসা হন । তাঁহাকে বলা হইল । প্রথমটির বাঙ্গালা নাম “বর্ণপট”, ২য়টির বাঙ্গালা নাম “কুমার কানন” তিনি এই দুই নূতন শব্দই পাইয়া শতমুখে কৃতজ্ঞতা জানাইলেন এবং ঐ দুই শব্দই পুস্তকের নামে ব্যবহার করিবেন বলিয়া আনন্দ প্রকাশ করিলেন । গ্রন্থ পত্রে গবেষণা করিলে এইরূপ শত শব্দ পূর্ববঙ্গের সৃষ্টি বলিয়া ধরা পড়িবে ।

আমি এখন চলনশুখ । আপনারা দণ্ডায়মান হইয়া পূর্ববঙ্গের গৌরব রক্ষণ ও পরিবর্দ্ধন করুন ইহা আমার প্রার্থনা । ভগবানের রূপার আপনার মঙ্গল হউক ।

আশীর্ব্বাদক—শ্রীকালীপ্রসন্ন ঘোষ



পাওয়া-নাপাওয়া

শ্রীনির্ম্মলেন্দু দত্ত মজুমদার ।

নিউ মার্কেটে ছোট ভাই বোনদের জন্ম উপহারের জিনিষ কিনিতে কিনিতে, সুবীরের দৃষ্টি পড়িল ওই ধারের ভদ্রলোকের সঙ্গে কিশোরীটির উপর মেয়েটিকে তাহার বেশ পছন্দ হইল । সুন্দর কোন কিছু পাইলে সকলেরই সাধ হয় । সুবীর ভাবিল, এই মেয়েটিকে পাইলে তাহার জীবন সার্থক হয় !

সুবীরের সব জিনিস কিনা হইয়া গেল ; তবুও সে বাসায় ফিরিবার চেষ্টা করিল না ।

কিছুক্ষণ পরে সেই ভদ্রলোক মেয়েটির হাত ধরিয়া একখানা কারে উঠিয়া বসিলেন । ড্রাইভার তাড়াতাড়ি হর্ণ টিপিয়া স্টার্ট দিল । সুবীর হতাশভাবে সেই দিকে চাহিয়া রহিল—হঠাৎ পকেট হইতে নোটবই বাহির করিয়া কারখানার নম্বর টুকিয়া লইল ।

* * * * *

দাদার ঘরে প্রবেশ করিয়া সুবীর বলিল, “আমি এখন বাড়ী যাবনা, তুমি একাই যাও দাদা ।”

“বন্ধ হয়ে গেল, তবু বাড়ী যাবিনা কেনরে ?”

বেশ গম্ভীরভাবে সুবীর বলিল, “এই—পরীক্ষার বছর, এখন যে কয়দিন এখানে থাকা যায়, তাই লাভ । পূজোর একদিন আগে গেলেইতো যথেষ্ট ।”

“হাইকোর্ট কবে বন্ধ হয়ে গেল ! শুধু তোর জন্মই এদিন অপেক্ষা করেছি ; আর এখন হঠাৎ বলিস্ কি না যাবি না ! না, সে আর এখন হয় না । বরং পূজোর পরই এসে পরিস্ ।”

সুবীর ভাবিতেছিল, সেই নম্বর নিয়া মেয়েটির খোঁজ করিবে । কিন্তু যত গোল বাধাইল তাহার দাদা সুধীর । সে দাদাকে একটু ভয় করিত, কাজেই দ্বিধাক্রম করিত আর সাহস পাইল না ।

* * * * *

শয়নকক্ষে একটা ইজিচেয়ারে শুইয়া চৌধুরী মহাশয় বেশ নিশ্চিন্ত মনে গড়-গড়ার নলটা টানিতেছেন । এমন সময় হাসিমুখে আসিয়া স্ত্রী বলিলেন, “একটা কথা আছে ।”



স্বর্গীয় গিরিশচন্দ্র চক্রবর্তী

কুস্তলীন প্রেস,

এবং এখনও হইতেছে। মিথ্যা প্রচারিত হইয়াছে পুরুষ স্ত্রীর দেবতা, শুধু ইহকালের জন্ত নয়, পরকালের জন্তও তাহার ভাগ্যানিহতা। পরকাল কি আছে? এখন কিন্তু দেখা যাইতেছে সবই মিথ্যা। স্ত্রীলোক বিষয়বিশেষে পুরুষ অপেক্ষা তুলনায় নিম্নস্থানীয় হইলেও আবার কোন কোনও বিষয়ে শ্রেষ্ঠ; অধিকতর দীর্ঘজীবী যে, তাহার দেহ পুরুষের তুলনায় তেমন অল্পে ভঙ্গুর নয়, বুদ্ধিবৃত্তি সুতীক্ষ্ণ, এবং মনের দৃঢ়তাও তাহার অধিক। তাহার দুর্ভাগা তাহার দৈহিক দুর্বলতার সুযোগ লইয়া পুরুষ তাহাকে আপনভাবে বাড়িতে দেয় নাই। বিশেষ করিয়া, এই ভারতবর্ষে সতীত্বরূপ এক তরোয়াল সব সময় তাহার মাথার উপর ধরিয়া রাখিয়া স্ত্রীজীবন পূর্কোপর মহা কষ্টকর ও অশান্তিদায়ক করিয়া রাখা হইয়াছে। পুরুষের সুখসন্তোগের, সুবিধার জন্তই সতীত্ব ধর্ম তাহাকে বজায় রাখিতে হইবে, এবং এই মহাধর্ম রক্ষা করাইবার জন্ত তাহাকে নিরক্ষর বন্ধিনীতে পরিণত করা হইয়াছে। সে জ্ঞানালোক হইতে বঞ্চিত, সে বাইরের সূর্যালোক ও বায়ু—বনের পশু, পক্ষী, কাঁট, পতঙ্গ পর্যন্ত সকলেরই যাহা উপভোগ্য—হইতে বঞ্চিত, সে অসুখ্যাম্পশা। রুদ্ধ গৃহে স্বামীর কাদামাথা পায়ের ধোয়া জল খাইয়া, তাহার ভোগবিলাসের পুতুলস্বরূপে পরিণত হইয়া, স্বামীর পুত্রকন্যাগণকে প্রতিপালন করিয়া, স্বামীর সংসার চালাইয়া বৃদ্ধকালে স্বামীর পায়ে মাথা রাখিয়া মরিতে পারিলেই তাহার স্বর্গপ্রাপ্তি, তাহার নারীজীবনের পূর্ণতা। লেখাপড়ার তাহার দরকার নাই, জ্ঞানের প্রয়োজন নাই। কি পার্থক্য এ জীবনের সঙ্গে পশুজীবনের? কি বিকট বিসদৃশ আদর্শ! কিন্তু ইহাই ভারতের শাস্ত্রকারদের, বড় বড় মুনি ঋষিদের ব্যবস্থা যাহাদের বিরুদ্ধে মুখ ফুটিয়া কথা বলিতেও ভারতবাসী সম্মত, কোনও অবস্থাতেই নারীর স্বাধীনতা নাই। পৃথিবী ভরা এত স্ত্রীলোক, সংখ্যায় তাহারা পুরুষ অপেক্ষা কম নয়, অথচ পুরুষের অত্যাচারে, প্রতিবন্ধকতার সন্তানের জন্মদান ব্যতীত অল্প কোনও ব্যাপারেই তাহারা কিছুই করিতে পারে নাই। যেন শুধু সন্তানের মা হওয়াতেই নারী জীবনের পূর্ণ চরিতার্থতা। মহুষ্য হিসাবে সন্তানের বাপ হওয়া ছাড়া আরও অনেক জিনিষ করিবার রহিয়াছে পুরুষের, এ সত্য সকলেই বোঝে, কিন্তু স্ত্রীলোকদের

বেলাতেই বিপরীত বুদ্ধি আসিয়া দেখা দেয়। মাঝে মাঝে অগাধ আঁধারের ভিতর আলোককণার ছায়া নানা প্রতিবন্ধকতার মধ্যেও এখানে সেখানে দুই একটি মাত্র রমণীর দিব্য প্রতিভা ফুটিয়া উঠিতেছে অথচ তাহাদেরই বংশধর ম্যাডাম কুরি, জর্জ স্ত্রাও, ম্যাডাম ডি স্ট্রেল, জর্জ ইলিয়াট, অহল্লাবাই, এ্যানি বেসেন্ট! কি অপার শক্তি প্রতিভা সর্বত্র, বিশেষ করিয়া এই ভারতভূমিতে, যুগ যুগ ধরিয়া পুরুষের অত্যাচারে বিনষ্ট হইতেছে! এই ব্যবস্থা, এই নারীদলন-ব্যাপার আর কতদিন চলিবে? সতীত্ব যজ্ঞ আর কতকাল স্ত্রীলোকের শক্তি সামর্থ্য বুদ্ধি ভস্মীভূত হইবে? পুরুষের সং হইবার দরকার নাই, হইলে ভাল, না হইলেও ক্ষতি নাই, যত সব ধর্মের কঠোর ব্যবস্থা সহায়-বিহীন স্ত্রীলোকের জন্ত। সর্বত্রই, সকলেরই স্বাধীনতার দরকার বড় হইবার জন্ত। বৃদ্ধের পক্ষে মুক্ত আলো ও বাতাসের প্রয়োজন, খাঁচায় পাখীর সৌন্দর্য্য, স্বর বিহীন হইয়া উঠে; রুদ্ধ কুঠীতে শৃঙ্খলাবদ্ধ পুরুষ অল্পেই স্বাস্থ্যশূন্য হইয়া পড়ে—শুধু ভারতের রমণীই কি গৃহাবদ্ধ অবস্থায় পূর্ণ বিকশিত হইয়া উঠে? পুরুষের ছায়া, স্ত্রীলোকেরও পূর্ণ স্বাধীনতার প্রয়োজন, তা হোক না কেন সে ব্যবস্থা পুরুষের পক্ষে শেষ পর্যন্ত অসুবিধা জনক। স্ত্রীলোকেরা এতদিনে এ সত্যটা বিশেষরূপে হৃদয়ঙ্গম করিতে পারিয়াছে; ইয়ুরোপ এ্যামেরিকায় তাই তাহারা পুরুষের সঙ্গে সমান আসন পাইবার অধিকার দাবী করিতেছে ও ক্রমে ক্রমে পুরুষকে সরাইয়া নিজেদের স্থান করিয়া নিতেছে। এ্যামেরিকায় ইতিমধ্যেই শিক্ষাবিভাগে তাহাদের সংখ্যা পুরুষ অপেক্ষা অধিক হইয়া দাঁড়াইয়াছে। ভারতেই কি শুধু তাহারা জন্ম ধরিয়া পুরুষের পা ধোয়া জল খাইয়া সর্ববিষয়ে পুরুষের মুখাপেক্ষী হইয়া আপনাদিগকে ভাগ্যবতী মনে করিবে? তাহা কি আর ভবিষ্যতে সম্ভবপর হইবে? যে দেশে সরোজিনী নাটু ও সরলা দেবীর মত রমণী দেখা দিয়াছে, স্কুল কলেজ বিদ্যালয়গণী বালিকায় ভরিয়া উঠিতেছে—সে দেশে যে কোন্ দিকে চলিয়াছে, কে না দেখিতেছে?

(৫)

জ্ঞান-বিজ্ঞানরূপ মহাদৈত্য সকল প্রকার ভূয়া দেবতাকে ধরিয়া ধরিয়া চূর্ণবিচূর্ণ করিতেছে; ধনী দেবতা, ব্রাহ্মণ

দেবতা, পতি দেবতা সকলকেই ব্যতিবাস্ত করিয়া তুলিয়াছে, এমন কি স্বয়ং ভগবানও বাদ যাইতেছে না। প্রাচীন সমস্ত কুসংস্কার জাতিভেদ প্রভৃতি, খরস্রোতে ভাসিয়া যাইতেছে এবং সমস্ত কৃত্রিম বন্ধন হইতে মুক্ত হইয়া জাতি ধীরে ধীরে নূতনভাবে গঠিত হইয়া উঠিতেছে। তাও বলিতে হইবে, 'মরিয়া না মরে রামের' মত নীচ যে ইহাদের অন্ত হইবে তেমন সম্ভাবনা কম, কিন্তু ইহাও ঠিক, দু'দিন আগে আর পরে ইহাদের সরিঙ্গা যাইতে হইবেই।

ভবিষ্যতের সমাজ! ভারতীয় সমাজ! কি মূর্তি ধারণ করিবে? যাই কেন না বলি, পাশ্চাত্য জ্ঞান-বিজ্ঞানের প্রভাব হইতে মুক্ত হওয়া অসম্ভব, অবনত মস্তক হইয়া তাহাদের শিক্ষা মানিয়া লইতেই হইবে; সত্য গৃহীত হইবেই, গ্রহণ না করিয়া উপায় নাই। আচার-পদ্ধতি, চাল-চলন, পোষাক-পরিচ্ছদ সমস্তই এই প্রভাবের মাধ্যমে পরিবর্তিত হইতেছে, হইবে। আমাদের অতি প্রাচীন বিধিব্যবস্থা পূর্ণরূপে আর চলিবে না, প্রাচীনগৃহকে নূতন সব খুঁটীদ্বারা সংস্কার করিয়া লইতে হইবে। জগতের সর্বত্রই সাম্যের ভাব প্রচারিত হইতেছে, আমাদেরও তাহা গ্রহণ করিতে হইবে। ধনী দরিদ্রে মিশিয়া কালে একাকার হইয়া যাইবে, সকলেবই বাঁচিবার, বড় হইবার, মানুষ হইবার সমান অধিকার থাকিবে; ব্রাহ্মণ অ-ব্রাহ্মণ থাকিবে না, অস্পৃশ্যতার পূর্ণ লোপ হইবে; জাতি-বিচার থাকিবে না; স্ত্রীলোক পূর্ণ স্বাধীন হইবে, ও সকল বিষয়ে পুরুষের সঙ্গে পূর্ণ অধিকার সম্পন্ন হইবে, ধর্ম! সত্যের উপর যে ধর্ম প্রতিষ্ঠিত নয়, তাহাও থাকিবে না। বিজ্ঞানের আক্রমণে সকল ধর্মেরই শেষ দশা উপস্থিত হইয়াছে—ভগবান, আত্মা, পরমাত্মা, যে সকল মূল ধারণার উপর ধর্ম প্রতিষ্ঠিত, সবই যে মানুষের ভুয়া কল্পনা! এই ধর্ম লইয়া মানুষ কি করিবে? স্বর্গ, মোক্ষ, মুক্তি, সব: সবই মিছা। সব ধর্ম লোপ পাইতেছে, কিন্তু লোকের অলঙ্কিতে নূতন ধর্মেরও সৃষ্টি হইতেছে। এই ধর্মের মূল উদ্দেশ্য সকল মানবের সর্বস্বাধীন উন্নতি সাধন। এক মহা-সমদর্শিতার ভাবে ইহা অনুপ্রতিষ্ঠ হইবে ভগবান বা আত্মা, পরমাত্মার ইহাতে স্থান নাই। মানুষের: সকলের পক্ষে যাহাতে জ্ঞান, বাসস্থান, খাদ্য, ও পোষাক পরিচ্ছদ সমানভাবে অনায়াস

লভা হয় ভবিষ্যতের সমাজের তাহাই প্রধান লক্ষ্য হইবে। খাঁটি প্রতাক্ষ সত্যের উপর, কল্পনা কল্পনার উপর নয়, সে সমাজ প্রতিষ্ঠিত হইবে—সকলের সুখবিধান ও উন্নতিই যাহার মুখ্য উদ্দেশ্য হইবে। সমাজের একদিকে ক্রোড়পতি, অন্যদিকে নিরন্ন নির্বন্ধ দরিদ্র—এ অবস্থার অন্ত হইবে। কালে সমস্ত প্রচলিত ধর্মই বিলুপ্ত হইবে, এবং তাহার স্থলে এক মানব সেবা, জীব সেবারূপ মহাধর্ম প্রতিষ্ঠিত হইবে। বহুযুগের দরকার, হিন্দু, মুসলমান, খ্রীষ্টান, পার্শি, জৈন, শিখ মিলিয়া এক মহাজাতির সৃষ্টি হইবে এবং সেই জাতি ভবিষ্যতের জগৎব্যাপী বিশাল মানবজাতির অগ্রভূক্ত হইবে। ভারতবাসী বলিয়া কোনও জাতি থাকিবে না; এ সব অর্থশূন্য মনগড়া ভৌগলিক চিত্রের উপর রচিত জাতির অস্তিত্ব আর কত দিন থাকিবে?

নানাদিক হইতে Parliament of men. Faderation of the world প্রভৃতি বড় বড় কথা শোনা যাইতেছে। তাহা কি কখনো সম্ভবপর হইবে! রেলওয়ে, জাহাজ, মটরকার, এ'রিওপ্লেন, টেলিগ্রাফ, রেডিওগ্রাফি, বায়স্কোপ, গ্রামোফোন প্রভৃতি কলাগণে দূরত্বের বিনাশ সাধনের সঙ্গে জগতের সকল জাতির একে অত্রের সঙ্গে মিলিবার মিশিবার নানাপ্রকার সুযোগ সুবিধা হইয়াছে, মুদ্রায়ন্ত্রের কলাগণে সমস্ত জগৎ ব্যাপিয়া এক ভাব-ধারার আদান প্রদান হইতেছে, প্রতিনিঃস্থাসে একে অত্রের ভাব গ্রহণ করিয়া পরিবর্তিত হইতেছে। এক মহামানবজাতি গঠনের সমস্ত সম্ভারই প্রস্তুত। কিন্তু এই জাতি গঠিত হইয়া উঠিবে কি? একই প্রকার ভাবে প্রভাবান্বিত হইয়া তাই ভগ্নীজ্ঞানে একে অত্রের সঙ্গে মিলিত হইবে কি! মহাপুরুষগণের স্বপ্ন সফল হইবে কি! তাহা কি সম্ভবপর। মানুষ যে মহা হিংস্রক জন্তু—ঘাঙ্গ, সিংহ প্রভৃতির পর্যায় ভুক্ত; ইহা বিজ্ঞানেরই বাণী। এমন হিংস্র জন্তু আর নাই, এমন স্বার্থলোভী, পরপীড়নকারী, হিংস্রক, পর অনিষ্টকারী। সকল মানবের মিলন, এমন হিংস্রজন্তু সমূহের মিলন—অসম্ভব

ভারতবর্ষ! বুদ্ধ, অশোকের জন্মস্থান ভারতবর্ষ! এখান হইতে যে প্রেমের বাণী ঞ্চার-সাম্যের বাণী প্রচারিত হইয়াছিল, তাহার ফলে এক সময় স্বর্ক-এশিয়া কথকিৎ শাস্ত্রমূর্তি পরিগ্রহ করিয়া মানব সেবা জীব সেবারূপ মহা

প্রবেশ করাইয়া দিলেন ; তাহাতে জরের সামান্য লক্ষণ মাত্র প্রকাশ পাইল । পনের দিন পর ১২ ঘণ্টা উত্তাপে রক্ষিত হইয়াছে এইরূপ পূর্বাপেক্ষা তীব্রতর জরের বিষ সেই ভেড়াটির রক্তের সহিত মিশ্রিত করিয়া দেওয়া হইল কিন্তু বিশেষ কিছু পরিবর্তন লক্ষিত হইল না । আবার পনের দিন পরে এনথ্রাক্সের কীটগু উত্তপ্ত না করিয়া সাধারণ অবস্থায় সেই ভেড়াটির দেহে প্রবেষ্ট করা হইল । আশ্চর্যের বিষয় এই যে রোগের কোন লক্ষণই প্রকাশ পাইল না । অতঃপর যে কোন ভেড়া সেই মারাত্মক বিষ মৃত্যুশূন্যে পতিত হইত । আফিং খাইয়া যাহারা অভ্যস্ত তাহারা যে পরিমাণ আফিং খাইয়া আরাম বোধ করে সেই পরিমাণ আফিং খাইলে অন্তের প্রাণ নাশ হইয়া থাকে । সকল বিষ সম্বন্ধেই এই অভ্যাসের ফল এক প্রকার হইয়া থাকে ।

ব্যাধির বীজগু কোন বিশেষ বিশেষ প্রাণীর দেহে নির্দিষ্ট সময়ের জন্য বর্ধিত হইতে দিলে ইহার তীব্রতা ইচ্ছানুযায়ী হ্রাস বৃদ্ধি করা যায় । এই সত্যও মহাত্মা পাস্তুর আবিষ্কার করেন এবং পরীক্ষা দ্বারা তিনি ইহাও সপ্রমাণ করিয়াছেন যে কোন ব্যাধির নাতিতীব্র বীজগু জীবদেহে প্রবেশ করাইয়া দিলে সেই ব্যাধির লক্ষণ স্বল্প পরিমাণে প্রকাশ পাইয়া থাকে বটে কিন্তু তাহাতে ভবিষ্যতে ঐ ব্যাধির মারাত্মক আক্রমণ হইতে রক্ষা পাওয়া যায় । এই মহাসত্য চিকিৎসা শাস্ত্রে যুগান্তর আনয়ন করিয়াছে । এখন ব্যাধির বীজ দ্বারাই সেই ব্যাধির চিকিৎসা আরম্ভ হইয়াছে । বসন্ত প্লেগ প্রভৃতি ব্যাধির টিকার মূলেও এই সত্য নিহিত রহিয়াছে । ইহাই Vaccination

ক্ষিপ্ত শৃগাল কুকুর প্রভৃতি জন্তু দংশন করিলে ভীষণ জলাতঙ্ক রোগ জন্মে । পাস্তুরের আবিষ্কৃত অভিনব প্রণালী মতে চিকিৎসা করিলে এই মারাত্মক ব্যাধি হইতে রক্ষা পাওয়া যায় । সাধারণতঃ ক্ষিপ্ত শৃগাল কুকুরের দংশনের ৪২ দিন পর জলাতঙ্ক রোগ দেখা দেয় । পাস্তুর নিষ্কাশিত করিলেন, যদি দংশনের পর সেই রোগের জীবাণু সামান্য পরিমাণে দৃষ্ট ব্যক্তির শরীরে ৪২ দিন পর্যন্ত অল্পে অল্পে প্রবেশ করাইয়া দেওয়া যায় তবে সেই সাংঘাতিক ব্যাধি হইতে কিছুতেই রোগীর মৃত্যু ঘটিতে পারে না ।

একবার এক কৃষকের পুত্রকে একটা নেকড়া বাঘে কামড়াইয়াছিল । পাস্তুর তাঁহার আবিষ্কৃত প্রণালী অনুসারে বালককে জলাতঙ্ক রোগের টিকা প্রদান করিলেন । সেই বালকের দেহে আর রোগের লক্ষণ দেখা দিল না । এই ব্যাপার দর্শন করিয়া চিকিৎসকগণ অতিশয় চমৎকৃত হইলেন । তখন হইতে পাস্তুরের চিকিৎসা প্রণালী বিজ্ঞ ব্যক্তিগণ গ্রহণ করিলেন । প্যারিস নগরে পাস্তুরের স্মৃতি রক্ষার্থ একটা রমনীয় বিজ্ঞান মন্দির প্রতিষ্ঠিত হইয়াছে । তাঁহার প্রথম চিকিৎসার স্মৃতি স্বরূপে উহার সম্মুখে একটা কৃষক বালক ব্যাঘ্রের সহিত যুদ্ধ করিতেছে এই সুন্দর প্রস্তর মূর্তি স্থাপিত হইয়াছে ।

ভারতবর্ষে সম্প্রতি পাস্তুরের আবিষ্কৃত প্রণালী অনুসারে জলাতঙ্ক রোগের চিকিৎসা হইতেছে । কলিকাতা, কোসলি ও শিলং এ হাসপাতাল প্রতিষ্ঠিত হইয়াছে । বহু রোগী পূর্কোক্ত হাসপাতালে চিকিৎসিত হইয়া এই দুঃসুখ জলাতঙ্ক ব্যাধির আক্রমণ হইতে মুক্তিলাভ করিতেছে ।

পূর্বে উক্ত হইয়াছে যে বানি ও ধূলির সহিত খাওয়া ও পানীয় জলের সহিত সর্বদা নানা প্রকার ব্যাধির বীজগু আমাদের দেহাভ্যন্তরে প্রবেশ লাভ করিতেছে । তোমরা জিজ্ঞাসা করিতে পার তবুও আমরা পীড়িত হইতেছি না কেন ? ইহার কারণ আমাদের শরীরের রোগ প্রতিরোধ করিবার একটা স্বাভাবিক শক্তি আছে । সেই শক্তি প্রভাবে আমরা ব্যাধির বীজগুকে পরাজয় করিতে পারি ।

যতক্ষণ এই শক্তি প্রবল থাকে ততক্ষণ ব্যাধির আশঙ্কা নাই । কিন্তু এই শক্তি সকলের সমান থাকে না কিম্বা এক ব্যক্তির ও সকল সময়ে সমান শক্তি থাকে না । এই জন্ত সুস্থ ও সবল ব্যক্তি সহজে রোগাক্রান্ত হয় না কিন্তু দুর্বল ব্যক্তির সর্বদা ভয়ের কারণ রহিয়াছে । আবার সবল ব্যক্তিও যদি আহার নিদ্রার অনিয়মে অথবা অতঃপর কোন কারণে দুর্বল হইয়া পড়ে তবে তাহার দেহস্থ ব্যাধির বীজগু প্রবল হইয়া রোগ উৎপাদন করিয়া থাকে । যেমন বীজ কঠিন মাটিতে পড়িলে অঙ্কুরিত হইতে পারে না কিন্তু বারিপাতে ক্ষেত্র নরম হইলেই অঙ্কুরের উদগম হয় ।

ব্যাদির বীজ সকল জীবদেহেই রহিয়াছে কেবল অনুকূল অবস্থা পাইলেই ইহার বিকাশ হয়।

ম্যাচনিকফ্ নামক একজন রুশদেশীয় পণ্ডিত সপ্তমাব্দে করিয়াছেন যে রক্তে দুই প্রকার কীটগণ আছে। এক প্রকার কীটগণের রঙ শুভ্র অথবা প্রকারের রঙ লাল। এই শুভ্র কীটগণের কাজ জীব শরীরে ব্যাদির জীবাণু প্রবেশ করিতে না দেওয়া। তরল রক্তের সহিত বিচরণ করিয়া উহারা সর্বদা দেহাভ্যন্তরে পাহারা দিতেছে। তাহাদের বেরাম নাই। শরীরে রোগের বীজগণ প্রবেশ করিলেই ইহাদের সহিত ঘোরতর সংগ্রাম বাঁধে। সংগ্রামে যদি রক্ত কীটগণের জয় হয় তবে আর কোন চিন্তার কারণ নাই। ইহা দিগকে পরাস্ত না করিলে দেহে ব্যাদি প্রবেশ করিতে পারে না। আমাদের শরীরের কোন ক্ষতস্থান উন্মুক্ত থাকিলে বায়ুস্থিত কীটগণ তাহাতে প্রবেশ করিয়া থাকে। সেই সময়ে রক্ত কণিকার সহিত প্রবিষ্ট কীটগণ যুদ্ধ আরম্ভ হয়। তাহার ফলে ক্ষতস্থান ক্ষীণ ও উত্তপ্ত হয়। রক্ত কণিকার জয় হইলে বা অচিরে শুকাইয়া যায়। কিন্তু পরাজয় হইলে সেই স্থান পঁচিতে আরম্ভ করে এবং পুঁজ নির্গত হয়। তখন ঔষধ দ্বারা রক্তকীটগণের সাহায্য না করিলে ক্ষত বৃদ্ধি পাইতে থাকে।

শিক্ষার মোহ

(শ্রীসুরেন্দ্রমোহন বেদান্ত শাস্ত্রী)

যে কুসুম স্বকীয় স্বাভাবিক সৌরভে দিগন্ত আমোদিত করে, মন প্রাণ প্রফুল্ল করে সেই কুসুম সাধারণতঃ জনপ্রিয় হয়। আর যে কুসুম কি সৌরভে কি রূপে সর্বপ্রকারে মানবের মন আকর্ষণ করে, শুধু আকর্ষণ নহে, আনন্দময় করে, অসুস্থ মনকে সুস্থ করে, সেই কুসুম বিশেষ ভাবেই সকলের কাম্য; দেবতার নিকটেও সেই জাতীয় পুষ্পের সমধিক আদর। যে সমস্ত দেশে সাকার দেবতার স্বীকার নাই সে সমস্ত দেশেও পুষ্পের আদর কম নহে। মানুষের মধ্যে যাহারা গুণে মানে ধনে শ্রেষ্ঠ তাহারাও পুষ্প উপহারে মুগ্ধ হন।

শিক্ষারও দুইটা দিক আছে। একটা ফুলের রূপের মতো বাহিরের দিক, অপরটা ফুলের সৌরভের মতো ভিত-

রের দিক। যে শিক্ষায় পারিপার্শ্বিক আবহাওয়া সৌরভ ময় করে, সাধারণ জনমণ্ডলীর মধ্যে অধিকাংশের মনেই আনন্দ জাগাইয়া দেয়, সেই শিক্ষাই সুগন্ধি কুসুমের মতো সর্বত্র সমাদৃত হয়। আর, যে শিক্ষার শুধু রূপ আছে, চাকচিক্য আছে, বল-বল্যমান বিলাস চাতুরী আছে সেই শিক্ষা কতিপয়ের নিকট গ্রাহ্য হইতে পারে বটে কিন্তু উহা সর্বগ্রাহ্য নহে। পরন্তু যে শিক্ষার রূপও নাই গুণও নাই বরং নকার জনক বীভৎসতা আছে, প্রাণ নাশকর মাদকতা আছে, জাতি নাশকর নেশা আছে, তেমন শিক্ষা বিসময় পুষ্পের মতো সকলেরই বোধ হয় তাজা।

আজ আমাদের দেশে বেরূপ শিক্ষার বিস্তৃতি লাল-বটিতেছে তাহা গুণে ভালো কি রূপে জন্মকালো তাই নিয়ে সুধীমহলে আন্দোলনের সাদা পড়িয়া গিয়াছে; এবং আলোচনার সূত্রপাত নহে, খাত প্রতিখাত ও আরম্ভ হইয়াছে। কাহারও মতে বর্তমান শিক্ষায় আমাদের দেশ কি রাজনীতি, কি সমাজনীতি, কি অর্থনীতি বা ধর্মনীতি সকল নীতিতেই পিছাইয়া পড়িতেছে, অথচ কি আশ্চর্য! এতজাতীয় আলোচনা-কারীদের মধ্যে অধিকাংশই কিন্তু বর্তমান শিক্ষানু-গত বহির্বিলাসে মুগ্ধ। এক শ্রেণীর লোক বর্তমান বৈদেশিক শিক্ষা ও সভ্যতা চায় না অথচ পাকে প্রকারে সেই শিক্ষাকে কিন্তু বরণ করিয়া নেয়। এই প্রকারের যে দ্বৈত মনো-ভাব তাহাতে সরল প্রাণ ব্যক্তিগণ প্রতারিত হন। শিক্ষার সংস্কার অনেকেই অনেক দিন যাবৎ চাহিতেছেন, বৈদেশিক শিক্ষারও নিন্দা করিতেছেন, কিন্তু কৈ? এত আন্দোলন সত্ত্বেও আমাদের দেশে দেশীয় রক্তমাংসানুমোদিত শিক্ষারও প্রচলন হইতেছে না।

৫০ | ৬০ বৎসর পূর্বে আমাদের দেশে যে সমস্ত অপ্রিয় ছিল, এখন তাহাই প্রিয়রূপে দেখা যাইতেছে। নিত্য নূতন আধি, ব্যাদি, দীনতা, হীনতা, নানা ছন্দে নানা সুরে সমাজের সুস্থ শক্তিকে বিপর্যাস্ত করিতেছে। যতই লোক শিক্ষার সংস্কার চাহিতেছে, সভ্যতার উন্নতি আকাঙ্ক্ষা করিতেছে, ততই যেন আমাদের দেশের হাব ভাব, রীতি নীতি, চাল চলন লোপ পাইতেছে। আচারে আহারে আকারে প্রকারে ভূষণে পরিচ্ছদে, ভাবে ভাষায় এমন কি স্বতন্ত্র চিন্তাধারা পর্যন্ত পাশ্চাত্য শিক্ষামুগ্ধ আমরা প্রাচ্যের

জেলা ময়মনসিংহ পরগণে হোসেনসাহীর অন্তর্গত নান্দাইল থানার এলাকাধীন আউটপাড়া গ্রামে ১২৪৮ সনে ষাণ্মাসে মঙ্গলবার শ্রীরামচন্দ্র মালী (রামু সরকার) জন্ম গ্রহণ করেন। ইহার পিতার নাম ৮রামপ্রসাদ মালী, মাতার নাম রামমণি দাসী। উক্ত আউটপাড়া গ্রামে একটা কবির দল ছিল তাহার বয়স যখন ৮৯ বৎসর, তখন ঐ দলে গিয়া গান শুনিতেন, সন্ধ্যাকালে সকল রাখাল বালক সহ একত্রিত হইয়া ঐ সকল ছড়া পাঁচালীর আলোচনা করিতেন। ইহার স্মৃতিশক্তি এত প্রবল ছিল যে, একবার যাহা শুনিতেন তাহাই অভ্যস্ত হইত। ইহার এরূপ স্মৃতিশক্তি দেখিয়া আউটপাড়া নিবাসী স্বর্গীয় অমরচন্দ্র ভট্টাচার্য মহাশয় নিজ বাড়ীতে আনাইয়া কবির গান ও ছড়া পাঁচালী রচনায় উপদেশ দিতে লাগিলেন এবং মহাভারত, রামায়ণ শ্রীমদ্ভাগবত প্রভৃতি পুরাণের প্রস্তাবগুলি মুখে মুখে শিক্ষা দিতে লাগিলেন। এইরূপ শিক্ষাতেই কিছুদিনের মধ্যে তাঁহার অদ্ভুত রচনা শক্তি জন্মিল। পাঠকগণের কৌতূহল চরিতার্থের জন্ত তাহার রচিত ভক্তি সঙ্গীত একটা ও ঈশ্বর বন্দনা প্রভৃতি নিয়ে উদ্ধৃত করিলাম—

হরি বলে ডাকরে আমার মন
এল, নিকটে শমন তুমি কার আশায় বসিয়ে রয়েছ,
তোমার গণার দিন যে দিনে দিনে গত হ'ল তাকি টের
পেয়েছ ॥

যাবে যদি ভর পারে বল কৃষ্ণ হরে হরে
কেন ভ্রাস্তে পড়ে ভুলিয়ে রয়েছ
ঠেকে ভবের ফান্দে রামু কান্দে
ভক্তি ধনে মন বঞ্চিত হয়েছ
এ দেহ থাকতে চেতন হরি বল মন
জীবনের ভরসা আর কি
যখন এসে শমন দিবে দরশন
তখন ঘোর হবে দুই আখি
যার জন্ত খাট বেগারী তারা সব হবে পড়ি
একা পালাবে প্রাণ পাখি

তোমার ভবের কামাই ভবে রবে,
মন তোমায় দিনেই বা কি নিবেই বা কি।

আমি মূর্খ নিতাস্ত্রা ভ্রাস্তে হই অশাস্ত্র
শ্রীকান্ত জানি না কখন
সদায় করি ছশিচস্ত্রে চিন্তা মণি করি চিন্তে
নিশ্চিন্ত মন থাকে না কখন
যার করিলে চিন্তে দূরে যাবে সকল চিন্তে
চিন্তামণি চিন্তার কারণ
কে পারে তাঁহারে চিন্তে যে চিন্তে সে চিন্তে
আমার জন্ম গেল চিন্তে চিন্তে, চিন্তে পারিনে কখন
মুক্তিকর্তা জনার্দন এ ধন বিনে আর কি ধন
ত্রিজগতের মোক্ষধন চিন্তা কল্পে সে চরণ
মোক্ষধামে হয় গমন।
ত্রিজগতের তারণ কারণ যিনি হল কারণের কারণ
ক এতে কৃষ্ণ নাম লিখন আমি তা জানিনে কখন।
উদ্দেশ্যেতে নিবেদন করি প্রভু জনার্দন
বিপত্তে মধুসূদন যা কর এখন ॥

ঈশ্বর বন্দনা

হে প্রভু জনার্দন উদ্দেশ্যে করি নিবেদন
শ্রীচরণ পাবার আশার আশে:
পাপাশ্রিতে মতিচ্ছন্ন ভক্তি হয় না সে জন্ত
মোক্ষ চরণ পাব আর কিসে
আনি মূর্খ ভক্তিহীনে পাবার আশা হয় না মনে
যদি তোমার দয়া গুণে পাই আমি দীনহীনে
কে অ'ছ তুমি বিনে এ তিন ভুবনে
পাপী তাপী কতজনে উদ্ধারিলে নিজগুণে
কিঞ্চিৎ করুণা গুণে দয়া কর এ অধীনে
তুমি কৃষ্ণ ব্রজের বনমালী
আমি তোমার হতে ভক্ত
যে দিন হবে জীবন মুক্ত
কইরো মুক্ত বলে রামু মালী।
গুরু বন্দনা

গুরু কৃষ্ণ বৈষ্ণব তিনে এক দেহ
জীব উদ্ধারিতে ভবে আর নাই কেহ
সেই গুরুতে ভক্তি হয় না আমার আমার করি
কেবা আমার আমি বা কার জাস্তে নয়কো পারি

বাদসার ইচ্ছার বিরুদ্ধে দাঁড়াইলে, অশান্তির অবসানত হইবেই না, অধিকন্তু জীবন নাশের আশঙ্কাও রহিয়াছে।—মতিয়া সমস্ত কথা নীরবে শ্রবণ করিত, এবং বস্ত্রাঞ্চলে মুখ আচ্ছাদন করিয়া নীরবে বসিয়া থাকিত।

সেদিন ভোর নয়টায় বাদসা সাহেব কারাকক্ষ পরিদর্শন করিয়া গিয়াছিলেন। বিশেষ একটা উদ্দেশ্য লইয়া, বিকাল বেলাও আবার হোসেনআলীর কারাকক্ষের দ্বার উন্মোচন করিলেন। কক্ষের ভিতর দৃষ্টি নিবন্ধ করিয়াই দেখিলেন, হোসেন ও মতিয়া একত্র উপবেশন করিয়া, অপলক দৃষ্টিতে বাক্যালাপ করিতেছে! সেই অভাবনীয় দৃশ্য প্রত্যক্ষ করিয়া বাদসা সাহেব একেবারে স্তম্ভিত হইয়া গেলেন। তাঁহার নেহের সমস্ত রক্ত খেন, অকস্মাৎ, অগ্নিতপ্ত সলিতাৎ, আলোড়ন জাগাইয়া, মস্তক অধিকার করিয়া বসিল। রাগে, ক্ষোভে, তাঁহার সর্ব শরীর থর থর করিয়া কাঁপিতে লাগিল। বাকশক্তি হারা হইয়া তিনি কয়েক মূহূর্ত্ত নীরবে দাঁড়াইয়া রহিলেন;—এতবড় অসম্ভব ব্যাপার তাঁহার প্রাসাদের সীমানার ভিতর যে অনুষ্ঠিত হইতে পারে, তাহা তিনি পূর্বে কখনও ধারণা করিতে পারেন নাই! তাঁহার আদেশ অমাত্য করিয়া, এমন দুঃসাহসিক কার্যসম্পাদন করিতে পারে, এমন লোক তাহার রাজ্যের ভিতর থাকিতে পারে, তাহা তিনি অনুধারণা করিতে পারিলেন না। তিনি অতি কষ্টে আত্মসংবরণ করিয়া শ্লেষ প্রচ্ছাদিত কণ্ঠে বলিলেন “মতিয়া! ঠিক করে বল, কে তোমাকে এ কক্ষে প্রবেশ করতে সাহায্য করেছে?—বল, এ মূহূর্ত্তেই তাঁর মস্তক দ্বিখণ্ডিত করে, প্রতিদ্বন্দ্বীতার উপযুক্ত শাস্তি প্রদান করি। এ কি? চুপ করে রেইলে যে, এতে তোমার কোন ভয়ের কারণ নেই—মতিয়া!—তার নাম প্রকাশ করবে না?”

মতিয়া চিত্রার্পিত পুতলিকাৎ নীরবে মস্তক হেঁট করিয়া, দাঁড়াইয়া রহিল। কোনই প্রত্যুত্তর করিল না।

বাদসা সাহেব পাঁচ মিনিটকাল নীরবে দাঁড়াইয়া থাকিয়াও যখন কোন প্রত্যুত্তর পাইলেন না, তখন পুনরায় হোসেন আলীকে প্রশ্ন করিলেন। হোসেন আলীকেও নীরবে থাকিতে দেখিয়া, তিনি একেবারে অতিষ্ঠ হইয়া গেলেন। শেষে দৃঢ়তাব্যঞ্জক স্বরে মতিয়াকে লক্ষ করিয়া

বলিলেন “বলবে না? বেশ আমি এখনই সমস্ত কথা বেড় করে নিচ্ছি, এ কক্ষ হাতে তুমি এ মূহূর্ত্তেই বেড় হয়ে এস, অপরাধীর বিচার, সূর্যাস্তের পূর্বেই শেষ করে,—তবে ছাড়ব।”

মতিয়া আর কোন বাক্য ব্যয় না করিয়া কক্ষ হইতে বাহির হইয়া আসিল। বাদসা সাহেব হোসেনের কক্ষের দ্বার রুদ্ধ করিয়া, মতিয়ার কক্ষের দ্বারে আসিয়া উপস্থিত হইলেন। মতিয়াও বাদসার আদেশে তাহার কক্ষে প্রবেশ করিয়া, নীরবে দাঁড়াইয়া রহিল! বাদসা সাহেব তীব্রকণ্ঠে বলিলেন “মতিয়া! মনে রেখো, তোমাদের, যে পনের দিন সময় দেওয়া হইয়াছিল, তা, আজ শেষ হইয়া গেল, কাল তোমাদের বিচার শেষ করে, একটা চূড়ান্ত মীমাংসা করে ফেলব। রাত্রির ভিতর তোমার মতামত ঠিক করে, রেখো।—আমার আদেশ তোমাকে আবার শুনিয়ে দিচ্ছি আমার পুত্রবধূ হাতে যদি তুমি স্বইচ্ছায় স্বীকৃত না হও, তবে তোমার চোখের সম্মুখে হোসেনের মস্তক দ্বিখণ্ডিত করে, তোমার সমস্ত আশা, আকাঙ্ক্ষার সূত্র একেবারে ছিন্ন করে দিব! এরপব তোমাকে আরও পনের দিন কারাকক্ষ করে রাখবো! পনের দিন অন্তেও যদি তোমার মতের পরিবর্তন না হয়, তবে তোমাকে জীবন্ত কবর দিয়ে, এ অভিনয়ের ষবনিকা টেনে দোব। বুঝলে? আর যদি স্বইচ্ছায়, পুত্রবধূ হতে স্বীকৃত হও তবে তোমাদের দুজনার বিয়ে দিয়ে,—দৌলতের সহিত হোসেনের বিয়ে দিয়ে দোব। এই আমার সংকল্প,—এর ব্যতিক্রম কিছুতেই ঘটতে দোব না।” বলিয়া বাদসা দ্বার রুদ্ধ করিয়া, দ্রুত সে স্থান পরিত্যাগ করিলেন।

কয়েক মূহূর্ত্তের মধ্যেই কারাকক্ষক তাজমহল হোসেনের সম্মুখীন হইয়া ক্রোধব্যঞ্জক তীব্রকণ্ঠে ডাকিলেন “তাজমল!”

তাজমল নত জাহ্নু হইয়া, বাদসাকে সমস্ত্রমে অভিবাদন জানাইয়া উত্তর করিল “জনাব! খোদাবন্ধ!”

বাদসা সাহেব উত্তাপতপ্ত অঙ্গার খণ্ডের মতই, আরক্ত মুখে তীব্র কণ্ঠে বলিলেন “তাজমল! তোমাকে আমি একজন বিশ্বস্ত গ্রহরী বলেই এতদিন জানতুম। তুমি এতবড় বিশ্বাসঘাতক, তা—ত ধারণা কত্তে পারিনি!”

হয়ে দাঁড়িয়েছে, তা'ত আপনার চিন্তার অতীত বলেই মনে হয়! এর জন্ত একদিন সকলকেই অনুশোচনা কতে হবে। আমি যা করেছি, তা' অন্তরের স্বর্গীয় ভাবের প্রেরণায়ই করেছি,—আপনার কোপ-দৃষ্টিতে পড়তে হ'বে এরূপ চিন্তা করার অবকাশ তখন পাই নি।”

বাদসা সাহেব ক্রোধে উন্মত্ত হইয়া বললেন ‘আমিনা! আমি এ রাজ্যের বাদসা, তোমার উপদেশ নিয়ে আমি রাজ্যের শাসনকার্য পরিচালনা কতে ইচ্ছা করি না, এ বিরুদ্ধাচরণের ফল কি হবে তা তুমি বুঝতে পেরেছ? তোমাকে আমি ভালবেসেছিলুম এখনও বাসি, তা'র জন্ত মনে করো না, তোমার অন্য় আকারের প্রশয় দোব! সামান্য অপরাধে, আমি আজ ষোল বছর হ'ল আমার প্রাণ প্রতিমা, দলিয়া বেগমকে, ছয় মাস গর্ভাবস্থায়, জীবন্ত সমাধির ব্যবস্থা করে ছিলুম! আজও তাঁর স্মৃতি মনে করে, কত রজনী নিনিদ্রিত অবস্থায় কেটে দিচ্ছি। তোমাকেও এমনি একটা শাস্তি দিতে কঠাবোধ করব না! তাজমল দেখছি নিতান্তই নির্দোষী, তা'কে আর তা'হলে কোন শাস্তি ভোগ কতে হবেই না!”

সহসা ককড় শব্দে বাজ হাঁকিলে মানুষের শিরায় শিরায় সেই ধ্বনি, যেমন কাঁপনের বন্বনি জাগাইয়া তোলে, বাদসার কথাগুলিও আমিনার শিরায় তেমনি বন্বনি জাগাইয়া তুলিল! আমিনার আরক্ত মুখ পুনশ্চ বিবর্ণিত হইয়া গেল! তাহার বক্ষ মথিত করিয়া নেত্র-অশ্রু-স্পন্দিত হইয়া আসিল! পাছে তাহার সেই দুর্বলতাটুকুন ধরা পড়িয়া যায়, সেই ভয়ে আমিনা, আপনাকে সামলাইয়া লইয়া ক্ষীণ স্থলিত বাক্যে, দৃঢ়স্বরে বলিল “বাদসা সাহেব! বেগমের অভাবনীয় পরিণামের ইতিহাস আমি সমস্তই জ্ঞাত আছি। সে নৃশংস হত্যার ফলে, রাজ্যের অনেকেই আপনাকে ঘৃণার চক্ষে দেখে থাকে, শ্রদ্ধা বলে একটা জিনিষ, অন্ততঃ স্ত্রীলোকদের নিকট আপনি হারিয়ে ফেলেছেন! বাদসার বেগম হওয়াটাকে এখন অনেকেই “মরণ নিয়ে খেলা করা” বলেই ধারণা করে! আমাকে জীবন্ত সমাধি দিবেন? এ-ই-ত আপনার শক্তি বিস্তারের শেষ সীমানা! বেশ-তজ্জন্ত আমি প্রস্তুত হয়েই আছি। খাঁচা বন্ধ পাখী বধ করে,—বাধ যেমন কোন দিনই, কৃতিত্ব অর্জন কতে

পারে না,—অসহয়া স্ত্রীলোক বধ করে, ঘেরূপ বাদসার শক্তির উৎকর্ষতা কোন দিনই প্রমাণিত হতে চায় না! যা করেছি মুক্ত কণ্ঠে স্বীকার কচ্ছি, ফল কি হবে তা'ত জানাই ছিল, আমি শক্তিহীন, প্রতিকারের সামর্থ কোথায়? তবু জানবেন, আত্মমর্যাদা অক্ষুণ্ণ রেখে মৃত্যুকে বরণ করাটা খুবই শ্লাঘনীয় কাজ বলে মনে করি।”

বাদসা সাহেব তিরস্কারের সহিত উঠে উঠে বলিলেন “আমিনা! আমার ভোগ ও তৃপ্তির সামগ্রী সংগ্রহ করার পূর্ণ শক্তি আমার রয়েছে, এর বিপক্ষে বাধা দেবার শক্তি কারো নেই বলেই,—রাজ্যের সকলেই মস্তক অবনত করে আমার আদেশ পালন করে থাকে! মতিয়াকে যখন পুত্রবধু করবার বাসনা জাগরিত হয়েছে, তখন তোমার ঐ বক্তৃতার স্মৃতিধরে আমি কখনও আপনাকে পরিচালিত কতে পারব না। যতটা আমি বুঝতে পেরেছি, আমার মনে হয়,—এদের বিবাহ বাপারে তুমি আমার সহায় না হয়ে, হয় ত নান! বাধার সৃষ্টি করবে! এ অবস্থায় তোমার স্বাধীনতা অক্ষুণ্ণ থাকলে, এ বিবাহ অনুষ্ঠানের পক্ষে তুমি পাহাড় প্রমাণ প্রতিবন্ধক এনে দাঁড় করাবে! আজ হতে তুমি বন্দী, এ কক্ষেই তোমাকে বন্দী হয়ে থাকতে হবে! এদিকের সমস্ত গোলযোগ থেমে গেলে, তোমার মুক্তি হবে! পরে আমার ইচ্ছা হলে, তোমাকে বেগমরূপে গ্রহণ কতে পারি, সে বিষয়ে তোমার মতামতের উপর নির্ভর করে চলার কোন প্রয়োজন দেখি না।”

আমিনা উত্তেজিতকণ্ঠে বলিল “আমি বন্দী? তাতে আমি বিন্দুমাত্র হুঃখিত নই, তবে বাদসা সাহেব! এটা বিশেষ করে জেনে রাখবেন, -ভালবাসার রাজ্যে মেহের-বন্ধনেই সুগ্রথিত, অস্ত্রশস্ত্রের সাহায্যে সে রাজ্যের ভিত্তি সুদৃঢ় করা যায় না! জোড় করে বেগম করে নেওয়ার ফলে,—প্রেমের অমৃতময় পীযুষধারা পান করবার সুবিধা কোন দিনই, কারো ভাগ্যে ঘটে উঠে না!”

বাদসা সাহেব তাচ্ছিল্যপূর্ণ দৃষ্টি নিবন্ধ করিয়া, দৃঢ় স্বরে বলিলেন “বাদসার নিকট সে সমস্তও অনাগ্রাস-লক্ষ-বলে মনে হচ্ছে।” বলিয়া বাদসা সাহেব সেই কক্ষ হইতে নিজস্ব হইলেন। পর নুহুর্ভে বাদসার আদেশে, আমিনাকে, সেই কক্ষেই আবদ্ধ করিয়া রাখা হইল। (ক্রমশঃ)

তিনি যে সমালোচিত মন্তব্য করিয়াছেন তাহা তাহার বিচক্ষণ-তারই পরিচায়ক। আমরা এইখানে সেই অংশটুকু উদ্ধৃত করিবার লোভ সংবরণ করিতে পারিলাম না।

* * * *

“বস্তুতন্ত্র সাহিত্য লইয়া কিয়ৎকাল যাবৎ বঙ্গ-সাহিত্য-ক্ষেত্রে তুমুল কলহের সূত্রপাত হইয়াছে। বস্তুতন্ত্র সাহিত্যের অন্তর্দিক লইয়া কলহ দেখিতে পাই না, কিন্তু নর-নারীর যৌন সম্মিলন প্রশ্ন লইয়াই যত অনর্থ উপস্থিত হইয়াছে। এইরূপ সাহিত্যের বিরোধী ব্যক্তিগণ সমাজের অকৃত্রিম হিতৈষী, তাঁহাদিগকে আমি নমস্কার করি। কিন্তু তাঁহাদিগকে অনুন্নয় করিয়া বলি, যে হাওয়া দিগন্ত হইতে ক্রমশঃ প্রবলতর বেগে বহিয়া আসিতেছে তাহার গতি সর্বতোভাবে রোধ করার চেষ্টা ঐরাবতের জাহ্নবী তরঙ্গ রোধের চেষ্টার মত নিষ্ফল হইবে কিনা, তাহা চিন্তা করিয়া দেখিবেন। ঐ ঝড়ো হাওয়া আসিতে দেখিয়া নিষ্ফল ক্রোধে আত্মবিস্মৃত হইবেন না। উহা যাহাতে কোনও পুষ্টিগন্ধ বহন করিয়া আনিতে না পারে, শুধু তাহারই চেষ্টায় শক্তি প্রয়োগ করাই বুদ্ধিমানের কাজ। এই হাওয়া বহিয়া নিঃশেষ হইয়া যাউক; ইহকাল-সর্বস্ব ভোগেচ্ছামূলক এই হাওয়া জন্মান্তরে বিশ্বাসবান্ ও কর্মবাদী ভারতের হৃদয়ে কোনও স্থায়ী চিহ্ন রাখিয়া যাইতে পারিবে না।”





“ইউরোপের মনোবা সম্পন্ন বস্তুতান্ত্রিক সাহিত্যিকগণ প্রধানতঃ অর্থ-নৈতিক ও সামাজিক সমস্যার সমাধানের উদ্দেশ্যে তাঁহাদের শক্তিশালী লেখনী চালনা করিয়াছেন। তাঁহারা নরনারীর যৌন সম্মিলনের প্রশ্ন সম্বন্ধে যে মতবাদ প্রচার করিতে সচেষ্ট হইয়াছেন তৎসম্বন্ধে ইউরোপেও যে তীব্র ও তীক্ষ্ণ প্রতিবাদ সমুথিত হইয়াছে তাহা স্মৃধী-সমাজ অবিদিত নহেন। ইউরোপের সামাজিক সমস্যায় ঐ যৌন সম্মিলনের প্রশ্ন পরীক্ষিত ও আলোচিত হওয়ার অবকাশ থাকিতে পারে, কিন্তু ভারতের আদর্শবাদী জীবাশ্মা ইউরোপের প্রত্যক্ষবাদী জীবাশ্মা হইতে সম্পূর্ণ বিভিন্ন প্রকৃতি বিশিষ্ট, ইহা স্বয়ং রাখিতে আমি বস্তুতন্ত্রবাদিগণকে মিনতি করিতেছি। বঙ্গদেশেও সামাজিক দুর্নীতি অপসারণের ইচ্ছার বশবর্তী হইয়া যে সমস্ত বস্তুতন্ত্রবাদিগণ বঙ্গ-সাহিত্য-ক্ষেত্রে লেখনী চালনা করিতেছেন তাঁহাদেরও উদ্দেশ্য সাধু;

তাঁহাদিগকেও আমি শ্রদ্ধা করি। কিন্তু যে রসের আলোচনা করিয়া বৃদ্ধ বা প্রৌঢ় নির্বিকার থাকেন এবং শুধু রসটাই ভালমন্দ বিচার করিয়া কর্তব্য স্থির করেন, সেই রসটাই যুবকযুবতীর সম্মুখে উপস্থাপিত হইলে উহারা তাহা বিনা বিচারে গ্রহণ করিয়া নিজদেহে বিষক্রিয়া ঘটাইবার হেতু জন্মাইতে পারেন। এই যৌনসম্মিলন সম্বন্ধে লিখিত আধুনিক বস্তুতন্ত্র সাহিত্য হিন্দুর পারিবারিক বন্ধন, হিন্দুর সামাজিক পবিত্রতার আদর্শকে আঘাত করিতেছে; সীতা, সাবিত্রী, দময়ন্তী, বেহুলার আদর্শকে ক্ষুণ্ণ করিতেছে। ইহাতে যে দেশময় বিদ্রোহ উপস্থিত হইবে, তাহা আর বিচিত্র কি?

তথাপি যাহারা সামাজিক সমস্যা সমাধানের জন্ত এইরূপ সাহিত্য লিখিতেছেন তাঁহাদের উদ্দেশ্যের সাধুতার জন্ত তাঁহারা শ্রদ্ধা ও সম্মানের পাত্র। কিন্তু একদল লেখক যথেষ্ট ইচ্ছায় সমাজকেই বড় বা বাধাবিমুক্ত করিতে চাহেন। ইহাদের নিন্দার শেষ নাই। যে সাহিত্য দ্বারা লালসা বৃত্তি উদ্দীপ্ত হইয়া উঠে বা পাপের প্রতি সহানুভূতি জাগিয়া উঠে, তাহা হলাহল অপেক্ষাও ভয়ানক। কিন্তু যে সাহিত্য সৌন্দর্য্য সৃষ্টি করে এবং পাপের প্রতি সহানুভূতি না জাগাইয়া পাপীর প্রতি সহানুভূতি জাগায় তাহা আদর্শবাদীই হোক বা বস্তুতান্ত্রিকই হোক, তাহা সাহিত্য-সমাজে বরনীয়।”

* * * *

সম্মিলনীর সম্পাদক শ্রীযুক্ত প্রমোদকান্ত চক্রবর্তী বি, টি, মহাশয় তাঁহার কার্য-বিবরণী পাঠ প্রসঙ্গ কর্তি স্মরণ ইঙ্গিত প্রদান করিয়াছেন। তাঁহার প্রথম প্রস্তাব পূর্ব-ময়মনসিংহের বিভিন্ন সাহিত্যিক প্রতিষ্ঠান কর্তৃক এই সম্মিলনী বর্ষে বর্ষে নূতন স্থানে আহূত হইলে সাহিত্যিক ঐক্য সংঘটিত হইতে পারে এবং পরস্পর ভাবের আদান-প্রদানের সুযোগ লাভ ঘটে। তাঁহার দ্বিতীয় প্রস্তাব এই সম্মিলনীর মুখ-পত্ররূপে “ময়মনসিংহ বার্ষিকী” অভিধেয় একথানা বার্ষিক পত্রিকা দুই খণ্ডে প্রকাশিত হউক। প্রথম খণ্ডে সাহিত্যিক প্রতিষ্ঠান গুলির কার্য-বিবরণী থাকিবে, দ্বিতীয় খণ্ডে থাকিবে ঐ সমস্ত প্রতিষ্ঠানে ও সম্মিলনীতে পঠিত প্রবন্ধাবলী। দুইটি প্রস্তাবই সমীচীন হইয়াছে। দুইটিকেই কার্যে পরিণত করিতে চেষ্টা করা পূর্ব-ময়মনসিংহের



আসামের দৃশ্য ।

হইল তাহাই হইল এ রাজ্যের রাজধানী, তাহারও নাম হইল "সুসঙ্গ," এবং সুসঙ্গের তটপ্রবাহিনী নদীর নামাকরণ হইল স্বীয় নামের অক্ষরকরণে "সুমেশ্বরী"। বহুদিন স্বাধীন ভাবে হিন্দুর জ্ঞান গরিমা এতদঞ্চলে প্রচারিত করিয়া পূর্বোক্তর ভারতে এই ক্ষুদ্র রাজ্যটি এক সময়ে প্রসিদ্ধি লাভ করিয়াছিল। জাহাঙ্গীর বাদসাহের সময় "মুলুকে সুসঙ্গ" গারোপর্বতের বলশালী স্ববৃহৎ হস্তীর সংগ্রাহক বলিয়া দিল্লীতে খ্যাতি লাভ করিয়াছিল।

আজকাল সুসঙ্গের জঙ্গল বলিতে "গারোহিলের পান দেশস্থ ময়মনসিংহের জেলার উত্তর পূর্ব সীমানাস্থিত বনানীকেই বুঝিতে হইবে। অনূন পঞ্চদশ বৎসর পূর্বে, সুসঙ্গ গ্রামের ২।৩ মাইল পূর্ব হইতে আরম্ভ করিয়া শ্রীহট্ট জেলার সীমানা পর্য্যন্ত পাহাড়ের প্রান্তস্থিত সমুদয় ভূভাগ গভীর অরণ্যানী পরিপূর্ণ ছিল। এই সমস্ত বনানীর মধ্যে মধ্যে পাহাড় হইতে উৎপন্ন খড়স্রোত তটিনীর অভাব ছিল না—জলের মধ্যে মধ্যেই ছোট বড় বহু বিল ছিল। অধিকাংশ জঙ্গল বাতা, ইঁকড়, নল, খাগ, তাড়া প্রভৃতি এবং কোথাও বা উচ্চ ভূমিতে নাতিদীর্ঘ বৃক্ষাদিপূর্ণ জঙ্গলও ছিল। তন্নিম্ন বিলগুলিতে ধাত্ত জাতীয় ঘাসের প্রাচুর্য্যই ছিল। যাহারা বাংলা এবং আসামের বন্যজন্তুর স্বভাবের সহিত পরিচিত, তাহার জানেন যে সর্বদা পর্বতচারী জন্তু ভিন্ন অল্প সমুদয় জন্তুর আবাস ভূমি হিসাবে এই শ্রেণীর বনানী কিরূপ উপযোগী।

মনোরম বৃক্ষাদি বনের শোভা, কিন্তু এই শোভার বৃদ্ধি হয় নানা বর্ণযুক্ত বিচিত্র পুষ্প, সুন্দর পক্ষী এবং মৃগাদি আরণ্য জন্তুরদ্বারা। পুষ্পিত বৃক্ষের প্রাচুর্য্য এতদঞ্চলের বনানীতে না থাকিলেও একটা নয়ন-মিষ্টকর চিরশ্রামল রূপের জন্তু এখানকার বনানীর একটা আকর্ষণ আছে এবং পক্ষী ও জন্তুর জন্তু এই সমস্ত জঙ্গলের লোক-প্রসিদ্ধি এখন পর্য্যন্ত আছে।

পঁচিশ বৎসর পূর্বেও দলে দলে আরণ্য হস্তী গারো পাহাড় হইতে অবতরণ করিয়া সমতটের ধান খাইয়া সপ্তাহ কাল সুসঙ্গের প্রান্তস্থিত বনানীতে স্বচ্ছন্দ বিহার করিত। কিন্তু বিগত পঞ্চদশ বৎসর হইল এতদঞ্চলের প্রাকৃতিক দৃশ্যের যথেষ্ট পরিবর্তন ঘটিয়াছে।

এতদঞ্চলে ভূমিকম্প প্রায়ই হয়। ফলে, কোনও স্থান উচ্চ এবং কতক স্থান নীচ হইয়া যাইতেছে। ১৩০৪ সনের প্রলয়কারী ভূমিকম্পের পর হইতে সুসঙ্গের পূর্ব দিকে অনেক বিল ভরট হইয়া আবাদ যোগা হইয়াছে। ফলে, অগ্ৰাণ্য অঞ্চল হইতে বহুলোক আসিয়া জঙ্গল আবাদ করিয়া নূতন বসত করিয়াছে। এই কারণে সুসঙ্গ হইতে ১৫।১৬ মাইল পূর্ব উত্তরে না গেলে এখন আর শিকার ভূমি পাওয়া যায় না। প্রকৃত প্রস্তাবে, আজকাল শিকার অধিকাংশই "কুনুমান্দা" থানার উত্তর ভাগে পাওয়া যায়। অবশ্য নিকটবর্তী সাধারণ বনে কখনও কখনও ব্যাঘ্র এবং শূকর পাওয়া গেলেও ইহা শিকার ভূমি বলিয়া গণ্য হইতে পারে না।

এ অঞ্চলের জঙ্গল আবাদ হওয়ার শিকারের সংখ্যা স্বভাবতঃ হ্রাস প্রাপ্ত হইয়াছে, তাহার উপর বর্তমানে অল্প পাওয়ার অধিকার প্রদান সম্বন্ধে গবর্ণমেন্ট উদারনীতি অবলম্বন করার বহুলোকের বন্দুক হইয়া গিয়াছে। বন্দুক থাকিলেই তাহার অপব্যবহার অবশ্যস্বাভাবী। ফলে, বহু পশু পক্ষী অথবা অঐবধ ভাবে হত হইয়া নিঃশেষিত হইবার উপক্রম ঘটিয়াছে। আত্মরক্ষা এবং ফসল রক্ষার্থে আনিত বন্দুক প্রায় সর্বদাই প্রাণী বধার্থে ব্যবহৃত হয়। গৃহস্থকে আত্ম-রক্ষার্থেও ফসল রক্ষার্থে বর্তমান যুগে আশ্রয়িত্ত অবশ্যই দিতে হইবে। কিন্তু অস্ত্রগুলি যাহাতে কেবলমাত্র এই কার্য্যেই ব্যবহৃত হইতে পারে তজ্জন্তু নাল কাটিয়া ছোট করিয়া দিলেই এই দুই কার্য্য সুন্দররূপে সাধিত হয়, অথচ অথথা পশুবধ কার্য্য ব্যবহৃত হইতে পারে না। শিকার যোগ্য বন্দুক কেবল মাত্র বিশিষ্ট ক্ষেত্রে দিলেই সমিচীন হয়।

যে পরিমাণ গরু প্রতি বৎসর গোমড়কে ধ্বংস প্রাপ্ত হয় তাহার সহস্র ভাগের এক ভাগও এতদঞ্চলে ব্যাঘ্র কর্তৃক নিহত হয় না। হুঃখের বিষয় গো রক্ষা করলে দেশের লোকের আদৌ দৃষ্টি নাই এবং রাজ সরকারেরই বা সেরূপ মনোযোগ কোথায়? কাঁট ভুক পক্ষী বিনাশের সঙ্গে পতঙ্গ বৃদ্ধি হওয়ার শস্যের পক্ষে অধিক হানিকর হইতেছে কি না তাহাও বিশেষ প্রণিধান যোগ্য। আমাদের বিশ্বাস, বন্দুক সম্বন্ধে উল্লিখিত পন্থা অবলম্বন করিলে এবং উপযুক্ত ব্যক্তিগণকে Private Reserve রক্ষা করলে সহায়ক আইন সৃষ্ট হইলে

“সুখং বাঞ্ছতি সর্কোহিতচ্চ ধর্মসমুদ্ভবং ।
তস্মাদ্ধর্মঃ সদা কার্য্যঃ সর্ববনৈঃ প্রযত্নতঃ ॥

“দেবগোত্রাঙ্গণ গুরুবৃদ্ধ সিদ্ধাচার্য্যা নর্চয়েৎ ।

সর্বদা ঈশ্বরারাধনা করিবে ত্রাঙ্গণ গুরুসিদ্ধ ও আচার্য্যের অর্চনা করিবে, গো পালন করিবে । বিশেষতঃ এই “ভিটামিনের” যুগে, খাণ্ড দ্রবোর ভেজাল বিলুপ্টে খাণ্ড সম্রাট গব্য সংগ্রহার্থ সকলের গো পালনে মনোযোগী হওয়া কর্তব্য । গব্য যেমন রসনায় তৃপ্তিদায়ক তদ্রূপ শরীর পোষক মনের ও আনন্দদায়ক ; গোময় গোমূত্র ম্যালেরিয়া ও কলেরার বীজাণু নাশক, পরোক্ষে জীবন রক্ষক শস্ত্র বর্ধক । বহু বিজ্ঞ ডাক্তারের মত উৎকৃষ্ট দধি দুগ্ধ ঘৃতে যে পরিমাণ ভিটামিন থাকে তাহাতে ইহা ব্যবহারে মানব শরীর সতত সুস্থ রাখিয়া তথা দীর্ঘ জীবন দান করিতে এরূপ খাণ্ড আর নাই ।

মূর্কা, কর্ণ, নাসা ও পাদদেশে নিত্য তৈল ম্রক্ষণ করিলে দৃষ্টি, শ্রবণ ও ভ্রাণশক্তি অটুট থাকে এবং অকালে কেশ পক হয় না ও বাতের আক্রমণ হইতে রক্ষা পাওয়া যায় । প্রত্যহ কিংবা ঘন ঘন ক্ষৌরী হইবে না; ইহাতে চক্ষু ও দন্ত রোগের ভয় । তাই বোধ হয় আঙকাল চশমা ও কৃত্রিম দস্তধারীর আধিক্য দেখা যায় ।

মূত্র, দস্ত, উষ্ণীষ ও পাছকা ধারণ করিবে । বাঙ্গালা দেশে উষ্ণীষ ধারণের প্রথা কেন যে নাই বুঝা কঠিন । সম্মুখে অন্ততঃ চতুর্হস্ত পরিমিত স্থানের প্রতি দৃষ্টি নিক্ষেপ করিয়া পথ চলিবে । বর্তমানে উৎকৃষ্ট প্রজনন অভাবেই আমাদের গৃহানন্দ বর্ধক হ্রষ্টপুষ্ট বলিষ্ঠ সুস্থ শিশুর হাশ্ব কলরবে গৃহ মুখরিত না হইয়া অধিকাংশ লোকেরই মনে আশা ও আনন্দের পরিবর্তে ক্রম, রুগ্ন, দুর্বল শিশুর করুণ ক্রন্দনে নিরাশা ও নিরানন্দ বাড়িয়া চলিয়াছে ।

এইরূপ অবস্থা দর্শনে অনেকেই মনে করেন—কাল বর্ধিতা লাভ্য লগামভূতা পূর্ণ যৌবন বিকশিতা বয়স্হা ষোড়শী যুবতী কণ্ঠা বিবাহে এরূপ রুগ্ন ক্লিষ্ট সস্তানের জন্ম নিরোধ হইতে পারে । বস্তুত তাহা হয় না । সুস্থ পিতামাতার সন্তানই সুস্থ হইতে দেখা যায় । বয়োধিকার বিবাহে প্রায়ই যেন কতকগুলি রোগ বাড়িয়া যাইতেছে বলিয়া মনে হয় । এরূপ

অধিকাংশ ক্ষেত্রেই হিষ্টিয়া, প্রদর, মৃগী মূর্কা প্রভৃতি কতকগুলি যান্ত্রিক, স্নায়বিক ও মানসিক রোগ পূর্বাপেক্ষা বর্তমানে প্রসারলাভ করিতেছে দৃষ্ট হয় ।

যৌবন তরঙ্গে তরঙ্গায়িতা তরুণীগণ নিজ নিজ মনেজাত কালনিক ভাবে ভাবিত হইয়াই স্নায়বিক বিকারে আক্রান্ত হইয়া পড়ে । ইহার ফলে নূতন সংসার কল্পিত নন্দন কাননের পরিবর্তে ভীষণ নরক যন্ত্রণার নিলয় হয় । তাই কবি বলিয়াছেন—

যৌবন বালক কানে পশি এই কথা কয় ।

আসিয়াছি আমি আর কারে তব ভয় ।

সে সময় মনে হয় আমার সমান ।

হয় নাই না হইবে গুণের নিদান ॥

যদি এইরূপ কল্পিত সুখের শূন্যোত্তান গঠিত করিবার সুযোগ না দিয়া, কল্পনা জাগিবার পূর্বেই পাত্রস্থ করিয়া নৈতিক নিয়মিত জীবন যাপনের ধারায় তরলমতি তরুণী দিগকে রক্ষা করা যায়, তবে নানা মনোবিকার জনিত স্নায়ু ও যান্ত্রিক বিকার হইতে রক্ষা করিয়া সুস্থ সন্তান জন্ম উপযোগী জননী তৈয়ার করিতে পারা যাইতে পারে বলিয়া মনে করি । চরক সুশ্রুত প্রভৃতি প্রামাণ্য আয়ুর্বেদীয় গ্রন্থে ও এরূপ ভাবাত্মক প্রমাণই দৃষ্ট হয় । মনে রাখিতে হইবে বিবাহ শুধু ইন্দ্রিয় পরিতৃপ্তির আধার নয় । যথোচিত সময়ে বিবাহ সংসারকে নন্দনকাননে পরিণত করে । তাই কিছুকাল পূর্বেও বাঙ্গালীর প্রতি-পরিবারে স্বর্গসুখ বিরাজিত ছিল । তদন্তায় এখন সংসার নরক যন্ত্রণার নিলয়ে পরিণত হইতেছে । মনে রাখা সঙ্গত যে যথোচিত কালে ফলপ্রসূ বীজ রোপন করিলেই উৎকৃষ্ট ফসল জন্মে নচেৎ অকালে অপক বীজ অথবা ফল প্রসবের উপযুক্ত বীজ রোপিত হইলেও ঐ বীজ নিজে নষ্ট হইয়া ক্ষেত্রকে মরুভূমিতে পরিণত করে । ক্ষেত্র অনুপযুক্ত হইলেও বীজ নষ্ট হইয়া যায় । বিবাহ হওয়া মাত্রই জনক জননী হওয়ার অনুপ-যোগিতা সত্বেও বাহার সন্তান কামনা করেন এবং সংযম অভাবে অধৈর্য্য হইলে তাহারাই বাঙ্গালী নির্দিষ্ট তথা কথিত আয়ুর্বেদ নির্দিষ্ট বিবাহের নিন্দা করিয়া থাকেন ।

শলাকার সাহায্যে একটি আর্চ লাইট প্রস্তুত করেন। ইহাই ইইল ইলেকট্রিক আর্চ লাইটের জন্মদাতা বা আদি পুরুষ।

যাহা হউক ১৮৪৪ খৃষ্টাব্দের পূর্বে ইহা কার্যতঃ বড় ব্যবহৃত হয় নাই। কিন্তু তাহা হইলেও অতি মন্থরগতিতে এই আলোক বংশের উন্নতি বিধান হইতেছে বলিতে হইবে। ডায়নামো উদ্ভাবিত হইলে পর লোকে যত ইচ্ছা ইলেকট্রিক-সিটি আয়ত্ত্ব করিতে পারিতেছে। কিন্তু আর্চ লাইটের শক্তি অত্যন্ত অধিক। তজ্জন্ত রেল ষ্টেশনে, মার্কাস পাটতে থিয়েটারের রঙ্গমঞ্চে প্রভৃতি সুবিস্তৃত স্থানের জন্ত আর্চ লাইটই অধিকতর উপযোগী।

১৮৭২ খৃষ্টাব্দে বায়ু শূন্য কাচের ভাঙে গ্রাফাইটস্ প্রভৃতি কয়লা জাতীয় দ্রব্যের শলাকা পূর্ণ করিয়া সোয়ন ও এডিসন বালব প্রস্তুত হয়।

দিনের পর দিন এই বালবগুলি ক্রমশঃই উন্নতির পথে অগ্রসর হইতে লাগিল। ক্রমে কার্বনের স্থান (Osmium ধাতু, osmium এর স্থানে tantalum এবং tantalum এর স্থানে tungsten ধাতু দখল করিয়া বসিল। ক্রমে অধিক হইতে অধিকতর আলো হইতে লাগিল। আলো দ্বিগুণ উজ্জ্বল হইল।

আরও কিছুদিন পরে বালবের (bulb) * ভিতর argon গ্যাস পুরিয়া তাহাতে tungsten দেওয়া হইল। ইহাতে আলো ৬ গুণ উজ্জ্বলতর হইল। এই ল্যাম্প আর্চ লাইটকে পরাভূত করিতেছে। কেননা ইহার শক্তি ১০০০ হইতে ২০০০ বাতির শক্তির তুল্য।

১৫। ২০ বৎসরের মধ্যেই এই আলো যে কেবল ৬ গুণ উজ্জ্বলতর হইয়াছে এমত নহে; সম্ভাও হইয়াছে। বর্তমানে রাস্তা, ঘরবাড়ী, কারখানা ইত্যাদির প্রায় তাবৎই এই কৃত্রিম বিজলী বর্তিকা দ্বারা উদ্ভাসিত হইতেছে। ইহাতে স্বাস্থ্যও ভাল থাকে। কারণ প্রাচীন প্রথা মতে খোলা গ্যাসের আলোতে বায়ু দূষিত হইয়া থাকে।

জালানি কাঠের পয় চর্কির বাতি ও ল্যাম্প,—তৎপর গ্যাস লাইট,—তৎপর বৈজ্ঞানিক আলো বর্তমানে বিজলী বর্তিকায় টিপ দেওয়া মাত্র আলোতে উদ্ভাসিত হয়। এই রীতি প্রায় সর্বত্র প্রচলিত হইয়া উঠিয়াছে।

কিন্তু এখনও আরও উন্নতি করিবার চেষ্টা বাকী আছে। জোনাকি পোকা যে আলো দিতেছে তাহা সবচেয়ে নির্দোষ কারণ ইহাতে উত্তাপ নাই কেবল আলোক আছে। আগরা যে শক্তি ব্যবহার করি তাহার সব অংশই যদি আলোকে পর্যাবসিত হইত এবং কণা মাত্রও উত্তাপ বিকীরণ করিতে না পারিত তবে আমাদের আলো 'ও নির্দোষ হইত। জোনাকীর আলোতে ultra-violet rays (যাহাতে চক্ষুর অনিষ্ট হয় এরূপ কিছু) নাই।

তৈল পুরাইলে যে শক্তি নিষ্কাশিত হয় তাহার $\frac{১}{৩}$ ভাগ মাত্র আলো উৎপাদন করে। বাকী সব টুকুই উত্তাপ প্রস্তুত করিয়া থাকে। এইরূপ গ্যাস পোড়াইলে $\frac{১}{৩}$ অংশ ও বিজলী বর্তিকা হইতে $\frac{১}{৩}$ অংশ শক্তি (energy) আলো প্রদানে ব্যয়িত হইয়া থাকে। এতদ্ব্যতীত অবশিষ্ট তাবৎ শক্তিই উত্তাপ প্রদানে নিযুক্ত হয়। আর্চ ল্যাম্পের $\frac{১}{৩}$ অংশ এবং সৌরকরের $\frac{১}{৩}$ অংশ মাত্র শক্তি আলোক প্রদান করে।

সুতরাং জোনাকি প্রভৃতি পোকা যে প্রণালীতে আলো উৎপাদন করিয়া থাকে তাহা প্রায় নির্দোষ। আমাদের অগ্নি প্রজ্জ্বলন প্রণালীর চেয়ে তাহাদের প্রণালী অনেক উন্নত। জোনাকী পোকায় এই রহস্য ভেদ করিবার জন্ত সমুদয় সভ্য জগৎ এখন তৎপর হইয়া নিযুক্ত আছে। যদি সম্ভায় জোনাকী পোকায় মত নিক্ক আলো আমরা প্রস্তুত করিতে পারিতাম তবে আলোকের খরচ বর্তমানে যাহা লাগে তাহার $\frac{১}{৩}$ ভাগ লাগিত। তাহা হইলে সর্বাপেক্ষা দরিদ্র লোকেও প্রায় বিনা ব্যয়েই তাহার জীবনের প্রায় সমুদয় আবশ্যকীয় আলো পাইতে পারিত। গবেষণার ফলে ২।১ পুরুষের মধ্যে এইরূপ আবিষ্কারের আশা করা যাইতে পারে, বৈজ্ঞানিকগণের এরূপ অনুমান।



* বায়ুশূন্য কাচপাত্র।

কোন মতে টানিয়া লইয়া, অবশ, অসাড় জিহ্বাকে স্ববশে আনিয়া ক্ষোভ কম্পিত কণ্ঠে বলিল “বাদসা সাহেব!— বাতক দিয়ে আমার জীবন নাশ করেন, আমি স্বইচ্ছায় মস্তক পেতে দিচ্ছি! অনেক চেষ্টা করেও যে আমি মতের পরিবর্তন করিতে পারি নি! আমার মতের উপর নির্ভর করে,—এমনি করে একজন নিরপরাধির জীবন নাশ করবেন? আমি আপনার পুত্রবধু...।” আর বলিবেন না। একটা অসীম অবসাদের তাড়নায়, মতিয়া সংজ্ঞা হারাইয়া ভূতলে পড়িয়া গেল।

কয়েক মুহূর্ত্ত জল সিঞ্চনের পর, মতিয়া অনেকটা প্রকৃতস্থ হইল। বাদসা সাহেব নিতান্ত বিষয়াহত ভাবে, নিশ্চয়মের মতই ক্রোধ বিরস কণ্ঠে বলিলেন “তোমার এমনি ধারা উত্তর শুন্তে আমি একেবারেই ইচ্ছে করি না। তুমি স্বীকৃত কি না তা-ই-স্পষ্ট করে সর্বসমক্ষে ব্যক্ত কর; আর পাঁচ মিনিট মাত্র সময় দিচ্ছি, এ-রি মধ্যে তোমার মতামত জানাতে হ’বে। তবে মনে রেখো,—হোসেন আলীর জীবন মরণ তোমার চূড়ান্ত মীমাংসার উপর নির্ভর কচ্ছে!”

উক্তি শ্রবণ করিয়া মতিয়া চারিদিক অন্ধকার দেখিতে লাগিল। জল, স্থল, অন্তরীক্ষ যেন তাহার নিকট, একাকার হইয়া গেল! জীবনের অসীম ব্যর্থতার ভীষণ নশ্বতা যেন, আত্মপ্রকাশ লাভ করিয়া, তাহার অন্তরকে খান্ খান্ করিয়া ছিঁড়িয়া ফেলিবার উপক্রম করিতে লাগিল! রুদ্ধ বাষ্প চাপে, ভূগর্ভের মতই বিদীর্ণ হইতে চাহিতে লাগিল, ছিঁড়েও না অথচ কাঁটেও না, এমনি ধারা উৎকট যন্ত্রণার সহনাতীত তাপে সে দগ্ধ হইতে লাগিল! একটা নবোদ্ভব রোষে ও ক্ষোভে তাহার হৃদয়, প্রাণ, যেন ভীষণতর বিদ্রোহ হইয়া উঠিল! মতিয়া বস্ত্রাঞ্চলে মুখ আবৃত করিয়া ফোঁফাইয়া ফোঁফাইয়া কাঁদিতে লাগিল।

পাঁচ মিনিট সময় উত্তীর্ণ হইয়া গেল! বাদসা সাহেব গভীর গর্জনে বলিলেন “কোন মত প্রকাশ করবে না তুমি? এতটুকু বালিকার নিকট বাদসার ক্ষমতা, অক্ষমতায় পরিণত হবে? না—তা-ত-হতে দোব না! যা সংকল্প তা’ কার্যে পরিণত করবই, সামান্য মায়া’র সংঘাতে তার বিদ্যুতক্রম ব্যতিক্রম ঘটতে দোব না!” অতঃপর বাদসা

সাহেব হোসেন আলীর প্রতি দৃষ্টি ঘুরাইয়া বলিলেন “হোসেন! তুমি মৃত্যুর জগুই এ মুহূর্ত্তে প্রস্তুত হও,— বাতকের ঐ স্মৃতীক্ল তরবারির আঘাতে, তোমাকে জীবনলীলা শেষ কত্তে হবে,—ইহাই বাদসার আদেশ।” বাদসা সাহেব পর মুহূর্ত্তে বাতকের প্রতি তাকাইয়া,—বলিলেন “বাতক! হৃদয় তামিল কত্তে প্রস্তুত হও, আমার অক্ষুলি সঙ্কেতের সঙ্গে সঙ্গেই, তোমার কার্য সমাধা কত্তে হ’বে।”

বাদসার উক্তি শ্রবণ করিয়া হোসেনের প্রশান্ত ললাট মুহূর্ত্তের জগু দীপ্ত শ্রীমণ্ডিত দেখাইল। আবার পর মুহূর্ত্তে সেই আনন্দ জ্যোতিকে, করাল-ভূশিচিন্তা-মেঘ-কবলে যেন ম্লান করিয়া দিল! একটা গুরু ভারাতুর, অথচ অনুপায় হেতু ক্ষোভে জর্জরিত, হৃদয় মন লইয়া হোসেন ক্রুদ্ধ ও ক্রুর কণ্ঠে বলিলেন “বাদসা সাহেব! মতিয়া তা’র মর্গাদা অক্ষুন্ন রাখতে, যা করা কর্তব্য তা’র সব টুকুনেই জগত সমক্ষে প্রকাশ করেছে! তা’র অন্তরের ভিতর অসীম স্নিগ্ধ স্বর্গের মিলন পূণাজ্যোতি যে, বিরাজমান ছিল, তা এতদিন ঠিক বুঝে উঠতে পারি নি! মতিয়াকে খোদা এমনি উপাদানে তৈয়ার করেছেন, যা’র উন্মাদনা শক্তিকে প্রলুব্ধ করাতে, বাদসার অতুলনীয় সম্পদাভবন নিতান্তই হীন ও অগতুল! মতিয়ার মত রমণীকে জীবন সঙ্গিনী করতে গিয়ে, এ ভাবে মৃত্যুকে বরণ করাও শ্লাঘণীয়! মৃত্যু সে-ত জীবনের শেষ পরিণাম! সকলকেই একদিন বরণ কত্তে হবে! এরজগু ভীত শঙ্কিত হয়ে, অপরকে কত্তব্য পথদ্রষ্ট করবার মত কামনা চিরদিনই বর্জনীয়! তবে বাদসা সাহেব! অন্তরে অনেক কথা পূঞ্জীভূত হয়ে রয়েছে— তা’ ব্যক্ত করবার জগু কয়েক মিনিট সময় দিতে হইবে। এ আবেদনও কি মঞ্জুর করবেন না বাদসা সাহেব?”

ভীষণ ঝটিকার সময়, উন্মত্ত-নদীর-তরঙ্গগুলি খেতফেণা উদগীরণ করিয়া, সর্বনাশী হাসির মতই, মুখ ব্যাদন করিয়া, যেমন ঘোর আবের্তে পতিত ভয়ান্ত আরোহী বর্গের মর্শ্বস্তদ আর্ন্তনাদকে ডুবাইয়া দিয়া, ক্ষুদ্র তরণীকে উন্মত্ত অধীরে অবলোকন করে, বাদসা সাহেব তেমনি জ্বালাময় অট্টহাসি হাসিয়া, অপ্রসন্ন ক্রভঙ্কীর সহিত বলিলেন “তোমার আবেদন মঞ্জুর করা গেল তবে বাদসার সম্মুখে সংযত ভাষায় যা বলতে হয় বলবে,— যদি রুঢ় বাক্যে কোন অবমাননা কত্তে

পারি না যে অশিক্ষিত অনাদৃত পল্লীকবিদের রচনাও এই প্রকার সুন্দর প্রেমচিত্র স্থান লাভ করিতে পারে।

আজও কত করুণ, প্রাণস্পর্শী প্রণয় গীতি পূর্ববঙ্গের বিশেষতঃ ময়মমসিহেব পল্লীতে পল্লীতে ক্রমক কণ্ঠে বাজিয়া উঠে! এই সমস্ত গীতিকার আখ্যান বস্তুতে দেখিতে পাই কোন পল্লীবাসিনী তরুণীর মধুর পূর্বরাগ, পর্ণকুটির বাসিনী অভিসারিকার অপূর্ণ প্রেমলালা কিংবা কোন বিরহ-বিধুরা নবীনীর অশ্রুমাখা উচ্ছ্বাস। সুরের মাধুর্য্যে, পদের লালিত্যে এবং সার্বোপরি একটা “মন প্রাণ বিলিয়ে দেওয়ার” অপকট ভাব পরিস্ফুটনে এই অমূল্য পল্লী-গীতি লহরী যাবচ্ছত্র দিবাকর শ্রেষ্ঠত্বের দাবী করিবে সন্দেহ নাই।

আজ আমরা এমনই একটা রসাল গীতিকার রসাস্বাদনে প্রবৃত্ত হইয়া দেখিতে পাই যে গীতের অন্তরালে এক প্রেমময়ী তরুণী যেন মুর্ত্ত প্রাণবস্ত হইয়া আমাদের মানস চকুর সম্মুখে দাঁড়াইয়া আছে।

* * * * *

সরলা পল্লীবালা সে—“প্রেম” কথাটা পর্য্যন্ত কোন দিন শুনে নাই—কিন্তু এই নিরক্ষর যুবতীই অতীতের কোন এক পল্লীপথে তরুবীধিকার তলে দাঁড়াইয়া আপনার সমস্ত বিলাই দিয়া আকুল কণ্ঠে গাহিয়াছিল;—

মহিষও রাখ মহিশাল বন্ধুরে
ক্ষীর নদীর পারে
অরণ মহিষে খাইল পেত গো
বাইস্কা নিব তোরে রে
পরান কান্দে মৈশাল বন্ধুরে।

এই ‘মহিশাল বন্ধু’টি জনৈক মহিষ রক্ষক—বলিষ্ঠ দেহ শ্রামকান্তি সুন্দর যুবক সে—গায়িকা তাকে গোপনে গোপনে ভালবাসিত; আজ ঘটনাচক্রে সেই গোপন প্রেম প্রকাশ পাইবার পথ পাইল। এক আরণ্য মহিষ কে (অরণ্য মহিষ) গৃহস্থের শত্রু ক্ষেত্রের ক্ষতি করিতে দেখিয়া সে তার ‘মহিশাল’ বন্ধুর বিপদ আশঙ্কা করিল। বুদ্ধিমতী পল্লী যুবতীর এই আশঙ্কা অমূলক নয়; কারণ গৃহস্থ আসিয়া যখন এই বস্ত্র মহিষটাকে দেখিতে পাইবেন না তখন সে নিশ্চয়ই মনে করিবে, অনতি দূরে যে মহিষ রক্ষক বাস করে

তাহার মহিষেই শত্রু নষ্ট করিয়াছে। কাজেই শাবি দিবার জন্ত বা ক্ষতিপূরণ আদায় করিবার জন্ত তাহার পরান বন্ধুরে বাইস্কা নেওয়া কিছুমাত্র অসম্ভব নয়। তরুণী বোধ হয় তখন মহিষ রক্ষককে সাবধান হইবার জন্ত এই গীত গাহিয়া গজেন্দ্র গননে জল আনিতে গিয়াছিল; কিন্তু জল লইয়া ফিরিবার পথে দেখিল সে ক্ষেত্রস্বামী তাহার প্রিয়-তমকে আটক করিয়াছে। যুবতীর প্রাণ কাঁদিয়া উঠিল। এই দৃশ্য সে তার প্রণয়োচ্ছ্বাস কেমনে চাপিয়া রাখিবে? যাহা এতদিন অন্তঃসলিলা কল্পের মত বহিতেছিল আজ তাহা কুল প্রাণিত করিয়া সাগর সম্মুখে প্রধাবিত হইল। লজ্জা, ভয়, মান, অপমান কোন কিছুই বন্ধনই সেই স্রোতাবেগের সম্মুখে তিষ্ঠিতে পারিল না। বিপন্ন নারী তাড়াতাড়ি কলসী ফেলিয়া ক্ষেত্রস্বামীর চরণে পতিত হইল এবং কাতর কণ্ঠে গাহিল:—

মহিষনা ধইনে গিরন্তরে * (১)

হাতে না দিও দাঁড়

হাতের পৈছা বেইছা (২) দিবান ত

অরণ মহিষের কড়ি রে

পরান কান্দে মহিশাল বন্ধুরে।

বস্ত্র মহিষ গৃহস্থের যে ক্ষতি করিয়াছে তাহা পূরণার্থে সে তাহার ‘হাতের পৈছা’ বিক্রয় করিতে প্রস্তুত হইয়াছে। প্রেমাপ্পদকে বিপন্ন করিতে গিয়া সে আজ নিরাভরণ হইতেও কুণ্ঠিত নয়। এই যে ত্যাগ স্বীকার এবং প্রাণ ঢালা ভালবাসার সংবাদ উপরের গীতাংশদ্বয় হইতে পাইতেছি তাহার মাধুর্য্যকে পাড়গেয়ে বলিয়া উপেক্ষা করা চলে না; কারণ প্রেম যে স্পর্শ মণি!

* * * * *

পূর্বোক্ত ঘটনার কিরূপে মিট মাট হইল তাহার ঠিক খবর আমরা রাখি না। তবে আমাদের দৃঢ় বিশ্বাস অবলার কাতর অনুনয়ে, আকুল রোদনে পাষণ্ড গলিয়া যায়।

যাহা হোক ঐ ব্যাপারের মীমাংসা হইবার পর, দিনের পর দিন যায় রূপসী পল্লীবাসিনীর প্রেম পিপাসা বার বৈ কমে না। সে ভাবিল তাহার অন্তরের গুপ্ত-কথা যখন লোক জানা জানি হইয়া গিয়াছে তখন আর ইহা চাপা দিবার

বিফল চেষ্টা কেন ? তবে আর লোকলজ্জার ভয় রাখিয়া কি হইবে ? তাই একদিন মাঠের ধামে সে তাহার প্রিয়তমের সাক্ষাৎ পাইয়া তাহাকে সাদর নিমন্ত্রণ করিল। যৌবনময়ী তাহাকে আপন বাটার পথ স্পষ্ট নির্দেশ করিয়া বলিল ;—

আমার বাড়ী যাইও বন্ধু
এই না বরাবর ।
উচা ভিটা কলার বাগ
পূব ছয়াইরা ঘর রে
পরান কান্দে মইষাল বন্ধুরে ।

তাহার পর বন্ধুকে সে কি বসিতে দিবে, কি খাওয়াইবে এবং কিরূপ আদর যত্ন করিবে পরের গীতাংশে তাহাই প্রকাশ করিল :—

আমার বাড়ী যাইও বন্ধু
বইতে দিব পিড়া ; :
জলপান করিতে দিবাম
শাইল ধানের চিড়া রে
পরান কান্দে মইষাল বন্ধুরে ।
শাইল ধানের চিড়া নারে
বিগ্নি ধানের খই
গাছে পাকা সপরি কলা
গামছায় বান্ধা দই রে ।
পরান কান্দে মইষাল বন্ধুরে ।

মইষাল বন্ধুকে সে প্রাণের চেয়ে অধিক ভালবাসে কিনা, তাই সে গ্রাম-স্বলভ সমস্ত উপাদেয় খাওয়াই বন্ধুর জন্ত নির্বাচন করিয়াছে। প্রথমতঃ শাইল ধানের চিড়ার কথা বলিয়া পবক্ৰমেই ভাবিল হয়ত এই জিনিষটা বন্ধুর মনঃপূত হইবে না। তাই পরপদে সে আপন ভুল সংশোধন করিয়া আরও উৎকৃষ্টতর খাওয়া বিগ্নি ধানের খইএর কথা প্রকাশ করিল। গাছে পাকা সপরি কলা সব চেয়ে মিষ্ট এবং সুস্বাদু, খইএর সঙ্গে সেই কলাই দিবে। শুধু তাহাই নয়, সে নিশ্চয়ই জানিত যে "গব্যাহীনং কুতোজনম্" তাই তাহার প্রিয়বন্ধুর জন্ত দধির ব্যবস্থাও করিতে ভুলিল না। সেই দই আবার এত জমাট যাহা নাকি 'গামছায়' বাঁধিয়া রাখা যায়।

যুবতীর প্রত্যেকটা কথাই গভীর ভালবাসার পরিচায়ক ; কিন্তু যাহাকে এতগুলি কথা বলা হইল সে কেন একটা কথারও উত্তর দিল না—আমরা তাহার প্রাণের খোঁজ কেন পাইলাম না, এই প্রশ্ন স্বভাবতঃই আমাদের মনে আসিতে পারে। প্রেমিকার এই মিননোৎসবের নিমন্ত্রণে যুবকের মনেও যে প্রেমের প্রেরণা আসে নাই তাহা নহে, কিন্তু সে যেন আজ নীরব কবি ! এই অচিন্তিত সুখের উদয়ে সে আজ মোন, গভীর হইয়া রহিল ; একটা কথারও উত্তর দিতে পারিল না।


* * * * *
রজনী হুর্ঘ্যোগময়ী। কালো মেঘগুলা সমস্ত আকাশটার বুক জড়াইয়া ধরিয়াছে। মিলনশার নেশায় দাহুরীদল যেন মাতাল হইয়া চিৎকার করিতেছে। কিন্তু একরূপ বাদলা রাতেই না জানি কে চোখের ঘুম চুরি করিয়া লইয়া যায়, ক্ষণে ক্ষণে সেহ "একমেবাধিতায়ম্" প্রিয় মানুষটাকে মনে পড়ে। তাই বুঝি এমন হুর্ঘ্যোগের রাত্রিও সেই মহিষ-রক্ষকের গুপ্ত অভিসারের পাক্ষ কিছুমাত্রও বাধা জন্মাইতে পারিল না। প্রাণাধিক প্রিয় বন্ধুকে এমন রাত্রে সঙ্কেত স্থানে উপস্থিত দেখিয়া নারিক বালিয়া উঠিল :—

মেঘ আনুধাইরা (১) রাইত গো (২)
বাঘের বড় ভয় ।

তুমি কেন আইলা বন্ধু
আমি গেলাম অর রে
পরান কান্দে মইষাল বন্ধুরে ॥

শুধু প্রাকৃতিক হুর্ঘ্যোগ নয়, তখন আবার জঙ্গল ভরা সেই গ্রাম্য ব্যাঘ্রেরও উপদ্রব ছিল। যুবতী বন্ধুকে জানাইল যে এত কষ্ট করিয়া না আসিয়া একটু অপেক্ষা করিলেই আপন ঘরে তাহার দর্শন পাইত। যুবকের এই হুঃসাহসের সে তো প্রশংসা করিতে পারে না ; সে যে মেহময়ী, ভয়শীলা, নিতান্ত কোমল হৃদয়া পল্লীবালা ! বন্ধু ব্যাঘ্রের কবলে পতিত হইলে তাহার যে হুঃখের সীমা থাকিবে না ! প্রণয়ীর জীবন তাহার নিকট অমূল্য ধন ! তাহার কাছে নিজের জীবন অতি তুচ্ছ ! তাই সে নিজের জীবন বিপন্ন করিয়াও বন্ধুর বাড়ী যাইতে প্রস্তুত ; কিন্তু তার 'মাথার কিরা'—বন্ধু যেন এমন রাত্রে ঘরের বাহির

—সৌন্দর্যঃ—



দক্ষযজ্ঞে সতী

যুগ-প্রবাহ

[শ্রীহীরেন্দ্রনাথ রায় এম. এ]

অতি আধুনিক চিন্তা-জগতে জগৎ-রহস্যে মানবের স্থান নিয়া দার্শনিক, বৈজ্ঞানিক এবং সাহিত্যিকমণ্ডলীর মধ্যে বিশেষ বিতর্কের সৃষ্টি হইয়াছে, এবং এই আলোচনের উদ্দেশ্যে সম-সাময়িক যুগের প্রত্যেক চিন্তাশীল ব্যক্তিকেই স্পর্শ করিয়াছে। এমন কি, বিশেষ বিশেষ মতবাদ সম্বন্ধে জটিল বিতণ্ডার উদ্ভব হইয়া আলোচ্য বিষয় ধুমায়িত হইয়া উঠিতেছে। কিন্তু বর্তমান যুগ যদি ভবিষ্যতের কাছে "rationalism" এর গৌরব অক্ষুণ্ণ রাখিতে চাহে, তবে এই যুগ-প্রবাহে তাহার "intolerance" নামক প্রবৃত্তিটি পরিভাগ না করিলে চলিবে না। কারণ এই অসহিষ্ণুতা অন্ধতারই নামান্তর। আজ মানুষ তাহার নূতন দৃষ্টিদ্বারা তাহার নিজের ও পারিপার্শ্বিক জগতের স্বরূপ পর্যবেক্ষণ করিতে ব্যস্ত; সে এই জাগতিক বিবর্তনের সংঘাত পর স্পন্ন্যার মধ্যে নিজের উদ্দেশ্য, আদর্শ, এবং সার্থকতা সম্বন্ধে একটা স্পষ্ট এবং নিঃসন্দেহ সিদ্ধান্তে উপনীত হইতে চাহে। এই সিদ্ধান্ত সম্পূর্ণ "personal equation" বিরহিত, compromiseless অর্থাৎ রক্ষাশূন্য এবং খাটি বৈজ্ঞানিক সত্য হউক—এই তাহার ইচ্ছা। ইহার পক্ষে বাধা অনেক, এবং প্রত্যেক যুগেই এই প্রকার বাধা উপস্থিত হইয়া মানবের স্বাধীন সত্যানুসন্ধিৎসাকে ব্যাহত করিয়াছে। যুরোপীয় রেনেসাঁসে tradition এবং convention এর আবর্জনা ধুইয়া মুছিয়া মনকে clean slate-এ পরিণত করিতে সহস্র চেষ্টা করিয়াও সরিষার ভূত গোড়ামির গলদ হইতে মুক্ত হইতে পারে নাই। তারই ফলে বর্তমান যুগের চিন্তা-ব্যাপারে হ্রত বা একটু অত্যধিক উগ্রতা পরিলক্ষিত হইতেছে, হ্রত বা একটু অতিমাত্রায় Scepticism অর্থাৎ সন্দেহ-প্রবণতা প্রকাশ পাইতেছে। অজ্ঞতাজনিত আত্ম-সন্দোষ ভাবী বিশৃঙ্খলার আশঙ্কায় সর্বপ্রকার পরিবর্তন এমন কি নব নব গবেষণাকেও বর্জন করিয়া চলিতে চাহে; কিন্তু তাই বলিয়া শাস্তিকামী নীতিবিৎ সকল সময়েই ভাবনাকে চাপা দিতে পারেন না। বর্তমান প্রচেষ্টা বহুল পরিমাণে গোড়াপি বিবর্জিত; এখানে আগ হইতেই

unitarianism বা একমেবাহিতীয়মের অবতারণা করিয়া বা কোনো accepted first principle এর দোহাই দিয়া সর্বপ্রকার হস্তের নিস্পত্তি করিবার আকাঙ্ক্ষা কম। এই যুগ প্রত্যেক তথ্যকেই সত্য বলিয়া মানিতে নারাজ। ইহা সর্বতোভাবে পরীক্ষা বা experiment এর যুগ। এখানে বিশেষ কোনো গবেষণা বা মতবাদকে মাত্র স্বীকার বা অস্বীকার করিয়া চূড়ান্ত নিস্পত্তি করিয়া দিলে অস্তায় জবর-দত্তি করা হইবে। তাহার ভাল কি মন্দ সে বিচার এখন নয়। কালের কষ্টিপাথরে তাহাদের স্বার্থকতা অনির্দারিত থাকিবে না।

এখন কথা হইতে পারে মানবের এই স্বরূপ সন্ধানের আবশ্যিকতা কি? তাহার প্রাত্যহিক জীবনে তাহাদের মূল্য কি? ইহার উত্তর,—মানুষের প্রকৃতিগত স্বভাবই এই। মানুষ বা তাহার সমাজের গঠন ও বর্ধন রীতি প্রায় একই রকম। উভয়ের জীবনই ভিতর এবং বাহিরের নিরন্তর ঘাত-প্রতিঘাতের মধ্য দিয়া নিজের অজানিতে তিলে তিলে গড়িয়া উঠে। কিন্তু বিবর্তন ক্রমানুসারে যেই মুহূর্ত্ত হইতে আত্মচৈতন্য বা Self-consciousness এবং Social self consciousness জন্মলাভ করে তখন হইতেই এই পশ্চাৎ পর্যবেক্ষণ অর্থাৎ Retrospective view এর সূচনা দেখা দেয়। ইহা মানুষের প্রকৃতিগত বৈশিষ্ট্য। পৃথিবীর জ্ঞান-ভাণ্ডারে আজ পণ্যস্ত যত রত্ন-সম্ভার সঞ্চিত হইয়াছে ও হইতেছে তাহাদের সকলের অফুরন্ত উৎসধারা এইখানে। দৃষ্টিতে এই আত্ম-জিজ্ঞাসার প্রশ্ন নিয়াই মানুষের জ্ঞান-নয়ন প্রথম উন্মীলিত হইয়াছিল, এবং যুগযুগান্তর ধরিয়া তাহার শেষ প্রশ্নটি আজিও শেষ হয় নাই। বিজ্ঞান, দর্শন, এবং সাহিত্য মানব-মনের দুকুর। তাহাতে তাহার প্রত্যেক প্রশ্ন, প্রত্যেক চিন্তা, উদ্বেগ, সন্দেহ, মীমাংসা নিশ্চিত ভাবে প্রতিফলিত হয়। সুতরাং তাহাদের ধারাবাহিক আলোচ্য পর্য্যালোচনা করিলে নিরপেক্ষ সমালোচক গোড়ামির আবর্ত হইতে মুক্ত হইয়া উদারতর সিদ্ধান্তে উপনীত হইতে পারেন।

কিছুদিন হইল বার্লিনে আন্তর্জাতিক ছাত্র-সম্মিলনে জনৈক ছাত্র মনীষি বার্গার্ড'নকে প্রশ্ন করিয়াছিল যে ইদানীং তিনি মনুষ্যকে আত্ম হারাইতে আরম্ভ করিয়াছেন কিনা।

তদন্তরে তিনি বলেন "Who said, I had ever any" ? যে মনুষ্যত্বের মাপকাঠি প্রতিনিয়ত পরিবর্তনশীল, ব্যক্তি বা জাতির উত্থান পতন, আর্থিক অবস্থা, এবং পারিপার্শ্বিক আবহাওয়ার উপর নির্ভরশীল, যাহার নিজস্ব চিরন্তন কোন সংজ্ঞা নাই তাহার উপর আস্থা না থাকারই কথা বটে। কথাটা বিশেষভাবে অনুধাবনযোগ্য। আমরা পূর্বেই লক্ষ্য করিয়াছি মানুষ তাহার পারিপার্শ্বিক অবস্থার ভিতর নিজের স্থান নির্দেশ করিতে চায় নিতান্তই তাহার সহজ প্রেরণার বশে। এই চেষ্টা তাহার ব্যক্ত ও অব্যক্ত সাধারণ action reaction এরই অন্তর্ভুক্ত। ইহা দ্বারা সে সদা বিবর্তমান বহিঃপ্রকৃতির ঘাত সংঘাতের সঙ্গে নিজের ইন্দ্রিয়-নিচয়ের এবং আশা আকাঙ্ক্ষার একটা সামঞ্জস্য সাধন করিতে চায়; কারণ এই সামঞ্জস্য না হইলে তাহার জীবন চলা ভার হইয়া উঠে। নিজের এবং জাতির রক্ষার জন্ত ইহা নিতান্তই চাই বলিয়া এই রক্ষার চেষ্টা এত অবশ্যস্বাভাবী, এত বিশ্বব্যাপী। আমরা আমাদের স্বাভাবিক প্রতিক্রিয়া প্রবৃত্তি দ্বারা দেশ-কাল-সীমাহীন অনির্দিষ্ট প্রকৃতিকে (Indeterminate mass of external Nature) নির্দেশ করিয়া, সংজ্ঞা দিয়া আমাদের জ্ঞানের বিষয়ীভূত করিয়া তুলি। সেই হইতে নূতন লক্ষ বস্তু আমার হয়, আমি আমার আনন্দদ্বারা তাহাকে আলোকিত করি, আবার সেই বস্তু আমার আনন্দে সংযোজিত হইয়া আমার চৈতন্য জগতের প্রসার বাড়াইয়া দেয়। আমার এই define করিবার প্রবৃত্তি আমার প্রকৃতিগত সহজ সংস্কার। আমি আমার দৃষ্টিশক্তি, শ্রবণশক্তি, স্পর্শশক্তি বা মনন-শক্তি দ্বারা বহিঃপ্রকৃতি হইতে ষতটুকু carve out করিয়া নিতে পারি ততটুকুই আমার জগৎ। আমার বৃদ্ধির সঙ্গে সঙ্গে আমার জগৎ বাড়িয়া চলিতেছে, আমার আনন্দকেও বাড়াইয়া তুলিতেছে। আমার চৈতন্যরূপী Search light এর নিক্ষেপ ক্রমানুসারে আমার আবিষ্কৃত জগতের পরিসর যেমন বর্ধিত হইতেছে ঠিক তেমনি নবালোকিত ভূবনও আমার সঙ্গে একীভূত (unified) হইয়া আমার আনন্দের পরিধি বাড়াইয়া তুলিতেছে।

এবস্থি জ্ঞানের সত্যাসত্যের চরম মীমাংসা করা অতীব দুষ্কর। সাধারণ চোখে অর্থক্রিয়াকারিত্বই তাহাদের

সত্যতার প্রমাণ অর্থাৎ যেমন জলকে জল বলি তাহার পিপাসা-নিবারণ-সামর্থ্য দেখিয়া। কিন্তু জ্ঞাতাজ্ঞেয়নিরপেক্ষ ক্রম শাস্ত সত্যের মূর্তি কেমন তাহা আজ পর্যন্তও আমাদের জ্ঞানের সীমা বহির্ভূত। এই কারণেই আমাদের জগৎ এত ভাববৈধত্যের (conflict of tendencies) পরিপূর্ণ। এই অনন্ত কোলাহলের মধ্যে অন্ততঃ এইটা ঠিক যে কাল-প্রবাহ অতি ধরবেগে নিরন্তর বহিয়া চলিয়াছে; তাহার গতি উদ্ভ্রাম এবং অপরিবর্তনীয়। প্রত্যেক বর্তমান মুহূর্ত প্রতিপলকে অতীতের গর্ভে লয় পাইতেছে, আবার ভবিষ্যতের দিকেও ঝুকিয়া পরিতেছে,—যেন একটা বিনি সূতার মালা, একটা ফুল অপরের গর্ভে স্থান লইতেছে, আবার নিজের গর্ভে পরেরটিকে গ্রহণ করিতেছে। প্রত্যেকটা মুহূর্ত যেন এক একটা কণহায়ী সঙ্গম-ক্ষেত্র,—বর্তমানের সঞ্চায় মাত্র অতীতে পরিণত হইয়া ভবিষ্যতের দিকে উন্মুখ হইয়া উঠিতেছে। এই ভাবে মহাকাল অনন্ত গতিবেগে আপনাকে প্রকাশ করিয়া চলিয়াছেন, কেন, কি উদ্দেশ্যে কেউ জানে না। এই অতিক্রম পরিবর্তনের সঙ্গে তাল রাখা মানুষের সাধ্যায়ত্ত নয় বলিয়াই সে মহাকালকে বিকৃত স্থূলরূপে দেখিতে চেষ্টা করে। কিন্তু যতক্ষণ সে মরাকালের স্থূল দেহ নিয়া ব্যস্ত ততক্ষণে স্রোত কোন্ দেশে বহিয়া চলিয়াছে কে জানে? প্রত্যেক যুগই এই গতিকে বাদ দিয়া স্থূল ও স্থাগুর উপাসনা করিয়া ঠকিয়াছে, এবং সত্যতা আবর্জনার জঞ্জালে ভরিয়া উঠিয়াছে। এই গতিবেগকে অস্বীকার করে বলিয়াই এক-যুগ অত্র যুগের শাসক এবং সংরক্ষক হইবার স্পর্ধা করিয়াছে, একযুগের চিন্তাবীর অত্রযুগের সত্যদ্রষ্টা বলিয়া মিথ্যা ঘোষণা করিয়াছে। কিন্তু প্রত্যেক যুগের প্রশ্ন ও উত্তর, সমস্যা এবং সমাধান সম্পূর্ণই তাহার নিজস্ব। অত্বে তাহা dictate বা সমাধান করিবার চেষ্টা যেমন ভ্রান্ত এবং অসম্ভব, তেমনি যুগ বিশেষের তথ্যকে সর্বকালের মনে করিয়া নজির দেখাইবার চেষ্টাও একান্ত অপ্রাসঙ্গিক।

প্রথম গ্রীসীয় বৈজ্ঞানিক দার্শনিক খেলি বা প্রথম আর্ধ্যাধিকার বেদ সংযোজনা হইতে আরম্ভ করিয়া আধুনিক যুগের বার্গাসো, আইনষ্টাইন, আলেকজান্ডার বা রাসেল পর্যন্ত জগৎ ব্যাপার সম্বন্ধে বহুবিধ মতবাদের সৃষ্টি হইয়াছে। ইহাদের মধ্যে পরস্পরবিরোধী মতের অভাব নাই।

কায়িক-সংশ্লিষ্ট যৌন হিংসার আবেশে পড়িয়া যখন দৈব বিবাহে রূপান্তরিত হয়, সতীত্বের জন্মকথা হয়ত বা তখন হইতেই আরম্ভ হইয়াছে। হয়ত বা প্রবলতর পক্ষ অপরকে সম্পূর্ণ নিজের আওতার রাখিবার জন্ত নীতিবাক্যের সুদৃঢ় বেড়া রচনা করিয়াছে। আজিকার জগৎ তাই নূতন করিয়া বিবাহ ও সতীত্বের অর্থ, উদ্দেশ্য ও মার্থকতা খুঁজিয়া বাহির করিতে চেষ্টিত হইয়াছে। প্রশ্ন উঠিয়াছে—সতীত্বের ও পতিত্বের তাফাৎ কি? পুরুষের বেলায় সঙ্কর্ষ প্রযোজ্য কি না? স্ত্রী পুরুষের অবাধ প্রেম বৈধ কি অবৈধ? এই সমস্ত সমস্তার উত্তরে বিভিন্ন প্রকারের গবেষণার উদ্ভব হইয়াছে। কেহ বা morality কে নিছক convention এবং enlightened self-interest বলিয়া আখ্যাত করিয়াছেন। অপর কেহ নৈতিকতা এবং বিবাহের একত্রীকরণ সভ্যতার একটা বিষম ভুল বলিয়া নির্দেশ করিয়াছেন, যথা—“The confusion of marriage with morality has done more to destroy the conscience of the human race than any other single error” বিবাহ যে বেশীর ভাগ লোকে পছন্দ করে তাহার কারণ নাকি combination of maximum of temptation with maximum of opportunity” আজ নারী শুধু পুরুষের পছন্দসই খেলনা হইয়া থাকিতে পছন্দ করে না। “living by playing tricks for him” আর স্ত্রীর স্বাধীনতা স্পৃহাকে সস্তুষ্ট করিতে পারিতেছে না।

উপরন্তু বর্তমান যুগের বিজ্ঞান তাহার গবেষণার ফল পুষ্পাদি দ্বারা নূতন নৈতিক মত সংগঠনের সহায়তা সম্পাদন করিতেছে। ফ্রেয়ডিয়ানিজ্‌মের নাম আজ সভ্য জগতে কাহারও অবিদিত নহে। তাহাদিগের এবং পরবর্ত্তী নিয়ো-ফ্রেয়ডিয়ান্দিগের সিদ্ধান্তগুলি সাহিত্যক্ষেত্রে নূতন যৌন নীতির (Sexual Ethics) জন্ম দিতেছে। মানুষের বস্তুনিষ্ঠ ও ভবিষ্যত কাৰ্য্যাবলী তাহার নিরুদ্ধ গ্রন্থির (repressed complexes) স্বাভাবিক বা অস্বাভাবিক প্রকাশ মাত্র। সুতরাং প্রত্যেক মানুষ মূলতঃ স্নায়বিক রোগগ্রস্ত (neurotic)। Libidoর সহজ প্রকাশেই জীবনের পরম চরিতার্থতা; কিন্তু বর্তমান আট-বাট-বাধা কৃত্রিম সভ্যতাই ইহার পক্ষে সব চেয়ে বড় বাধা। মানুষ

এইজন্ত আদিম libido কে নিরোধ করিতে : বাধ্য হয়, কাজেই তাহার বিকৃত কাৰ্য্যাবলীর জন্ত সে খুব বেশী দায়ী হইতে পারে না। অপরদিকে আমেরিকান নিয়োরিয়ালিষ্ট মনস্তত্ত্ববিৎগণ ‘বাবহারবাদ’ (Behaviourism) নামে এক নূতন পন্থার প্রবর্তন করিয়াছেন। তাহাদের মতে মানুষ একটি প্রতিক্রিয়া পরায়ণ মেসিন্ ভিন্ন কিছু নহে, এমনকি প্রেম ভালবাসাও শারীর যন্ত্রের প্রতিক্রিয়া মাত্র। তাহাদের মুখপাত্র Prof. watson একান্ত স্পর্দ্ধার সহিতই আশা করেন যে শীঘ্রই জগতে এক নূতন নীতিধর্ম প্রবর্তিত হইবে, তাহার নাম Behaviorist Ethics. তিনি তাহার ল্যাবরটরিতে চোর, বদমাইস বা প্রতিভাশালী, ইচ্ছামত সৃষ্টি করিতে পারিবেন। আত্মবাদ বা পাপবাদ উভয়ই উঠিয়া যাইবে। মানুষ জন্ম সাধুও নয়, জন্ম পাপীও নয়, তাহার ব্যক্তিত্ব তাহার পারিপার্শ্বিক অবস্থা দ্বারা ‘conditioned’ হওয়ার উপর নির্ভর করে। আসল কথা এই যে ধর্মনীতি কোনো ‘Ultimate good’ বা চরম সত্যের দিকে উন্মুগ্ন হইয়া থাকিবে না, পরন্তু বিজ্ঞানের সিদ্ধান্তের উপর ভিত্তি করিয়া সমাজস্থ নরনারীর সম্বন্ধ নির্ণয় করিয়া চলিবে।

আজিকার সাহিত্য, দর্শন ও বিজ্ঞানে এই জাতীয় জটিল সমস্যা একান্তভাবে দেখা দিয়াছে এবং সমুদয় চিন্তাশীল-জগৎ নিরন্তর উৎকণ্ঠার সহিত ইহাদিগের সমাধানকল্পে মনোযোগী হইয়াছে। এই বিভিন্ন ‘স্কুলের’ সিদ্ধান্তগুলি আজই বিচার করিবার সময় আসে নাই। কোনও বাঁধা-ধরা Presupposition অথবা গোড়ামির দোহাই দিয়া কোন মতকে ঠেলিয়া রাখিবার চেষ্টা intellectual intolerance প্রকাশ করিবে মাত্র। আজকাল আমাদের দেশে এ বিষয় নিয়া মাতামাতি বৈধতা ও শীলতার সীমা লঙ্ঘন করিয়াছে, ইহা অপেক্ষা শোচনীয় কিছুই হইতে পারে না। চিন্তা-জগতে এইপ্রকার impeachment অনেকটা অহেতুক ও অনাবশ্যক। যাহা নিতান্তই কুফলপ্রসূ তাহা সমাজের sanction অভাবে আপনিই খসিয়া পড়িবে।



সুসঙ্গ শিকার

[মহারাজা ভূপেন্দ্রচন্দ্র সিংহ বাহাদুর বি, এ]

শিকারের স্বপক্ষে যুক্তি দিতে গেলে অনেকেই হয়ত নাসিকা কুঞ্চিত করিতে পারেন। কিন্তু, মল্লযুদ্ধ, ফুটবল খেলা, Dagger খেলা, লাঠি খেলা, Boxing প্রভৃতি ক্রীড়ার স্বপক্ষে যুক্তি দিতে গেলে যদি কাহারও আপত্তির কারণ না থাকে, তাহা হইলে শিকার সম্বন্ধে ইহার ব্যতিক্রম কেন হইবে, তাহা বুঝা যায় না। শিকার কিম্বা মল্লযুদ্ধাদি আধ্যাত্মিক পথের পথিকদের সহায়ক নহে—ইহা গোড়াতেই স্বীকার করি—সুতরাং শিকারের আধ্যাত্মিক ব্যাখ্যা দিবার উপহাসাম্পদ প্রচেষ্টা করিব না। শরীরকে কার্যক্ষম করিয়া রাখার পক্ষে যে সকল sports সহায়ক হয়; এবং সঙ্গে সঙ্গে নৈতিক অবনতির কারণ না হয় ও মানসিক আনন্দদায়ক হয়, সেই সকল sportsই মানব সমাজে আদরণীয় স্থান পাইয়া আসিতেছে। এই হিসাবে শিকারের স্থান অত্র sports অপেক্ষা নিম্নে হইবার কারণ দেখা যায় না। বস্তুতঃ এতাবৎকাল পৃথিবীতে যত প্রকারের sports উদ্ভাবিত হইয়াছে, তাহার মধ্যে শিকার একটা প্রধান। অবশ্য অতি আধুনিক Camera দ্বারা শিকারকেই আবার শিকারের রাজা বলা যাইতে পারে। ইহাতে Rifleএ শিকারের যাবতীয় অভিজ্ঞতা লাভের সুযোগ হয়, অধিকন্তু প্রাণীহত্যাজনিত অবশ্য-লভ্য গ্লানিটুকু আর থাকে না।

“মেদশ্চৈব কৃশোদরং লঘু ভবতুঃসাহ যোগাং বপুঃ।

সত্বানামপি লক্ষ্যতে বিকৃতমচ্ছিত্তং ভয়ক্রোধয়োঃ।

উৎকর্ষঃ সচ ধম্মিনাং যদিষবঃ সিধ্যন্তি লক্ষ্যে চলে

দিখ্যা হি বাসনং বদন্তি যুগয়ামীদৃগু বিনোদঃকুতঃ ॥”

শিকারের স্বপক্ষে পুরোক্ত শ্লোকটা স্মরণীয়।

যদি প্রত্যেকটা জন্তুর স্বভাবাদি সম্বন্ধে বিশেষ পর্যবেক্ষণ পূরক বৈজ্ঞানিক প্রণালীতে কেহ প্রবন্ধাদি রচনা করেন, তাহা হইলে বাঙ্গালা ভাষার শ্রীবৃদ্ধি হয় এবং বাঙ্গালীর গৌরবের কারণ হয়। আরণ্য পশুদির স্বভাব সম্বন্ধে বাঙ্গালীর মৌলিক পর্যবেক্ষণ ফল, প্রণালীবদ্ধ ভাবে লিখিত বড় একটা হইয়াছে বলিয়া আমাদের জানা নাই। ২।৪টা পুস্তক যাহা পাঠ করিয়াছি, সেগুলিতে মৌলিক পর্যবেক্ষণ

ফল অতি সানাত্নই লক্ষ্য করা যায়—ইংরাজী লেখকগণের লিখিত অভিজ্ঞতার ফলগুলিই অনেক সময় পাওয়া যায়। ইহাতে ভাষার শ্রীবৃদ্ধি হইলেও জাতির কৃতিত্বের পরিচয় কমই পাওয়া যায়। আশা করি শিক্ষিত শিকারীর মনোযোগ এই বিষয়ে আকৃষ্ট হইবে এবং বাঙ্গালীর মৌলিক পর্যবেক্ষণের ফলে এই সকল জীবজন্তুর সম্বন্ধে জ্ঞান বৃদ্ধি পাইবে। অবশ্য আরণ্য পশুপক্ষীর স্বভাবাদি সম্বন্ধে পর্যবেক্ষণ মূলক বিশদ আলোচনায় বাঙ্গালীর অনেক বাধাও আছে।

এতদঞ্চলে শশক, বাঘভাঁস, বনবিড়াল, খাটাস, শৃগাল বৃহৎ সর্প, কদাচিৎ বর্ষাকালে কুন্তীর, যজ্ঞশূকর, সজারু, প্রভৃতি নানা প্রকার ছোট ছোট জন্তু পাওয়া যায়। গারোপাহাড় অতি নিকটে থাকায় বন্য কুকুর, গবয়, এবং রিয়া, হঠাৎ কখনও পাওয়া যায়। এতদ্ভিন্ন নানাজাতীয় হাঁস, মারস শ্রেণীর পক্ষী, snipe, বক জাতীয় পক্ষীর বটের, চোরস, পাঁচ প্রকারের ঘুঘু, দুই জাতীয় হরিকল, বন্য কুকুট, দোণ, উল্লাময়ুর প্রভৃতি বহু শ্রেণীর শিকার যোগ্য পক্ষী পাওয়া যায়।

কর্মক্রান্ত জীবনের অবসর সময়ে কেবলমাত্র সহজ লভ্য আমোদ আহ্লাদের জন্ত বিলাসিতার কেন্দ্রস্থান সহর-গুলিতে না খাইয়া কোনও কোনও বৎসর প্রকৃতির লীলা নিকেতনের অনাবিল উৎসবে যোগদান করিলে একদিকে যেমন নূতন অভিজ্ঞতার সঞ্চয় হইবে, অপর দিকে তেমনই প্রকৃতির সন্তানদের আনন্দের স্বাভাবিক বিকাশ ভঙ্গিমা দর্শনে নয়ন-মন পরিতৃপ্ত হইবে।

Christmasএর ছুটীই শিকার Campএ যোগদান করিবার শ্রেষ্ঠ সময়।

শিকারে হত্যাব্যাপার সংসৃষ্ট থাকায় যদিই বা তাহা সকলের নিকট রুচিকর নাই হয়, তথাপি—

“.....নিধিলের সেই

বিচিত্র আনন্দ যত এক মুহূর্তেই

একত্র করিয়া আন্বাদন, এক হ’য়ে

সকলের মনে.....” অনুভব করিতে

হইলে Shikar campএ যোগদান বাঞ্ছনীয় নহে কি ?

বসিয়া রহিল। শেষে বিশ্বয় স্তব্ধ নেত্র, দৌলতের চোখের উপর সংক্রান্ত করিয়া, কৌতূহলমাখা করুণকণ্ঠে বলিল “দৌলত! কি মনে করে এ সময় এলে?”

প্রশ্ন শ্রবণ করিয়া দৌলতয়েছা যেন মুসড়িয়া পড়িল। একটা জ্বালাভরা অসীম অশান্তির সংঘাতে, তাহার অন্তরটা যেন বিদীর্ণ হইয়া যাইতে লাগিল। সে কয়েক মুহূর্ত নীরবে থাকিয়া অতি কষ্টে আপনাকে সামলাইয়া লইল। শেষে শরীরের সমস্ত শক্তি যেন একত্র জড় করিয়া, দৃঢ়তার সহিত উত্তর করিল “প্রিয়তম! এরূপ প্রশ্ন আজ তোমার নিকট নূতন শুন্যে, আরও অনেক দিন ত আমি এমনি সময়ে এসেছি কৈ তুমি ত কোন দিনই এতটা ধতমত খেয়ে, এভাবে প্রশ্ন কর নি! মানুষ যখন অভাবনীয় বিপদে পড়ে—উদ্ধারের পস্থা খুঁজে বেড় কতে পারে না, তখন সে সামান্য একটা স্মৃষ্টি শেষ অবলম্বন করে, বিপদ স্বলনের, শেষ চেষ্টা করে থাকে! আনারও আজ সে অবস্থা, আমিও একটা নিখা আশায় হয় ত—তেননি কিছু কতে অগ্রসর হয়েছি। মনে মান্ছে না, তাই আজ মান, অভিমান বিদায় দিয়ে, তোমার অনুগ্রহ ভিক্ষা চাইতে সাধু হইছি। তুমি সবই জান,—তবু এমনি ধারা প্রশ্ন করার অর্থ,—আনার মনে হয়, উত্তম অগ্নিতে স্নত সিঞ্চন করে, তার প্রচণ্ড তাপ দ্বিক্ত করার প্রয়াস ছাড়া,—আর কিছু নয়ই! এতে যদি তুমি তৃপ্তি পাও,—তাও মনে করব তোমার অসীম দান,—মাথা পেতে নিবই!”

সাহাজাদা কয়েক মুহূর্ত নীরবে থাকিয়া বলিল “দৌলত! আমাকে ক্ষমা কর। পূর্ব স্মৃতি সব ভুলে যাও, বাবা যেভাবে আমাদিগকে পরিচালনা কতে চাইছেন,—তাইত মাথা পেতে নিতে হ'বে। এর ব্যতিক্রম ঘটাবার উপায় নেই ই। তবে মিছামিছা কেন,—এমনি ভাবে অশান্তির সৃষ্টি করে শরীরের স্বাস্থ্য নষ্ট কচ্ছে? হোসেন আলী সুপুরুষ,—বিদ্যান লোক। সংপায়েই তোমাকে অর্পণ করার ব্যবস্থা হয়েছে।”

দৌলতয়েছা সাহাজাদার দৃঢ় অভিব্যক্তিতে, একেবারে ধৈর্য্যচ্যুতি হইল, সে নিতান্ত উন্মাদের মতই,—তার অগ্রায় বিবেচনা করিবার শক্তি হারাইয়া ফেলিল। অতি কষ্টে কয়েক মিনিট কাল নীরবে দাঁড়াইয়া থাকিয়া, অন্তরের প্রচণ্ড বিপ্লব গোপন রাখিতে সচেষ্ট হইল। শেষে নিতান্ত

সহজ ও দৃঢ়তা বাঞ্জক স্বরে বলিল “প্রিয়তম! তুমি—তুমি আজ এমনি ভাবে আমাকে প্রবোধ দিতে,—এতটুকুন কুণ্ঠা বোধ করনি? তুমিই ত শিখিয়েছিলে,—স্ত্রীলোক থাকে একবার স্বামীরূপে বরণ করে, তিনিই তা'র জীবনদেবতা রূপে চিরকাল বিরাজমান থাকেন,—বাছাই করা জিনিষটা ভালবাসা রাজ্যের ভিতর একটা অচিস্তনীয় ব্যাপার!—সেই তোমার মুখে এ ধরণের উপদেশ আজ যেন কেমন শুনাচ্ছে!—সুন্দর ও বিদ্যান, এ মাপকাঠি নিয়ে যদি স্বামী গ্রহণ করার সুনিয়ন্ত্রিত পথ আবিষ্কৃত হয়, তবে আমার মনে হচ্ছে, একমাত্র তাদেরই স্ত্রী সংগৃহীত হওয়া উচিত,—ভালবাসা জিনিষটা একমাত্র তাদেরই একচেটে সম্পত্তি হওয়া উচিত,—যা'রা সুন্দর ও বিদ্যান বলে খ্যাতি অর্জন করেছে! কিন্তু তা'ত প্রণয় রাজ্যের নিয়ম নয়—মনের অসীম টানের উপরই এর ভিত্তি সুগ্রথীত!—আমি তোমাকে স্বামীরূপে গ্রহণ করেছি, তোমার স্নেহ লাভ করার সুবিধা তুমিই আমার করায়ত্ত করিয়েছ,—এখন তুমি তা ফিরিয়ে নিতে চাইলেও, সে অমূল্য দান পরিত্যাগ করার উপায় ত আমার নেই। তুমিই আমার উপাশ্রয় ও কাম্য! চিরকাল তুমি তাই থাকবে,—আমাকে বিলিয়ে দেবার প্রস্তুতি তোমার অন্তরে জাগরিত হলেও, আমার অন্তরে সেরূপ কোন ভাব ত স্থান পেতে পারবে না! বাদসা সাহেবের ইচ্ছায় এর কোন ব্যবস্থাই ত হয় নি। তোমার একান্ত ইচ্ছার উপর না এত বড় অভাবনীয় ব্যাপারের অনুষ্ঠান চলছে!—তোমার মত পরিবর্তন করে দেখ,—সব গোলযোগ এক মুহূর্তে মিটে যাবে। তোমার মতের উপরই ত আনার সুখ, শান্তি,—ইহকাল পরকাল সম্পূর্ণরূপে নির্ভর কচ্ছে! বল—তুমি আমারি থাকবে? আমাকে এমনি করে অপরকে বিলিয়ে দিবে না?”

বর্ষায় নদীর বুক যখন ভরিয়া উঠে, তখন সে নিজের কল্ কল্ তানেই ভরপুর হইয়া বহিয়া চলে। অপরের কথা ভাবিবার সময় সে পায় না। সাহাজাদারও সেই অবস্থা হইয়াছিল। সে ক্ষণিকের জ্ঞান,—লজ্জার গাঢ় রক্তিমায় রঞ্জিত হইয়া গেল। পর মুহূর্তে সে আপনাকে সামলাইয়া লইয়া, করুণকণ্ঠে বলিল “আমার মন যাকে পাবার জ্ঞান উদ্বিগ্ন হয়ে রয়েছে, যাকে পাবার জ্ঞান আমি উন্মত্ত

হইল। একটা প্রবল আত্মগোপন ও মর্মান্তিক ধিকার সে আপনার ভিতর অনুভব করিল! তাহার মনে হইতে লাগিল এমনি ভাবে তা'কে লাক্ষিত না করে, নির্মমভাবে বেত্রাঘাত করলেও তা'র পক্ষে এত বড় নিদারুণ ও অসহনীয় হ'ত না। তাহার হৃদয়-বীণা যেন, এই বাক্য-বাণের কঠোর আঘাতে,— একেবারে ছিঁড়িয়া পড়িল। সে স্তব্ধ-অসাড়-বেদনা-পাণ্ডুর মুখে—ঈর্ষ্যাতের মুখের প্রতি আহত নেত্রে অনেকক্ষণ চাহিয়া রহিল। শেষে বস্ত্রাঞ্চলে মুখ আবৃত করিয়া অনেকক্ষণ ধরিয়া ফোঁফাইয়া ফোঁফাইয়া কাঁদিল। একটা অব্যক্ত ব্যথা মুহূর্মুহুঃ তাহার ভিতরটা ফাঁটাইয়া দিবার জ্ঞ, অসীম বেগে পীড়ন করিতে লাগিল! দৌলতমেছা অতি কষ্টে অশ্রু দমন করিয়া, রোদন রুদ্ধ স্বরে, সকাঁতরে বলিল “স্বামী চরিত্রের যে টুকুন উপলব্ধি করে,—তুমি আজ বিশেষজ্ঞ সাক্ষাতে চাইছ, আমার মনে হয়, তা'র আগা-গোড়াই, ঐতিহাসিক পূর্ণ ভ্রমাত্মক ছাড়া আর কিছু নয়-ই! অশেষশব্দ তোমার ছায়া অনুগমন করেই চলতে চেষ্টা করেছি, এতটা মাথামাথির সংস্পর্শে এসে, তুমি যদি, আমার ভিতর সেরূপ পুষ্টিগন্ধময়, কোন বিশেষত্বের সন্ধান পেয়ে থাক, তবে সে-টা হয়ত, আমার সময়োচিত নিতান্ত হৃদয়দৃষ্টের ফল বলেই ধরে নিতে হবে! তবে আমার অন্তর নিহিত, যা কিছু আছে, তা' যদি বিশ্লেষণ করে দেখাতে পারতুম, তবে দেখতে, আমার অন্তরের প্রতি পর্দায়, তোমার মোহন ছবি অঙ্কিত রয়েছে! সেখানে আর কোন কিছুর স্থান হবার সম্ভাবনা নেই! একমাত্র, স্বামী বিরহে উন্মত্তাধীর স্ত্রীলোকই মুহূর্তের মধ্যে প্রাণ বিসর্জন দিতে সক্ষম হয়ে থাকে, কিন্তু স্ত্রীর জ্ঞ পুরুষ, প্রাণত্যাগ করেছে, এরূপ দৃষ্টান্ত, ইতিহাসের পাতায় খুবই কম। মৃত্যু,—সেত অতি তুচ্ছ কথা! এত বড় অভিসম্পাত মাথায় তুলে নিয়ে, জীবন ধারণ করার চেয়ে, আনার পক্ষে, মৃত্যুকে বরণ করাটা কি খুবই লোভনীয় নয়? যে অসীম জালা বৃকে করে—জীবন ধারণ কচ্ছি, তার পরিসমাপ্তি খুঁজতে গেলে, মৃত্যুই যেন, একমাত্র শান্তিলাভের প্রশস্ত মুক্ত-পথ বলে মনে হচ্ছে! অনেক আশা করেই আজ তোমার নিকট এসেছিলুম, এ ভাবে, এতটা শেল বাক্য তুমি প্রয়োগ করবে বলে যদি ধারণা কত্বে পাত্তুম, তবে

হয়ত তোমাকে বিরক্ত কত্বে কখনও আসতুম না, আমার অপরাধ ভুলে যাও, ক্ষমা করো, আর যেন তোমার কোন কাজেই প্রতিবন্ধক সেজে, তোমার সুখের-পথে কণ্টক বিস্তৃর্ণ না করি। এতটুকুন শক্তি কি খোদা আমাকে দিবেন না? এ দাসীকে যদি কোন দিন, মনে করবার অবকাশ হয়, তবে ভেবে দেখো, কত বড় মর্মান্তিক যাতনা নিয়ে আজ তোমার নিকট এসেছিলুম, আর কত বড় আঘাতে জর্জরিত হয়ে, আমার এই অভিশপ্ত জীবনের লীলা সাজ করবার সংকল্প নিয়ে, তোমার নিকট হতে বিদায় গ্রহণ কচ্ছি! না—আর ত পারি না, বিদায়—বলিয়াই দৌলতমেছা পাগলিনীর ছায় সে স্থান পরিত্যাগ করিল!

দৌলতমেছা বাহিরে আসিয়া, একাকী দাঁড়াইয়া অনেকক্ষণ ধরিয়া ফোঁফাইয়া ফোঁফাইয়া ক্রন্দন করিল। শেষে ত্বরিত পদে আমিনার শয়ন কক্ষেরদ্বার প্রান্তে আসিয়া থমকিয়া দাঁড়াইল। অনূরে প্রহরী তরবারি হস্তে পদচারণা করিতেছিল, দৌলতমেছা তাহার প্রতি দৃষ্টি ঘুরাইয়া বলিল “প্রহরি! দ্বার খুলে দাও, আমি ভিতরে যাব।”

প্রহরী করযোড়ে, নত জাফ হইয়া, বিনম্রকণ্ঠে বলিল “সহাজাদি! ভিতরে প্রবেশের হুকুম ত কারো নেই, বড়ই কড়া আদেশ, গর্দানা যাবার ভয় ত আনার রয়েছে।”

দৌলতমেছা মাতালের মত টলিতে টলিতে, বাষ্পাঙ্গকণ্ঠে বলিল “কোন ভয় নেই প্রহরি! আমি হুকুম দিচ্ছি, সব দোব আমিই মাথায় করে নিব। দ্বার খুলে দাও। পনের মিনিটের মধ্যেই আমি ফিরে যাব।”

প্রহরী দৌলতমেছার মনের অবস্থা অনেকটা উপলব্ধি করিল। একটা অসীম সহানুভূতিতে তাহার অন্তর ছাইয়া গেল সে আর কোনই প্রতিবাদ না করিয়া, নিজ দায়ীত্ব, দরজার অর্গল মুক্ত করিয়া দিল। দৌলতমেছা কক্ষে প্রবেশ করিতেই, প্রহরী আবার দ্বার রুদ্ধ করিয়া দিল।

দৌলতমেছা কক্ষান্তরে প্রবেশ করিয়া, উপর হইয়া পড়িয়া, আমিনার বক্ষে দেহভার সংশ্রুত করিল,—এবং অজস্র অশ্রু প্লাবনে তাহার বক্ষসিক্ত করিয়া, উন্মুক্ত উচ্ছ্বাসে কাঁদিতে লাগিল। আমিনা দৌলতের অভাবনীয় অবস্থা প্রত্যক্ষ করিয়া, একেবারে হতভম্ব বনিয়া গেল! একটা বৃক ফাঁটা আর্ন্তনাদে তাহার অন্তর ভরিয়া উঠিল! বিরক্ত-

তিন্ত-হতাশ-চিত্ত লইয়া, আমিনা বহু চেষ্টায় তাহাকে অনেকটা শান্ত করাইয়া, সমস্ত ঘটনার সারমর্ম টুকুন সংগ্রহ করিয়া লইল। আগামী কলা, কাজী সাহেবের অজ্ঞাত-সারে মতিয়াও সাহাজাদার উদ্বাহ কার্য সম্পন্ন করান হইবে, এই সংবাদে তাহার শরীর শিহরিয়া উঠিল। একটা অবসাদে তাহার সমস্ত দেহ, মন সহসা যেন একেবারে শিথিল হইয়া গেল! আমিনা ভাবিতে লাগিল—এ বিবাহের পরিণাম যে ভয়ানক গুরুতর! কয়টি নিরপরাধি প্রাণীর জীবন নাশের আশঙ্কা যে এতে বিদ্যমান!—এখন সে কি কত্তে পারে? সে যে বন্দী! এক পা'ও যে তা'র চলবার ক্ষমতা নেই! কাজী সাহেব অনেক দিন বলেছেন, সাহাজাদার ও মতিয়ার বিয়ে হওয়াটা, নিতান্তই অসম্ভব ব্যাপার। তিনি বেঁচে থাকতে, একরূপ মিলন, কোন দিনই হ'তে পারবে না! এর ভিতর হয় ত কোন গূঢ়-রহস্য বিদ্যমান আছে, ডাকাত কর্তৃক অপহৃত হবার পর হতে, মতিয়া ও হোসেনের সংবাদ তিনি কিছুই সংগ্রহ করে উঠতে পারেন নি, কত চেষ্টা করেছেন, কোন ফল হয় নি! তাঁকে এ সমস্ত সংবাদ জানাতে পারলে, হয়ত কোন প্রতিকার হতেও পারে! অতঃপর একটা দীর্ঘশ্বাস প্রদান করিয়া বলিল “দৌলত! শুধু কাঁদলে কোন ফল হ'বে না বিপদে বৈর্যাহারা হইও না। তোমাদের রক্ষার জন্ত আমি বিপদ সাগরে কাঁপ দিয়েছিলুম, কিন্তু কিছু কত্তে পারলুম না, আজ আমি বন্দী, পরিণাম ফল যে কি দাঁড়াবে তাও জানি না, আমার জীবন দিয়েও যদি হোসেনের উপকার কত্তে পাতুম, তবেই আমার এ উদ্যোগ সাফল্যশীল হ'ত! থাক্ সে কথা, আচ্ছা দৌলত! তুমি যদি একটা কাজ কত্তে পার, তবে আমি এ কারাগারে আবদ্ধ থেকেও শেষ চেষ্টা করে দেখতাম,—বল পারবে?”

দৌলতমেছা তাহার আগ্রহান্বিত দৃষ্টি আমিনার মুখের উপর সংলগ্ন করিয়া বলিল “কি কত্তে হ'বে আমাকে আমিনা দিদি? বল, আমি চেষ্টা করে দেখব।”

আমিনা দৃঢ় স্বরে বলিল “আমি একখানা চিঠি লিখে দিচ্ছি, তুমি একজন বিশ্বস্ত লোক দিয়ে—যদি কাজী সাহেবের নিকট পাঠিয়ে দিতে পার, তবে কোন ফল-ফলেও হতে পারে? বল পারবে? ধরা পড়লে আর আমার রক্ষা থাকবে না!”

দৌলতমেছা দৃঢ়তার-সহিত বলিল “তা পাঠাতে পারব বলেই ত মনে হয়, আমিনা দিদি! দাও তুমি চিঠি লিখে। তাব যে অবস্থা দাঁড়িয়েছে তাতে বিশেষ যে কিছু হ'বে, এমন ত মনে হচ্ছে না!”

আমিনা আর কোন বাক্য বায় না করিয়া, কয়েক যুহুর্ভের মধ্যেই চিঠি লিখার কার্য শেষ করিয়া ফেলিল, এবং দৌলতমেছার হস্তে চিঠিখানা অর্পণ করিয়া, উঠিয়া দাঁড়াইল। দৌলতমেছা চিঠি হস্ত দ্বারের সম্মুখে উপস্থিত হইয়া, সঙ্কেত করিতেই, দ্বার খুলিয়া গেল। সে ক্ষণ বিলম্ব না করিয়া, সে স্থান পরিত্যাগ করিল। প্রহরী পুনরায় দ্বার রুদ্ধ করিয়া দিল। (ক্রমশঃ)

দুর্গোৎসব

(শ্রী পূর্ণিমাপ্রভা রায় সরস্বতী)

শরতের প্রভাত সূর্যের বিশ্ববিমোহন রক্তচ্ছটা ধরাবক্ষ চুম্বন করিয়াছে। প্রভাত সূর্যের কনককিরণ রেখা দিগ বধুর মুখমণ্ডল রাঙান্বিত করিয়া তুলিয়াছে। দিকে দিকে শরতের অপরূপ লাবণ্য রাশি উছলিয়া-উথলিয়া-ঝাসিয়া পড়িতেছে! প্রকৃতির অন্ধে অন্ধ শরতের সুসমা, শরতের—মধুরিমা, শরতের স্নিগ্ধ শ্রামলিমা, ফুটিয়া ফাটিয়া পড়িতেছে! মাঠভরা ধাত্ত রাশিতে শরতের হরিত শ্যামকান্তি ফুটিয়া উঠিতেছে, শেফালিকার শুভ্রদলে, সরসীর নীলজলে, গগনের নীল শোভায় পদ্মহুমুদের সুরভিচ্ছটার, কি জানি কি এক অপরূপ অভিনব, অতুলনীয় রূপ মাধুর্য জনমন উতাল করিয়া তুলিয়াছে? কিসের এ আনন্দ? কিসের এ পুলক শিহরণ? কাহার জন্ত বিশ্বপ্রকৃতির এই অপরূপ সজ্জার বিপুল আয়োজন? বুঝিয়াছি আসিয়াছে সে দিন। বাঙ্গালীর চির আকাজক্ষিত-চির-অভিষীত, চির-আরাধিত সেই শুভদিন। তাই যে কাণে, কাণে আসিয়া কোন সূদূরের অগম্য চরণ নুপুর গুঞ্জন ধ্বনি মৃদু মধুর রবে বাজিতেছে? তাই যে শরতের শুভ্রোৎফুল্ল যামিনীর উচ্ছসিত সৌন্দর্য্যচ্ছটার; অমু-সন্ধিৎসু প্রাণ কোন এক মহাসৌন্দর্য্যের গভীর নক্ষানে উদ্গীৰ্ব হইয়া উঠিয়াছে। তাই যে “টুপটাপ” শিশির পতনে সস্তান বর্গের বিস্তৃত হৃদয় মাগের আশীষধারা বর্ষণের শ্রায় সিঞ্চিত পুলকিত হইয়া উঠিতেছে। বুঝিয়াছি আসিয়াছে সে দিন

“হাঁ চাঁদ উঠেছে বটে। বাঃ—সঙ্গে তুমিও এসেছ ?
এ বেশ ! হাঁ ভারতের মহারাণী বটে ! কেমন রাজা মনে
পড়ে,—এইখানে এক শুভ্র শরদ জোছনায় তোমার চিত্তকে
স্নান করিয়ে এই মহীয়সী মহিলার হৃৎপদ্মাসনে তোমায়
অভিষিক্ত করেছিলাম। হাঁ, রাণী বটে—”

“কবি, আশীর্বাদ করিও—যেন ভারতেধরীর গৌরব
ক্ষুণ্ণ না করি।”

বাবা, সাক্ষাৎ মা তুই মহাশক্তি তোর পেটে জন্মে গণেশ
কার্তিক—যারা জানে শক্তিতে স্বর্গজয় করে তারকাস্বর
নিধন করে। এমন যাদের মা, তারা পরাধীন হতে পারে
না। কখনো না—

কবি, স্বপ্ন দেখছ ভুল ভেঙ্গে যাবে। জাতি যে নেই।
থাকত যদি ত্র হল আমার বাবা উঃ—থাক দীর্ঘকাল পর
হয়ত আবার আমিই আসব যখন আমার বাবা নূতন হয়ে
জন্মাবে—যখন বাবা মোর ঘরের ছয়ারে ছুস্মন নিয়ে আসবে
না—ছুস্মন তাড়াতে মেয়ের সঙ্গে প্রাণ দিবে এ যাত্রা এই
শেষ—

এ কি কথা বলি মা—! রাজা, রাজা—

কি কবি—

শুন্ছ—?

না—আমি বহু দূরে গুপ্তচরের আলোক সঙ্কেতে লক্ষ্য
কর্ছিলাম।

(৩)

“নীরব নিশীথ নীরব ভারত
পূরিত নীরব আঁধারে।
সুস্তিত অতীত, ভীত ভবিষ্যত
সিকত নয়ন আসারে।
অত্রপৃক্ অদ্রি উত্তুঙ্গ ভীষণ
গর্ভ স্ফীত বক্ষ ভীম প্রহরণ
শনিয়া সত্যে প্রতীচী গর্জন
নিমগ্ন নীহার সাগরে।

নিশ্চর নীরব যখন প্রতীচী,
লক্ষ পিককণ্ঠে কুহরিত প্রাচী,
(আজি) প্রাচীর মিহির জ্যোতিঃ প্রতীচীর
বর্ষিছে কর তীব্রধারে।

কুলিশ নির্ঘোষ বীরের হকার
ভীম নীরবতা পরিবর্তে তার
(আজি) ক্ষীণ পিককণ্ঠে অমুকায়ী স্বর
কম্পিত কণ্ঠে বন্ধারে।

(যখন) প্রাচী সিংহাসন উন্নতি শিখরে,
প্রতীচী তখন পূরিত বর্করে,
ভীত ভিখারী আজি সেই প্রাচী
উন্নত প্রতীচী ছয়ারে।”

কবি, এ আঁধারে রণক্ষেত্রে পড়ে ডুকায়িয়া কাঁদছ ?

না মা স্বপ্ন দেখছি—

স্বপ্ন—

হাঁ মা—দেখলাম শোণিত সিদ্ধ ভারত লক্ষ্মী সুদূর
প্রতীচীর পদতলে ভিখারিণী—

তুমি কবি।

হাঁ মা, আমি কবি—ভবিষ্যৎ দেখছি—

সঙ্গে কেউ আছে ?

হাঁ মা—এই লও ভারতের স্বাধীনতার পবিত্র শবদেহ।
কেউ ছোঁয় নাই—স্বপ্ন সেবক হিসাবে, কবি হিসাবে—
সাহিত্যিক হিসাবে—আমি ছুঁয়েছি—মা! খুব আঁধার
তবু দেখছি এ বৃকের রক্তধারা গাঢ় লাল—

কাঁদছ কেন কবি অযোগ্য স্বাধীনতা থাকে না।
জাতীয়তা হীনের স্বাধীনতার স্বপ্ন দেখা কেন? কনোজে
দিল্লীতে বিরোধেই ভারত মরে,—ভ্রাতৃ বিন্ধেদে স্বাধীনতার
চিতা জলে গুঠ! দাও কবি, এ শবদেহ আমার বুকে,—এ
সংযুক্তার প্রাণপতির অমর পুণ্যস্মৃতি। যদি কখনো
ভাই ভাই সংযুক্ত হয়, আবার সংযুক্তা এই বীরপুরুষকে
নিয়ে চিতা ভস্ম হতে বের হয়ে আসবে। আমি চলাম
কবি, আমি এসেছিলাম ভারতে—আমি কে এতদিন বলিনি—
আজ বলে যাচ্ছি—

আমি ভারতের রাজলক্ষ্মী!

হাঃ—হাঃ—নূতন বলি কি মা,—এ আমার জানা কথা!

আমি কবি—

দাও কবি, ওই চন্দনে সাজানো চিতায় রায় পিথোরার
পুণ্যময় দেহ তুলে;—আমি সোজ এসেছি—”

তুমি কোথায় যাবে মা—

একবার কোমর কাছিয়া কে না নামিয়েছে? কোন্ ব্যক্তি বা নৃতনের জটিল পথটা সোজা মনে করিয়া একবার পান না বাড়াইয়াছে? যদিও তাহা Experiment is at always dangerous কথাটির সত্যতাই অনেক সময়ে রক্ষা করে কিন্তু তথাপিও কোন ব্যক্তি একবার নৃতনের চাটুনি লিঙ্কায় লাগাইতে ছাড়িয়াছেন? এখন শ্রাম কি কুল যেটাই নৃতন কি পুরাতন হউক না কেন দুটায় মিলাইয়া খিচুরী পাকাইবার সংবাদ ইতিহাস রাখে না। তবে তৃতীয় চতুর্থ পক্ষের যে একটা জনশ্রুতি আছে, সে অভ্যাস আমার নাই। বস্তুতঃ মধুর অভাবে গুড় বা গুড়ের বিরহে মধুর ব্যবহার চলিতে পারে এবং ইহাই চিরন্তন। তাই আমি শ্রাম এবং কুল দুটাই ধরে রাখিতে চাই।

যাহাদের ভাঙ্গন কুলে বাড়ী তাহারা যেমন নিয়তই ঘাটে একখানা নৌকা বাধিয়া রাখে, আমরাও যৌবনের কুলে অকুল দেখিয়া বার্কিকোর ঘাটে শ্রামের ডিঙ্গা বাধিতে সাধ যায়। কিন্তু পেছন ফিরিয়া চাহিলে গত দিন গুণার জন্ত যে মমতা জাগিয়া উঠে তাহারই অনুশাসনে কুল বর্জন করিয়া শ্রাম রাখিতে মন চলে না।

আমার একটা প্রত্নতাত্ত্বিক আবিষ্কারের বার্তা শুনিলে সকলেই বুঝিতে পাইবেন কেমন করিয়া নৃতনের গায়ে পুরাতন এবং পুরাতনের গায়ে নৃতনের অঙ্গরাগ বাধিয়া থাকে। কিন্তু তাই বলিয়া যেন কোন অশীতিপর বৃদ্ধ যৌবনের দাবী করিয়া না বসেন ইহাই প্রার্থনা।

কি একটা পার্কিন মুখে করিয়া আমার কেরাণী খানাটা বিশ্রাম লইতে ছিল। কাজ কর্ম না থাকায় এদিক ওদিক খুজিতে খুজিতে পিতামহের আমলের একটা পুরাতন সিন্দুকের দিকে চক্ষু পড়িল। দিন ভরা আলো কাটাইয়া প্রত্নতত্ত্বের অছিলায় সিন্দুকের ডাঙা খুলিয়াই একটা অবর্ণনীয় সড় সড় শব্দ শুনিলাম। ভাবিলাম হয়ত, পিতামহের সঞ্চিত মুদ্রা শিল্পের অর্থাৎ সিকি ছয়ানী জোর আধুলি ভায়া বেড়িয়া বেড়াইতেছে। তখন সন্ধ্যা হয় হয়। অন্ধকারটা অনেকদিনের পুরাতন রোগীর মরণের গতির মত কেবলমাত্র ঘনাইয়া আসিতেছিল, তাই দীর্ঘ রাত্রি প্রভাতের অপেক্ষায় না রহিয়া একটা কেরাছিনের ডিপ

হাতে করিয়া সিন্দুকের মধ্যে মাথা ঢুকাইয়া দিলাম। আর অমনি আমার এত আশা ভরসার মুদ্রা শিল্পগুলি তেলাপোকায় মূর্তি ধরিয়া, আমার নিজ হাতের জরিপ করা, সাড়ে তিন হাত দেহ-ভূমিতে দখল লইয়া ছুটাছুটি করিতে লাগিল। তখন নিঃসন্দেহে মনে হইল, দাদা নাতিতে যে মধুর শ্রামক সম্ভাষণ বিনিময় হইয়া থাকে তাহা নিতান্ত নিরর্থক নহে।

পর দিবস প্রাতে উহাদের গঙ্গাযাত্রা করাইলাম। উহারা বৈকুণ্ঠে গেল কি শিবলোকে গেল সে সংবাদ "সোরভ-সজ্ব" লইবেন। কিন্তু, আমার পুত্রের মাছগুলো যে দীর্ঘকাল পরে একটা পুষ্টির পাণ্ড পাইয়া আশীর্বাদ করিল তাহাতে সন্দেহ করা চলে না।

তিন দিবস পরে সিন্দুকটা খুলিয়া পাইলাম ১২১৩ সনের একখানা নৃতন পঞ্জিকা। বিধাতার কি আশ্চর্য্য সৃষ্টি, গুপ্তপ্রেসের কি অদ্ভুত মহিমা, এতগুলো দিন যাহার গায়ের উপর দিয়া গড়াইয়া গেল আজও তাহার নৃতনের খেতাবটা পুরাতন হইল না। সেইদিনই বুঝিলাম যাহা কিছু বাঁচিয়া থাকিলেই নৃতন থাকে। কেহ বা বিবর্তবাদের নিত্যনৃতন টানা হেচরায়, আর কেহবা নিত্য নৃতন স্মৃষ্টি হ্রঃখের নৈমিত্তিকতায়।

আমার এক অতি বৃদ্ধ প্রতিবেশিনী ছিলেন, তিনি তাহার অশীতি বৎসর বয়সের শিল্প পুত্রটিকে খোকা বলিয়া ডাকিতেন। আমিও সেই দস্তহীন খোকাটির খোকাঘের অনুপাতেই পঞ্জিকার নৃতনত্বের বয়সটা মাপিয়া লইলাম। এবং মনে মনে বলিলাম হে গুপ্তপ্রেসের সম্বাদিকারিগণ তোমরা যদি দেশটা ভরিয়া কপালে কপালে ঐ তিনটা অক্ষয় ছাপিয়া দিতে পারিতে, তবে অতি তুচ্ছ পাকা চুল বা দস্তহীনতার নজির ধরিয়া বৃদ্ধ বয়সে ব্যক্তি বিশেষের চক্ষুশূল হইতে হইত না।

অনেক বাজে বকিয়া ফেলিলাম। যাহা হউক পঞ্জিকা হাতে তুলিয়া বুঝিলাম তেলাপোকায় দেশে পাঁচ আইনের বালাই নাই। উহাদের মূত্রভ্যাগের অভ্যাস আছে কি না আয়ুর্বেদ সে সম্পর্কে নীরব, কিন্তু মল ত্যাগ প্রচেষ্টায় খুঁৎ খাঁৎ ভরাট করিয়া, উহাকে যে পুরাতন হইতে দেহ নাই, আমি নিজেই তাহার চূড়ান্ত সাক্ষী। সেই দিনই বুঝিলাম যাহাদের

না, নূতন ভাষ্যের ঝাল এবং নূতন মামলার বারবরদারী অধিক, নূতন রোগে লক্ষণের বিড়ম্বনা বেশী, প্রথম সিঙ্গুর রূপসীর কপাল ঢাকিয়া ফেলে, নূতন মাকীর আতঙ্ক থাকে, নূতন হাট সহজে জমে না, নূতন লেখকের কালি কলমের খরচ বেশী, নূতন বক্তার নিন্দার ভয় প্রচুর।

নূতন বধুর ঘোমটার আড়গোড় ভাঙিতে যাইয়া অনেক রসিকেরই বিরহ জাগিয়া উঠে। কিন্তু নূতন বধু যখন গিল্লির তক্তে বসিয়া সহজ সরল অথচ তীব্র লজ্জা শূভ্রা অবস্থায় হাসির ছটায় গরীবের ঘরের কেরাছিনের চিরাগটিকে বৈদ্যতিকে ফলাইয়া তোলে; তৃতীয় ধোপের লাল পেড়ে শাড়ীখানা পড়িয়া পিয়ার চক্ষু ছটীকে শত পাকে ঘুড়াইয়া, কথার ছলায় তোমার মনের গায়ে সোণালী রং ঢালিয়া দেয়, বলি তখনো কি তোমার নূতনের বালাই লইয়া বুক জুড়াইতে ইচ্ছা করে? নূতন বিনামার ক্ষতটা যখন ছয় মাস ধরিয়া ধোড়া করিয়া রাখে, নূতন ধনী যখন চাঁদার উপরে চাঁদা, টেকের উপরে টেক দিয়া হয়রান হইয়া পড়ে, নূতন দরিদ্র যখন শত চেষ্টা করিয়াও পুরাতন হালচাল বদলাইতে না পারিয়া চক্ষুজ্জ্বার তীব্র দংশনে মরমে মরিতে থাকে; তখন কতখানি হুঃখ লইয়া পুরাতনের জন্ত প্রাণ কাঁদিয়া উঠে?

নূতন তেতুল রসনার মাঘের শীত আনিয়া দেয়, নবান্নের পায়স উদরে বিঘ্ন জন্মায়, পুণ্যাহের আনন্দ প্রজার মহাখাস ডাকিয়া আনে, নূতন তণ্ডলে অল্পে হাড়ি ভরে না, নূতন ধনীর মেজাজ অসহনীয়, নূতন পুণ্য দর্শনেও দর্শনী লাগে। কিন্তু বিপত্রিকও পুরাতনের দোহাই দিয়া শত্রুর গৃহে আদর পায়। নূতন বন্ধুত্ব বিশ্বতির আশঙ্কা বেশী, নূতন জলে সর্দি আসে, নূতন কুটুস্থিতায় তব্বের হেঙ্গামা বেশী, নূতন পুস্তকের আড়ম্বর থাকে, নূতন প্রদীপের তৈল খরচ অধিক, টাটকা ভাতে জিহ্বা পুড়িয়া যায়। বস্তুতঃ পুরাতনে গুণাধিক্য বেশী না থাকিলে সর্বত্যাগী মহেশ্বর সতী দেহ খাঁটে করিয়া সৃষ্টি জোরা ছুটিয়া মরিতেন না। তাই আমি নিম্নতই ভাবি, এখন “শ্রাম রাখি কি কুল রাখি।” যখনই যাহা চক্ষের কাছে দেখি তখনই তাহা মিঠা লাগে এবং তাহারই রস বৈশিষ্ট্য মন ডুবাইয়া রাখিতে চিন্তা এলাইয়া পড়ে।

আমাদের বৃদ্ধ পণ্ডিত মহাশয় বলিতেন বাহিরের ছড়ান প্রাণ কুড়াইয়া ভাড় করিতে পারিলে, দেখিবে সেই মরণশীল নূতন রূপ, নূতন স্নেহের আশায় নাচাইবে না, লালসার দাসত্বে নিজত্বের দাবীটুকু বিক্রয় করিয়া জন্ম মরণ গতির মধ্য দিয়া ঘুরিয়া ফিরিয়া বিশ্ব প্রকৃতির লাধি খাইতে হইবে না। তখন বিশ্বময় সেই বিশ্বেশ্বরের চিরস্থির সৃষ্টি দেখিয়া তাহারই ধ্যান, তাহারই জ্ঞানে অনন্তকালের জন্ত ডুবিয়া যাইবে। তখন নূতন পুরাতনের বিচার বুদ্ধি আপনিই সংযত হইবে এবং রূপ তোমাকে আকর্ষণ করিতে, রস তোমাকে অলস করিতে, গন্ধ তোমাকে চঞ্চল করিতে এবং স্পর্শ তোমাকে এক তিল হটাইতে পারিবে না।

হরি! হরি! পণ্ডিত মহাশয়ের কথা শুনিয়া যে পাগল হইতে ইচ্ছা হয় বস্তুতঃ পাগলা গারদের চাবিটা হৃদয়ের জন্ত পাইলে বুঝাইয়া দিতাম কোন্টা নূতন আর কোন্টা পুরাতন।

রাধা *

[অধ্যাপক শ্রীমুধেন্দুকুমার বাক্চী এম. এ]

চৈত্রের শেষ সন্ধ্যা স্নান হ'য়ে এল—বৈষ্ণব ভিখারী একতারা নিয়ে গাইছিল,—

“যাওল চেত মদনসখা কুণ্ডিত
লহ লহ চাহ পিছুপানে,
সাঁওল সাঁঝ কদম মূল শিহরিত
ঘন ঘন বাঁশরী তানে।
মুরলী! একই বোলি তুঝ সাধা,
দোসর গীত নাহি কি তুয়া অন্তর,
বোলত বোলত রাধা?”—

এইটুকু শুনে পেলাম, তারপর আর শোনা হ'ল না। আমার ক্লাস্ত বৎসরটিও একটি অসমাপ্ত কীর্তনের মত চৈত্রের শেষ অন্ধকারের মধ্যে তলিয়ে গেল—কিন্তু রেখে গেল একটি কাকুতিভরা জিজ্ঞাসার ধূয়া—

—“দোসর গীত নাহি কি তুয়া অন্তর
বোলত বোলত রাধা?”

এর উত্তর পাই কোথা? “বোলত বোলত রাধা?”—
বেদ নীরব,—পঞ্চধারার কলধ্বনির মধ্যে বৈদিক ধ্বনি

রাধার সন্ধান পান নাই। উপনিষদের মুখ ঘন শ্রাবণের সাক্ষ্যগাভীরোর মত রহস্যময়,—দৃষ্টি অচিস্তোর উদ্দেশ্যে বাদল মেঘের অতল স্পর্শতায় হারিয়ে গিয়েছে। পুরাণকারের মধ্যে যেন “ধরি-ধরি-ধরা-হল-না” ভাব। পেয়েছেন,—কিন্তু এই বৈষ্ণব ভিখারীর মত এমন সতাক্রমে, এমন নিবিড় ভাবে পান নি; শুনেছেন,—যেন কি গানের মত, যেন কোথা থেকে আসছে,—কিন্তু এমন করে তাঁর প্রাণে বেজে ওঠে নি “গোলত বোলত রাধা”। ধর্মশাস্ত্র যখন মুক, অনন্ত মুহূর্তে কবি তখন মুখর হয়ে উঠলেন—

“অপরূপ পেখলু রামা
কনকলতা অবলম্বনে উথল
হরিণহীন হিমধামা।”

(৩)

কিন্তু ‘পেখলু’ কোথায়? কে সেই “অপরূপ রামা?” ছালোকের অন্তঃপুরিকাদের সঙ্গে তাঁর কোনও গ্রন্থি আছে বলে কেউ জানে না। দেববালাদের তারা বীথিকার পরিপূর্ণ অবসরের অন্তরাল হতে কখনও তাঁকে কেউ মিটি মিটি চাইতে দেখে নাই। পারিজাত উৎসবের দিনে পরাগমন্দির সন্ধ্যার বিছালোখাগণের সঙ্গে নন্দনের কানন পথে তিনি কখনও চরণরেখপাত করেন নাই। বৈকুণ্ঠের কুষ্ঠাহীন ছাত্তির মধ্যে অগ্নান আনন্দের ভিতর কখনও তাঁর হুপুর শিঞ্জিনি ধ্বনিত হয় নাই। তবুও ফাল্গুনী পূর্ণিমার কুঙ্কুম কেলির কলতানে, বুলন রজনীর দোলন-ছন্দমুখর মেঘমেহুর আকাশের মাধো, রাসলীলার লীলারিত আনন্দ গুঞ্জে, বহুযুগ ধরে কোন্ গুপ্ত বৃন্দাবনেব ভিখারী বৈষ্ণবের সুর কালিন্দীকল্লোলের সাথে মিলিত হয়ে বাজছে—

“অপরূপ পেখলু রামা।”

(৪)

না,—প্রাচীন শাস্ত্রকারকে একেবারে রাধাহীন ভাবা ভুল। তিনি স্পষ্ট করে রাধাকে পান নি,—কিন্তু তাঁর অস্পষ্ট অমুভূতিতে, পুলক শিহরণে, নিবিড় ভূমানন্দে, প্রাণগহনচারিণী রাধিকারই স্পর্শলাভ করেছেন। চিরস্তনী রাধা অমূর্ত আঙ্কাদের আকারে যুগযুগান্ত হতে শাস্ত্রকারের অঙ্গে অঙ্গে জড়িত হয়ে রয়েছেন। তাই উপনিষৎকারের ব্রীড়াবতী পুরবালা আনন্দবাসরের মধ্যে আনন্দরূপের

সঙ্গে স্বয়ংস্বরা হয়েছেন। তাই উপনিষদের শ্রামল ঘনছায়াতলে এত ইঞ্জিত, এত অস্পষ্টতা, এত কানাকানি, এত চকিত-গোপন-প্রকাশের সচল লীলা।

(৫)

শাস্ত্রকারের আনন্দবেদনবাসিনী অদেহী রাধা বৈষ্ণব কবির প্রেরণায় প্রাণস্পর্শে মূর্ত হয়ে উঠলেন—গোবুলি সন্ধ্যার অভিসারিকা—রূপ, রস, গন্ধ, শব্দ স্পর্শের পরিপূর্ণ সুসমা, উতলা, কুণ্ঠিতা, আবেগময়ী, কৃষ্ণমুখী, পুরুষপ্রধানের অভিযানযাত্রী; আর কবি এই অভিসার চঞ্চলা বিশ্বপ্রকৃতির কিল্লীহুপুরুধ্বনির সুরে সুর মিলিত করে গাইলেন—

“যব গোবুলি সময় বেলি
ধনি মন্দির বাহির ভেলি
নব হলধর বিজুলি বেহা
দ্বন্দ্ব পশারি গেলি।”

(৬)

বৈষ্ণব কবির আনন্দ-হুলালী রাধা বিশ্বপ্রাণের আবেগ-ময়ী গীতি কবিতা। গ্রহতারকার প্রতীক্ষাভরা নির্ণিমেষ দৃষ্টিতে, সিন্দুর নালচঞ্চল উচ্ছ্বসিত অহুসন্ধ্যানে, তমালবনের রহস্যময় আস্থানস্বনে, নরনারীপ্রাণের দুর্কোষ অনির্দিষ্ট, আকাঙ্ক্ষা-স্পন্দনে বৈষ্ণব কবি বিশ্বপ্রকৃতির গোপনবাণী শুনলেন—

“একলি যাওব তুম অভিসারে
তুহঁ মম প্রিয়তম কি ফল বিচারে?”

—শুনলেন, আর স্বৈদপুলক কম্পনের মধ্যে অহুভব করলেন যে তাঁর জীবনগুহাবাসিনী রাধা বিশ্বপ্রকৃতির পরিপূর্ণ প্রাণে, পরিপূর্ণ শোভাতে শ্রীমতী। নিজের মধ্যে যে মুহূর্তে বিশ্বপ্রকৃতিকে বৈষ্ণব কবি উপলব্ধি করলেন, অমনি পরমপুরুষের নীরব ইঞ্জিত রবময়ী, মুরলীধ্বনির আকারে তাঁর অন্তর-বৃন্দাবনে বেজে উঠল,—অশ্রু যমুনায় উজান বইল,—বেলা শেষের সুর রাজপুরীর বাতায়নে আকুল মিনতি নিয়ে কেঁপে কেঁপে উঠল আর কবি প্রাণের চিরস্তনী বৃকভানুন্দিনী অজানা রাখালিয়া বধুর উদ্দেশ্যে ছুটল—

“একলি যাওব তুম অভিসারে
তুহঁ মম প্রিয়তম কি ফল বিচারে?”

একটা বাণীতে সংসার জীবনে আর্টের মূল্য দেখান হইয়াছে ।
কবি সত্যেন্দ্রনাথ দত্ত তাহার এইরূপ অনুবাদ করিয়াছেন ।

জোটে যদি মোটে একটা পরস
খাশু কিনিয়ে ক্ষুধার লাগি,
হুটী যদি জোটে তবে অর্ধেকে তার
ফুল কিনে নিয়ো হে অমুরাগি !
বাজারে বিকায় ফল তুল
সে শুধু নিটায় দেহের ক্ষুধা,
হৃদয় প্রাণের ক্ষুধা নাশে ফুল
হুনিয়ার মাঝে সেইত সুখা ।”

মানব জীবনের বাহ্যিক অভাব অনটন ও প্রয়োজনীয়তার দিক হইতে বিচার করিলে কাব্য শিল্প ও সৌন্দর্য্যের বিশেষ মূল্যই আমাদের চোখে পড়ে না । কিন্তু অন্তরের অন্তঃ-প্রেরণার দিক হইতে বিচার করিলে ইহার চরম সার্থকতার কথা অস্বীকার করা অসম্ভব । ‘Addision বলিয়াছেন *There is nothing that makes its way more directly to the soul than beauty*” একটা সুন্দর জিনিষের পক্ষে ইহাই হইল পরম লাভ । অন্ধকারের ভিতর সঞ্চারিণী দীপশিখার মত হৃৎ বিয়াদময় সংসারভূমে সে যদিবা একটু পবিত্র আনন্দ বিতরণে সমর্থ হইল—ইহাই তার সার্থক পরিণতি ।

সৌন্দর্য্যের সার্থকতা ও প্রয়োজন সম্বন্ধে এইমাত্র যে কথা বলা হইল কাব্যের সম্বন্ধেও তাহা প্রযোজ্য । কারণ সুন্দরের উপাসনা ও সৌন্দর্য্য সৃষ্টিতেই কাব্যের প্রধান প্রয়াস । কবি আপনার সুন্দর ও উপাস্যের বিশ্লেষণে সৌন্দর্য্যের অনন্ত খনি আবিষ্কার করেন আর তাহা নিত্যকালের জন্ত বিশ্ববাসীর উপভোগের সামগ্রী হইয়া দাঁড়ায় ।

কিন্তু কেবলমাত্র সৌন্দর্য্যের ডালি বহন করাই কাব্যের একমাত্র বস্তু নয় । কবি Coleridge বলেন *“Poetry is the blossom and fragrance of all human knowledge which immediately diffuses a secret satisfaction and compliances through the imagination human thought, human passion emotions and language”* মানব জীবনের সমস্ত সঞ্চিত

জ্ঞান সম্পদ চিন্তাধারা ও বাসনা কামনাতেই ইহার সত্যিকার প্রকাশ দেখা যায় । সংসারের অভিজ্ঞতা-সম্ভার ইহার বুকে পাদচিহ্ন আঁকিয়া অগ্রসর হইয়া থাকে । মানব জীবনের প্রবাহমান সাধনা ধারণার ইহাই মাপকাঠি । এককথায় কমবেশী পরিমাণে কাব্য জীবনের মূর্ত্ত ছবি Mathew Arnold এর লেখাও একথাটার প্রতিধ্বনি উঠিয়াছে *Poetry is the criticism of life*—জীবনের সমালোচনাই কাব্য । বিশ্বজীবনের স্বরূপ অন্ধন কান্যের বিষয়ীভূত । আর ঠিক এই সম্পদ আছে বলিয়াই কাব্য মানুষকে তার নিজের সাথে পরিচিত করিয়া দেয় ; ইহার ভিতর দিয়া সে আত্মচেতনার স্বেয়োগ লাভ করে ও সত্যাদর্শের বিষল জ্যোতিতে আপন জীবনের পরিমাপ করিয়া মানুষ নব প্রেরণা লাভ করে ।

বস্তুতঃ জীবনের নিপুণ বিশ্লেষণেই কাব্যের প্রধান সার্থকতা, কারণ শ্রেষ্ঠ কাব্য সর্বদাই জীবন রহস্য লইয়া । অব্যক্তকে ব্যক্ত করিবার একটা সাধনা ইহার ভিতর বর্ত্তমান । অবস্ফূর্ত্তনের অন্তরাল হইতে সত্যকে প্রকাশ করিবার, অজানাকে জানার ভিতর টানিয়া আনার ও বিরাটকে প্রাণে প্রাণে উপলব্ধি করিবার যে পরম তৃষা মানুষের গুমরিত অন্তঃস্থলে স্পন্দন জাগাইয়া থাকে একমাত্র কবির কাব্যচর্চাই জগতের সম্মুখে সে অচিন্ত্যের স্বরূপ নির্দেশ করে ।

Prof Mackail বলিয়াছেন *Poetry is that artistic and dignified expression of emotional thought which in its operation creates patterns of life ; thought and speech.* মানব জীবনের ভাবাবেগ সমূহের উদার বিশ্লেষণে, নিজ দীপ্ত মনীষা ও কল্পনা প্রভাবে কবি মানুষের জীবন ও চিন্তাধারা সম্বন্ধে এমন সব আদর্শ সৃষ্টি করেন যাহা দেশের দ্বারা অনুসৃত হইয়া সমাজের বুকে উৎকর্ষতা আনয়ন করে । ফলে চারিদিকের আঁধার মানিমার ভিতর আলোক রেখা ফুটয়া উঠে । বাস্তবিক সারা বিশ্বের জন্ত একটা সমুন্নত মঙ্গল প্রচেষ্টা অনেক সময়ই কাব্যের প্রাণ স্বরূপ—

“অন্তর হতে আহরি বচন

আনন্দ লোক করি বিরচন



মহামহোপাধ্যায় স্বর্গীয় চন্দ্রকান্ত তর্কালঙ্কার ।

কলাপে তাহার সমস্ত শক্তি নিয়োজিত করিতে পারে তাহাই তাহার মনুষ্যত্বের বৈশিষ্ট্য। এই বৈশিষ্ট্য হইতেই তাহার আত্মনিয়ন্ত্রণ এবং আত্মনিয়ন্ত্রণ হইতেই যাবতীয় কলাপের দ্বার উন্মুক্ত হয়। সামাজিক জীবনের মূল ভিত্তি কিভাবে সমাজই সমস্ত মনুষ্য ব্যক্তিগতভাবে উন্নত হইয়া সমাজের এবং সমস্ত হইলে বিখ্যমানবের চরম কলাপ সাধন করিতে পারে, এই চরম কলাপের মূলেই মানবের আত্মনিয়ন্ত্রণ। এই আত্মনিয়ন্ত্রণ শক্তি আমাদের দৈনন্দিন জীবন যাত্রার মধ্যদিয়া, আমাদের অশন, বসন, আহার, বিহার প্রভৃতির ভিতর দিয়া এবং আমাদের কর্মময় জীবনের যাবতীয় কর্মের ভিতর দিয়া পরিচালিত করিয়া আমাদের মনুষ্যত্বের ক্রমোন্নতি করিতে হইবে। কাজেই সামাজিক জীবনের মূলভিত্তি আমাদের আত্ম-নিয়ন্ত্রণ মূলক কর্মময় জীবনের কর্মশক্তির সূচ পরিচালনার উপর নির্ভর করে। এবং এই পরিচালনা দ্বারা আমাদের দেখিতে হইবে সমাজের বিভিন্নস্তরের অবস্থা বৈষম্য বর্ধাসম্ভব দূর করিয়া কিভাবে আমরা সমাজ স্থিতির সহায়ক হইতে পারি অর্থাৎ আমাদের দেখিতে হইবে আমরা কিভাবে আমাদের দৈনন্দিন কর্মপ্রবাহ নিয়মিত করিব যাহাতে সমাজস্থিতির উপরি উক্ত মূলভিত্তি আমাদের জীবনের পরিচালনা দ্বারা আমরা সূচ করিতে পারি এবং মানবের সর্বাঙ্গীণ কলাপের তথা নিজের আত্মোন্নতির চরম উদ্দেশ্য সফলকাম হইতে পারি। যে সমাজ যত পরিমাণে এই উদ্দেশ্য নিয়া সামাজিক জীবন পরিচালিত করে সেই সমাজ সেই পরিমাণ উন্নত এবং যে ব্যক্তি যে পরিমাণে এই উদ্দেশ্য নিয়া জীবন পরিচালিত করেন তিনি তত পরিমাণ উন্নত এবং মানবের উন্নতির সহায়ক এবং তাহার সমাজাবোধ (Social conscience) তত পরিমাণ উন্নত।

এখন দেখিতে হইবে কি অবস্থায় আমরা সমাজের উন্নত অবস্থা বুঝিব। এক কথায় বলিতে গেলে যে সমাজে সমাজের সমস্ত লোক মানবের উপভোগ্য এবং আবশ্যকীয় যাবতীয় সুখ সুবিধা সর্বাধিক পরিমাণে ভোগ করিতে পারে অর্থাৎ নিজ ব্যবহারে আনিয়া মানবতার উৎকর্ষ সাধন করিতে পারে সেই সমাজ উন্নত। "Manimum satisfaction of the Manimum numbers" ইহাই

সমাজ জীবনের অর্থনৈতিক আদর্শ, অবশ্য এই satisfaction এর মধ্যে যাহা মানবতার বিরোধী এবং মনুষ্যত্বের সঙ্কোচক তাহা সর্বতোভাবে পরিহার্য। এখন কিভাবে এই Manimum satisfaction আমরা সমাজ জীবনে উপলব্ধি করিতে পারি তাহাই সর্বাঙ্গে বিশ্লেষণ করিয়া দেখিতে হইবে। আমাদের মানব জীবনে যতপ্রকার প্রয়োজন তাহা প্রধানতঃ তিন প্রকার—

১। যে সমস্ত প্রয়োজন আমাদের জীবনধারণের জন্য আবশ্যক অর্থাৎ যাহা না হইলে আমরা কিছুতেই বাঁচিতে পারি না।

২। যে সমস্ত প্রয়োজন আমাদের মনুষ্যত্ব বাড়াইবার জন্য আবশ্যক।

৩। যে সমস্ত প্রয়োজন আমাদের জীবনধারণের পক্ষে কিংবা আমাদের মনুষ্যত্ব বাড়াইবার জন্য আবশ্যকীয় নহে অর্থাৎ যে সমস্ত আমাদের না হইলেও হয়। সমাজ জীবনে যাহাতে সকলেই উপরিউক্ত তিন প্রকার সুখ সুবিধা সর্বাধিক পরিমাণে ভোগ করিতে পারে এবং তদ্ব্যূলে মানব জীবনের যাবতীয় অন্তর্নিহিত শক্তিগুলিকে উন্মেষ করিয়া মনুষ্যত্বের চরম উন্নতির দিকে অগ্রসর হইতে পারে তাহাতেই সমাজের চরম কলাপ এবং তাহাতেই Manimum satisfaction এর দিকে অনেকটা অগ্রসর হওয়া যায়। শেষোক্ত তৃতীয় প্রকারের অভাবগুলি অপেক্ষা ১ম ও দ্বিতীয় প্রকারের অভাবগুলি অন্ততঃ সমাজের সর্বস্তরের লোকই ভোগ করিতে পারে, তাহাই সমাজ জীবনের আদর্শ হওয়া উচিত, কারণ ১ম ও ২য় প্রকারের অভাবগুলি বর্তমান সভ্য মানবজীবনের উন্নতির পক্ষে নিতান্ত আবশ্যক। প্রথম প্রকারে অভাব না হইলে আমরা বাঁচিতে পারি না—আহার, পরিধেয়বস্ত্র, বাসস্থান, চিকিৎসা ইত্যাদি আমাদের বাঁচিবার পক্ষে নিতান্ত প্রয়োজন। দ্বিতীয় প্রকারের অভাবের মধ্যে—শিক্ষা, দীক্ষা; নৈতিক উন্নতির জন্য জীবনকে প্রস্তুত করা ইত্যাদি ও বর্তমান সভ্য মানবসমাজের সভ্য মানবরূপে জীবনকে উন্নত করিবার পক্ষে নিতান্ত আবশ্যক। শেষোক্ত অভাবগুলি যাহা অর্থনীতির তাহার luxury বলা হয় তাহা আমাদের জীবনে প্রয়োজনীয় না হইলেও হয়—সেগুলি অসময়ে তাহাদের জীবন পরিচালনা

জীবন্তি”—। ঠিক কথা, আনন্দই যে জীবন ; যাহার আনন্দ নাই, সে আবার জীবিত কি ? সে শুধু খাম কেল, কিন্তু বাঁচিয়া নাই। কেবলই মন হইল, দাও প্রভু, ঐ আনন্দের এক কণা, আর যে কিছুই চাইনা, কিছুই চাই না প্রভু। এ আনন্দ যে পায়, তাহার কাছে বাতাস, আকাশ— এমননিকি “পার্থিবং রজঃ” ও যে মধুমাং হইয়া উঠে। কেমন করিয়া সে মধুর সন্ধান করিতে হয়, কে বলিয়া দিবে ?

প্রাতঃকৃত্য সমাপনের পরেই মনে হইল আহারের কথা। রাত্রিতে কিছু খাওয়া হয় নাই ; গৃহে থাকিলে হয়ত আমার মত Dyspeptic এর এই ভোরের বেলাতেই খরচার কথা মনে হইত না। কিন্তু আজ জল-বাতাস ও স্ননিদ্রায় বেশ ক্ষুধার উদ্রেক হইয়াছে। পণ্ডিতেরা বলেন—ক্ষুধাটা জীবধর্ম ; আজ বুঝিলাম আমিও একটা জীব বটে, যেহেতু আমারও ক্ষুধা হইয়াছে। এ জীবধর্মটা প্রায় হারাইয়া যাইবার মত হওয়াতেই দেহটা হারাইবার দশায় আসিয়াছি। কাজেই ক্ষুধায় একটু আনন্দ দিল। ততক্ষণ শ্রীমান্ অখিলচন্দ্রও উঠিয়াছিলেন। তাঁহাকে আহারের কথা বলিলাম। বাবাম্মা কিন্তু ভাবনার পড়িলেন। বুঝিলাম, এ ভাবনা, পাকের জন্ত। আহার করিতে হইলেই পাক করা ছাড়া, উপায় নাই। কিন্তু সে বিছায় পুত্র, পিতার মতই সুদক্ষ। কাজেই পোড়াবাড়ী যাইয়া হোটেলের রাঁধা ভাত অথবা লুচী মিঠাই খাওয়ার দিকেই বাবাজীর আগ্রহ দেখা গেল। কিন্তু নৌকার গতি বড় যুহ, বুঝা গেল পোড়াবাড়ী যাইতে মধ্যাহ্ন আগত হইয়া যাইবে। কাজেই অগত্যা পাকেরই উদ্যোগ করিতে হইল। মাঝি, চুলা ধরাইয়া দিল, অখিলচন্দ্র ডাইল তুলিয়া দিলেন। আমি বসিয়া বসিয়া অিলের নিষেধ সবেও হোমের পুরোহিতের মত ২।১ খানা গমিধ্ নহে—ওক ইক্ষন চুলায় প্রক্ষেপ করিতে লাগিলাম। ডাইল ভাত রাঁধাও যজ্ঞই বটে, আর যজ্ঞ কেন, ইহাই বোধ হয় বড় যজ্ঞ। ঋষিদের ভাবায় পাক-যজ্ঞ। এই যজ্ঞের ফলেই ত মানুষ বাঁচিয়া আছে। ‘বাহা’ শেষ হইবার সঙ্গে সঙ্গে কোনমতে মস্তরের ডাইল আর ভাত হইয়া গেল। স্নান করিয়া আহার করিলাম। তৃপ্তিতেই বটে, কেন না সকল উপকরণের শ্রেষ্ঠ, ক্ষুধা

নামক উপকরণটি প্রচুরই ছিল। কাজেই কোন অসুবিধা হইল না। নদীর ঘোলা জল, পরম তৃপ্তিতেই আকর্ষণ ভরিয়া পান করিলাম। আজ আর ঘোলা বলিয়া দ্বিধা নাই। ক্ষুধা-তৃষ্ণার এমনই তাড়না।

পোড়াবাড়ী আসিলাম। আমরা যে ষ্টীমারে যাইব— যাহাকে কালীগঞ্জ ষ্টীমার বলে—তাঁহা তখনও আসে নাই। কখন আসিবে তাহারও ঠিকানা কেহ বলিতে পারিল না। ধূম দেখিয়া নাকি উহার আগমন বুঝিয়া লইতে হয়। শ্রায়শাস্ত্রের বাঙ্গালিগণ ধূম দেখিয়া আগুনের অনুমানের একটা শিক্ষা, অনেকদিন হইতে আছে। ধূম দেখিয়া ষ্টীমার আসিবার অনুমান ইংরাজ আমলের শিক্ষা। আমরা সেই ধূম দেখিবার জন্ত মাঝে মাঝে “হুলচর” নামক ষ্টেশনটির দিকে জলচর ষ্টীমারের জন্ত চাহিয়া দেখিতে লাগিলাম আর নৌকায় বসিয়া ধূমপান করিতে লাগিলাম। এইভাবে বিকালটা গেল।

সন্ধ্যার কিছু পূর্বে ষ্টীমার আসিল। তাড়াতাড়ি স্লটকেস ও বিছানা কুলীর মাথায় চাপাইয়া দিয়া ষ্টীমারে উঠিয়া পড়িলাম। সন্ধ্যার পার হইবার জন্ত তৃতীয় শ্রেণীর টিকিট কিনিয়া ছিলাম। তৃতীয় শ্রেণীতে প্রবেশ করিয়া একবার চক্ষু স্থির হইল—একবারে “ন স্থানং তিলধারণে”, যাত্রীতে জাহাজ বোঝাই। টিকিট বদলাইবার একবার ইচ্ছা হইল কিন্তু তখনই মনে হইল, কেন ইহারাও ত আমরাই—আমারই ভাই সব। ইহাদের সঙ্গে থাকিতে পারিব না কেন ? যদি ইহাদের সঙ্গে, অবহেলা বা ঘৃণা করি, বাগলা মাকেই ঘৃণা করা হইবে। সে পাপ করিব না, তৃতীয় শ্রেণীতেই যাইব। কোনমতে একটু স্থান করিয়া বসিয়া পড়িলাম।

তৃতীয় শ্রেণীর যাত্রীর পেটার্ণ ষোলআনাই কৃষক শ্রেণীর মুসলমান, হিন্দু অল্প। ইহারা, সপরিবার কেহবা একা, “খোলাবান্ধা” চলিয়াছে। বাগলা-মা এই ছেলে-গুলিকে ছাড়িয়া দিয়াছেন—হয়ত খেদাইয়াই দিয়াছেন। ক্ষুধায় ব্যাকুল হইয়া ইহারা আসামের বন জঙ্গলে অন্নের সন্ধান আশ্রয় লইতে চলিয়াছে।

আমার এই গৃহ-ছাড়া ভাইদের মধ্যে বসিয়া তাহাদের সঙ্গে আলাপ করিতে লাগিলাম। আলাপে জানিলাম—

দেশে থাকিলে দিন-মজুরী ছাড়া পুরুষাঙ্কুরে যাহাদের অল্প কোন গতির সম্ভাবনা ছিল না. "খোলাবান্দা" গিয়া তাহারাও হু-দশ বিঘা জমি করিয়াছে। উদরের জালা নিবারণ করিতে পারিয়াছে বলিয়াই উহারা সেই স্বজন-হীন স্থানেও একটা তৃপ্তি বোধ করিতেছে। অনেকে আসামের জল-বায়ু সহিতে না পারিয়া মরিতেছে ৭ বটে, কিন্তু সে মরণের জন্ত ইহারা কেহই ভীত নহে। মরণ জয় করিতে অথবা মরিতে ইহারা দৃঢ় প্রতিজ্ঞ। একজন মরিলে সেখানে বাঙ্গলা হইতে দশজন যাহারা দাঁড়াইতেছে। বাঙ্গলা মায়ের সংশ্লিষ্টক সম্ভানগণ, আসাম জয় করিয়া আসামকে বাঙ্গলা করিয়া তুলিল, সে বিষয় আর সন্দেহ নাই। আসামে বাঙ্গলার এই বিজয়-গৌরব, এই গৃহ-হার লক্ষী-ছড়া কৃষকদিগেরই বটে। শিক্ষিত বলিয়া যাহারা অভিমানী, সেই হস্তপদ-হীন কেতাবের বোকা বাহকদিগের নহে।

রাত্রি ১০টার পর ষ্টীমার জগন্নাথগঞ্জ ঘাটে ভিড়িল। আমরা ষ্টীমার হইতে নামিয়া তল্‌পী সহ রেলগাড়ীতে যাইয়া বসিলাম। ত্রাণে বন্দী রহিলাম, ভোর ৫টা পর্য্যন্ত। জগন্নাথগঞ্জে চোর ও গাট-কাটার উপদ্রব বড় বেশী। আধঘণ্টা পরে পরেই একজন কনেষ্টবল আসিয়া যাত্রীদিগকে সতর্ক করিয়া যাইতে লাগিল। ব্যবহারটি সুন্দর। গাড়ীর মধ্যেও সতর্কতার জন্ত বিজ্ঞাপন আটা দেখিলাম।

ভোরে গাড়ী ছাড়িল। সিংজানী ষ্টেশনে (জামালপুর) সাড়ে ছয়টার সময় পঁহুছিলাম আমরা নামিয়া পড়িলাম। এখান হইতে ঘোড়ার গাড়ীতে জামালপুর সহরের মধ্য দিয়া আমরাদিগকে ব্রহ্মপুত্রের খেয়াঘাটে যাইতে হইবে। একখানা গাড়ী করিয়া যাত্রা করিলাম। খেয়াঘাটে যখন পঁহুছিলাম তখন ৭টা বাজিয়া গিয়াছে। ব্রহ্মপুত্র পার হইবার জন্ত একখানা ষ্টীম-লঞ্চ আছে শুনিলাম কিন্তু দেখিলাম না। সেখানা নাকি ওপার গিয়াছে, কখন আসিবে ঠিক নাই। কাজেই ক্রম খেয়ানোকা পরিত্যাগ করিয়া অক্রম লঞ্চের জন্ত অপেক্ষা যুক্তিযুক্ত বোধ হইল না। আমরা খেয়া নোকার উঠিয়া পড়িলাম। নোকাগানা খুবই বড়। মাঝি ৩জন; সবই পশ্চিমা, বাঙ্গালী নয়। শ্রমের ক্ষেত্রে বাঙ্গালীকে পশ্চিমারা সব জায়গাতেই হারাইয়া ফেলিয়াছে। ষ্টেশনে ষ্টেশনে গত কুলী, সবই পশ্চিমা, বিড়ি সিগারেট-পান-মিঠাই

বিক্রেতা পশ্চিমা, খেয়া নোকাতেও পশ্চিমা। বাঙ্গালার শ্রমজীবীরা হয় 'বাবু' হইয়াছে, নয় দেশ ছাড়িয়া আসাম চলিয়াছে, বাঙ্গালার তাহাদের ভাত নাই। তাহাদের ভাত পশ্চিমারা কাড়িয়া নিয়াছে। স্বদেশে যাহাদের এমন পরাজয়, তাহারা কি শুচি চলিয়াছে, আসাম বিজয়ে।

পশ্চিমা বাহক তিনজন, যেক্র.প নোকাখানি বাহিতে লাগিল, তাহাতে স্পষ্টই বুঝা গেল, যে দেশে উহাদের বাড়ী, তাহার আশে-পাশে নদী নাই, এবং উহাদের উর্দ্ধতন চতুর্দশ পুরুষের কেহই নোকা বাহে নাই। চটের একটা প্রকাণ্ড পাল, উহারা তুলিয়া দিল, কিন্তু উহা নোকা চালাইবার জন্ত, কি আরোহীদিগের গায়ে ধাকা দিবার জন্ত, সেটা ভাঙ করিয়া বুঝা গেল না। বাতাস নাই কাজেই পাল রূপী সেই প্রকাণ্ড চট, ঘুরিয়া ফিরিয়া যাত্রীদের গায়ে মাথার কেবল ধুলাই মাখিতে লাগিল, নোকা চলিবার তাহাতে কোন ক্ষতি হইল না। অগত্যা নাবিক তিনজন দাঁড় ধরিল। কিন্তু ব্রহ্মপুত্রের স্রোতের বলের কাছে, এই গজাপুত্রদের হাতের বল হারিতে লাগিল। বহুশ্রমে পূর্ণ দুই ঘণ্টার ইহার নোকাখানা, নির্দিষ্ট ঘাটের অনেক দূর ভাঙিতে গিয়া ছিড়াইল। যেখানে নোকা ভিড়াইল উহার নাম 'পশ্চী-মারী'। রো-মারী, চল-মারীর পোদর ভাই। আমরা 'দুর্গা' বলিয়া পশ্চীমারীতে নামিয়া পড়িলাম।

পশ্চীমারীর বটগাছ তলায় সেরপুর যাইবার মোটর ও ঘোড়ার গাড়ী দাঁড়ায়। আমরা সেখানে যাইয়া দেখিলাম সবগুলি মোটরই চলিয়া গিয়াছে। অগত্যা একখানা ঘোড়ার গাড়ী ভাড়া করিয়া তাহাতেই উঠিয়া বসিলাম। কিন্তু বিপদ কাটিল না, গাড়ীখানার দুইটি ঘোড়ার মধ্যে একটি একবারে অশিক্ষিত। গাড়োয়ানের ইচ্ছিত ত বুঝেই না, চাবুকও মানে না। গাড়ীখানাকে বিপথে নিয়া ফেলিতে অধিগী-নন্দনের যে আগ্রহ, তাহার এক ভাগাংশও সোজা পথে চলিতে নয়। কাজেই গাড়োয়ান বার বার নামিয়া ঘোড়ার লাগাম ধরিয়া যাইতে লাগিল। সুতরাং নামে ইহা ঘোড়ার গাড়ী হইলেও কাজের বেলায় ঘোড়া-মাছুষের গাড়ী। এই অপূর্ণ গাড়ীতে প্রাণটা হাতে করিয়া কোনমতে সেরপুরে আসিয়া পঁহুছিলাম। বোধ হয় রাস্তাটি প্রশস্ত আর পাকা বলিয়াই এ গাড়ীতে আসা

অবিচারের মাত্রাটা, অনেকটা হালকা কতে চাইছি। রাজি সাতটার বিবাহ কার্য শেষ করে,—তবে কাজী সাহেবকে, আনবার জন্ত লোক পাঠাব। এ বিষয় তাঁকে পরিষ্কার করে বুঝিয়ে বলব,—তিনি যদি অসন্তুষ্ট প্রকাশ করেন, তাতে আমার কোনই ক্ষতিবৃদ্ধি নেই;—বাদসার কার্যে প্রতিবন্ধক হওয়াটা যে গুরুতর অপরাধ, তা তাঁকে বুঝিয়ে দিয়ে, তাঁর অন্তরের উত্তেজনার উপশম করে দোব। কাজী সাহেব এ ক’দিনের মধ্যে, ছুটার এসে আমার সাক্ষাৎ প্রার্থনা করেছেন, আমি তাঁর আবেদন অগ্রাহ করেছি। এতটা করা ত ঠিক হয় নি! তাঁর কোন প্রতিবাদই এখন আমি গ্রাহ্য করবই না,—সে অবস্থায় তাঁর নিকট এতটা লুকচুরি করার কোনই প্রয়োজন দেখি না। কতটা বেগম হবে, এত তাঁর আনন্দের বিষয়! কতবার অমতে বিয়ে হচ্ছে বলেইত তিনি—এ কার্যে প্রতিবন্ধী সেজেছেন। বিয়ের পরে আমার মনে হয়, সবই ঠিক হয়ে যা’বে।

বাদসা সাহেবের চিন্তাস্রোতে বাধা প্রদান করিয়া, একজন প্রহরী আসিয়া, অভিবাদন পূর্বক জানাইল,—“কাজী সাহেব, বাহিরে অপেক্ষা কচ্ছেন, আদাব জানিয়েছেন, তিনি ছজুরের সাক্ষাৎ প্রার্থী।”

বাদসা সাহেবের মুখ মণ্ডলে বিরক্তি ও ক্রোধের চিহ্ন পরিষ্কৃত হইয়া উঠিল। পর মুহূর্তে আশ্রয় সংবরণ করিয়া তাঁহাকে আনিবার জন্ত অহুমতি প্রদান করিলেন।

কাজী সাহেব প্রকোষ্ঠে প্রবেশ করিয়া, লম্বা সেলাম করিয়া কহিলেন—“সলাম ওয়ালেকুম।”

“ওয়ালেকুম সলাম” বলিয়া বাদসা সাহেব উঠিয়া দাড়াইলেন এবং কাজী সাহেবকে আনিয়া একখানা চেয়ারে বসাইয়া, নিজে আসন গ্রহণ করিলেন। ইহার পর নানা প্রশ্নে উভয়েই প্রায় পনের মিনিট কাল অতিবাহিত করিলেন।

কাজী সাহেব কথা প্রশ্নে একটা শুভ সুযোগ গ্রহণ করিয়া বলিলেন “খোদাবন্দ! আমি বিশেষ প্রয়োজনীয় কয়েকটি কথা বলবার জন্ত আজ আপনার নিকট এসেছি। যে বিধিটি আমি এতদিন গোপনে রেখে,—কয়েকটি নিরীহ প্রাণীর অশান্তির ইন্ধন যোগাতে সহায়তা করেছি, তাই আজ আপনার নিকট প্রকাশ করে, আমার জীবন নাটকের স্ববনিকা ফেলে দোব।”

বাদসা সাহেব উদ্বেগ উৎকণ্ঠিত চিত্তে কাজী সাহেবের মুখের উপর দৃষ্টি নিবদ্ধ করিয়া বলিলেন “তা” আপনি নিঃশঙ্কোচে বলতে পারেন।”

কাজী সাহেব জড়িত কণ্ঠে বলিলেন “বাদসা সাহেব! আমার বক্তব্য, সাহাজাদার শ্রোতিগোচর করান খুবই বাঞ্ছনীয়। আর মতিয়া সেও পার্শ্বের কক্ষে বসে, আমার সমস্ত বক্তব্য শ্রবণ করবে এ হচ্ছে আমার শেষ প্রার্থনা।”

বাদসা সাহেব উত্তেজিত কণ্ঠে বলিলেন “মতিয়া আমার প্রাসাদে অবস্থান কচ্ছে, এ সংবাদ আপনাকে কে দিল? কে আপনাকে এরূপ সংবাদ দিয়েছে তা’র নাম আপনাকে প্রকাশ কতেই হবে।”

কাজী সাহেব নিতান্ত সহজ ভাবে বলিলেন কেমন করে জেনেছি, এবং কে আমাকে খবর দিয়েছে, সবই আমি আপনাকে জানিয়ে দোব, কিছুই গোপন করব না। তবে মতিয়াও হোসেন যে আপনার আশ্রয়ে আছে তা আমি অবগত হয়েছি। আমার বক্তব্য শ্রবণ করলে আপনি বুঝতে পারবেন, আমি কত বড় গুঢ় রহস্য গোপন করে, মতিয়াকে প্রতিপালন করেছি, কত বড় প্রাণের টানে এবং তাকে চিরদিনের মত দাবী হারা করবার আশঙ্কার, তা’কে এত বড় অশান্তিতে ফেলে দিয়ে, নীরবে বসে আছি! যখন সে নিগূঢ় তথ্য গোপনে রেখে, তাদের অশান্তি খলনের কোনই প্রতিকার কতে পারিনি, এ অবস্থায় মনে করেছি, সমস্ত প্রকাশ করে দিয়ে, এক মুহূর্তে সমস্ত অশান্তির অবসান করে ফেলব।”

বাদসা সাহেব কাজী সাহেবের উক্তি শ্রবণ করিয়া, বিশ্বাসবিষ্টের মতই অনেকক্ষণ নীরবে বসিয়া রহিলেন, শেষে কাজী সাহেবের অহুমতি গ্রহণ করিয়া, কক্ষান্তরে প্রবেশ করিলেন। প্রায় অর্ধঘণ্টা পর, পুত্রকে সঙ্গে করিয়া বাদসা সাহেব, সেই কক্ষে প্রত্যাবর্তন করিয়া, আসন গ্রহণ করিলেন। পুত্রকে আসন গ্রহণ করিতে অহুমতি দিয়া বাদসা সাহেব কাজী সাহেবকে লক্ষ্য করিয়া বলিলেন, আপনার কতটা মতিয়া পার্শ্বের কক্ষে অবস্থান কচ্ছে, আপনার বক্তব্য শেষ করে কেনুন, সেই ওখানে বসেই, সমস্ত কথা শুনতে পারবে।”

কাজী সাহেব একটুকুন ইতঃস্তত করিয়া, দৃঢ় স্বরে “বলিলেন খোদাবন্দ! আপনার বেগম, দলিয়ার স্মৃতি হয়ত এখনও বিশ্বৃত হন নাই। আপনি তাকে সামান্য অপরাধে সাত মাস গর্ভাবস্থায় জীবন্ত সমাধির ব্যবস্থা করে ছিলেন, তা হয়ত ভুলে যেতে পারেন নি। দলিয়ার ছিল আমার নিকট আত্মীয়া, ভাগিনী তা’র মত সৎ, সাধ্বী কর্মঠা স্ত্রী লাভ করা অনেকেরই ভাগ্যে ঘটে উঠে না। আপনি তা’র সাত মাস গর্ভ উপেক্ষা করে, মৃত্যুদণ্ড দিতে দ্বিধা বোধ না করে থাকলেও, মৃত্যুকণ পর্য্যন্ত সে আপনার ধ্যান করেছে। তার পতি অমুরাগ পূর্ণ উক্তি গুলি শুনে, নিতান্ত পাষণ্ড হয়ত গলে যেত। সে যাক পরের কথা পরে বলব। তা’কে যখন জীবন্ত সমাধির স্তম্ভ কবরের নিকট দাঁড় করান হয়, আমি তখন সে স্থানে উপস্থিত ছিলাম। সে—সেই শেষ মুহূর্ত্তেও আপনার অশেষ গুণ কীর্ত্তন করে আমাকে বল্—মামু! বাদসার আদেশ আমি হাসি মুখে প্রতিপালন কস্তে প্রস্তুত হয়েছি। তবে আমার গর্ভে বাদসার স্মৃতিচিহ্ন যে বিদ্যমান রয়েছে! কি দোষে গর্ভস্থ শিশু আমার স্নায় শাস্তি ভোগ করবে? তাঁ’র স্মৃতি চিহ্নটুকুন যাতে নষ্ট না হয়, তার ব্যবস্থা করে দিন। প্রসবের পর আমি স্বহস্তে আমার জীবন লীলা শেষ করে ফেল্‌ব,—এ বিষয়ে আমি প্রতিজ্ঞা কস্তে প্রস্তুত আছি। বাদসা সাহেব তা’র সেই কাতর বিলাপ শ্রবণ করে, আমি স্থির থাকতে পারি নি, আপনিও হয়ত পারতেন না। আমি তা’কে আমার বাড়ীতে নিয়ে প্রতিপালন করেছি। এদিকে প্রকাশ করে দিয়ে ছিলুম, দলিয়ার জীবন্ত সমাধি হয়ে গেছে! তা’রপর বাদসা সাহেব! দশ মাস অন্তে, দলিয়ার মতিয়াকে প্রসব কর্‌ল। যে দিন মতিয়ার জন্ম হয়, তা’র পরদিন আমারও একটি কন্যা জন্ম গ্রহণ করে। দুর্ভাগ্য বশতঃ জন্মের হ’দিন পরেই, আমার সে কন্যার মৃত্যু হয়। আর আমার কোন সন্তানাদি হয় নি। আমি এখন নিঃসন্তান! আমার স্ত্রী, সেই কন্যা হারিয়ে একেবারে পাগলের স্নায় হয়ে গেল। দলিয়ার আমার স্ত্রীর অবস্থা দেখে খুবই বিচলিত হয়ে গেল। সে বল্‌তে লাগল, ছনিয়ার সবই রহস্য পূর্ণ। কেউ সন্তানকে জীবন্ত কবরে দিতে কুঠা বোধ করে না, আবার কেউ একটি সন্তানের

জন্ম জীবন্ত হয়ে থাকে। এ ঘটনার পাঁচ সাত দিন পর, একদিন অতি প্রভুবে—গাত্রোখান করে দলিয়ার শরন ককে গিয়ে দেখলুম দলিয়ার দেহ হইতে প্রাণ বায়ু বাহির হয়ে গিয়েছে! তার হাতের লেখা একখানা চিঠি এ শয্যার পড়ে ছিল, তা’ পাঠ করে জানলুম, সে বিষ খেয়ে সকল যন্ত্রণার অবসান করেছে। সে হ’তে বাদসা সাহেব! মতিয়া আপনার কন্যা হলেও, কন্যা স্নেহে তাকে আমি প্রতিপালন করে এত বড় করে তুলেছি। সাহসাদার সাথে তা’র বিয়ে অসম্ভব, তাই আমি এতদিন সে কথাই বলে আস্‌ছিলুম, আপনার প্রতিদ্বন্দ্বী হয়ে, এ বিবাহে বাঁধা দিতে চেষ্টা করেছি। স্নেহের আতিশয্যে আমি যা করেছি, তজ্জন্য আমাকে ক্ষমা করবেন। মতিয়া আজ আর আমার কন্যা নয়, বাদসার কন্যা। রাজ্যের আংশিক অধিকারিনী! বলিয়ার কাজী সাহেব বস্ত্রাঙ্কলে নেত্র আচ্ছাদন করিয়া, বালকের ন্যায় কাঁদিতে লাগিলেন!

কাজী সাহেবের উক্তি শ্রবণ করিয়া, বাদসা সাহেব অস্তর, ভীষণ পরিবর্তনের স্রোত বহিয়া গেল। এক অপ্রত্যাশিত বিবেক—আলোড়নের প্রেরণায়,—তাঁহাকে একেবারে ভাঙ্গিয়া চূর্ণ করিয়া, আবার নূতন করিয়া গঠিত করিয়া দিল। এক গুরুভারাতুর, অথচ অমুপায় হেতু ক্ষোভে জর্জরিত হৃদয় মন লইয়া,—তিনি অসীম অশাস্তি অনুভব করিতে লাগিলেন। বাদসা সাহেব কয়েক মুহূর্ত্ত নীরবে বসিয়া থাকিয়া, জড়িত কণ্ঠে বলিলেন “কাজী সাহেব! এ সমস্ত ব্যাপার সবই যে আমার নিকট হেয়ালি বলে মনে হচ্ছে!”

কাজী সাহেব কথায় বাধা প্রদান করিয়া, শাস্ত ও মিত্ত কণ্ঠে বলিলেন “বাদসা সাহেব! হেয়ালীর কিছুই নেই এর ভিতর! সবই সত্য,—খাটা সত্য। এই দেখুন—দলিয়ার স্বহস্তের লিখিত শেষ চিঠি,—এ লেখা আপনার হয়ত খুবই পরিচিত! এ চিঠি পাঠ করলেই, আপনার সমস্ত সংশয় দূর হয়ে যাবে।” বলিয়ার কাজী সাহেব, স্বীয় জামার পকেট হইতে একখানা চিঠি বাহির করিয়া, বাদসা সাহেবের হস্তে প্রদান করিলেন।

বাদসা সাহেব আগ্রহাতিশয্যে চিঠি খানা গ্রহণ করিলেন এবং পর মুহূর্ত্তে পত্রখানা পাঠ করিতে লাগিলেন :—

হয়ে উঠে ! তা'কে আমি বিশেষভাবে পুরস্কৃত করব, এরূপ প্রতিশ্রুতি দিচ্ছি !”

কাজী সাহেব কয়েক মুহূর্ত নীরবে থাকিয়া বলিলেন “ধন্যবাদ ! যে এ সংবাদ প্রেরণ করেছে, সে আপনার প্রাসাদে আজ বন্দী । তা'র নাম আমিনা ।”

আমিনার নাম শ্রবণ করিয়া বাদসা সাহেব সবিস্ময় প্রকৃতিশয্যে একেবারে গম্ভীর হইয়া গেলেন । দারুণ মনস্তাপে তাঁহার বিশাল বক্ষস্থলে বজ্রহুটী বিদ্ধ করিয়া দিল । তিনি ক্ষোভ ক্লান্ত কণ্ঠে বলিলেন “কাজী সাহেব ! আমিনা আপনার কি হয় ।”

কাজী সাহেব বিনীত কণ্ঠে বলিলেন “আমিনা আমার পালিতা কন্যা । বাল বিধবা, আমি তা'র একমাত্র অবলম্বন । মতিয়া ও হোসেন অপহৃত হবার পরদিনই,—সে গোপনে আমার আশ্রয় পরিত্যাগ করে, আপনার অন্তরে প্রবেশ করেছে । মতিয়া ও হোসেনকে উদ্ধার করবার উদ্দেশ্যেই হয় ত সে আপনার প্রাসাদে বাস কচ্ছে । আমি অনেক চেষ্টারও এতদিন তা'র সন্ধান করতে পারিনি । কাল তা'র একপানা চিঠি পেয়ে আমি সমস্ত অবস্থা অবগত হয়েছি ।

বাদসা সাহেব একটি দীর্ঘশ্বাস প্রদান করিয়া, আসন পরিত্যাগ করিলেন, এবং মতিয়াকে কাজী সাহেবের সহিত অবস্থান করিতে অনুরোধ করিয়া অসীম খেদের সহিত বলিলেন “হায় ! এ প্রসঙ্গে আমি কত অন্তঃকণ্ঠে অনুষ্ঠানেরই না সহায়তা করেছি ! আমি এ মুহূর্তেই আমিনাকে,—স্বহস্তে মুক্ত করে দিচ্ছি ।” বলিয়া বাদসা সাহেব, আমিনার কারা কক্ষাভিমুখে যাত্রা করিলেন । (ক্রমশঃ)

হাসি-কান্না

(শ্রীদেবেন্দ্রকুমার কাব্যতীর্থ)

কাল গেল মোর বিয়ে ।

শোভন রাত্তির বাড়ীর আলোর ঝলসে ছিল হিয়ে ।

আর্জিখানি ধরছি হাতে,

হলুদ বরণ গাম্ছা সাথে,

হলুদ সবাই আমার মাথার সোণার টোপর দিয়ে ।

চোল কাঁসী আর বাজল সানাই,
হাসি কোতুক করল সবাই,
কনের বাড়ী গেলাম আমি পাড়ীর উপর চ'ড়ে,
সোহাগ ভরে নারীদলের হনুধ্বনি পড়ে ।
মাংলিক সেই পূর্ণ কলস
দিল প্রাণে কতই হরষ !
র'ম কদলীর তোরণ ঘারে ছললো ফুলের মালা ;
তার তলেতে সাজিয়ে ছিল বাণীর বরণ ডালা ।

আজকে ভীষণ বেশ !
মাথারভূষণ তুলসী গাছ আর ছেড়া কাঁথা শেষ !
সঙ্গারে তাই এই ভেল্‌কী,
আজকে বাঁধে বাঁশের পাল্‌কী,
শক্রভাবে শোয়ায় তা'তে হরিধ্বনি দিয়ে,
ঐ মিশে যায় চিতার ধোয়ায় আমার সাধের বিয়ে !

তা'য়ে তা'য়ে বিষম দ্বন্দ্ব
দৈবে মোদের হলো বন্ধ,
অন্ধার হয়ে বরাক মোর ভাসল নদীর জলে ।
শ্মশান ঘাটে সে ঘট রাজে নেকুরা পাটের তলে !

বারবেলার ভূত

(শ্রীসতীশচন্দ্র গাঙ্গুলী ।)

শনিবারের বারবেলার নিজ ব্যবসার গৃহে বসিয়া পত্র লিখিতেছিলাম, এমন সময় এক মুখ চেনা প্রতিবেশী আসিয়া বলিলেন—“কব্‌রেজ মশাই একটু উঠুন ।”

“কেন, বলুন ত ?”

সে ব্যক্তি অত্যন্ত ব্যগ্রতার সহিত বলিলেন,—“আমার ভগ্নিটী যেন কেমন কচ্ছে, একটু না দেখলেই নয় ।”

সে দিনটার আমার ব্যবসারটা বড়ই মন্দা ছিল । তাই, এই বারবেলার ডাকটাও যেন একটু আশস্ত করিল । কিন্তু যাত্রা করিয়া পা বাড়াইতেই চন্দ্রপাহকার একপানা বখন

তাই কথাটা ঐ খানেই বন্ধ করিয়া বলিলাম “দেশ ছিল কোথায় ?”

“ফরিদপুর জেলায় ।”

“তুমি জাতিতে কি ছিলে ?”

“কায়েম !”

“নাথ ?”

মাধ্যমিক একটু দৃঢ় অথচ বাধিত কণ্ঠে বলিল, না বলব না, কিছুতেই বলব না তুমি বড় চতুর । কোন দিক দিয়ে আবার সেই কথাই বের করে নেবার চেষ্টা কর !”

আমি বলিলাম “বলে দোষ কি ?”

“দোষ কিছুই নেই, তবে বড়, ব্যাথাট বেগে উঠবে । তাই আমার আপত্তি ।”

“তোমার সব পরিচয় দাও, আমরা তোমার পিণ্ড দিয়ে উদ্ধার করে দেব ।”

মাধ্যমিক এবার তাহার চক্কর তারা ছুটি বেশ উজ্জল করিয়া আগ্রহের সহিত বলিল “পারবে আমার সকল গোষ্ঠীর পিণ্ড দিতে ? তা’হলে নাম গোত্র সব বলত, আর তোমাদের রোগীকেও জন্মের মত ছেড়ে যেতে পারি । কিন্তু তাতেও যেন আমার দুঃখ হবে মনে হচ্ছে ।”

“কেন ?”

মাধ্যমিক তখন বুকে হাত দিয়া বলিল, এই লোকটার তাতে বড় কষ্ট হবে । যদিও তোমরা দেখতে পাচ্ছ ওর খুবই একটা কষ্ট হচ্ছে, কিন্তু রোগী তাতে কোনই কষ্ট বোধ করে না । বরং সময় সময় আমার সঙ্গে কথা বার্তা বলে নিজের দুঃখটাই লাঘব করে নেয় ।”

শুনিয়া রোগিনীর ভ্রাতা আগ্রহের সহিত বলিল “তা’হলে রোগী তাহাকে দেখতে পার ?”

হাঁ পারে বৈ কি ।”

আমি বলিলাম “এতই যদি তুমি বান্ধব, তবে নামটা বলে দোষ কি ?”

“দোষ কিছুই নেই । তবে সকলেরই মনে একটা শঙ্ক ব্যথা পাবে ।” বলিয়াই আমাদের কোন কথা বলিবার পূর্বেই মাধ্যমিক বলিল তোমাদের রোগীর স্বামীর বাড়ী ছিল কোথায় ?

রোগিনীর ভ্রাতা বলিল তা’ শুনে তোমার কি লাভ ।

মাধ্যমিক হাসিয়া বলিল তোমরা দেহী, লাভ লোক-সানের হিসাব তোমরা নে খতাও । আমার লাভ একটু জানা মাত্রই ।

ইহার পরে অনেকক্ষণ অবধি আর কেহই কোন কথা বলিল না । কিন্তু মাধ্যমিক কেমন একটা অশান্তির ভাব প্রকাশ করিতে লাগিল । খানিকপরে মাধ্যমিককে প্রশ্ন করিলাম—তোমার কোন কষ্ট হচ্ছে ?

মাধ্যমিক কেমন একটা মুখভঙ্গী করিয়া বলিল—“আমার কোন কষ্টবোধ নেই । কিন্তু—”

“কিন্তু কি ?”

ইহার কোনই জবাব না দিয়া আমাকে বলিল--তুমি আগ্রহ যাও ।

“কেন ?”—“কেন তা পরে নিজেই বুঝতে পাবে ।”

মাধ্যমিকের মনের ভাব কিছুই বুঝিলাম না । তাই একটু আগ্রহের সহিত বলিলাম—“একটু খুলেই বল না ?”

“এখানে আর কিছুকাল থাকলে একটা বিপদের অংশ অনিচ্ছায় ঘাড় পেতে নিতে হবে ।”

“আমারও কোন বিপদ হবে ?”

“না, তবে একটু লাজনা সহিতে হবে । অনেক কাজ নষ্ট হবে ।

এ ঘরে অনেক লোক জমিয়াছিল । এই ভবিষ্যৎ সংবাদটা শুনিয়া সকলেই উদ্গ্রীব হইয়া রহিল । এবং এক ব্যক্তি অগ্রণী হইয়া একটু উপহাসের সুরে বলিল—আরে মশাই ! গেয়ে ভূতের কথা রেখে দিন । ওসব ফাকাবাজি, মিথ্যা কথা !

শুনিয়া মাধ্যমিক চট করিয়া বসিয়া, সেই বক্তা ভদ্রলোকটিকে এমন একটা অপ্রিয় সত্যকথা বলিয়া ফেলিল, যাহা শুনিয়া নিমেষ মধ্যে তিনি মাথা গুজিয়া ঘরের বাহির হইয়া পড়িলেন । আর মাধ্যমিক একটা স্বস্তির নিশ্বাস ফেলিয়া বলিল—যাক বাঁচা গেল । হারানজাদা পালিয়েছে ।

আমি বলিলাম—তা হ’লে এখন বোধহয় আর আমাকে যেতে হবে না ?

“না”

“কেন বল ত ?”

সৌরভ—



স্বর্গীয়া সরোজনলিনী দত্ত এম. বি. ই.

সৌরভ প্রেস—ময়মনসিংহ।

বর্তমান সমস্যা

(শ্রীবীরেন্দ্রকিশোর রায় চৌধুরী বি, এ)

দেশের প্রাণ আজ চঞ্চল হইয়া উঠিয়াছে। সর্বত্রই এইরূপ একটা ভাব জাগিয়াছে যে যাহা চলিতেছে, যে ভাবে আমরা রহিয়াছি, ইহাতে আর তৃপ্তি নাই। যে বিধি নিষেধ সমূহ বর্তমান পরিস্থিতি নিয়ন্ত্রিত করিয়া আসিয়াছে, তাহা এক্ষণে অসংখ্য বন্ধন-পাশেই পরিণত হইয়াছে এবং এইসকল ছিন্ন করিতে না পারিলে মৃত্যু অনিবার্য। সমাজে, রাষ্ট্রে, সাহিত্যে সর্বদাই তাই দেখি তরুণের বিদ্রোহ অভিযান। এখনকার কথাবার্তায় কোনও রাখা-টাখা ভাব আর নাই। মনোভাব আজ বেপরোয়া ভাবেই প্রকাশ হইয়া পড়ে। সমাজের উপর দণ্ডধারী যে শক্তি এতদিন রাজত্ব চালাইয়া আসিয়াছে, সমাজের শৃঙ্খলা ও নিয়ম অব্যাহত রাখিয়াছে, আজ জরুর অবশ্যস্তাবী দৌরল্য তার শরীরে প্রবেশ করিয়াছে। কালপুরুষের ঘণ্টাধ্বনি তাহার কর্ণরঞ্জে প্রতিধ্বনিত হইতেছে, - সে আজ তাই সন্ত্রস্ত, ভীত। সে বুঝিয়াছে যে তার দিন ফুরাইল বলিয়া। তাই দৌরল্যের অস্ত্র নিষ্ফল ক্রোধের শেষ আফালনে সে খানিকটা সোরগোল তুলিয়া নিজের ব্যর্থতা ঢাকা দিবার নিরর্থক প্রয়াস করিতেছে, যদিও মনে মনে ভালরূপেই জানিয়াছে যে এবার তার রাজত্বের অবসানপ্রায়।

তরুণ আজ যে এত বেপরোয়া তার অর্থও তাই। তরুণও বুঝিয়াছে তার উপর অত্যাচারের যে বজ্রমুষ্টি এতদিন ধরিয়া নিয়ত উত্তত ছিল, কালপ্রভাবে আজ তাহা শিথিল প্রায়। তবে আর ভয় কি? বিদ্রোহের রণরঞ্জে তরুণের দল আজ তাই মতিয়া উঠিয়াছে, বিদ্রোহের মন্ত্রসঞ্চারিত করিয়া দিতেছে দেশে দেশে দিকে দিগন্তরে। এই মন্ত্র যে দারুণ অনল সৃষ্টি করিবে তাহাতে সমাজের জীর্ণ কারাগার গুড়িয়া ভস্মীভূত হইয়া যাইবে সন্দেহ নাই।

কিন্তু তরুণের এই যে বিদ্রোহ-মন্ত্র হহার অর্থ তাঁহার। নিজেরাই কি ভাল করিয়া বুঝিয়াছেন? তাঁহার। কি জানেন কেন এই ধ্বংসের আয়োজন? কি চান তাঁরা? তরুণ যদি সরল হন তবে বলিতে বাধ্য হইবেন "কি চাই তা জানি না। কিন্তু যা আছে তা চাই না।" এক

কথার তরুণের সামনে আজ স্থির লক্ষ্য কিছু নাই। সে চলিয়াছে কক্ষচ্যুত গ্রহের মত এক আত্মহারা আবেগে, যাহাকে সামনে পাইবে তাহাকেই ধ্বংস করিবে, নিজেরও ধ্বংস হইবে।

যুগসন্ধির সময়ে একটা বিপ্লব, একটা উলটু পালটু যে অনিবার্য সন্দেহ নাই—কিন্তু প্রলয়ের সার্থকতা তখন যখন সঙ্গে সঙ্গে বৃহত্তর ও মহত্তর নব সৃষ্টির আয়োজন চলিতে থাকে। তরুণের। কিন্তু এদিকটা ভাল করিয়া দেখিতেছেন না। যে কোনও আদর্শ যে দিক হইতেই আশুক সেইটিরই পিছনে পিছনে তাঁরা ধাবমান হন। কিছুদিন অহিংস খন্দরত চলিল, এক্ষণে রুশিয়ার সাম্যমূলক শূদ্রধর্ম এক অভিনব মোহের হাত ছানিতে তাহাদের প্রাণে সাদা তুলিতেছে। কমিউনিজম্, বংশেতিয়জম্ রুশিয়ার জাতীয় জীবনের প্রয়োজনের তাড়নার জাগিয়াছে। তা' আজও চূড়ান্তরূপে পরীক্ষিত হইয়া দাঁড়াইতে পারে নাই। যাই হোক তবু তাহা রুশিয়ার জাতীয়তার একটি সত্যকার প্রকাশ চেষ্টা। কিন্তু ভারতবর্ষের জাতীয় গঠন অগ্ররূপ। তাহার অভাবও অস্ত্র ধরণের। ভারতবর্ষের জাতীয় ইতিহাসের দিকে একেবারে লক্ষ্যহারা না হইলে শুধু অতীত ইতিহাস কেন ভারতবর্ষের বর্তমান সমস্যাগুলির প্রতি একটু অবধান করিলেও ভারতবর্ষীয় প্রকৃতির স্বন্দ গতির দিকে চক্ষু মেলিয়া তাকাইলে কখনও আমরা রুশিয়ার বার্থ অনুকরণে এত মতিয়া উঠিতাম না। রুশিয়া কেন অপর কোনও দেশেরই অন্ধ অনুকরণে ভারত-উদ্ধার হইবে না। .. অত্যাচার দেশের যাবতীয় সমস্যার সমাধান সমূহে আমরা অন্ধ হইব না, ভারতবর্ষের উপযোগী যাহা তাহা আবশ্যিক মত গ্রহণও করিতে হইবে। অথবা যে সব সত্য সার্কর্জনিন, যাহা সংকীর্ণ দেশ ও কালের মধ্যে আবদ্ধ নহে, যে সকল সত্যের আবিষ্কারের মানবের জ্ঞানভাণ্ডার ক্রমসমৃদ্ধ হইয়া উঠিতেছে, এমন সব সত্য সব দেশ হইতেই আমরা লইতে পারি, কিন্তু সজ্ঞানে ও প্রয়োজনানুযায়ী চৌদিক হইতে সত্য ও শক্তি আহরণ করা, আর যাহা সামনে পাওয়া যায় অন্ধভাবে তাহাই গলাধঃকরণ করা—এ হইলে প্রভেদ অনেক। আজ কালকার অতি আধুনিক এক সম্প্রদায় এই শেখোক্ত পন্থাই অবলম্বন করিয়াছেন।

হুই হস্তে শোভিরাছে কনক কেদুর ।
 হুই পদে শোভিরাছে কনক নুপুর ॥
 অভয় বরদা দেবী সাকরণা হয় ।
 অহুগত জনেরে পালয় সদায় ॥
 ব্রহ্মা, বিষ্ণু, মহেশ্বর, দেব সুরপতি ।
 চরণে পড়িয়া যাহার নিত্য করে স্তুতি ॥
 সহস্র যুগেতে নহে গুণের কখন ।
 তাকে কি কহিব আমি মনুষ্য অধম ॥
 পৃথিবীতে আছে রাজ্য উজানী নগরী ।
 বিক্রম কেশরী নাম তথা নরপতি ॥
 সেহি দেশে বৈসে সাধু নাম ধনপতি ।
 লহনা খলনা তার হুই যুবতী ॥
 বিধির নিরুক্ষে সে না হইল ভাগ্যবতী ।
 হুর্ভাগা হইল তার খলনা যুবতী ॥
 পতি সনে খলনার নাহিত পীরিতি ।
 আর এক দিনে সেহি সাধুর বচনে ।
 খলনাকে নিয়োজিল ছাগল রক্ষণে ॥
 ছাগল হারাইয়া কত্কা ভ্রমে বনে বনে ।
 জুকারের শব্দ কত্কা সেহি বনে শুনে ॥
 জুকার উদ্দেশে চলে খলনা যুবতী ॥
 মঙ্গল চণ্ডিকা বলে শুন নরপতি ।
 যদি রক্ষা চাও তুমি রাজ্য সঙ্গতি ॥
 কালকেতু নামে ব্যাধ হয় মোর দাস ।
 বন্ধন মোচন কর পুর তার আশ ॥
 ই বলিয়া দেবী তবে রাজ্য বিদ্যমান ।
 সেবক বৎসলা দেবী হইলা অন্তর্দান ॥

• • • • •

মঙ্গলচণ্ডী দেবীর বরে কালকেতু নামক ব্যাধ বহু ধন সম্পত্তি প্রাপ্ত হইয়াছিল, কিন্তু তাহার শত্রুপক্ষ তদ্বেশের সহস্রাঙ্ক নামক রাজার নিকট কালকেতু সম্পত্তি নানা প্রবঞ্চনা করিয়া লাভ করিয়াছে এক অভিযোগ করায় রাজ আদেশে ব্যাধের বন্দী হইলেন, কবি ঐ স্থানে অতি মর্ম্মস্পর্শি ভাষায় ঐ কাহিনী বর্ণনা করিয়াছেন, তাহার কিয়দংশ নিয়ে উদ্ধৃত করিলাম :—

লাচাড়ি

কালকে ব্যাধ সাকরণ মন, তুমি মোকে দিলা ধন,
 তাতে কেন বিড়ম্বন, প্রাণ রাখ হইহু কাতর ।
 মনে অতি বাসি -- ভয়, বন্ধন অতি গুরুতর,
 মোচন চণ্ডী করহ সত্বর ।
 মুক্তি না দেখিব আর, স্ত্রী পুত্র পরিবার,
 কাহিনী আর না লইব কোলে ।
 যুগগণের সাঁপে মোর, বিধি দিল হুঃখ ঘোর,
 কালকে ব্যাধ সাকরণ সুরে ।
 কহে দ্বিজ জনার্দন, শুন ব্যাধের নন্দন,
 কালি হবে তোমার মোচন ।

দ্বিজ গঙ্গাদাস যে পাঁচালী রচনা করিয়াছেন এই স্থানে তাঁহার ভাব একরূপ সুলভ হয় নাই পাঠকগণের কৌতুহল চরিতার্থ করবার জন্ত "গঙ্গাদাস কৃত পাঁচালীর" কিয়দংশ উদ্ধৃত করিলাম :—

কালিক রাজ্যের রাজ্য ব্যাধ ছিল তার প্রজা
 গুনিয়া বাকিয়া তাকে নিল ।
 বন্ধিয়ানে থাকি ব্যাধ, মনেতে ভাবি বিধাদ,
 চণ্ডিকারে শরণ করিল ।
 শুন দেবি মহেশ্বরি নিজ গুণে দয়া করি,
 এবে কেন হইলা নিদয়া,
 তুমি মুকে দিলে ধন, তাহাতে হইল বন্ধন,
 রক্ষা কর ভবানী ভব জার ।
 ব্যাধের স্তবন শুনি, অকস্মাৎ দৈববাণী,
 না কাল না কাল ব্যাধ জন,
 বন্ধন মোচন হবে, এ হুঃখ নাহিক রবে,
 রাজ্য দিবে আর কিছু ধন ।

প্রথিত যশা মুকুন্দরামের কবিকল্প চণ্ডীর উপাখ্যান অবলম্বনে দ্বিজ জনার্দন কতক এই ক্ষুদ্র সন্দর্ভটি পয়ার ও লাচাড়ী ছন্দে বিরচিত । এদেশে মঙ্গলচণ্ডিকার—ব্রতোপলক্ষে ঘরে ঘরে পাঁচালী পঠিত হইয়া থাকে । রচনা সৌন্দর্য্যে এই পুঁথিখানি রচয়িতার উৎকৃষ্ট কবিত্বশক্তির নিদর্শন । হুঃখের বিষয় অনুসন্ধিৎসুলোকের অভাবে "জাতীয় সাহিত্য ভাণ্ডারের যে এইরূপ কত অমূল্যনিধি

পল্লীতে পল্লীতে বহু "মহিলা সমিতি" তাঁহার স্বতি বৃদ্ধি করিয়া গর্ব অনুভব করিতেছে।

এখানি জাপান ভ্রমণের কাহিনী। জাপানের শিক্ষা দীক্ষা, স্কুল, কলেজ, সঙ্গীত, নৃত্য প্রভৃতি যাবতীয় অভিজ্ঞতা "রোজ নামচার" ভিতর দিয়া তিনি অতি প্রাঞ্জল ভাষায় বর্ণনা করিয়াছেন। আজকাল দেশ ভ্রমণ একটা ফাসন হইয়া দাঁড়াইয়াছে কিন্তু এই মহিলা যে আকাঙ্ক্ষা ও উৎসুক লইয়া দেশ পর্যটনে বাহির হইয়াছিলেন তাহা অতি অল্প লোকের মাঝেই দেখিতে পাওয়া যায়, বিশেষতঃ হিন্দু মহিলার পক্ষে। তিনি ভ্রমণ কালে যে সমাজে মিশিয়াছেন তাহাদের যাহা কুৎসিৎ অনাচার তাহা নির্ভিক ভাবে বর্ণনা করিয়াছেন আবার যাহা ভাল দেখিয়াছেন তাহার শতকর্থে প্রশংসা করিতে ইতস্ততঃ করেন নাই। যখন কিছু তাঁহার নারী হৃদয়ে আঘাত করিয়াছে, তখনই তুলনা করিয়া লিখিয়াছেন— "আমাদের দেশের ভদ্র মহিলারা কোথাও কিছু দেখতে গেলে যেমন ছেলেপিলে সঙ্গে নিয়া যান জাপানের মেয়েরাও তাদের ছেলেপিলে সঙ্গে করে নিয়ে আসেন কিন্তু এক ঘরে এতগুলি ছেলেপিলে থাকে সঙ্গেও একটু গোলমাল পূনা গেল না। এদের ছেলেপিলেদের বিশেষত্ব যে আমাদের দেশের ছেলেপিলেদের মত তারা কান্নাকাটি বা গোলমাল করে না। এদের মেয়েরাও সব চুপ চাপ বসে আছে বা আন্তে আন্তে কথা বলছে। এরা এত সংযত যে এত স্ত্রী লোক একত্রে বসে আছে অথচ জোরে হাসতে বা জোরে কথা বলতে কাউকে দেখলাম না। যাদের মেয়েরা এ রকম সংযত তারা যে সংযম শিক্ষা করে, তাতে আর আশ্চর্য্য কি ?


আমাদের দেশের শিক্ষিত মহলেও একত্রিত হলে ঠাট্টা কথা বার্তার এত গোলমাল বাধান যে, যে শিক্ষা লাভের জন্য গেছেন বা যা কিছু উপভোগ করার জন্য গেছেন তার উপর অনেক সময় দৃষ্টিই থাকে না। আর আমাদের শিশুরা অকারণে বা সামান্য কারণে কান্নার রোগ তোলে।

আমরা যে দিন জাপানি মাতাদের মত সংযত হয়ে মস্তানদের সংযম শিক্ষা দিতে পারব, সেই দিন আমাদের দেশেও উন্নতির দিকে অগ্রসর হইবে।"

অন্ততঃ— "আমাদের দেশে বই পড়িয়ে মুখস্থ করিয়ে

মেয়েদের শিক্ষা দেওয়া হয়। কিন্তু জাপানীরা বই পড়ার সঙ্গে হাতে কলমে দৃষ্ট স্ত দেখিয়া শিক্ষা দিচ্ছে। কি সুন্দর শিক্ষা প্রণালী! মিসেস সুকা মটোর কাছে জানা গেল যে, মেয়েরা রোজ পড়া শেষ করে বাড়ী যাবার পূর্বে পালা পালি করে তাদের স্কুল ঘরগুলি ধোয়। এ কাজের জন্য অন্য চাকর রাখা হয় না। আমাদের দেশে এরূপ শিক্ষা দেওয়া হয় না, সেজন্য মেয়েরা লেখা পড়া শিখলেই অত্যন্ত সৌখিন হয়ে দাঁড়ায়। এমন কাজ স্কুল করতে দিলে আমাদের মেয়েদের অভিভাবকরা হয়ত তাকে অত্যন্ত অস্থায় মনে করেন; কিন্তু এতে যে মেয়েদের চরিত্রের কত উন্নতি হয় তা ভেবে দেখলেই বুঝতে পাওয়া যায়। এই সব শিক্ষার প্রভবেই জাপানী মেয়েরা এত উচ্চ শিক্ষা সঙ্গেও নম্রতা বজায় রাখে। মেয়েরা স্কুলে ঘরের কাজ শিক্ষা করছে আবার লেখা পড়াও শিক্ষা করছে। এই রকমে সাধারণ শিক্ষার সঙ্গে নম্রতা বজায় রাখতে শিক্ষা করাই নারীর আদর্শ শিক্ষা হায় আমাদের অভাগা দেশের কবে চকু খুলবে! কবে আমরা এমন ভাবে মেয়েদের শিক্ষা দিতে শিখব? যে দিন আমরা আমাদের দেশের বালিকাদের এমনি যত্ন করে শিক্ষা দিতে পারব সে দিন এখনও কি অনেক দূরে আছে? যা হোক শিক্ষার আমরা এখনও যে কত পশ্চাদপন তা এই রকম স্কুল দেখলে ভালরূপ অনুভব করতে পারা যায়। শিক্ষা মানুষের যে কি পরিবর্তন করতে পারে তা এ দেশে এলে বোঝা যায়।" ইত্যাদি—

লেখিকার স্বদেশ প্রীতির নিদর্শন পুস্তকের ছত্রে ছত্রে দেখিতে পাওয়া যায়। এরূপ গ্রন্থ ভাষায় সম্পদ। কিন্তু বড়ই পরিতাপের বিষয় লেখিকা তাঁহার রচনাগুলি পুস্তকাকারে দেখিয়া যাইতে পারেন নাই।



অবশিষ্ট প্রকৃত শিক্ষায় কি বুঝায় তা বুঝতে এখনও আমাদের অনেক দেরী আছে। শিক্ষার মানে শুধু বিশ্ব বিদ্যালয়ের ডিগ্রী পাওয়া নয়, বি, এ, এম, এ পাশ করলেই শিক্ষার সমাপ্তি হয় না। জীবনের প্রতিদিন এমন কি মৃত্যুর দিন পর্যন্ত জ্ঞানানুশীলন করাই প্রকৃত শিক্ষা। শিক্ষা মানে কয়েক খানা বই পড়া নয়, স্কুলের শিক্ষা সোপান মাত্র। আসল শিক্ষা কি তা বুঝতে আমাদের এখনও অনেক দেরী আছে। এখন আমাদের সর্বপ্রথম কর্তব্য হচ্ছে, বয়স্হা মেয়েদের গার্হস্থ্য শিক্ষা দেওয়া; আর যে সব মেয়েরা গৃহিণী তাঁদের পাকা গৃহিণী হতে শিক্ষা দিতে হবে। পৃথিবীর সবদিক থেকে সব বিষয়ে বিশেষজ্ঞরা বলছেন ছেলেমেয়েদের সকলকেই Nursery থেকেই শিক্ষা দিতে হবে, বয়স্হা মেয়েরা যারা তাঁরাই হবে দেশের গৃহিণী। তাঁদের শিক্ষা কেবল বি. এ, এম, এর মধ্যে সীমাবদ্ধ করে রাখলে চলবে না; তাঁদের প্রকৃত গৃহিণী হতে শিক্ষা দিতে হবে। এ কথাটাই আমাদের দেশ এখনও বুঝছে না।

Canada, Belgium, Japan, England, Holland প্রভৃতি দেশে শিল্প শিক্ষা, কৃষি শিক্ষা, ঘরকরা শিক্ষা গোপালন শিক্ষা, প্রভৃতি দেওয়ার জন্ত একদিকে স্কুল কলেজ আছে অত্র দিকে মহিলা সমিতি গঠন করা হয়েছে। অত্র জাতির সঙ্গে আমাদের সমকক্ষ হতে হলে সকল বয়স্হা মেয়েদের Domestic science বা গৃহস্থালী বিজ্ঞান শিক্ষা দিতে হবে। স্বাস্থ্য সম্বন্ধে ভগবান যে নিয়ম বেঁধে দিয়েছেন, সেই সব নিয়ম ও জ্ঞান বিজ্ঞান প্রভৃতি শিক্ষার নূতন নূতন আয়োজন কর্তে হবে। আর দিতে হবে Home making শিক্ষা, ঘরকে কি করে সমৃদ্ধ করতে হয় সেই শিক্ষাই দিতে হবে।

আমি বেঙ্গলজিয়মে গিরাছিলাম সেখানে বয়স্হা মেয়েদের স্কুলে মেয়েরা লাঙ্গল চালায়। তাহারা গো পালন করছে, তাহাই প্রকৃত হুহিতা। সেখানে মেয়েদের College of domestic science আছে। সেখানে Farm management training দেওয়া হয়; আমাদের দেশের স্কুলে বড় বড় বাগান থাকবে। সে সব বাগানে বয়স্হা মেয়েরা সব্জি উৎপন্ন করবেন। স্কুলে মেয়েরা গো পালন শিখবে, কি করে গরু ছুঁতে হয়! কি করিয়া খাদ্য প্রস্তুত করলে খাঞ্চে সার ভাগ বেশী থাকে এবং কোন খাদ্যে কি সার এবং

কিসে সে সার বজায় থাকে ঐ সব সম্বন্ধে শিক্ষা দেওয়া হইবে।

ইউরোপের মেয়েরা স্কুল কলেজে শিখে কি করে রান্না করতে হয়, কি করলে রান্না ভাল হয় ও রান্নায় সার থাকে। আমাদের মেয়েদেরও তেমনি শিখাতে হবে।

ইউরোপ এমেরিকায় যদি কোন বাড়ীতে কেবল বাজারের জিনিষ দিয়ে ঘর সাজান হয় তবে সেটা অসভ্যতার, সেটা অশিক্ষিতের পরিচয়।

সে সব দেশের মেয়েরা কাপড় বুনতে শিখে, কয়ল বানাতে শিখে, পেলনা তৈরি করতে শিখে, বাড়ী ঘর মেরামত করতে শিখে, আর আমাদের দেশে কেবল নিচ্ছে, কিছু দিচ্ছে না। কেবল কিন্ছে, কিছু তৈরী কর্ছে না। যে দেশ যত বেশী দরিদ্র, সে দেশ তত বেশী নেয়, দেয় না।

জাতীয় জীবন কি করে গড়ে তুলতে হয়, মেয়েরা তা শিখবে। আমি বলি মেয়েদের শিক্ষা হোক, পুরুষদের কথা ভুলে যান। মেয়েরা সুশিক্ষিতা হলে পুরুষরাও তাঁদের কাছ থেকে উদ্দীপনা লাভ করবে। মেয়েদের শিক্ষায় বড় করে তুলতে পারলে তো আমরা বীরের জাতি।

হিন্দু মুসলমান নির্বিশেষে মেয়েদের শিক্ষা দিতে হলে গ্রামে গ্রামে মহিলা সমিতি গঠিত হওয়ার দরকার। মহিলা সমিতি মানে মেয়েদের একত্র সম্মিলন। তাঁদের কথাবার্তা ভাবের আদান প্রদানের ভেতর দিয়ে একটা শক্তি গঠিত হয়। তার ভেতর দিয়ে তাঁদের মনে একত্র হয়ে কাজ করবার একটা প্রেরণা আসে। মেয়েদের প্রাথমিক শিক্ষা মেয়েরাই দিবে। মেয়েরাই স্থানে স্থানে প্রাথমিক কেন্দ্র স্থাপন করবে, কিন্তু দেশের বড় প্রতিষ্ঠানের সঙ্গে যোগ দিয়ে কাজ করতে হবে। ভাগ ভাগ হয়ে নয়। ভাগ ভাগ হয়ে কোন কাজ হয় না। United we stand divided we fall. যার বাংলা আমি করেছি "একজাটে জয়, বিভক্তের ক্ষয়।" মেয়েদের মধ্যে হবে কেবল যোগ, বিয়োগ নয়। আমরা আমাদের সকল শক্তি কেন্দ্রীভূত করে একত্রে আমাদের চলার পথে চলব। সম্বন্ধ হয়ে কাজ করতে পারলে লাভ, এই যে মায়ের জাত একা হয়তো কেউ ভুল করে বসতে পারে, বিপথে চলতে পারে, কিন্তু সংঘবদ্ধ হয়ে চললে ভুল করবার ভয় খুব কম। কাজেই

যন্ত্র ও উহার কার্যপ্রণালী দেখিয়া অনেক বৈজ্ঞানিক পণ্ডিত বিস্মিত হইলেন এবং তাঁহার অসামান্য বুদ্ধি ও প্রতিভার প্রশংসা করিলেন। ইহা সত্ত্বেও কোন ব্যক্তি মোর্সের সাধু উদ্দেশ্য কার্যে পরিণত করিবার জন্ত অর্থ সাহায্য করিলেন না। কয়েক বৎসর অক্লান্ত পরিশ্রম করিয়া মোর্স যাহা উপার্জন করিলেন তাহা স্বীয় যন্ত্রের উন্নতি সাধনের জন্ত ব্যয় করিলেন। কিন্তু অর্থাভাবে তাহা প্রতিষ্ঠা করিয়া নানা স্থানে সংবাদ প্রেরণের ব্যবস্থা করিতে পারিলেন না। পরিশেষে নিরুপায় হইয়া তিনি গবর্নমেন্টের নিকট সাহায্য প্রার্থী হইলেন। কয়েক বার গবর্নমেন্ট মোর্সের প্রার্থনা অগ্রাহ্য করিলেন। নূতন আবিষ্কারের উপকারিতা মানুষ সহজে উপলব্ধি করিতে পারে না। আবিষ্কারকে সকল দেশেই নৈরাশ্রের ভিতর দিয়া সফলতা লাভ করিতে হয়। অনেক চেষ্টার ফলে ১৮৪৩ খৃষ্টাব্দে আমেরিকার যুক্ত রাজ্যের গবর্নমেন্ট মোর্সের যন্ত্রের সাহায্যে সংবাদ প্রেরণের জন্ত একটি টেলিগ্রাফের লাইন খুলিলেন। এত দিনে দরিদ্র বৈজ্ঞানিকের আশা পূর্ণ হইল, তাঁহার শ্রম সার্থক হইল। এই লাইনে মোর্স প্রথম সংবাদ প্রেরণ করিলেন “ভগবান্ কি আশ্চর্য্য কার্য সাধন করিয়াছ”। সেদিন মোর্সের হৃদয়ে যে আনন্দ হইয়াছিল তাহা ভাষায় বর্ণনা করা অসাধ্য।

এই সময়ে মোর্সের এক নূতন বিপদ দেখা দিল। মোর্সের যন্ত্রের সফলতা দেখিয়া জেক্সন্ নামক আমেরিকার এক জন অধিবাসী প্রচার করিলেন যে তিনিই প্রথম তাড়িত বার্তা প্রেরণের উপায় উদ্ভাবন করিয়াছেন; মোর্স তাহার উদ্ভাবিত যন্ত্র ও বর্ণমালা দেখিয়া তাহার অস্বীকার করিয়াছেন। জেক্সন্ এই কথা প্রচার করিয়াই নিরস্ত হইলেন না। তিনি তাহার দাবী প্রমাণের জন্ত আদালতের অশ্রয় লইলেন। জেক্সনের তাড়িত সম্বন্ধে বিশেষ জ্ঞান ছিল না। সুতরাং টেলিগ্রাফের যন্ত্র উদ্ভাবন করা ত দূরের কথা উহার কার্য প্রণালী বুঝিবার শক্তিই তাহার ছিল না। আদালতে বড় বড় বৈজ্ঞানিক পণ্ডিতগণ জেক্সনকে টেলিগ্রাফের যন্ত্রের সম্বন্ধে অনেক প্রশ্ন করিলেন কিন্তু জেক্সন্ তাহার কোন উত্তর দিতে পারিল না। মোর্স অনায়াসে পণ্ডিতদিগের প্রশ্নের উত্তর দিতে সমর্থ হইলেন।

এতদ্ব্যতীত তিনি তাঁহার যন্ত্রটি খুলিয়া উহার প্রত্যেক অংশের ক্রিয়া এবং তাড়িত বার্তা প্রেরণের প্রণালী সকলকেই অতি সরল ভাবে বুঝাইয়া দিলেন। মোর্স জয় লাভ করিলেন। তিনিই টেলিগ্রাফ যন্ত্রের ও সাঙ্কেতিক বর্ণ মালার আবিষ্কারক বলিয়া বিচারক নির্ধারণ করিলেন। মোর্সের যশঃ দেশ বিদেশে প্রচারিত হইল।

১৮৭২ খৃষ্টাব্দ পর্য্যন্ত মোর্স জীবিত ছিলেন। এই সময়ের মধ্যে পৃথিবীর প্রায় সকল সভ্যদেশেই তাঁহার উদ্ভাবিত টেলিগ্রাফ প্রণালী প্রবর্তিত হইয়াছিল। যাহারা মোর্সের উদ্ভাবিত যন্ত্র ও বর্ণমালা সাহায্যে টেলিগ্রাফ প্রেরণের ব্যবস্থা করিয়াছিলেন। তাঁহাদের নিকট হইতে ইচ্ছা করিলে মোর্স অনেক অর্থলাভ করিতে পারিতেন কিন্তু উদার হৃদয় বৈজ্ঞানিক তাহারও নিকট হইতে এক কপর্দকও গ্রহণ করেন নাই। ইয়ুরোপের অধিবাসীরা এই পরম হিতকর আবিষ্কারের জন্ত মোর্সকে পুরস্কার স্বরূপে স্বেচ্ছায় বহু অর্থ সংগ্রহ করিয়া পাঠাইয়াছিলেন। মোর্স স্বীয় প্রতিভা বলে জগতে অক্ষয়কীর্তি রাখিয়া গিয়াছেন।

আজ পর্য্যন্ত সকল দেশেই মোর্সের উদ্ভাবিত সাঙ্কেতিক বর্ণমালা সাহায্যেই ভারের সংবাদ প্রেরিত হইয়া থাকে। বাংলা ভাষায় অ, আ, ই, ঐ প্রভৃতি ১৪টি স্বরবর্ণ এবং ক, খ, গ, ঘ প্রভৃতি ৩৬টি ব্যঞ্জনবর্ণ। এই সমস্ত বর্ণমালার সাহায্যেই কথা সকল লিপিবদ্ধ হয়। ইংরেজীতে মোট ২৬টি বর্ণমালার দ্বারা সকল কথা লিপিবদ্ধ হইয়া থাকে। টেলিগ্রাফের সাঙ্কেতিক বর্ণমালা বিন্দু (•) ও ড্যাস (—) বা ক্ষুদ্র রেখা দ্বারা গঠিত হইয়াছে। বিন্দু ও ড্যাসের সাহায্যে ইংরেজী ২৬টি বর্ণমালার কাজ করা হয়। একটি বিন্দু ও একটি ড্যাস বা ক্ষুদ্র রেখা, যথা •—দ্বারা A অক্ষর বুঝাইয়া থাকে। একটি ড্যাস ও তিনটি বিন্দু যথা, ---••• দ্বারা B বুঝাইয়া থাকে। তিনটি বিন্দু যথা ••• দ্বারা C বুঝাইয়া থাকে। এইরূপে কয়টি বিন্দু ও ড্যাসের দ্বারা ইংরেজী ২৬টি বর্ণমালার কাজ করা হয়। শিক্ষা করিলে ঐ সাঙ্কেতিক বর্ণমালা দ্বারা সকলেই ইংরেজী কথা লিপিতে পারিবেন।

প্রত্যেক ‘টেলিগ্রাফ’ আফিসে একটি বা একাধিক যন্ত্র আছে। এক আফিসের যন্ত্রের সহিত

স্থাপন করিয়া আটলান্টিক মহাসাগর পার হইয়া নিউ ফাউণ্ডলেণ্ড দেশে গমন করিলেন। তথায় গিয়া তিনি একটা বিশাল ঘুড়ি প্রস্তুত করিলেন। অনেকেই তাঁহার অসাধারণ বৃহৎ ঘুড়ি দেখিয়া মনে করিল এই লোকটার নুতন রংয়ের ঘুড়ি উড়াইবার খেয়াল হইয়াছে। মার্কনি তাঁহার সেই বৃহৎ ঘুড়ির সহিত একটা সংবাদ ধরিবার যন্ত্র (Receiving instrument) সংযুক্ত করিলেন। যন্ত্র পরিবর্তে টেলিগ্রাফের তার দিয়া সেই ঘুড়ি উড়াইবার ব্যবস্থা হইল। তারের এক প্রান্ত ঘুড়ির সহিত এবং অপর প্রান্ত ভূপৃষ্ঠে স্থাপিত একটা তাড়িত যন্ত্রের সহিত সংযুক্ত হইল। একদিন মার্কনি একটা উচ্চ পর্বতশিখর হইতে সেই অদ্ভুত ঘুড়ি উড়াইয়া দিলেন। পূর্ব নির্ধারণানুসারে সেই দিন ঠিক সেই মুহূর্তে কর্ণওয়াল্ হইতে মার্কনির যন্ত্র সাহায্যে সংবাদ প্রেরিত হইল। সেই সংবাদ মার্কনি আটলান্টিক মহাসাগরের অপর পার হইতে তাঁহার ঘুড়িতে সংযুক্ত সংবাদ ধরা যন্ত্র সাহায্যে পানিতে পাইলেন। মার্কনির বিশ্বাস ও আনন্দের সীমা রহিল না। ইহা ১৯০১ সনের কথা।

এখন পৃথিবীর প্রায় সকল দেশেই বিনা তারে বার্তা প্রেরণের ব্যবস্থা হইয়াছে। ইহাতে অনেক সুবিধা হইয়াছে। একদিন পৃথিবীর কোন লোক কল্পনাও করিতে পারিত না যে এক মুহূর্ত মধ্যে শত শত মাইল দূরবর্তী স্থানে সংবাদ প্রেরণ করা সম্ভব হইতে পারে। মোস' সেই কাৰ্য্য সাধন করিয়া অক্ষয় কীর্তি রাখিয়া গিয়াছেন। মার্কনি বিনা তারে সংবাদ প্রেরণের উপায় উদ্ভাবন করিয়া বৈজ্ঞানিক জগতে নব যুগের সূচনা করিয়া গিয়াছেন। পৃথিবীর ইতিহাস তাঁহার নাম চিরস্মরণীয় হইয়া থাকিবে।

টেলিগ্রাফ আবিষ্কার হওয়াতে আমরা দূরবর্তী স্থানসমূহে অত্যন্ত সময়ে সংবাদ প্রেরণ করিতেছি। তাহাতে দেশ সুশাসন, ব্যবসা-বাণিজ্য এবং নানাবিধ কাজকর্মের যথেষ্ট সুবিধা হইয়াছে। পূর্বে সমুদ্রগামী জাহাজ সকল তাঁর হইতে বহুদূরে সমুদ্রপথে বিপদগ্রস্ত হইলে সে বিপদ অল্প কাহাকেও জানাইবার কোনও উপায় ছিল না। এখন সমুদ্র-গামী জাহাজ সকলে বিনা তারে বার্তা প্রেরণ যন্ত্র স্থাপিত হইয়াছে। জাহাজে কোন আকস্মিক দর্ঘটনা উপস্থিত

হইলে এই যন্ত্র দ্বারা টেলিগ্রাফ করিয়া অল্প জাহাজের লোককে কিংবা দূরবর্তী নগরে সেই সংবাদ দেওয়া যায়। সুতরাং এখন সহজেই বিপদগ্রস্ত ব্যক্তিদিগকে উদ্ধারের জন্য সাহায্য প্রেরণ করা যাইতে পারে।

এখন পূর্বোক্ত তারহীন সংবাদ প্রেরণ যন্ত্রদ্বারা মানুষের কণ্ঠ নিঃসৃত সুললিত সঙ্গীতধ্বনি বহু দূরবর্তী স্থানে প্রেরিত হইতেছে। কোন সুগায়ক বোম্বাই সহরে বসিয়া গান গাহিলে তাহা কলিকাতার অধিবাসীদিগকে শুনান যাইতে পারে। কলিকাতা সহরে গীত সঙ্গীত ঐকান্তিক বাণ ও বক্তৃতাদি হই তিন শত মাইল দূরবর্তী পল্লীর অধিবাসীগণ শুনিয়া আনন্দ ভোগ করিতেছে। পঁচিশ বৎসর পূর্বে এই সকল অত্যাশ্চর্য্য ব্যাপারের কথা কেহ কখনও বিশ্বাস করিতে পারে নাই।

দিবা স্বপন

(শ্রীযতীন্দ্রপ্রসাদ ভট্টাচার্য্য)

আজ হৃনিয়ার গগন ভুবন ভরেছে আর্তনাদে !

যত দুর্বল দিশেহারা হয়ে নিয়ত কেবলি কাঁদে !

সকল রকমে নিঃস্ব সবাই,

তবু তাহাদেবে করিছে জবাই,

তারা অবিচারে ডাকে বারে বারে কাঙ্গালের ভগবানে !

বুড়া ঈশ্বর আছে কাণ খেয়ে, কিছুই শুনেনা কাণে।

আমি যে উদাসী আমারো হৃদয় ক্ষেপেছে অত্যাচারে ;

ছুটে যেতে চাই, শুধু বাধা পাই অবিরত চারিধারে।

আঁটে পৃষ্ঠে হায় কি বাধন !

বিফল হবে কি জীবন সাধন ?

বোধনের বেলা রোদনে আমার সাধের স্বপন ভাসে !

কণ্ঠ নীরব হয়ে আসে ক্রমে গভীর হতাশাসে।

কে আছি স্ ভাই শক্তিমন্ত, বাধা ভেঙ্গে কর গুঁড়া !

চালুসে ধরেছে নয়নে যদিও, তবু কভু নহি বুড়া।

এখনো সঙ্গে পারিব চলিতে,

সকল হুঃখ ছুটিব দলিতে,

বিলাস-ব্যসন-পঙ্কে ডুবিনি, হৃদয় গায়নি মারা ;

কাঙ্গ-কাতর কাঙ্গালের কথা করে যে পাগলপারা !

man" এর "Wanted" এর পিছনে প্রতি মাসে সাত আট টাকা ব্যয় করেও কোন সুবিধা না হওয়ায়, গোবর্দ্ধনবাবু কখনো কালাচাঁদবাবুর উপরে কোন কথা বলতেন না— "হুজুং প্রণিপাতেন" নীতি অনুসারে সর্বদাই তাঁকে যুক্তিব মাত্র করে চলতেন। তাই এ ক্ষেত্রেও তাঁর কথার কোন প্রতিবাদ না করে, ধীরভাবে জিজ্ঞাসা করলেন— "আচ্ছা, Press billটা কি Assemblyতে Pass হবে বলে মনে হয়?" কালাচাঁদবাবু বললেন— "এখনও ঠিক বোঝা যাচ্ছে না—European membersদের ভেতরেও দল হয়ে গেছে কিনা!" হেঁ হেঁ করে হেসে গোবর্দ্ধনবাবু বললেন— "এ সব বিষয়ে আপনিই হচ্ছেন আমাদের authority আপনিই যদি না বুঝতে পারেন তবে কে আর বুঝবে!" কালাচাঁদবাবু বললেন— "Politicsএর সর্চা কিছুদিন করেছিলাম কিনা!"

এই সময়ে অঙ্কের মাস্টার শচীন্দ্রবাবু এসে বারান্দার উঠলেন এবং কোন কথা না বলে কালাচাঁদবাবুর গা বেঁসে ধপ করে বসে পড়লেন। হেডমাষ্টার বাবুর অনুপস্থিতিতে কালাচাঁদ বাবুর স্থলের ভিতরে এবং বাইরের সকলের কাছেই হেডমাষ্টার সাজেন—অনেক স্থলে তিনি হেডমাষ্টার বাবুর চেয়ে ও যে অধিকতর কার্যদক্ষ সে কথাও ইঙ্গিত কর্তে ছাড়েন না। শচীন্দ্র বাবুর এমন বেখাতির ভাবে এসে গা বেঁসে বসা, কাজে কাজেই, তাঁর পছন্দ হল না। ক্র ক্র করে আড়চোখে শচীন্দ্র বাবুর পানে চেয়ে তিনি জিজ্ঞাসা করলেন second classএর ঐ Mathematicsএর Marksheet Submit করেছেন?" হেডমাষ্টারবাবু আপনাকে জিজ্ঞেস কর্তে বলেছিলেন।" কথাটা একেবারে মিথ্যা— হেডমাষ্টারবাবুর নামে তিনি এমন চের কথা চালিয়ে থাকেন। শচীন্দ্রবাবু জবাব দিলেন— "না শিগ্গিরই কর্ছি।" এজবাবে খুসী হইয়া হয়ে বিষয়মুখে কালাচাঁদ বাবু বললেন "কি যে করেন বুঝি না—অঙ্কের কাগজ ফল মিলিয়ে নখর দেওয়া ছাড়া ত আর কিছু নয়—এতেই এত দেরী করেন—history কিম্বা ইংরিজীর paper হলে যে একেবারে নেতিয়ে পড়তেন! শচীন্দ্রবাবু কোন কথা না বলে মাথা নীচু করে বাস রইলেন!

কিছুক্ষণ পরেই এসে জুটলেন হেডপণ্ডিত। পণ্ডিত

অগ্রেই সমবেত হয়েছেন দেখছি—আমাদের শচীন্দ্রবাবুর বিরস বদন কেন?" কালাচাঁদবাবু বললেন— "হেডমাষ্টার বাবুর instruction মত গুঁফে কয়েকটা unpleasant কথা বলতে compelled হয়েছি—বোধ করি তাতেই offence নিয়ে থাকবেন।" বেঞ্চের এক কোণে বসে পণ্ডিত মশায় বললেন—সে কি কথা! দাঁতের কামড় জিভে লাগলে কি কেউ কখনো দাঁতের উপরে অসন্তুষ্ট হয়! ফুক হবেন না শচীনবাবু আপনি একটু হাসুন আমরা দেখি।" মনে যাই থাকুক না কেন, মুখে শচীন্দ্রবাবু বললেন— "না-না আমি ফুক হই নাই—একটা কথা চিন্তা কর্ছিলাম মাত্র।" পণ্ডিত মশায় বললেন— "অতি উত্তম! চিন্তার বিষয়টা যদি বন্ধুসংলগ্ন সমীপে প্রকাশযোগ্য হয়, তবে আপনার চিন্তাভারাম্বাহী হয়ে আমরাও কৃতার্থ হই—কিন্তু সর্বপ্রথমে আপনি একটু হাসুন—মসী-কৃষ্ণ মেঘমণ্ডল "দংষ্ট্রামুখেঃশকলানি" করুন—সূর্য্যরশ্মি প্রকাশমান হোক!" কালাচাঁদবাবু বললেন— গুঁর জন্তে কারো হৃদয় গভীর হয়ে থাকার যো নাই। শুনুন—আমি ভাব্ছিলাম—কদিন থেকেই ভাব্ছি—এই আপনার গণেশ ঠাকুরের কথা!" পণ্ডিত মশায় বললেন—চমৎকার! দেব বিষয়ক ভাবনা অতি উৎকৃষ্ট— "যাদৃশীর্ভাবনাধস্ত সিদ্ধি-ভবতি তাদৃশী"— কি ভাব্ছিলেন?" মুহূ হেসে শচীন্দ্রবাবু বললেন— "ভাব্ছিলাম এই ধরুন, ঠাকুরের মাথাটা হচ্ছে গিয়ে হাতীর—শরীরটা মানুষের এ অবস্থায় তিনি খাবেন কি? মুখ যা খাণ্ড বলে গ্রহণ কর্কে, পেট তা সহিতে পার্কে না—আবার পেটে যা সহিবে মুখ তাতে তৃপ্তি পাবে না। এখন উপায় কি?" কালাচাঁদবাবু বললেন— Most original conception! জবাব দিন পণ্ডিত মশায়। "পণ্ডিতমশায় বললেন— "জবাব অতি সোজা! আমাদের মতন দেবতাদের দৈনিক আহারের বালাই নাই—তাঁরা সবাই অমৃতপায়ী। একবার অমৃত পান করলে কখনো কখনো তৃষ্ণার উদ্বেক হয় না।"

শচীন্দ্রবাবু কি যেন একটা বলতে যাচ্ছিলেন, কিন্তু ঠিক সেই সময়েই হেডমাষ্টার বাবুর বাড়ীর ভিতরে "সপাং সপাং" বেতের আওয়াজ এবং সঙ্গে একটা জীলোকের আর্ন্তনাদ শুনা যাওয়াতে সবাই চুপ করলেন। জীলোকটা

আছে।—তা হলে—একখানা application পাঠাই—কি বলেন!” হেডমাষ্টারবাবু বলেন—“না—না এখন নয়। picnic এর পরে পাঠাবেন—আগে সাক্ষাৎ—সম্বন্ধে কথা বার্তা হওয়া দরকার। আপনি ব্যস্ত হবেন না। লোক নেবার আরও মাসখানেক দেবী আছে। বাইরের application ও পনের দিনের আগে invite কর্কে না। যে আজ্ঞে বলে সেক্রেটারী চলে গেলে, গোবর্দ্ধনবাবু জিজ্ঞাসা করলেন—Sub divisional officerকে নৈমন্ত্রণ কর্কে নাকি? হেডমাষ্টার হেসে বলেন—“পাগল আর কি! ও কথা না বলে টাকা দিতনা—বুলেন না ‘এটা হচ্ছে গিয়ে a kind of pumping’” গোবর্দ্ধনবাবু বললেন “দেখলেন কাণ্ড’ পরের টাকা অফিসে জমা না দিয়ে কেমন পকেটে পুরে ঘুরে বেড়াচ্ছে—Office hours এর পরে কোন টাকা accept করারইবা কি দরকার। ‘হেডমাষ্টার বাবু বলেন—“ও সব হচ্ছে ওয়াশিল ছুট করার কার্যদা—চোরের অশেষ বুদ্ধি!” কালাচাঁদবাবু জিজ্ঞাসা করলেন “Secretary র post কি সত্যিই Vacant?” হেডমাষ্টার বলেন—“হ্যাঁ, হলেই বা ওর মতন অকাট মূর্খকে অত বড় একটা responsible post offer কর্কে কেন! “পণ্ডিত মহাশয় বলেন জগৎ-ব্রহ্মাণ্ডের সমস্ত সংবাদই আমাদের হেডমাষ্টার মহাশয়ের নখদর্পণে! গভীরমুখে কালাচাঁদবাবু বলেন—Administration এর Fundamental Principleট হচ্ছে latest news collection আর সেগুলোর Judicious application. হেডমাষ্টারবাবু কোন কথা বলেন না। শচীন্দ্র বাবু জিজ্ঞাসা করলেন—আসছে meeting এর notice এ আমার increment এর item টা বাদ পড়ে গিয়েছে। হেডমাষ্টারবাবু বলেন—“না বাদ পড়ে নাই ও টাকে miscellaneous এর item এ ফোল দিয়েছি। এই সময়ে দূরে চশমাচোখে একটা লোককে আসতে দেখে পণ্ডিত মহাশয় বলেন রাহ্মার মোরে কবির উদিত হয়েছেন দেখছি। হ্যাঁ এই দিকেই আসছেন। একটু ভাল করে দেখে গোবর্দ্ধনবাবু বললেন—পাকট হাতড়াচ্ছে—বোধ হয় একটা পত্ৰটপ কিছু লিখে এনোছে। কালাচাঁদ বাবু বিরক্তিপূর্ণস্বরে বললেন—এই, এখন ফ্যাচ্, ফ্যাচ্ করে কানের মাথা থাকে। মুখে যা হুর্গন্ধ—কাছে বসে

কার মাথা।” হেডমাষ্টারবাবু বললেন—“বসবে ত এসে আমারই গা ঘেসে। ঘরের কোণ থেকে ঐ মরচে ধরা লোহার ছেয়ারখানা বের করে নিয়ে আসুন ত বিমলবাবু অপদার্থটাকে বসতে দেব—চেয়ারে বসাত পেলে খুসীও হবে, আমরাও রক্ষে পাব!” ঘরে ঢুকে বিমলবাবু বলেন—“চেয়ারের উপরে একটা ঘেয়ো কুকুর শুয়ে রয়েছে যে। হেডমাষ্টারবাবু হুকুম দিলেন—তাড়িয়ে দিন না। বিমল বাবু তাড়াতে লাগলেন—“ধেৎ—যা—হুর আরে মোলো কামড়াবে না কি—যা—যা—হুর হুর। কুকুর চলে গেলে বিমলবাবু বললেন—আঃ কি হুর্গন্ধ। একখানা ঞাকরা পেলে চেয়ারখানা মুছে ফেলা যেত।” হেডমাষ্টারবাবু বলেন—আরে মশায়, আপনি এনে বাইরে রেখে দিন না। মোছা হয়ে যাবে কবিরের পোঁদের কাপড়ে। ডান হাতে নাক টিপে ধরে, বাঁহাতে চেয়ারখানা বিমলবাবু কোন রকমে এনে বারান্দায় এক কোণে রেখে বলেন—“ভারি হুর্গন্ধ কবিরব বসতে পারলে হয়।” গোবর্দ্ধনবাবু বললেন—“খুব পার্কে—ওর কি হুর্গন্ধ সুগন্ধ জ্ঞান আছে। পণ্ডিত মহাশয় বলেন—ওর মুখের যা হুর্গন্ধ ঘেয়ো কুকুরের চেয়ে সেটাও বড় কম নয়! সেদিন থিয়েটার শুন্তে গিয়ে হুর্ভাগাবশতঃ ওর কাছে বসেছিলাম। আরে বাপ রে বাপ! গন্ধে আমার ত অন্নপ্রাসনের অন্ন উঠে যাবারই উপক্রম। গোবর্দ্ধন বাবু বলেন—“একদিন আমার কাছে গল্প করেছিল যে ওর নাকি সিংহরাশি—“সিংহরাশির লোকের মুখে নাকি ওরকম হুর্গন্ধ হয়েই থাকে।” হেডমাষ্টার মশায় বলেন—“সিংহরাশি না ঘোড়ার ডিম! মূর্খ, বাঁদর কোথাকার, ওর হচ্ছে “বরাহরাশি।” সকলেই হাসতে লাগলেন। শচীন্দ্রবাবু জিজ্ঞাসা করলেন—“কবির নাকি চাকুরী ছেড়ে দিয়ে চলে যাচ্ছেন?” হেডমাষ্টার বলেন যাবেন কোন চুলোয়! অল্প জায়গায় গেলে তের টাকার বেশী মাইনেই হবে না। কাজের লোক হলে ত তাকে মাইনে দিয়ে রাখে—এখানে মোটা মাইনে পাচ্ছে নানা কারণে।” কালাচাঁদবাবু বলেন—“সেদিন বল্ছিল Star theatre নাকি ওকে sixty rupces offer দিয়েছে!” হেডমাষ্টারবাবু বলেন—“বিশ্বাস কর্কে নাকি—ভুলেও সত্যিকথা বলা ওর অভ্যাস নেই—sixtyর ঐ zero টা বাদ দেবেন। ছ’টাকা

কবিরের রসিদ চাওয়ার কৈফিয়ৎ শুনে কালাচাঁদবাবু চাপা সুরে বললেন “বাঁদর”। গোবর্দ্ধনবাবু জুতোর ক্ষিত বাঁধার অছিলায় মুখ নীচু করে হাসতে লাগলেন— শচীন্দ্রবাবু অল্পদিকে তাকালেন—হেডমাষ্টার প্রকাশ্যেই হেসে বললেন—“ওঁ এই কথা তা কাল পাবেন। বিমল বাবু দেবেন।” কবির বললেন—“বিমলবাবুর রসিদ নিচ্ছিনে—আপনার শ্রীহস্তের দস্তখত রসিদ চাই—হা . হা—হা।” হেডমাষ্টার বললেন কোন চিন্তা নাই—সমস্ত রসিদেই আমি দস্তখত করে থাকি।” কবির কি যেন একটা বলতে যাচ্ছিলেন, এমন সময়ে স্কুলের মৌলভী সাহেবকে ছুটতে ছুটতে আসতে দেখা গেল। সকলেই বিস্মিত হয়ে সেই দিকে তাকালেন।

(আগামী বারে সমাপ্য।)

পল্লী-সাহিত্যের উপাদান

[শ্রীশুরেন্দ্রমোহন বেদাস্তশাস্ত্রী পঞ্চতীর্থ]

আজ বঙ্গ-সাহিত্যের মোহন বাঁশরী নগরীতে নগরীতে বাজিয়া উঠিয়াছে, মহানগরীর বন্ধ হইতে বাঁশরীর সুর ক্ষুদ্র নগরীতে ও উপনগরীতে ধ্বনিত হইয়া পল্লীর প্রান্তে আশ্রয় লইতেছে। জানি না এই শ্রুতিবিমোহন বাঁশরীর সুরের গতি কতদূর, জানি না এই সুর পল্লীর গোঠে মাঠে বাটে প্রতিধ্বনিত হইয়া পল্লীর অন্তঃপুরে পর্য্যন্ত প্রবেশ করিবে কিনা, এবং প্রবেশ করিয়া সেই স্থানে স্থায়ী আবাস স্থাপন করিবে কিনা!

“কাণের তিতর দিয়া মরমে পশিল গো

আকুল করিল মম প্রাণ ;—”

বাঁশরীর সুর যদি মন প্রাণ মথিত করিয়া মর্দুহলে গ্রথিত হইয়া যায় তবেই সেই সুর সুরাসুর বন্দনীর পরমানন্দ কন্দ অমন্দ মধুর ব্রহ্মসুন্দরের প্রীতিজনক হয়।

একদিন বৈকুণ্ঠপতি ব্রহ্মসুন্দর যমুনাগুলিনে, বৃন্দাবনের বনে বনে মোহন বাঁশরী বাজাইয়া বোড়শ সহস্র গোপ-রমণীর মন প্রাণ আকর্ষণ করিয়াছিলেন, আর আজ হুগলী নদীর তীরে তীরে কলিকাতা মহানগরীর বন্ধে বসিয়া কতিপয়

বঙ্গ-সাহিত্যিক গল্প ও উপন্যাসের তিতর দিয়া মোহন বাঁশরী বাজাইয়া বোধ করি বোড়শ সহস্র নারীর নহে, লক্ষ লক্ষ নরনারীর চঞ্চল হৃদয় আকুল করিয়া তুলিতেছেন; সুহৃদাতুর অর্থ মুগ্ধ করা বোধ করি বা অনেক সহস্রকে মুগ্ধ, মোহিত, করিতেছেন। এই শ্রেণীর সাহিত্য সৃষ্টিতে আনন্দ ঘন রসময় রাসেশ্বরের সন্ধান মিলিবে কিনা জানি না, কিন্তু বাঙ্গালার নগরে ও গ্রামে একটা বিশেষ চঞ্চলতার সাড়া পড়িয়াছে, একটু অস্থিরতা অনুভূত হইতেছে, হয়ত বা সেই চঞ্চলতা ও অস্থিরতা নিবন্ধন সামাজিক ও পারিবারিক বিশৃঙ্খলা সংঘটিত হইবে।

সাহিত্যের সৃষ্টি কি শুধু তরুণ তরুণীর প্রাণে চঞ্চলতা আনিবার জন্ত? রসের সৃষ্টি কি শুধু অনাত্মাতপূর্ক সুকুমার কুসুমরাশির পেজবতা ও কোমলতা নষ্ট করিয়া উহার সৌন্দর্য্য হানির নিমিত্ত? তা নয়, তা নয়। সাহিত্যের সৃষ্টি সমাজের, দেশের, পরিবারের, এমন কি ব্যাপকভাবে সমগ্র জগতের হিত সাধনের জন্ত। সাহিত্য শব্দের ব্যাপ্তিগত অর্থও এই হিতের কথাটাই ব্যক্ত করে। হিতের সহিত বর্তমান সহিত, সহিতের ভাব সাহিত্য। সমগ্র দেশের সমগ্র জাতির ও সমগ্র ধর্মের সহিত যেই স্থানটুকুতে মিল রহিয়াছে, যেখানে কোনো দেশের কোনো জাতির কোনো ধর্মের বিরোধ নাই তাহাই সাহিত্য। সঙ্কত ভাষায় ইহাকে বলা রহিয়াছে ‘বাক্যং রসাত্মকং কাব্যম্’, ‘রসো বৈ সঃ’। এই রসের সমুদ্র মছন করিতে চাই কি? চাই শক্তি, চাই স্বাধা। হৃৎকলের হৃদয়ে রসের নিব্বরিণী রিনি ঝিনি ধ্বনি তোলে না, বলহীনের প্রাণে আত্ম-অনুভূতি হয় না;—

নারমায়া বলহীনেন লভ্যঃ।

উপনিষদ্ যুগের সাহিত্য আমাদের কাছে বলিয়া দিতেছে নারমায়া বলহীনেন লভ্যঃ। বৈদিক যুগের সাহিত্য আমাদের কাছে জানাইতেছে, মানবের হৃদয়ে যদি সাহিত্যের চাব করতে চাও তবে আগে তার দেহের চাব কর, সর্কীকে ক্ষুষ্টি আসিবে ইহার উত্তর আমি “প্রাচীন ভারতে কৃষি” নামক এক প্রবন্ধে দেখাইয়াছি, সেই প্রবন্ধ অনেকদিন পূর্বে মাসিকপত্রে মুদ্রিত হইয়া গিয়াছে। (প্রাচী, ১৩৩১ প্রাবণ)

ভারতের প্রাচীন গ্রন্থ বেদ, জগতের অকৃতমসাক্ষর ইতিহাসের সাক্ষী সাম, যজু, ঋক্, অথর্ব, সাহিত্য প্রচার করিতেছে "ওহে ঋষি তুমি ভূমির মূল্য বুঝ, ওগো গ্রন্থ ভূমি হল কর্ষণ কর।"

"শুনঃ নঃ ফাণা বিকৃষন্ত ভূমিং শুনঃ কীনাশা অভিযান্ত
বাটৈঃ।

শুনঃ পর্জন্তো মধুনা পয়োতিঃ শুনাসীরা শুনমস্বাস্থন্তম্ ॥
ঋক্ ৪।৫৭।৮

(অর্থ) লাঙ্গলের ফাল সকল সুখে ভূমি কর্ষণ করুক রক্ষকগণ বলীবর্ধ সমূহের সহিত সুখে গমন করুক (যেদিকে বলদগুলি যায় ঠিক সেইদিকে উহাদের পেছনে পেছনে লাঙ্গল ধরিয়৷ যাক্।) পর্জন্ত (মেঘ) মধুর জলের দ্বারা ভূমি সিক্ত করুক, হে শুনাসীর, তুমি আমাদিগকে সুখ প্রদান কর। শুনাসীর অর্থ ইন্দ্রদেব।

মা বসুন্ধরার অণুতে অণুতে, তনুতে তনুতে, সর্ব অঙ্গে অগণ্য বসু, অসংখ্য রত্ন। ওহে বসুমতীর সন্তান, তুমি যদি সেই রত্ন আহরণ না করিবে, তবে তোমার সন্তানত্ব কোথায় মায়েই বা মাতৃত্ব কোথায়? মায়ের বিশাল বক্ষজোড়া ছুধের সমুদ্র। অমৃতের ভাণ্ডার তুমি যদি সেই ভাণ্ডার না চিনিলে তবে তুমি অন্ধ, তুমি যদি অমৃতের সন্ধান না পাইলে তবে তোমার মৃত্যু। অমৃতের অভাবে তুমি মৃত। ওগো বঙ্গবাসী তুমি যে বাঁচিয়া মরা, তুমি যে আজ নিকৃষ্ট অর্থে জীবনমৃত।

বাঙ্গালার সন্তান ফুলে, কলেজে, টোলে, মক্তবে, মাদ্রাসায় শিক্ষালাভ করিবে এবং সেই শিক্ষার বিলাসে নিজের দেশের কৃষিকর্ম ভুলিয়া যাইবে, গোমাতার সেবা বিস্মৃত হইবে, স্বাস্থ্য সঞ্চয়ে অমনোযোগী হইবে, ব্রহ্মচর্যের বাণীতে ঔদাসীন্য প্রকাশ করিবে, শারীরিক শক্তি গাভে বীতস্পৃহতা দেখাইবে এই কি শিক্ষার উদ্দেশ্য? বিশ্ব-বিদ্যালয়ের কেতাবতী শিক্ষার ইহাই কি মুখ্য অভিপ্রায়? সকল দেশের সকল জাতির প্রাচীন এবং বর্তমান তথ্য অনুসন্ধান কর, জানিতে পাইবে কোনো দেশই শিক্ষার মোহিনী আকর্ষণী দ্বারা নিজের দেশের মাটিকে ভুলাইয়া দেয় না অবশ্য যেই দেশে মাটি নাই, সেই দেশের কথা স্মরণ। সেই দেশ হাণ্ডারার থেকে খাত সংগ্রহ করে,

বিজ্ঞানের বাল জীবিকা অর্জন করে। যেই দেশে মাটির অভাব নাই, যেই দেশ-মাতৃকা স্নজলা স্নফলা শস্তশ্রামলা, আজ সেই দেশের সন্তান হাতে পুঁথি লইয়া কৃষিকে ভুলিতেছে। আমাদেরই দেশের রাজার ঘরের সন্তান রাজর্ষি জনক একদিন এক হাতে নিয়াছিলেন বেদ, এক হাতে লাঙ্গল। রাজার ছেলের সেই মহান্ আদর্শ কি আমরা গরীবের ঘরের ছেলেরা অবহেলা করিয়াই চলিব?

আর শিক্ষার উদ্দেশ্য যদি একমাত্র চাকরী হয়, বিশ্ববিদ্যালয়ের ছই এক দরজা উত্তীর্ণ হইয়া যদি চাকরী গ্রহণই লক্ষ লোকের লক্ষ্য হয়, যদি বাঙ্গালার হাজার হাজার পাশ করা ছেলে চাকরী কোথায় চাকরী কোথায় বলিয়া হা-ছতাশে গগন পবন বিদীর্ণ করে, তবে বঙ্গবাসীকে আজ অধস্ত বসিতে হইবে। বিজ্ঞদিগের বাক্য এখন আর কেউ শুনে না, বাণিজ্য ও কৃষিকর্মদ্বারা যে দেশের উন্নতি হইতে পারে তাহা আর স্মরণ করে না।

বাণিজ্যে বসতে লক্ষী শুদর্শকঃ কৃষিকর্মেণি।

তদর্শকঃ রাজসেবায়াং ভিক্ষায়াং নৈব নৈব চ ॥

এই সমস্ত উপদেশজনক বাক্য এখন বঙ্গবাসীর নিকট অশ্রদ্ধেয়, অপাঙ্ক্তেয়।

সাহিত্যের রচনার ভার যাহাদের হাতে তাঁহাদের অধিকাংশই এখন যৌনতত্ত্ব নিয়ে ব্যস্ত, কেউ বা সামাজিক ও পারিবারিক সমস্যা বর্ণনে পটু অর্জন করিতেছেন। বাঙ্গালার যেই পল্লীর কোলে শতকরা নব্বইজন লোকের বাস সেই পল্লী-সাহিত্য রচনার কাহারও লেখনী চাণিত হয় না, যদিইবা কাহারও কাহারও ক্ষুদ্র গল্পে সাধারণ দরিদ্র গ্রন্থের বর্ণনা পরিদৃষ্ট হয় তাহারও অধিকাংশ মনস্তত্ত্বের সমাধানেই পরিসমাপ্ত। বাঙ্গালার নানা অভাব অভিযোগ কি প্রকারে সমাধান প্রাপ্ত হয় সেই বিষয়ে কোনও সাহিত্য বড় দেখা যায় না।

বাংলা দেশের শস্তভূমি আজ কচুরিপানার প্রবল আক্রমণে বিধ্বস্ত হইতেছে। সাহিত্যিকের সাধনা এই সমস্যার সমাধানে গুস্ত হইলে বোধ হয় বাংলার অধিকাংশ শিক্ষিত যুবক কচুরিপানার ধ্বংস সাধনে যত্নবান হইত। কাহারও গ্রামের পার্শ্বে কিংবা নিজ বাড়িতে হস্ত মালেক-রিয়ার আবাসভূমি হস্ত বড় বন জঙ্গল রহিয়াছে। গ্রামের

কোন বিশেষ উৎসবে জীর্ণ পুরাতন লোককে আবার তরুণ করিয়া তোলে। সাপ্তাহিক শিশুপুত্রের মুখ দেখিলে মৃত পুত্রের স্মৃতি একটা বিগত হৃৎ কাহিনী লইয়া সম্মুখে আসিয়া দাঁড়ায়। আজ যদি তাহার সেই প্রাণপ্রতিম ছয়পত্র জীবিত থাকিত তাহারাও ত এই শোভাযাত্রায় যোগদান করিত। একটা নয়, দুইটা নয়, ছয় ছয়টা পুত্র—কুলের দীপ কালের বাতাসে নিভিরা গিয়াছে। এ লক্ষ্মীন্দরে এই বা ভরসা কি ?

বর্ষার মেঘের মত দারুণ সন্দেশ আসিয়া সদাগরের মনে হানা দিতেছিল। ক্রমে ছয় পুত্রের জীবন শূন্য দেহ—তাহাদের অস্তিম বিদায় বানী মনের মধ্যে জাগিয়া উঠিতে লাগিল। শোক স্রোত যেন দ্বিগুণ বেগে তাঁহার বুকে বর্ষার পাতার ভাঙ্গিয়া দিতেছিল। বাহিরে উগ্র প্রফুল্লতা দ্বারা সেই রুদ্ধ স্রোতের মুখে পাষণ চাপাদিয়া চন্দ্রধর অন্তরঙ্গ বন্ধুগণের সঙ্গে পাশা খেলা জুড়িয়া দিলেন।

তাঁহার পশ্চাতে পতাকা বাহী ও আশাসোটাধারী পদাতিক সৈন্তের তের খানি ডিগা। তাহার পশ্চাতে দশখানি ডিগাতে নট নটীগণ নাচিতে নাচিতে চলিয়াছে। উপরে স্বর্গ দণ্ডে চাঁদোয়া তাহাতে মনি মুক্তার ঝালর। নীচে সোণা রূপার চোকি—আবির কুঙ্কমে রঞ্জিত তাহার উপর বিদ্যাধরী তুলা নৃত্যশীলা নর্তকীগণ বিহার করিতেছে। বিবিধ বাস্তবের তালে তালে বেতস লতার মত তাহাদের সুকোমল দেহ ছলিতেছে। তাহার পশ্চাতে চৌদ্দখানি ডিগাতে নহবৎ। উচ্চ গজারির স্তম্ভের উপর আকাশ মঞ্চ কোনটা অর্ধ চন্দ্রাকৃতি কোনটা গম্বুজাকৃতি বিচিত্র পক্ষীর পালকে যে সকল মঞ্চের চালে ছাউনি দেওয়া হইয়াছে। সেই মঞ্চের উপর বসিবার রোসনচকীর দল নহবৎ বাস্তব করিতেছে।

তাঁহার পশ্চাতে দশখানি ডিগাতে বিবিধ বাস্তব। কারা, নাগারা, জগম্প, ঢাক, ঢোল, করতাল—কোলাহলে জলজন্তুগণ প্রমাদ গণিতেছে। তাহার পেছনে বোলখানি ভাঙারের ডিগা। চিনি সন্দেশ পিষ্টকাদি বিবিধ সুরসাল মিষ্ট দ্রব্য পূর্ণ। লক্ষ্মীন্দরের মাতুল রত্নেশ্বর সাধু স্বয়ং ভাঙারী। তাঁহার পশ্চাতে আতসবাজীর কুড়িখানি ডিগা। বাজিকরণ আপন আগুন ক্রীড়াকৌশল দেখাইবার জন্ত রত্নেশ্বর প্রতীকার বসিয়া আছে। তাঁহার পশ্চাতে দশখানি

ডিগাতে বিবিধ রত্ন রহস্য। মাতুল ভালুক সাজিয়াছে। কেউবা বানর সাজিয়া কেউবা বনমাতুল সাজিয়া নানারূপ অঙ্গভঙ্গিতে নৃত্য করিতেছে। জলের উপর এরূপ বিরাট শোভাযাত্রা আর কখনও কেহ দেখে নাই। তামাসা দেখিবার জন্ত নদীর পারে লোক ধরে না। কোলাহলে আকাশ পূর্ণ হইয়া গিয়াছে। দাঁড়ের টানে নদীতে প্রলয় উপস্থিত। চেউয়ের আঘাতে নদীর পাড় ভাঙ্গিয়া পড়িতেছে। কাল কোলাহল মহাসমুদ্র পর্য্যন্ত পৌছিয়া বরুণ দেবের প্রবাল মন্দির কাঁপাইয়া তুলিয়াছে। রাখাল বালকেরা পান চিনির জন্ত ভাঙারের নৌকার পাছে পাছে ছুটিয়াছে—বরের বাপের নামে নানাপ্রকার অশ্লীলছড়া বাঁধিয়া গাহিতেছে। রত্নেশ্বর সাধু তাহাদিগকে চিনি ও পান রসাল মিষ্ট দ্রব্য দ্বারা বিদায় করিলেন। ছেলেরা উন্টো সুর ধরিয়া চলিয়া গেল।

আসন্ন সন্ধ্যায় সেই বিশাল অর্ণবপুরী যাইয়া উজানী বাটে লাগিল। হস্তি ঘোড়ার মিছিল করিয়া উজানীর লোক বরযাত্রীগণকে অভ্যর্থনা করিয়া লইবার জন্ত আসিল। দুই উচ্ছ্বসিত মহাসিন্ধু যেন পরস্পর মিশিয়া গেল। আতসবাজীর নৌকা হইতে রাজকরণ বাজী ছাড়িতে লাগিল। হাতী, শিলে, পঞ্চমুখী, জালামুখী, আকাশ প্রদীপ শূন্যধুম প্রভৃতি কত রং বেরংঙ্গের বাজী—আকাশ চাম্পা আকাশে শত শত সুবর্ণ চাম্পাফুল ফুটাইয়া তুলিল। আসমান তাঁরা নভোমণ্ডলে কোটা নক্ষত্রের মালা রচনা করিল। কদম্বক্রম, চন্দ্রক্রম শূন্যপথে উঠিয়া কোটাচন্দ্রের উদয় দেখাইল। তাহাদের কোনটা অর্ধচন্দ্র কোনটা ষোলকলাপূর্ণ, কোনটাতে গ্রহণ লাগিয়াছে। শত সহস্র মশালী জলন্ত মশাল হস্তে রাত্রিকে দিবসে পরিণত করিয়া চলিয়াছে। বরযাত্রীগণ কেউ গজে কেউ অশ্বে কেহ বা পাকীতে চড়িয়া উজানী নগরাভিমুখে চলিয়াছেন। মধ্যে সেই প্রিয়দর্শন গন্ধর্বি কুমার তুলা লক্ষ্মীন্দরে রক্তবর্ণ অশ্বে সমাসীন। তাহার মস্তকে মনিমুক্তাপচিত মুকুট—গলায় রাজনের মালা। স্বর্ণখচিত উত্তরীয় বাতাসে ছলিতেছে।



নারী জাগরণের স্বরূপ

(শ্রীবিদ্যাংলতা দেবী)

শুনতে পাই দেশ বিদেশের নারীগণ জেগে উঠেছে, শুধু ভারতের নারীরাই ঘুমিয়ে আছে। ভারতের নারীদের গভীর নিদ্রার জগুই নাকি ভারতবাসী স্বরাজ বা স্বাধীনতা কিছুই পাচ্ছে না। কিন্তু আমরা আজও জানতে পারিনি নারীদের জাগরণটা কিরূপ ?

যদি বছর বছর হাজার টাকার পোষাক বদলিয়ে পরাই নারী জাগরণের চিহ্ন হয়, যদি আমেরিকার ধনবতী নারীদের স্তায় কাহারও কাহারও বিশ হাজার টাকার জুতা মোজা পরিধান নারী-সভাতার পরিচয় হয়, তবে তেমন ধারা জাগরণ বা সভাতা আমাদের দেশে আজও যে আসেনি তাহা সত্য।

জাগ্রত নারীরা স্কুলে কলেজে শিক্ষালাভ করবে, পুরুষদের সঙ্গে প্রতিযোগিতা করে পরীক্ষায় পাশ করবে, এবং পরে পুরুষদের স্তায়ই চাকরী গ্রহণ করবে, এই যদি নারী শিক্ষা ও নারী জাগরণের পরিচয় হয়, তবে তেমন শিক্ষা বিস্তার আমাদের দেশে কিছু কিছু আরম্ভ হয়েছে বটে।

কিন্তু যে শিক্ষায় নারীকে পুরুষেরই স্তায় চাকরী গ্রহণ করতে হয়, এবং প্রাতে দশটা থেকে বেলা পাঁচটা পর্যন্ত কর্মস্থানে কাল কাটাতে হয়, সেই শিক্ষায় নারীর নারীত্ব ও মাতৃত্ব থাকতে পারে কিনা তাতে আমাদের সংশয় আছে।

নারী যদি দিবসের অধিকাংশ সময় চাকরী করে' কাটান এবং ভোরে বিকালে বিশ্রাম করেন অথচ প্রাতে ৮টার ঘুম থেকে উঠেন তবে গৃহের কর্তৃত্ব করবে কে ? চাকর ও পাচকের উপর ঘরকন্নার ভার অর্পণ করে' যদি অব্যাহতি লাভ করা যায়, তবে তেমন গৃহস্থের ভাগ্যে আমাদের দেশের সুপক্ব খাদ্য জুটবে কিনা সন্দেহ।

চাকর পাচক ও কি এই তিনের সহযোগে গৃহ মধ্যে প্রত্যাহই ত্রাহম্পর্শ লেগে থাকবে এবং অস্বস্তির অস্ত থাকবে না। হয়ত বা গৃহস্থ বা গৃহিণী কোনো কোনো দিন বাড়ীর অন্ন না পেয়ে হোটেল থেকে ভাত কিনে কিংবা ময়রার দোকান থেকে খাবার কিনে উদর পূরণ করবেন।

যে সন্তান নিজের উদরে জন্মগ্রহণ করেন সেই সন্তানকে ধাত্মীয় তত্ত্বাবধানে রাখলে নারীদের চাকরী বহুয় রাখার সুবিধা হয় বটে, কিন্তু মায়ের মাতৃত্ব যে তাতে একেবারে নষ্ট হয়ে যায় ; সন্তান আপন মাকে মা ডাকতে না পেয়ে, মা ডাকবে কিনা খাই মাকে। আপন মায়ের স্তনধারায় সন্তানের সর্ষ অঙ্গ পরিপুষ্ট না হয়ে, পরিপুষ্ট হবে কিনা কেনা মায়ের কেনা দুধে। একথা শুনলে ও যে দুঃখ হয়।

অনেক ঘরের অনেক ছেলেকে শুনছি মায়ের স্তন থেকে বঞ্চিত করে, মাতৃহারা শিশুর মত বিলেতি দুধ খাইয়ে প্রতিপালন করা হয়, স্বাধীনতার দাপটে দেশের গরুগুলিও বোধ হয় বাঁচবে না।


শুনছি আমেরিকার নারীরা তাদের সন্তানকে স্তনপান থেকে বঞ্চিত করেন এবং তাঁরা বলেন স্তনপান করালে নাকি তাদের স্বাস্থ্য নষ্ট হয়ে যাবে। অল্প দেশের রমণীর পক্ষে বোধ হয় যা ইচ্ছা তা খাটে কিন্তু ভারতের রমণীর তাতো খাটে না। ভারতের রমণী যে মাতৃরূপিণী, আনন্দদায়িণী।

যে সন্তান নারীর শরীরের রক্ত দিয়ে সৃষ্টি হয়, সে সন্তানকে কি মা স্তন থেকে বঞ্চিত করতে পারে ? না, ভারত নারী তা পারে না। ভারত রমণীর মত আদর্শ রমণী বুঝি জগতে নেই। অল্প দেশের রমণীরা শুধু স্বামী নিয়ে ঘরকন্না করে, অস্ত্রা অস্বীয়বর্গ তারা চায় না।

ভারত রমণী তা পারে না, তারা চিরদিন থেকে স্বামীর অস্বীয় পরিজন, শিশুর শালস্রী ও দেবর ভাস্কর নিয়ে ঘরকন্না করে এসেছেন।

এই একতাটাই সে সব চেয়ে ভালবাসে। কিন্তু নারী স্বাধীনতার ভারতে বুঝি আর একালবর্তী পরিবার প্রথা থাকবে না। ভারত রমণী স্নেহ মমতায় জর্জরিতা, ভারত নারী আমরা, আমাদেরও জাগতে হবে বটে কিন্তু সেই জাগরণটা কিরূপে ?

গৃহকর্ম, সন্তান প্রতিপালন, স্বামীর সেবা, শিশুর শালস্রী গুরুজনের প্রতিশ্রদ্ধা, অতিথি সেবা, গো সেবা, গৃহে বারব্রত নিয়ম পালন করা। গৃহে থেকে দেশের তত্ত্ব স্বামী পুত্রের তত্ত্ব কার্যমনোবাক্যে মঙ্গল কামনা করা। এই হচ্ছে নারীর কর্তব্য কাঙ্গ। অথচ নারী গৃহে থেকেই সত্য পুরুষদের সহায়তা করবে, তাঁদের উৎসাহ দিবে।



সপ্তদশ বর্ষ ।

ময়মনসিংহ, পৌষ ৬ মাঘ, ১৩৩৬ ।

একাদশ ও দ্বাদশ সংখ্যা

কামনা

(শ্রীযতীন্দ্র প্রসাদ ভট্টাচার্য্য)

বাল্লিগত মুক্তি, প্রভু, চাইনে আমি চাইন, জগৎপিতা !
 জাতির সাথে যুক্ত হৃদয়, মুক্ত হবো সবার সাধনাতে !
 সবার সাথে বাঁচতে পারি, মরতে হ'লে মরবো সবার সাথে !
 স্বদেশবাসী হেথর মুচি কাম্বাল কৃষক সবাই আমার মিতা !
 স্তব স্তুতি সঙ্কো পূজা আমার কাছে এসব নেহাৎ তিতা !
 হোমার কথা ভাবতে গেলেই মন যে কাঁদে গভীর যাতনাতে !
 সমাজ স্বদেশ জাতির কথাই মরছি ভেবে সারা দিবস রাতে ।
 নিজের স্বার্থ ভোলার মতো রেখো, প্রভু, অটুট তেজস্বিতা !
 দূর করেছি দুঃখ-ভীতি, জাতির সেবায় যায় যেন এই প্রাণ !
 সাচ্চা পথে চলতে পারি, দাও গো এমন বিরাট হৃদয়-বল !
 আর তো, প্রভু, সয় না মোটেই—সয় না তো আর আত্ম-অসম্মান !
 কণ্ঠ নিরোধ, হাত পা বাঁধা, শুক চোখে নাই যে লোণা জল !
 ঠিক দখীচির মতন যেন দুখীর হিতে জীবন করি দান ।
 জগৎবাসীর আশীর্ব্বাদে মনের কবে থামবে কোলাহল !

হেড মাস্টার বাবু

[শ্রীবীরেশ্বর বাগচী বি, এ]

মৌলবী সাহেব এসে বারান্দার নীচে দাঁড়িয়ে, উদ্ভাসিত হাতে হেডমাস্টারের পানে চেয়ে হাঁপাতে হাঁপাতে বললেন—
“আজ আমার সন্ধাননাশ হয়। গিছে— ময়দানে এটা হাঁপা ছিল, কলিমদি চেঁরা সেডা চুরি কর্যা পলাইছে। হেডমাস্টার ছাড়া আর সবারই মুখে সহানুভূতি ফুটে উঠল। তিনিই হেসে বলেন—“আমি কি করি! স্বজাতীর সহানুভূতিই নিয়েছে এর আবার কথা কি! চুপ করে বসে পড়ুন— আর পারুন ত তার একটা গুরু আপনি ও সরিয়ে পড়ুন গিয়ে, বাধনের গোড়ায় বাধন পড়ুক!” শুনে মৌলবী সাহেব চটে বলেন— এডা কি কন ছার! আমার তিনশ বছর— আমি খোদ এটা এলেম আদমী— আমি চুরি করি গুরু! আমাকে কাল ক্যাজুয়েল বিদায় মঞ্জুর করেন। ফজরের ওক উঠে আমি খানায় এজাহির দিতে চলে যাব।” গভীর হয়ে হেডমাস্টার বলেন— “তা পার্কনা— আপনি বেতনবৃদ্ধির দরখাস্ত করেছেন, ওদিকে আবার আপনার বিরুদ্ধে পাল্টা আরজী পড়েছে, যে আপনি আমাদের Persian translation এর খাতা বাড়ী নিয়ে চলে গেলেন কালী দিয়ে correct করেন না। কাল এই তদন্ত কর্তে সেক্রেটারী বাবু ইস্কুলে আসবেন। অভিযোগ মিথ্যা হলে আপনার মাইনে বাড়বে। চাকরী কর্তে কাল হাজির থাকা নিতান্তই দরকার। পাল্টা আরজীর কথা সত্য নয়। কেউ মাইনে বাড়ার দরখাস্ত করলেই কোন রকমের একটা চক্রান্ত করে তাঁর মাইনে ডা বন্ধ করে দেওয়াই হচ্ছে তাঁর বরাবরের অভ্যাস। মৌলবী সাহেবের ব্যাপার ও ঠিক তাই।

বিরুদ্ধ আরজীর কথা শুনে মৌলবী সাহেব অত্যন্ত স্নিগ্ধ হয়ে বলেন— ছয় সাত খাম্ব খাতা তা আর— বাড়ী দি যাব ক্যান—কেলাসে বস্তাই সার্যা ফেলি। হেডমাস্টার বলেন— “সে কথা কাল বলবেন। মৌলবী সাহেব কহরে বললেন—“তালি যে আমার খানায় যাওয়া হয়।” সহানুভূতিসূচক কহরে শচীন্দ্র বাবু বলেন— আপনার ভয়ের যাওয়ার দরকার নেই। একটা দরখাস্ত লিখে

বাঙ্গলার লিখলেও চলবে— লোক মারকত খানার পাঠিয়ে দিন।” আখহ হয়ে মৌলবী সাহেব বললেন— আচ্ছা, তাই গে করি।

মৌলবী সাহেব ক্রমপদে বাড়ী মুখে রওনা হলে শ্বেষপূর্ণ কণ্ঠে হেডমাস্টার বলেন— শচীন্দ্র বাবুর ত দেখছি বেশ legal advise gratis দেওয়ার অভ্যাস আছে।” শচীন্দ্র বাবু কোন কথা বললেন না। কবির দাঁড়িয়ে বললেন— ভাল কথা মনে হয়েছে—আমার গাইটাও মাঠে বাঁধা রয়েছে— চাকর গিয়েছে বাড়ী—দেখিগে সেটা আছে কিনা। তাহলে বুঝলেন হেডমাস্টার বাবু, কাল যেন আমার রসিদ পাই। হেসে হেডমাস্টার বলেন নিশ্চই পাবেন।”

এই সময়ে একজন ভদ্রলোক এসে জিজ্ঞাসা করল— হেডমাস্টার মহাশয়ের এই বাড়ী! “কবির কবাব দিলেন—হাঁ। তার পরে হেডমাস্টার বাবুর কাঁধে হাত দিয়া বলেন—“ইনিই হচ্ছেন, আমাদের হেডমাস্টার বাবু।” ভদ্র লোকটি হেডমাস্টারের পানে চেয়ে কপালে দুই হাত ঠেকিয়ে নমস্কার করে বলল—“আনি আপনারই কাছে এসেছি।” প্রতি নমস্কার না করে হেডমাস্টার জিজ্ঞাসা করলেন—“কেন? “কুলে নাকি একজন Asst teacher এর post vacant আছে?”

“হাঁ”

“আমি একজন Candidate—application লিখে এনেছি আপনার হাতে দিতে পারি কি?”

“বেশ দিন।” ভদ্র লোকটি application দিল; হাতে নিয়ে হেডমাস্টার বাবু বললেন—“উপরে উঠে এসে বসুন— কথাবার্তা বলা যাক।” ভদ্রলোক উপরে উঠে এলেন। অগ্রাগ্র শিক্ষকেরা তখন যাওয়ার জন্তে উঠে দাঁড়ালেন। হেডমাস্টার বাবু কালাচাঁদ বাবুর পানে চেয়ে বলেন—“চলেন আপনারা!” কালাচাঁদ বাবু বলেন—হাঁ—সকো হয়ে গিয়েছে। সবাই চলে গেলে হেডমাস্টার বাবু জিজ্ঞাসা করলেন—

“আপনি কি Graduate?”

“আজ্ঞে হাঁ।”

“B. A. তে কি কি Combination ছিল?”

“Sanskrit, Mathematics, Mathematics & Honours” ও নিয়মিত।”

fight কর্তে চান কর্কেন, কিন্তু অতটা stoop down কর্কেন না।” হেডমাষ্টার তর্ক ধরলেন—“যদি শেষকালে একটা resolution হয়ে যায়। তখন ও school কেই suffer কর্তে হবে।” সেক্রেটারী বললেন—“আমিত oppose কর্কই—আমার সঙ্গে আরও ছ চার জনও হয় ত কর্তে পারে—তা সত্ত্বেও যদি হয়ে যায় যাবে। বুঝব ভদ্রলোকের বরাত ভাল।” হেডমাষ্টার এ সম্বন্ধে আর কিছু না বলে জিজ্ঞাসা করলেন—“oppose করার সময়ে আমাকে expose কর্কেন না ও?” হেসে সেক্রেটারী বললেন—“আরে না—না তা’লে কি কাজকর্ম চলে! সেক্রেটারীর কাছে হেডমাষ্টার Confidential report সর্কদাই কর্কেন কিন্তু সেক্রেটারী তাঁকে কখখনো expose কর্কেন না—এই হচ্ছে দস্তুর।” বলে সেক্রেটারী হাসতে লাগলেন। আশ্চর্য হয়ে হেডমাষ্টার বললেন—“মৌলভী সাহেবের কেসটা এখন গিয়ে enquiry করলে ভাল হয়।” সেক্রেটারী জিজ্ঞাসা করলেন—“এখানে তাঁকে ডাকবেন?” হেডমাষ্টার জবাব দিলেন—“ক্লাসে গেলে কি ভাবে কাজকর্ম করেন, তা দেখারও একটা সুবিধা হতে পারে।” সেক্রেটারী যেতে স্বীকৃত হলে, হেডমাষ্টার দপ্তরীকে ডেকে মৌলভী সাহেবের ক্লাসে আরও দু’খানা চেয়ার দিয়ে আসতে বলে, সেক্রেটারীকে নিয়ে বর থেকে বেরলেন।

তারা মৌলভী সাহেবের ক্লাসে দরজার সামনে যেতেই তিনি উঠে দাঁড়িয়ে সমস্তমে “আদাব আরজ” করলেন—ছেলেরা সবাই তাঁর অনুকরণ করল। ক্লাসে সাত আট জনের বেশী ছেলে ছিল না। দু’খানা চেয়ার ইতি পূর্বেই দপ্তরী দিয়ে গিয়েছিল। সেক্রেটারী এবং হেডমাষ্টার উভয়েই বসে মৌলভী সাহেবকে এবং ছাত্রদেরও বসার অনুমতি দিলেন। সবাই বসলে, সেক্রেটারী বললেন—“মৌলভী সাহেব, আপনার বিরুদ্ধে একটা অপ্রীতিকর অভিযোগ শুনতে পাওয়া যাচ্ছে। আপনি নাকি ছেলেদের translation এর খাতা বাড়ী নিয়ে গিয়ে লাল কালি দিয়ে শুদ্ধ করে দেন না।” মৌলভী সাহেব বললেন—“ছয় সাত খান খাতা, ছার, এখানে বসাই সার্যা ফেলি।” সেক্রেটারী বললেন—“তাই আমি দেখতে এলাম, এখানে বসে সে

ফেলা সম্ভবপর হয় কি না। আপনি translation কর্তে দেন আমরা বসে দেখি।

কোন কথা না বলে মৌলভী সাহেব চেয়ার থেকে উঠে ছাত্রদের সম্বোধন করে বললেন—“লাহো, ট্যান্সেলেট ইন্টো ফারছী লাহো ফচর ফচর লাহো—খুব ছসিয়ার!’ ছেলেরা খাতা পেন্সিল নিয়ে তৈরী হলে, আরম্ভ করলেন—“পইলা দফে লাহো, করদেঘোনা পাঁচীরের ইমারত গুলা বড় খাপ্ ছুরত্ দেহাইতেছে।” একটা ছেলে তাড়াতাড়ি লিখে বলল—“হয়েছে, স্মার”। বাকী ছাত্রেরা তখনও লিখছিল। তাদের উপরে বিরক্ত হয়ে মৌলভী সাহেব ধমক দিলেন—“ফচর ফচর লাহো—তোমরা বড় নালায়েক হইছে?” ছাত্রেরা ষাড় নাড়লে, মৌলভী সাহেব দ্বিতীয় দফা শুরু করলেন—“যাহার সঙ্গে পাছাড়্ ধরিয়া না পারিবা তাহাকে ছর হইতে টিলা মারিয়া দৌড় দিবা।” লেখা সারা হলে বললেন “লাহো—তাদের মাসে কদাচ গোসল করিবা না পানীতে অধিক ডুবাইলে জর বেমারী হইতে পারে। ফচর ফচর লাহো।” এই পর্যন্ত শুনেই হেডমাষ্টার এবং সেক্রেটারীর পক্ষে হাসি চেপে রাখা কঠিন হয়ে উঠল। কোন রকমে গাঙ্গীর্য্য বজায় রেখে সেক্রেটারী বললেন—“চট্ পট্ সেরে ফেলুন—বেশী লম্বা করার দরবার নাই।” মৌলভী সাহেব বললেন—“হঃ তাই করি লাহো ময়দানে বাঁধা গরু চুরি করা ভাল নয়। চুরি করিলে ফাটক হইতে পারে। পারদ পক্ষে কদাপি চুরি করিবা না।” হেডমাষ্টার অল্প একটু হেসে বললেন এখন থামলে হয়না।” মৌলভী সাহেব বললেন “হঃ এই, আর এটা লাহো ফচর ফচর লাহো “পুলিশের দারোগা দেখিলে ছর হইতেই সেলাম করিবা কারণ উহারা হামেসাই আদমীগণকে তক্লিক্ দিক্ থাকে। আর না” ট্যান্সেলেট ইন্টো ফারছী লাহো—কচর কচর দেরী মৎকরো।

মৌলভী সাহেব বসলে, সেক্রেটারী বললেন—“ওদের Persian translation কর্তে দিলেই পারেন!” মৌলভী সাহেব জানালেন যে প্রায়ই তা দেওয়া হয়ে থাকে, তবে আজ তাঁরা এসেছেন বলে, তাঁদের সম্মানার্থে গোটা কয়েক উপদেশ মূলক কথা অনুবাদ কর্তে দেওয়া হল। উপদেশের নমুনা শুনে সেক্রেটারী বড়ই কৌতুক অনুভব করিলেন;

দানের গোরবের ভিতরই নিজকে অমর করিতে চাহিল ও পরবর্তী লোকদের শ্রদ্ধা ও বিশ্বয় আকর্ষণ করিতে চাহিল তখন হইতে ইতিহাস রচনার প্রথম সূত্রপাত হইল। যদি লিখিত অথবা মৌখিক কোনরূপ ইতিহাস না থাকিত তাব ইতর প্রাণীরা যেমন তাহাদের প্রত্যেকের জীবনের সঞ্চিত জ্ঞান ও অভিজ্ঞতা পরিবর্তিদের জন্য রাখিয়া যাইতে পারে না এবং প্রত্যেককেই আবার অজ্ঞানতা লইয়া জীবন আরম্ভ করিতে হয়। সেই রূপ অজ্ঞাপিও মানুষ তাহার আদিম অবস্থায় থাকিত। প্রাগৈতিহাসিক যুগের কাহিনী লোকের মুখে ২ গল্পাকারে রচিত ও প্রচারিত হইত। পরে সেই কাহিনী গাঁথার আকার ধারণ করিল এবং গায়ক ও চারণের মুখে মুখেই গীত হইয়া পরবর্তী লোকদের কৌতুহল নিবারণ করিয়া পূর্বসূরীদের জন্য বিশ্বয় ও শ্রদ্ধা আকর্ষণ করিতে লাগিল। অতঃপর সেই সকল গাঁথা গ্রন্থকারে লিপিবদ্ধ হইল ও সাধারণের ভিতর বহুল প্রচারের ব্যবস্থা হইল। ভারতের প্রাচীন ইতিহাস রচিত হইল ভূজ্ঞা পত্রে কিন্তু প্রচারিত হইল পর্ষত গায়ে ও শিলা লেপে। মিশরের ইতিহাস লিখিত হইল পেপিরমে কিন্তু খোদিত রহিল পিরামিডের গর্ভ গৃহে। এই রূপে প্রাচীন কালে সভ্য বা অসভ্য সকল দেশে ইতিহাস রচিত হইল এবং প্রকৃতির গায়ে অঙ্কিত রহিল। কাল ক্রমে রচিত ইতিহাসের অনেক কিছুই ধ্বংস প্রাপ্ত হইল, কিন্তু প্রকৃতির গায়ে অঙ্কিত ইতিহাসের কতক কতক পারিপাশ্বিক চিহ্ন অর্ধ বিলুপ্ত অবস্থায় রহিয়া গেল। এই সমস্ত ভগ্নাবশেষ হইতে আবার লুপ্ত ইতিহাসের পুনরুদ্ধার আরম্ভ হইল। এই নব জীবনের মুহূর্ত্তেই ইতিহাসের বৃহত্তর গাণ্ডী পণ্ডিত সমাজে স্বীকৃত ও আদৃত হইল। এই পুনরুদ্ধার কার্যে যে প্রণালী ব্যবহৃত হইল, তাহাই ঠৈজ্ঞানিক প্রণালী বলিয়া স্থিরীকৃত হইল। এই ক্ষেত্রে অবশ্য বলা আবশ্যিক যে প্রমাণের অভাবে বিস্তৃত ইতিহাসের হয়ত সবখানি আবিষ্কৃত হয় নাই; ভবিষ্যতে হইতে পারে।

ইতিহাসের যতটুকু আবিষ্কৃত হইয়াছে তাহা পাঠে ইতিহাসের কতক সনের অথবা ঘটনার নীরস সমষ্টি বলা চলে না। ভূতত্ত্ব যেমন পৃথিবীর আভ্যন্তরীণ পরিবর্তনাদির কারণ দেখাইয়া দেয়, ইতিহাসও সেইরূপ যুগে যুগে বিভিন্ন

জাতির উপর দিয়া উত্থান ও পতনের যেতরশ বহিয়া গিয়াছে তাহার কারণ দর্শাইয়া সবগুলি ঘটনার ঐক্য সাধন করে।

আর্য্যজাতির উত্থান ও পতন প্রাচীন রোমক সাম্রাজ্যের উত্থান ও পতন লোকের মনে গভীর বিশ্বয়ের রেখা টানিয়া দেয় কিন্তু ইতিহাস মানবের সেই বিশ্বয় অপনোদন করিয়া কঠিন অথচ সরল সত্য কথা দেখাইয়া সবগুলি ঘটনার ঐক্য সাধিত করে।

ঐ ঐক্যবাদের জন্য ইতিহাসকে মানব বিজ্ঞান বলিয়া আখ্যা দেওয়া যাইতে পারে; কারণ ইতিহাস মনুষ্যনীতি সংক্রান্ত কতকগুলি সর্বজনীন ও সর্বকালীন সত্য প্রতিষ্ঠা করিতেছে। এই সমস্ত সত্য মানব প্রকৃতির আভ্যন্তরীণ পরিবর্তন বাস্তব মিথ্যা প্রতিপন্ন হইবেন।

এইরূপ একটা সত্য হইতেছে যে Uniformity of Nature বা প্রকৃতির ঐক্যবাদ। অর্থাৎ মানুষ একযুগে এক এক রকম অবস্থায় যে কার্য্য করিয়াছে। বিভিন্ন যুগে সেই অবস্থায় ও সেইরূপ কার্য্যই করিবে। এই ঘটনার প্রকৃষ্ট উদাহরণ ইংলণ্ড ও ফরাসী দেশের ইতিহাসে পাওয়া যাইবে। ষ্টুয়ার্ট বংশের রাজা প্রথম চার্লস এর অত্যাচারে ও অবিচারে উৎপীড়িত হইয়া জনসাধারণ ক্রম্ভয়েলের নেতৃত্বাধীনে রাজা প্রথম চার্লস্ এর ছিন্ন মূণ্ডের উপর বৃটিশ সাধারণ তন্ত্রের প্রতিষ্ঠা করিল। ক্রম্ভয়েল প্রবল পরাক্রমে শাসন দণ্ড পরিচালনা করিলেন। আবার ক্রম্ভয়েলের মৃত্যুর পর রাজা দ্বিতীয় চার্লস্ সিংহাসনারোহণ পূর্বক সাবধানতার সহিত রাজ্য শাসন করিতে লাগিলেন। বোর্বো বংশীয় ফরাসী রাজা ষোড়শ লুইর মন্তক ও সেইরূপ অত্যাচারিত জন রোষে ধূল্যাবলুষ্ঠিত হইয়াছিল। স্বৈচ্ছাচারি রাজ তন্ত্রের পরিবর্তে ফরাসী দেশে সাধারণ তন্ত্রের প্রতিষ্ঠা হইল। ফরাসী সাধারণ তন্ত্রের নেতা মহাবীর নেপোলিয়ান বোনাপার্ট প্রতাপে রাজ দণ্ড পরিচালনা করিতে লাগিলেন। নেপোলিয়ানের প্রতাপ অস্তমিত হইলে অষ্টাদশ লুই পুনঃ পৈতৃক সিংহাসন প্রাপ্ত হইলেন ও সাবধানে রাজ কার্য্য করিতে লাগিলেন। এই দুই ঘটনার ইতিহাস আরও পর্যালোচনা করিলে আমরা আরও সাদৃশ্য দেখিতে পাইব। রাজা দ্বিতীয় চার্লস্ এর ভ্রাতা দ্বিতীয় জেমস্ স্বীয় অদূরদর্শিতার ফলে প্রজাবৃন্দের মধ্যে বিদ্রোহ সৃষ্টি করিলেন এবং সিংহাসন

তাদের হৃৎখে বেদনা জানানো কি আমাদের কর্তব্য নয়, আমরা ছাড়া তাদের খোঁজ খবর নেবার লোক কে আছে?" চরণের দিকে একটা বিতৃষ্ণাসূচক সুপনাড়া দিয়া বিবেক্ষণী রুদ্রভাবে জবাব দিল কষ্টে পড়েছে বলেই কি ওদের অল্প আমরা নিজেদের ধর্ম খোঁজতে যাব নাকি?—বলি বিধবা খেড়ো মেয়ে হয়েও তুই ধর্ম বলে যে একটা কিছু আছে তাকি মানবিনে।—কতদিন বলেছি ছোট লোকদের ছেলে মেয়েদের স্পর্শ করে অশুচি হোসনে--এই যে সময়ে অসময়ে তাদের কোলেকাঢ়ে নিয়ে নিজের পবিত্রতা নষ্ট করছিস, এর প্রতিকার কি করে হবে শুনি?" "ছোট লোকদের কাছে গেলে, সেবা করলে অশুচি হতে হয় এত বড় কথাটা তুমি কোথা থেকে জানালে মা "ওমা তাকি আর আমি জানি না বামুনের ঘরের বিধবার ছোট লোকের ছায়া মারানোই পাপ, আর কেবল বিধবাই বা বলি কেন ভদ্র ঘরের সকল লোকদের পক্ষেই ত এটা শাস্ত্রের বিধান। এত সবাই মেনে চলে। তুই কেবল অলসী হয়ে জন্মেছিল বলেই—"

এসব বিষয়ে নিজের মাকে পরাভব করা অজিত র পক্ষে সম্ভবও নয় সাধ্যও নয়। ক্ষুব্ধভাবে কতকটা অভিমানের সুরে বলিল "আচ্ছা তোমাদের শাস্ত্রে ত অশুচি হলে চান করে শুদ্ধ হওয়ার প্রথা আছে—আমি না হয় তাই করব। চটপট ওদের অল্প দুটো রেঁধে তারপর বেশ একটু নাইয়ে বাড়ী আসব খন—চল চরণ আর দেবী করে কাজ নেহ,—কষ্টত তোদের আর কিছু কম হয় নি।" মনে মনে দারুণ অসহিষ্ণু হইয়া বিবেক্ষণী বিকৃতভাবে মাথা নাড়াইয়া চেঁচাইয়া বলিল "না না এই মাঘের শীতে রাত্রি বেলায় নাইতে তুই পারবিনে. অজিতা কথাটা আমার শুন্ বলছি। স্থির সঙ্কল্পে অজিতা চরণের সাথে অগ্রসর হইতে হইতে নতুনস্বরে জবাব দিল না মা তোমার এ অস্ত্রের আদেশ আমি মানতে পারব না। অলসী হই আর যা হয় আমার সম্মুখে কর্তী প্রাণী অনাহারে মরবে এ অসহ—এমন সময়ে নিজের ঠুকনো ধর্ম নিয়ে। বসে থাকলে ভগবানের রাজ্যে অপরাধ করা হবে।"

—হুই—

সে রাত্রিতে বাড়ী ফিরিয়া অজিতাকে কোন ঝগড়া-বিবাদে সম্মুখীন হইতে হয় নাই। রাগে হৃৎখে বিবেক্ষণীর স্বদরটা এমনি নিপীড়িত হইয়া রহিয়াছিল যে নিদারুণ ক্রোধে

তার পক্ষে কিছু বলা সম্ভবপব হয় নাই।

পরদিন দুপ্রহরে অজিতা পাড়ার রায়দের বাড়ী বেড়াইতে গিয়াছিল। বিবেক্ষণী সবেমাত্র দিবানিত্রা সমাপন করিয়া বিকালের কাজকর্মে অগ্রসর হইয়াছেন, এমন সময় ওপাড়ার গুনিঝি আসিয়া গল্প জমাইয়া বসিল। পাড়ার মধ্যে এই গুনিঝির প্রতিপত্তি ছিল অসাধারণ। মেয়ে মহলে তাহাকে ছাড়া কোন ক্রিয়া কর্ম সম্পন্ন হইতে পারিত না, অধিকন্তু নানাপ্রকার কানাঘোষার সাহায্যে বড়বন্দ গড়িয়া তুলিতে তার যথেষ্ট হাতযশ ছিল।

প্রাঙ্গনে ঢুকিয়াই কাধেরত বিবেক্ষণীর প্রতি সমবেদনা জানাইয়া প্রশ্ন করিল "দিদি যে বড় একা একা কাজ করে মরছ—তোমার ঘেঁষে কইগা? বৃদ্ধ বয়সে কোথায় বসে বাস দুটা ভাত গিলবে তাও কিনা পোড়া অদৃষ্টে ঘটে উঠছে না। বলি বকাটে মেয়েজীর কি দয়াময়া বলে কোন জিনিষ নেই।" "এই বৃদ্ধ বয়সে কার না সুখভোগের ইচ্ছা হয় বোন, কিন্তু কি করব বল, মেয়ে ত আর আমার কথার বাধ্য নয়। পোড়ামুখিকে সারাদিন কি বকাঝকাই না করছি, কিন্তু শুধরে উঠার কোন লক্ষণই যেন ওর ভিতর নেই। দুপুর বেলা পেয়েদেয়ে সেইয়ে ঘোষেদেব বাড়ীর বড় বউয়ের সাথে দেখা কর্তে যাচ্ছি বলে বাড়ী থেকে বের হয়েছিল কই এখনও ত ফিরলে না! ওকে নিয়ে আমি যে কি করব বোন তাই কেবল ভাবি। "বলি প্রত্যেক দিন এমনি সময় ঘোষেদের বাড়ী বাওয়ার ব্যাপারখানা কি বুঝলে দিদি,—কি করেই বা বুঝবে, ছুড়ী ত আর তোমাকে জানায় কোন কাজ করে না।

বিবেক্ষণী ক্রুদ্ধকিত করিয়া সপ্রশ্ন দৃষ্টিতে গুনিঝির দিকে চাতিয়া রহিলেন। গুনিঝি কিন্তু সুজ্ঞাসুজ্ঞি ব্যাপারখানা বলিবার পাত্রী নয়, সে বেশ ককটু ঘোরাফেরা করিয়াই ব্যাপার খানা বলিতে আরম্ভ করিল "ত্রাস্ত্রণ বিধবার মেয়ে ও নিজে বিধবা হয়ে কিনা ছোট লোকের মেয়ে ছেলেদের বলতে আমার বেঁধে আসছে দিদি, এর চেয়ে বাড়ী পাপ কি আর জগতে আছে?" বিবেক্ষণী নিদারুণ ভাবে নিজ ভীত দৃষ্টিটা গুনিঝির দিকে স্থাপন করিয়া বলিল "প্রত্যেক দিন দুপুর বেলা ঘোষেদের বড় বউয়ের সাথে দেখা করতে যাচ্ছি বলে চলে যায় আমি কি আর ছাই কোন খোঁজ খবর রাখি?"

প্রাণ আজ অতিষ্ঠ হইয়া উঠিল। করুণার অশ্রু আবেগ বোধ কবা তাহার পক্ষে অসম্ভব হইয়া দাঁড়াইল—কণ পরেই যে মায়ের অজ্ঞাতে চরণের হাত ধরিয়া সে মণ্ডলদের বাড়ী আসিয়া উপস্থিত হইল তাহা কেহ জানিতেও পারিল না।

—ছয়—

সন্ধ্যার অন্ধকার ঘনাইয়া আসার পূর্বেই পরাণ মণ্ডলের স্ত্রী দেহত্যাগ করিল। ছেলেমেয়েদের বুকফাটা ব্যায় বিচলিত হইয়া ইতর ভদ্র নির্বিশেষে জীপুরুষ মিডিয়া চরণদের বাড়ীর কাছে উচু জায়গায় আসিয়া দাঁড়াইল। কারো না হটক মুখেয় সহানুভূতির তখন আর এতটুকু অভাব সেই জনতার ভিতর ছিল না। গুনিবিরও তার সেই লাঠিগানায় ভর দিয়া উপস্থিত ছিল। এই একটা শোচনীয় মৃত্যুর জন্ত তাহার কথাবার্তা আর ভারাক্রান্ত হইয়া পড়িয়াছিল।

বাড়ীর কাছে সন্ধ্যা বেলায় এমনি একটা ব্যাপার ঘটয়া গেল, বিস্ময়করও একটাবার না আসিয়া পারিলেন না। গুনিবির দিকে আগাইয়া আসিয়া তাহাকেই উদ্দেশ্য করিয়া তিনি বলিলেন “বাড়ীর কাছে এমনি সময় এক বিপৎপাৎ হল, ভাবলুম একটীবার দেখে গিয়ে না হয় নাইয়েই বাড়ী ফিরব। আহা! চরণদের এই বিপদে এদের একটা স্বজনও বুঝি দেখতে এলে না! ছেলেমেয়েগুলির কিহু...। কিহু আর কিছু বলা সম্ভবপর হইল না। এতক্ষণে তাহার দৃষ্টিটা ওবাড়ীর উঠানটার দিকে গিয়া পড়িয়াছিল। বজ্রাহতের মত বিস্ময়করী দেখিলেন চরণের মার মৃতদেহটার পাশে শোকাচ্ছন্ন ভাবে অজিতা বসিয়া, পরাণ মণ্ডলের ছ’বছরের সেই ছোট মেয়েটা কিনা তাহারই কোল আঁকড়াইয়া পড়িয়া রহিয়াছে।

নৌকা বাইচের সাড়ি

[শ্রীদেবেন্দ্রকুমার কাব্যতীর্থ]

নৌকা বাইচ একটা আমোদ জনক ব্যাপার। উহা পূর্ববঙ্গের প্রায় অনেক জায়গায়ই অল্প বিস্তর প্রচলিত আছে। তন্মধ্যে ভাটী অঞ্চলের নৌকা বাইচের বেশ একটা বিশেষত্ব আছে। ভাটী অঞ্চলে নৌকা বাইচের অপর নাম “আরঙ্গ”।

কোন দিন কোম জায়গায় আরঙ্গ জমিবে তাহার নির্দিষ্ট তারিখ আছে। শ্রাবণ মাসের শেষ দিন হইতে ভাদ্র ভরা এই আরঙ্গ হইয়া থাকে।

শুনা যায় পূর্বে ছই তিন শত পর্যন্ত দৌড়ের নৌকা জমাট হইত। এখনও শ দেড়শ নৌকা হইয়া থাকে। দৌড়ের নৌকাগুলি সাধারণত ৫০।৬০ হাত পরিমাণ। তাহাতে ছই দিকের গুড়ায় ছই সার লোক ছোট ছোট বইটা নিয়া বসে। হাইলের দিকে ৫।৬ জন খুব জোরান এবং শ্রম সহিষ্ণু ব্যক্তি থাকে, তাহাদের উপরেই নৌকার হার জিতের সম্পূর্ণ ভার। নৌকাগুলিকে সুন্দর স্থায়ীরংয়ে সাজান হয়।

কাহারও কাহারও নৌকার পূর্বভাগ ঠিক ময়ূরাকৃতি তাহাতে ২২ থাকায় অত্যন্ত সুন্দর দেখায়। এক একখানা নৌকার রং দিতে ২০।২৫ টাকারও অধিক ব্যয় পড়ে।

বর্ষাকাল চারিদিক জমে প্রাবিত থাকায় দর্শকগণের ও নৌকাতেই আরঙ্গ যাইতে হয়। আরঙ্গের স্থানে ছই দিকে শ্রেণীবদ্ধ ভাবে দর্শক মণ্ডলীর নৌকা গুলিকে রাখা হয়। মধ্যভাগ দিয়া বাইচের নৌকা গুলি ঠিক এক সময় হুহু করিয়া ছাড়ে। তখনকার দৃশ্য বাস্তবিক প্রাণে বেশ আনন্দ প্রদান করে। কাহার নৌকা সর্বাগ্রে নির্দিষ্ট স্থানে নীতে পারিবে তজ্জন্ত বাহকগণ প্রাণপণে বইটা চালায়। যাহার নৌকাখানা সর্বাগ্রে গেল, তাহারই জয় হইল। সর্বাগ্রগামী নৌকা ফিরিবার সময় ধীরে ধীরে বাহিয়া আনা হয়। সব ভাইকে দেখাইবার উদ্দেশ্যে নৌকার আগায় একখানা নূতন কাপড় অথবা গানছা পাতা হয়, তাহাতে দর্শক শ্রেণীর মধ্যে যাহারা নৌকা বাইচের শেষ সীমা পর্যন্ত দেখিতে পার নাহি তাহারাও বুঝিল যে কাপড় দেওয়া নৌকাই জয়ী হইল। অনেক সময় অতি দ্রুতগামী নৌকা গুলির উচ্ছ্বসিত জল প্রবাহে কাঁড়ারী কিছুই দেখিতে পায়না বলিয়া কাঁড়ীর ঠিক রাখিতে পারে না।

তাহাতে দর্শকদের নৌকার মধ্যে বাইচের নৌকা উঠিয়া দর্শকদিগের নৌকা ডুবাইয়া দিয়া তাহাদিগকে মহানিপদগ্রস্ত করিয়া তুলে। বাইচের নৌকার নৌকার ঠেসাঠেসী ত প্রায়ই ঘটে, ফলে বিবাদের সূত্রপাত, শেষে বাইচের স্থান মাথার রক্তে লাল হইয়া যায়, তখন দর্শক মণ্ডলী কে কোথায় পলায়ন করিবে এই দৃশ্য ভয়ানক দেখায়। বিবাদ হওয়ার সম্ভাবনা খুবই আছে, তজ্জন্ত সকল বাইচের

(১)

কোন কোন সখি তোরা যাবে গো জল ভরিতে,

(ওগো) জল ভরিতে (ওগো) জল ভরিতে ।

সাজিয়া চল গো সখি জলের ঘাটে যাই,

(হাঁ হাঁ বেশ)

যে ঘাটে ভরিব জল সেই ঘাটে কানাই । (গো)

জল ভর সুন্দরী কণ্ঠা জলে দিয়া ঢেউ,

(হাঁ হাঁ বেশ)

হাসি মুখে কও কথা ঘাটে নাই কেউ । (গো)

জল ভর সুন্দরী কণ্ঠা জলে দিয়া মন,

(হাঁ হাঁ বেশ)

কাইল যে কইচলাম কথা আছেন স্মরণ । (গো)

আমেরিকার পত্র

[শ্রীআবদুল কাদের]

নমস্কারান্তে নিবেদন—

চক্রবর্তী মশাই !

আপনার চিঠি যথা সময়ে পেয়েছি, কিন্তু ইহার উত্তর দিতে দেরী হল, তজ্জন্ত ক্ষমা ভিক্ষা চাই । আমরা এখানে যত লোক আছি, তন্মধ্যে অধিকাংশ অর্থাৎ শতকরা ৯৫ জন খেটে খাই ও মজুরের কাজেতে বা এই রকম কাজেতে যেখানে কাজ খালি থাকে আমাদেরকে নিয়া নেয়, তাতে কোন পার্থক্য রাখে না । আমরা যত পয়সা বাঁচাতে পারি অগ্ৰাণ লোকে অর্থাৎ এই দেশের লোকেরা তা বাঁচাতে পারে না ; কারণ তাঁরা পরিবার নিয়ে বা মাতাপিতার সঙ্গে থাকে ; কাজেই বেশী খরচা, তবে এ দেশের লোকও অনেক পয়সা বাঁচায় ; তারা আমাদের চেয়েও ভাল কাজ করে ও বেশী পয়সা পায় । আমরা অবিহিত ও এক সন্দেহ তিনজন করে থাকি ; আর এক একটা ঘরের ভাড়া, ৫০।৬০।৭০ টাকা ইত্যাদি যে যেমন ঘর চায় সেই অনুসারে ভাড়া দিতে হয়, সাধারণতঃ দুই শ্রেণীর ঘর আছে; Steam-heated and not steam heated. Steam heated ঘরগুলার ভাড়া তুলনা হিসাবে অধিক । প্রত্যেক ঘরেতে

লোহার নল আছে ও সেই নল দিয়ে Steam আসে, যখন Steam আসে তখন নলটা খুব গরম হয়ে যায় ৭ সেই গরমেতে ঘরগুলো গরম হয় ও শীতেতে কষ্ট পেতে হয় না । যে ঘরেতে Steam heat নাই সেই ঘরেতে যারা থাকেন তাঁরাই gas stove কিনে gas জালিয়ে ঘর গরম করে । এখানে প্রত্যেক ঘরেতে gas and electric বন্দোবস্ত আছে ও সেই সঙ্গে metre আছে । gas জালিয়ে রান্না হয় ও electric বাতির কাজ করে । আবার কোন কোন স্থানেতে যেখানে নগর ছোট ; সেখানে, কয়লার Stove ও কোরাসিন তেলের Stove ব্যবহার করে ; এই সব Stoves এমন ভাবে তারা বসিয়ে দেয় যে ঘরের মধ্যে একেবারেই ধূম হয় না । অগচ ঘর বেশ গরম হয় । এখানে কাঠ পোড়ান হয় না ও gasতে খুব কম ও খরচা পড়ে । এখানে ৪ তালা হতে ৬৩ তালায় ঘর আছে ও প্রত্যেক ঘরেতে ১২টা পরিবার থেকে ১০০টা পরিবার থাকবার ব্যবস্থা আছে । প্রত্যেক পরিবারের জন্ত নির্দিষ্ট সংখ্যা কামরা বন্দোবস্ত ও তৎসহ পাঠখানা ও স্নান করবার ঘর নির্দিষ্ট । এই সব থাকবার জন্ত ব্যবস্থা । এ দেশেতে প্রত্যেক জিনিষ পাওয়া যায় । যাঁরা নিরামিষ খান তাঁরা শাক সবজি কিনে রেঁধে খেতে পারেন রেঁধে না খেলেও Restaurant অর্থাৎ হোটেলেতে গিয়ে খেতে পারেন । যেখানে সেখানে হোটেল আছে, কারণ হিন্দু বা মুসলমানদের মত ইহারা কিছু বাচে না ; যেখানে পাবে সেইখানে থাকবে ও যাঁরা সর্ক-ভক্ষক তাঁদের জন্তই ত অগাধ জিনিষপত্র । অবশ্য আমাদের দেশের গজা এখানে পাওয়া যায় না—তবে সেই প্রকারের মিষ্টান্ন :আছে তাকে এ দেশেতে Candy বলে । এখানে পোষাক পরিচ্ছদের দর আমাদের দেশের অপেক্ষা অনেক অধিক । ৪০ টাকা হতে ১৫০ টাকা দাম । ৪০ টাকার নীচে পোষাক পাওয়া যায় না । পোষাক অর্থাৎ কোট প্যান্ট ও মেয়েদের পোষক কাচাতে এক ডলার অর্থাৎ ২।৬০ আনা থেকে আড়াই ডলার অর্থাৎ ৬।০ পর্যন্ত খরচা পড়ে জামা অর্থাৎ কামিজ কাচাতে ১।০ থেকে এক টাকা খরচা পড়ে । এই ভাবে খরচাও খুব বেশী । এই দেশের খরচা বিলাতের খরচার দেড় গুণ । এ দেশেতে একটা ছেলেকে পড়াতে হলে কম পক্ষে ৩০০

আশাকরি পুত্র পরিবার সহ ভাল আছেন। আমরা ভাল আছি। আমাদের সকলের নমস্কার গ্রহণ করবেন ইতি। *

শিক্ষার আদর্শ

[শ্রীশুরসদয় দত্ত আই, সি, এস,]

আমি এবার এক বৎসরের জন্ত বিলাতে বেড়াতে গিয়েছিলাম। ইউরোপের অনেক দেশে বেড়িয়ে এসেছি। সে সব দেশে সব চুপচাপ—কোন গোলমাল নেই। ট্রেন ষ্টেশানে থামল—মানুষ গাড়ীতে উঠছে নামছে কোন গোলমাল নেই—সব চুপচাপ। জাহাজ ঘাটে লাগল—লোক উঠছে নামছে, কোন গোলমাল নেই, সব চুপচাপ। সেখানেও গোলমাল কখন কখন হয় বটে—তা চাক্রেবা করে এবং পূর্ন হতেই ঠিক করে আসে যে একটা কিছু করবে। তাকে rag অর্থাৎ গুণ্ডামী করা বলে। যেদিন তারা মনে করে যে rag বা গুণ্ডামী করুক সেদিনই করে, তারপর সব চুপচাপ। আগে থেকে চুপ করে থেকে পরে শক্তিপ্রয়োগ কর্তে হয়। আগে গোলমাল করলে পরে প্রয়োগ করার সময় শক্তি থাকে না। জাপানেও এরূপ দেখেছি, সব কাজ হচ্ছে চুপচাপ কোন গোলমাল নেই। যখন ইউরোপ ছেড়ে পোর্ট সৈদে এলুম তখনই কেবলই হৈচৈ, কেবলই গোলমাল। ডেক পেসেঞ্জাররা মারামারী ছড়াছড়ী আরম্ভ করে দিলে। একবার এক জাহাজে এক মাদোয়ারী ও এক মুসলমানে মারামারী লেগে গেল। চাবিদিকের লোক তামাসা দেখতে লাগল, মেম সাহেবেরা হাসবে লাগল, এক সাহেব ক্যামেরা নিয়ে ছবি তুলতে এল। এডেনেও এইরূপ গোলমাল মারামারী ছড়াছড়ী দেখলুম। কিন্তু জাপানে এরূপ নয়। সেখানকার লোক সহজে চটে না। একজনকে আর এক জনে ঠেলে দিলে সে কিছুই বলে না, সহ করে রইল, কিন্তু যখন চটে তখন ভয়ানক। আবার চীনের লোকেরা অনেকটা আমাদেরই মত—জাহাজে উঠতে নামতে মারামারী ছড়াছড়ী গোলমাল করুক। শক্তি যে সংঘম অভ্যাস করে প্রয়োগ কর্তে হয়, এ তারা জানে না। যাদের শক্তি আছে তারা সংঘম অভ্যাস করে বলেই শক্তি পায়। আমাদের রবিবাবু

লিখেছেন যে “আমরা আগেই হৈ চৈ করে শক্তি ক্ষয় করে ফেলি, পরে কাজের সময় শক্তি থাকে না। এই হৈ চৈ খুব খারাপ এতে মানুষের শক্তি ক্ষয় হয়। বিশেষ করে আচ্ছ তরুণদের কথাই বলি। আমাদের এ দেশের তরুণগণ যখন কোন সভায় গিলিত হয় তখন বস্ত্রের জায়গা নিয়ে তাদের ভিতর একটা হৈ চৈ ছড়াছড়ী আরম্ভ হয়। এরূপ সংঘমের অভাব হলে কি করে দেশের উন্নতি লাভ হতে পারে। আমি এখানে বসেছি, আমি কোন মতেই এখানে ছাড়ব না। অল্প একজন এক স্থানে বসেছে তাকে সেখান হতে দূর করে আমি বসব এভাবে থাকলে কিছুই হবার নয়। যে বড় হয় তাকে ত্যাগ স্বীকার করতে হয়। সুতরাং ছেলেদের সম্বন্ধে এটা খুবই দরকারী কারণ এই তাদের শিক্ষার সময়। পরের প্রতি একটা দায়িত্ব জ্ঞান থাকা খুবই দরকার। আমি একটা জায়গা দখল করে বসেছি সেটা তাকে দিব না এই ভাব আমাদের দেশে সকলের মধ্যেই দেখা যায় কেবল ছেলেদের মধ্যে নয় বড়দের মধ্যেও দেখা যায়।

আমাদের মধ্যে দেখা যায় যে যত নিতে পারে সে তত বাহাদুর তত বড় লোক; এ ভাবটা পূর্বে ভারতে ছিল না। এ ভাবটা পশুদের মধ্যেই দেখা গিয়া থাকে, তারা হাম্বড়া। একটা ঘাঁড় যেখানে থাকবে, অল্পটাকে সেখানে কিছুতেই থাকতে দিবে না। কিন্তু মৌমাছিদের মধ্যে তা নয় তারা দলবদ্ধ হইয়েই থাকে—এক সঙ্গে বাস কর্তেই ভালবাসে। একে বলে Team spirit, এই জিনিষটা আমাদের খুবই দরকার। পূর্বে এদেশে village community ছিল তাতে সবাই দলবদ্ধ হ'য়ে বাস কর্তে। এখন আর এ ভাবটি তেমন নেই। এই ভাবটা এদেশে জাগিয়ে তুলতে হবে। অল্প দেশ দেখে দেখে আমাদের দেশের এই ভাব দেখে বড়ই দুঃখ হচ্ছে। আমাদের দেশে পরস্পর এক সঙ্গে থাকার ভাবটার বড় অভাব। আমাদের ভাব হচ্ছে আমি যতটা পারি নিয়ে নিব—তোমাকে দিব না। এই অবস্থাটা খুব খারাপ।

ইংরেজী মতে একটা কথা আছে A Healthy mind in a healthy body আমি তার বাংলা করেছি “তনু ছরন্তে মন ছরন্ত”। বাস্তবিক শরীর ভাল না থাকলে মনে তেজ আসবে কোথা হতে? Duke of

* শ্রীযুক্ত শশীধর চক্রবর্তী মহাশয়ের সৌজন্যে এই পত্রখানা মুদ্রণের জন্ত প্রাপ্ত হইয়াছি। সৌঃ সঃ

যেন একটা বিবাক্ত ভীরের আঘাতে, তাহাকে বিধ্বস্ত করিয়া ফেলিতে চাহিল। আমিনা একটা দীর্ঘশ্বাস ফেলিয়া এবং পরিহাসের সহিত ভীত কণ্ঠে বলিল “বাদসা! সাহেব! আমি তো আপনার নিকট মুক্তি চিকার প্রার্থী নই। মানুষের অন্তর চিরদিনই মুক্ত, বাহ্যিক বন্ধনের অসীম ভাঙনে, তাকে সীমাবদ্ধ করে রাখতে পারে না। আমি এই বন্ধন কারাকক্ষে বসে, আমার মনকে নিয়ে, বিগ্ন ব্রহ্মাণ্ড ঘুরে বেড়াচ্ছি। উন্মুক্ত চিন্তা তরঙ্গে,—আমার মন আলোড়িত হচ্ছে,—এর প্রতিরোধ করবার শক্তি আপনার আছে? আমি যে দিন আপনার অন্তরে প্রবেশ করেছি সে দিনই, আমি স্বইচ্ছায় বন্দী সেজেছি। খোদা যে দিন মুক্তি দিবেন, সে দিনই মুক্ত হব? আমাকে মুক্তি দিবার আপনি কে? তবে—কক্ষের বাইরে স্বাধীন ভাবে চলার কথা বলছেন,—তা’ স্ত্রীলোকের পক্ষে সেরূপ স্বাধীনতা কোন দিনই বাঞ্ছনীয় নয়,—তা’তে বিপদের আশঙ্কাই যথেষ্ট।”

বাদসা সাহেব প্রকৃত্তরে ঈষৎ যেন কুণ্ঠিত হইয়া পড়িলেন। কয়েক মুহূর্ত্ত স্তব্ধ থাকিয়া, তখনই আবার প্রকৃতিস্থ হইলেন। তিনি সবেগে বলিলেন—সে রূপ কিছু বলার উদ্দেশ্য আমার নেই, তোমার অগ্রান্ত্র স্ত্রীলোকের ত্রায় চলা ফেরার স্বাধীনতা ফিরিয়ে দিতে আমি এসেছি। আমিনা! আমাকে কমা কর, আমি না বুঝে তোমাকে বন্দী করেছিলুম—তজ্জন্ত আমি খুবই অনুতপ্ত হয়েছি।”

বাদসার উক্তি শুনে আমিনার অন্তর অসীম উত্তেজনার আন্দোলিত হইতে লাগিল। তাহার আননে বিক্রমের হাসি ফুটিয়া উঠিল। সে ক্রক্টিবন্ধনে,—বাদসার প্রতি তাকাইয়া বলিল—কমা! কমা করবার আমি কে বাদসা সাহেব? আমি বাদী,—তা’র বেগী কিছু নই। বাদসার যিনি বাদসা একমাত্র তিনিই—আপনার কমা করতে পারেন। একটা অসহায় স্ত্রীলোককে বন্দী করে, আপনি হয়ত, আত্ম-শক্তি ক্ষুরণের পস্থা নির্দেশ করেছেন,—কিন্তু আমার মনে হয়, আপনার এ সমস্ত তৎপরতা, আপনার কাপুরুষতারই পরিচায়ক।

বাদসা সাহেব আমিনার পরিহাসের তীক্ষ্ণ-বাণে ততটুকু বিচলিত হইলেন না। আমিনার তির, ধীর, গাভীর্ঘা ও অকুতোভয়তা তাহার চিন্তে যেন একটা বিশ্বয়ের প্রলেপ

লেপিয়া দিল। বাদসা সাহেব নিতান্ত সহজ ভাবে বলিলেন—“আমিনা! আমি তোমার প্রকৃত পরিচয় পেয়েছি। তুমি শত বাণ্য বাণে জর্জরিত করলেও—আমি তোমাকে প্রীতির চক্ষেই দেখব।”

আমিনা অর্থাৎ বিশ্বয়ে বাদসার প্রতি তাকাইয়া ভাবিতে লাগিল—আমার প্রকৃত পরিচয় সংগ্রহ করেছে? সে আবার কিসে সম্ভবপর হতে পারে? দৌলৎ আমার অনেকটা পরিচয় পেয়েছে। দৌলৎ বাদসাকে সব প্রকাশ করে দিয়েছে? না—তা’ হতে পারে না। প্রকাশ্যে বলিল “বাদসা সাহেব আমি কুদ্র নারী, আশ্রয়হীন, আমার কি পরিচয় আপনি সংগ্রহ করেছেন?”

বাদসা সাহেব শান্ত ও সংযত স্বরে, কাজী সাহেবের উক্তির স’র অংশ, সরল ভাবে বিবৃত করিয়া ফেলিলেন। হোসেনের সহিত মতিয়ার বিবাহ দিতে তিনি যে কৃতসংকল্প হয়েছেন, তাহাও জানাইয়া দিলেন।

বাদসার উক্তি শুনে আমিনার শরীরে মধ্যো,—অকস্মাৎ যেন একটা আনন্দের শিহরণ, তরঙ্গ তুলিয়া চলিয়া গেল। বিজয় পূর্ণ আনন্দের একটা উৎকট হর্ষচ্ছটার আমিনার আশা হত মলিন মুখ,—সুখোদ্দীপ্ত হইয়া উঠিল। তাহার নিকট সমস্ত ঘটনা একটা গভীর দুর্ভেদ্য রহস্যের মতই প্রতীয়মান হইতে লাগিল। সে মুহম্মদ হাসির ছটায়, মরকত মণিপ্রভ আরক্ত অধর রঞ্জিত করিয়া, সকৌতুকে উত্তর করিল “বাদসা সাহেব। খোদার ইচ্ছায়—অসম্ভব ব্যাপারও, বাস্তবে পরিণত হ’তে পারে,—তিনি তাহার নিপুণ কর্মস্পর্শে, এক মুহূর্ত্তে সমস্ত অস্বস্তি ও অশান্তির অবসান করে দিলেন। আমার পরিচয় আপনি পেয়েছেন,—হয়ত এই আত্ম গোপনের প্রসঙ্গ নিয়ে আপনি আমার প্রতি খুবই অসন্তুষ্ট হয়েছেন। কিন্তু বাদসা সাহেব! আজ আমার প্রাণে যে তৃপ্তির সঞ্চার হয়েছে, তাঁর তুলনা জগতে নেই। আমি যে মহাত্রত উদ্ভাবনের জগ্নি নিজেকে অসীম বিপদ সমূহ পথে ফেলে দিয়েছিলুম,—তার পশ্চাতে গভীর স্নেহের ক্ষুরণ ছাড়া আর কিছু ছিল না। আজ আমার তৎপরতা সাফল্য মণ্ডিত হয়েছে দেখে, খোদাকে শত শত ধন্যবাদ জ্ঞাপনের অবশান গ্রহণ করছি। আমি কুদ্র নারী, আপনাকে খুবই প্রতারণা করেছি,—তজ্জন্ত কমা প্রার্থনা করছি।”

কলা সম্পন্ন করাবে,—তখন আমি,—আশার শেষ কণা
আতা টুকু মন হতে মুহে ফেলতে বাধ্য হলেম। তাই আজ
বিষ সংগ্রহ করে,—আমার অস্তিত্ব গোপন কতে বসেছি।

আমি তোমার পরিত্যক্তা,—তুমি আমার কেউ নও,—
একথা ভাবতেও আমার বুক ভেঙ্গে যেতে চাচ্ছি,—তোমাকে
ছেড়ে আর কেউকে পতি রূপে বরণ কতে হবে,—একথা
চিন্তা কতেও,—আমার অন্তর, শতধা হয়ে ছিন্ন হতে
চাচ্ছিল। যা কখনও ভাবিনি,—যা ঈশ্বরিত নয়,—নে
অবস্থা বরণ করে, কৃত্রিম অভিনয় কতে, যেটুকু শক্তির
প্রয়োজন, তাই আমার নেই! ঠৈশব হতে তোমাকেই
চিনেছিলুম,—তোমাকেই চেয়েছিলুম,—তোমাকে পাবনা,...
এত বড় অভিসম্পাত বরণ করার মত শক্তি সঞ্চয় করার
কর্তৃত্ব গম্বুত ছিলুম না!

নারী সব ভাগ কতে পারে,—কিন্তু মনমাতা নো পবিত্র
ভাগবাসার স্মৃতিটুকু বিসর্জন দিয়ে, আবার নূতন ভাবে মন
গড়ে নিতে পারে না! যদি সেরূপ কতে চেষ্টা করে—
তবে সে নিজে ত পুড়ে মরেই,—বিনা ঘোষে অপরকেও
পুড়িয়ে মারে! এ ত তুমি বুঝলে না,—বুঝতেও চাইলেনা
যদি কোন দিন,—এ অভাগিনীকে স্মরণ করে,—একটা
দীর্ঘশ্বাসও যদি তার জন্ত ফেলতে চাও,—তবে মনে রেখো,—
সে দীর্ঘশ্বাস টুকুই—আশীর্বাদরূপে,—আমাকে পরপারে
শান্তি দিবে!

আজ মৃত্যুরূপে বসেছি,—তুমি আমারি ছিলে, আজ
পর্যন্ত আমারি আছি,—আমার মৃত্যুর পরও—আমি তোমারি
থাকব। তুমি আমারি, এ স্মৃতি নিয়ে আজ বিদায় নিচ্ছি,—
কাল, বিয়ের পরে, সে সৌভাগ্য হরত আমার ঘটে উঠবে না
কাল হরত আমি অপরের হব.—তোমার ছায়াচিন্তা টুকুও
ঘোর পাগ পকে ডুববার একটা অস্ত উপাদান আখ্যা দিয়ে—
নরকের দিকে টেনে নিতে চাইবে। তাই—আজ এই শুভ
মুহুর্তে বিদায় নিতে চাইছি। অনেক লিখবার ছিল,—লিখবার
শক্তি ত আর নেই,—সবই এগোমেলো হয়ে যাচ্ছে, শত
অপরাধ তুলে,—আমাকে ক্ষমা করে,—তবে যাই।
এ অঙ্গের মত হও ভাগিনী দৌলতরেছা বিদায়!

পত্র পাঠ করিয়া সাহাজাদা—একেবারে উন্মত্ত অধীর
হইয়া উঠিলেন। দৌলতের মুখের উপর দৃষ্টি সংকুত করিয়া

অশ্রু বঁধ মুক্ত করিয়া দিলেন! শেষে অসীম অমঙ্গল
চিন্তায়, উচ্ছ্বসিত হইয়া, বাগকের স্তম্ভ উঠে.খরে ক্রন্দন
করিতে আরম্ভ করিলেন। সেই ক্রন্দনধ্বনি শ্রবণ করিয়া
অন্ধের প্রায় সকলেই আসিয়া, কক্ষ মধ্যে জড় হইল।
প্রকৃত ব্যাপার অবগত হইয়া, সকলেই অসীম অশ্রু অধুতব
করিতে লাগিল। বাদসা সাহেব, “হে কিম” আনাইবার
জন্ত লোক পাঠাইয়া দিয়া, স্বয়ং দৌলতের শয্যা আসিয়া
উপবেশন করিলেন। বেগম সাহেবা উন্মাদিনীর স্তম্ভ
ছুটিয়া আসিয়া, দৌলতের সংজ্ঞাহীন দেহ বক্ষে টানিয়া
হইয়া,—অশ্রুজলে বক্ষসিক্ত করিতে লাগিলেন। মুহুর্তের
মধ্যে, অন্ধরের ছোট, বড় সকলেরই মুখে ভীষণ হাহাকার
ধ্বনি উৎপিত হইতে লাগিল।

বঙ্গ সাহিত্যে বিপ্লব

(শ্রীউপেন্দ্র চন্দ্র রায়)

সমাজ বিপ্লব ঐ বিপ্লব প্রভৃতির সঙ্গে সঙ্গে আজ কাল
বঙ্গ সাহিত্যে ও তরানক বিপ্লব আত্মপ্রকাশ করিয়াছে।
পরিবর্তনের সময় উপস্থিত হইলেই বিপ্লব অবশ্যস্বাভাবী। এ কথা
যথার্থ হইলেও বিপ্লবের ইহাই একমাত্র কারণ নহে।
তীক্ষ্ণদর্শী ও ক্ষমতামালী নেতার অভাবে যে অরাজকতা ও
স্বৈচ্ছাচারিতা দেখা দেয়, তাহাকেও বিপ্লব সংজ্ঞায় অভিহিত
করা যাইতে পারে। বঙ্গ সাহিত্যের বর্তমান বিপ্লব এই
শ্রেণীর অন্তর্গত।

বাগক কালের কথা মনে হইতেছে—তখন বঙ্কিম চন্দ্র,
হেম-নবীন, রমেশ চন্দ্র, কালীপ্রসন্ন প্রভৃতি সাহিত্যরথিগণ
বঙ্গবঙ্গীর সেবার্চনার নিযুক্ত। সে দিক্‌পালগণ অতি
সতর্ক দৃষ্টিতে মাতৃ মন্দিরের এক এক দিক্ রক্ষা করিতে
ছিলেন—কোন অনধিকারী প্রবেশ করিয়া মন্দির প্রাঙ্গণ
কলঙ্কিত করিতে পারে নাই। সেটা বঙ্গদর্শনী যুগ। বঙ্গ-
দর্শনের বঙ্কিমচন্দ্র তখন সাহিত্য সম্রাট। বঙ্গদর্শনের
সমালোচনা সম্বন্ধে তখন সাহিত্য ক্ষেত্রে সর্বপ্রকার
আবর্জনা হইতে মুক্ত রাখিয়াছিল। তখন সাহিত্যের আসরে
নামিয়া হুঁচরজন অন্তরঙ্গ বন্ধুর বাহাবাগ সাহিত্যসেবী
বন্ধিরা পরিচিত হইবার যো ছিল না। সম্বন্ধনীপাণি

আহরণ করিয়া যেমন মধুকুম রচনা করে, শ্রেষ্ঠ ঔপন্যাসিক-গণ তেমনি বিভিন্ন মানব চরিত্র হইতে সার সত্য টুকু উদ্ধার করিয়া লইয়া উদ্ভাৱা মানবাত্মার পুষ্টিকর উপাদেয় খাদ্য প্রস্তুত করেন। ঐরূপ সুরচিত মধু চক্রে মানবাত্মা যুগ যুগান্ত কাল 'আনন্দে করিবে পান সুখা নিরবধি'—

বাঙ্গালা দেশের প্রাচীন ঔপন্যাসিকগণের দৃষ্টি একটু দূরগামিনী ছিল। তাঁহারা শুধু লোকালয় দেখিয়া সন্তুষ্ট হইতেন না। লোকালয়ের বাহিরে কাননে কাস্তারে মনুষ্য সমাজের যে একটা বিশিষ্ট ও গরীষ্ট অংশ বর্তমান, তাহা তাহারা বিস্মৃত হইতেন না। গিরি কাননের সহিত লোকালয়ের যোগ বন্ধন আধ্বাঙ্কিক জ্ঞানের সহিত বৈষয়িক জ্ঞানের সংমিশ্রণ, তাঁহারা মানব জাতির পক্ষে অতি কল্যাণকর মনে করিতেন। একটা জাতি গড়ার পক্ষে এতদপেক্ষা উৎকৃষ্ট উপায় আছে কিনা জানি না। তবে হুঁচারণানা গ্রন্থে যে তাহার ব্যতিক্রম দেখা যায় না, এমন কথা বলা চল না। ভালমন্দ সকল সময়েই আছে এবং থাকিবেই সংখ্যার আধিক্য এবং প্রাধান্যের প্রতি লক্ষ্য করিয়াই শেষ। স্ফূর্ত্ত উপনীত হইতে হইবে।

আধুনিক ঔপন্যাসিকগণ প্রাচীনদের মত ততটা পরিশ্রমের আবশ্যকতা স্বীকার করেন বলিয়া বোধ হয় না। তাঁহারা শুধু লোকালয়ের প্রতি বদ্ধ দৃষ্টি। সে দৃষ্টি স্মলক্ষনা হইলে আমাদের অভিযোগের বিষয় বিশেষ কিছু ছিল না। আজ তাঁহাদের কলুষিত দৃষ্টি বাঙ্গালীর অন্তঃপুরে প্রবেশ করিয়া দারুণ অশান্তির সৃষ্টি করিয়াছে। ইহারা ব্রীড়াসঙ্কচিত অন্তঃপুর চারিনিগণকে নিতান্ত কুৎসিত ও উচ্ছৃঙ্খল ভাবে বিশ্বের দরবারে উপস্থিত করিয়া অপার আনন্দ উপভোগ করিতেছেন। সাহিত্যে এ হেন হুঁশাসনী নীতির সাদর সম্বন্ধনা বাঙ্গালীর জাতীয়তার ইতিহাসকে নিতান্তই কলঙ্ক মণ্ডিত করিয়া তুলিতেছে। শুধু কতক গুলি উদ্ভাসিত চিত্র তরুণ সাহিত্যিকের বৈরচারিতা আমাদেরকে ফুরুর বা ভীত করিতে পারিত না। আজকালকার কোন কোন মাসিক সাহিত্য পর্য্যন্ত পূর্বোক্ত প্রকারের গল্পোপন্যাস প্রচার এবং রমণীর সযত্ন লুক্কাইত বন্ধের লগ্ন চিত্র প্রকাশ অতি প্রশংসনীয় কার্য মনে করিতেছেন শুনিত পাই ইহাই নাকি এ যুগে মাসিক সাহিত্যের জীবন রক্ষার এবং বিপুল প্রচারের সুগিষ্ঠিত অথচ অব্যর্থ কৌশল।

সত্যই কি বাঙ্গালীর আজ এত দূর অধঃপতন? কিছু কাল পূর্বে মার্জিত:রুচি শিক্ষিত সম্প্রদায় 'বিশ্বাস্তর' অশ্লীলতা দোষে দৃষ্ট বলিয়া ভারতচন্দ্রকে সাহিত্যের দরবার হইতে গলা ধাক্কা দিয়া বাহির করিয়া দিতে উদ্যত হইয়া ছিলেন। খুব বেশী দিনের কথা নয়, সাহিত্য সম্রাট বঙ্কিমচন্দ্র স্বামী স্বীর প্রণয় সম্ভাষণ কাহিনী, বিবৃত করিতে যাইয়া বৃদ্ধ কালের অসাবধানতা প্রযুক্ত উহার সুখসমাধি 'চুষন' কথাটি জিহ্বাগ্রে আসিবা মাত্র শিক্ষিত বাঙ্গালীর দিকে চাহিয়া শঙ্কাকুল চিত্তে বলিয়াছিলেন—'মার্জিত রুচি নবীন পাঠক হয়ত এইখানে বই পড়া বন্ধ করিবেন। আর আজ সেই বাঙ্গালী রমণীর লজ্জাকর অশ্লীল চিত্র কাহিনী নিরঙ্কন অবসর বিনোদনের প্রধান সহচর রূপে গ্রহণ করিতেছেন ভাবিয়া, আমরা বড়ই বিষয়াভিত্ত হইয়া পড়িয়াছি। ঠায়! নেতৃহীন বাঙ্গালা সাহিত্য আজ তোমার বক্ষের উপর পৈশাচিক লীলাভিনয় দর্শন করিয়া, আমরা নীরবে অশ্রু সিসর্জন করিতেছি।

আমরা এক্ষণে কবিতা সম্বন্ধে হুঁচারণিটি কথা বলিয়া বর্তমান প্রবন্ধের উপসংহার করিব। কবিতা প্রসঙ্গে পত্র সাহিত্যই আমাদের আলোচ্য বিষয় ইহা যেন কেহ বিস্মৃত না হন।

বর্তমান বাঙ্গালীর 'মেঘনাদ বধ' 'বৃত্ত সংহার' অথবা 'পলাশীর বুদ্ধের' গায় কাবাগ্রন্থের অতাস্তাভাব বলিয়া আমরা দুঃখ প্রকাশ করিব না। কারণ প্রতিভা ধাতার বিশেষ দান। উহা সকল সময়ে এবং সকল ব্যক্তিতে সম-পরিমাণে বিতরিত হয় না। আধুনিক কবিতার সিদ্ধান্তনি নাই। বীণার উচ্চ স্বর নাই—আছে শুধু মধুকরের মূহ আলাপন তাহাও না হয় কান পাতিয়া শুনিয়া কোন প্রকারে রস ভোগ করিলাম। কিন্তু যাহাতে কবিতার পত্তন—সেই ছন্দের সুপ্রণালী বন্ধ বন্ধন ও শব্দাকরে সুচারু বিচারের প্রতি উপেক্ষা প্রদর্শন আমরা অমুদ্বৈগ চিত্তে সহ্য করিতে পারিতেছি না। বেদমন্ত্র যেমন গেষ এবং তাহা যথাযথ সুরতানে ধ্বনিত না হইলে আগ্রত হয় না। তেমনি পত্র ও গীতিকার বই আর কিছুই নয়; ছন্দোবন্ধন দোষে উহাতে সুর যোজনায় ব্যাঘাত ঘটিলে নিতান্তই প্রাণহীন হইয়া পড়ে। কেহ দেখতার ধ্যানগত মূর্ত্তি গড়িতে যাইয়া

হির নির্দিষ্ট করিয়া দিয়া ও একমাত্র সেই অংশটির উপরই কৌণিক দিয়া আমরা তাহাকে কোনও বিশেষ শ্রেণীভুক্ত করিয়া ফেলি কিন্তু প্রতি মাতৃষের মধ্যেই তাহার সমগ্র দিবা সম্ভাবনা নিহিত রহিয়াছে! শূদ্রকে তাই তার শূদ্রত্বের মধ্যে শক্ত করিয়া বাঁধা যায় না। ব্রাহ্মণও তার ব্রাহ্মণের মধ্যেই শুধু সীমাবদ্ধ নহে। পরস্তু প্রত্যেকেই তার গভীরতর চেতনায় দিব্য মানবতার অপরাপর উপাদান সমূহ ধারণ করিয়া আছে। ঐ গুলিরও দিবা সার্থকতা ও পরিপূর্ণতার প্রয়োজন আছে।

অবশ্য কলিযুগে এই সকল উপাদান একটা অন্ধ অনিয়মের মধ্যে ক্রিয়া করিতে থাকে ও আমাদের সম্ভার মাঝে একটা অরাজকতার সৃষ্টি করিয়া নব শৃঙ্খলা-লাভের সকল বিশৃঙ্খল প্রয়াসই বাধা করিয়া দেয়। মধ্যযুগের নিয়ম শৃঙ্খলা একটি অসম্পূর্ণ আদর্শেরই আশ্রয় নিয়া টিকিয়া থাকে—তখন কতকগুলি গুণের উৎকর্ষের জন্য অপর গুণগুলি দাবাইয়া দেওয়া হয়। কিন্তু সত্যযুগের ধর্ম হইতেছে আমাদের সম্ভার সমগ্র সত্যের এক সুবৃহৎ বিকাশ। একটি স্বতঃস্ফূর্ত ও স্বতঃসিদ্ধ দিবা সামঞ্জস্যের উপলক্ষি এই বিকাশের উপায়। যুগাবর্তের ক্রম প্রসারণের মধ্য দিয়া মাতৃষের সাধ্য অসুসারে যতটা সম্ভব, তাহার অধাত্ম সম্ভার স্বভাবসিদ্ধ আলো, জ্ঞান, শক্তি ও দিব্য গুণাবলীর ক্রম বিকাশের উপরেই ইহা নির্ভর করে।

পুস্তক পরিচয়

কানন কাহিনী—শ্রীযুক্ত রেবতীমোহন সেন লিখিত। দাম ১।০ টাকা। প্রাপ্তিস্থান ভট্টাচার্য্য এণ্ড সন্স ঢাকা ও নয়মনসিংহ, গুরুদাস চট্টোপাধ্যায় এণ্ড সন্স ইত্যাদি।

আমরা এই বইখানা পড়িয়া বিশেষ সুখী হইয়াছি। বিপদের সঙ্গে সংগ্রাম করিবার প্রবৃত্তি জাগাইবার সঙ্গরক কথা বা কাহিনী আমাদের সাহিত্যে বিরল। এই দৈন্ত দূর করিবার পক্ষে এই জাতীয় বইয়ের বহুল প্রচার আবশ্যিক। বইখানিতে অনাবশ্যক অসম্ভাবিতার আশ্রয় নেওয়া হয় নাই, কোন প্রকার কুরুচির নিদর্শনও ইহাতে নাই। আমরা প্রত্যেক বালক-বালিকার হাতে এই বই দেখিলে সুখী হইব। বইখানির বহিঃসৌষ্ঠব ও উত্তম এবং অনেকগুলি সুন্দর চিত্রে ইহা আরও মানোরম হইয়াছে। বর্তমান সংখ্যায় সৌরভের

পাঠকবর্গ একখানি চিত্রের নমুনা দেখিতে পাইবেন **জগন্নাথ**—মুলা চারি আনা। প্রাপ্তিস্থান রায় চৌধুরী এণ্ড কোং ১৩নং বোবাজার স্ট্রীট কলিকাতা।

দি ওয়ার্ল্ড মাদার নামক ইংরাজী পত্রিকার প্রথম খণ্ডের প্রথম সংখ্যা হইতে শ্রীহরিকুমার রায় চৌধুরী কর্তৃক অনুদিত এই পুস্তক বিক্রয় লক্ষ অর্থ 'নিমতা সমবায় মাতৃসমিতি লিমিটেডের সাহায্যার্থে প্রদত্ত হইবে। পাশ্চাত্য সভ্যতার অসুসঙ্গ পুস্তকের সহিত সমানাধিকার লাভের জন্য চেষ্টা না করিয়া বাহাতে প্রত্যেক নারী পূর্ণমাতৃত্বের অধিকারিণী হওয়ার জন্য সচেষ্টা হন তাহাই এই পুস্তকের মূল প্রতিশ্রুতি বিষয়। পুস্তকের উদ্দেশ্য মহৎ কিন্তু বক্তব্য বিষয়টি অনেকাংশেই ত্রুটিযুক্ত রহিয়াছে।

শোক সংবাদ

প্রসিদ্ধ ঐতিহাসিক 'সিরাজুদ্দৌলা' গ্রন্থ প্রণেতা অক্ষয় কুমার মৈত্রের আর ইহ জগতে নাই। গত ২৭শে মার্চ সোমবার প্রাতে রাজসাহী নিজ বাসায় পরলোক গমন করিয়াছেন। অক্ষয় কুমার ঐতিহাসিক গবেষণার ক্ষেত্রে অসামান্য কৃতিত্বের পরিচয় প্রদান করিয়া গিয়াছেন। তিনি স্বাধীন ভাবে ঐতিহাসিক আলোচনার যে পরিচয় দিয়াছেন তাহাতে ঐতিহাসিক বিদ্বজ্জন মণ্ডলীর নিকট তাঁহার নাম ঐশ্বরীয় হইয়া বিরাজ করিবে। দীর্ঘা পাতিয়ার কুমার শরৎ কুমার রায়ের সাহায্যে তিনি যে বারেন্দ্র অনুসন্ধান সমিতি স্থাপন করিয়াছিলেন, তাহা দ্বারা বারেন্দ্র ভূমির লুপ্ত ঐতিহাসিক বিভব বহুল পরিমাণে উদ্ধার সাধিত হইয়াছে। তাঁহার ভাষা ওজস্বিনী অথচ তাহাতে মাদুর্য্যের অভাব নাই। তাহার সম্পাদিত "গৌড়রাজ মালা" ও "গৌড়লেখ মালা" ভাষার সম্পদ। অক্ষয় কুমার বাঙালা সাহিত্যে যাহা দান করিয়া গিয়াছেন সে সম্পদ চিরকাল বাঙালী স্মরণ করিবে। আমরা তাহার শোকসন্তপ্ত পরিবারের সহিত সমবেদনা জ্ঞাপন করিতেছি।



